

ମାର୍କ ଲିଖିତ ସୁସମାଚାର ମାର୍କ ଗୁଆରକ୍ସେ ନିମାଣ୍ଡା ସାମୁଆଁ ମାର୍କ ବଇ ବିସୟରେ ଉଠଡ଼ିକ୍ସିଗ୍ ସାମୁଆଁ

ଜିସୁ କ୍ରିଷ୍ଟୁନେ ଜିବନ୍ଦକେ ବର୍ଣ୍ଣନା ତିଙ୍ଗ୍ନେସା ମି ନିୟମ୍ ଅରିଆ ଅଁ କ୍ଲିଗ୍ ପୁସ୍ତକ୍ ବାନ୍ ମାର୍କ ଗୁଆରକ୍ସେ ନିମାଣ୍ଡା ସାମୁଆଁ ତିଙ୍ଗ୍ ତିଙ୍ଗ୍କେ ମୁଇଙ୍ଗ୍ । ମେଁ ସାପାରେକେ ନିମାଣ୍ଡା ସାମୁଆଁ ବାଲିର୍ ମ୍ୟାକେ ଜାନେ ଅର୍ତ୍ତ “ନିମାଣ୍ଡା କବର୍ ।” ଆଡେନ୍ଦ୍ ଜିସୁନେ ଗୁଏକ୍ସେ ବାନ୍ ମାଡିଉ, ମାର୍କ, ଲୁକ୍ ଆରି ଜହନ୍ନେ ବାନ୍ ଗୁଆର୍ ତିଂଲେଃକେ । ଅଁ କ୍ଲିଗ୍ ନିମାଣ୍ଡା ସାମୁଆଁବାନ୍ ମାର୍କ ଗୁଆରକ୍ସେ ନିମାଣ୍ଡା ସାମୁଆଁ ତିଙ୍ଗ୍ ତିଙ୍ଗ୍କେ ସାପାବାନ୍ ତାଆଁ । ଆକେନ୍ ତିଗ୍ ବିସ୍ବାସ୍ ତିଙ୍ଗ୍ଆର୍ଏ ଜେ ଆକେନ୍ ନିମାଣ୍ଡା ସାମୁଆଁବାନ୍ ସାପାବାନ୍ ପଏଲ୍ କିସ୍ଟାବ୍ଦ ଞ୍ଜିକ୍ତୁଡି ମାଲ୍ ଗୁଆ ବିଡ୍ରେ ଗୁଆର୍ ବକେ । ଜବର୍ ଗିଆନ୍‌ଣ୍ଡେ ବିସ୍ବାସ୍ ତିଙ୍ଗ୍ଆର୍ଏ ଜେ ରୋମ୍ ଅରିଆ ଲେଃକ୍ସେ କିସ୍ଟିୟାନ୍‌କେ ସାର୍ଦା ଆଡିଙ୍ଗ୍‌ସା ରୋମ୍‌ଅରିଆ ଆକେନ୍ ଗୁଆର୍ ବଆରକେ । ମାର୍କ ଜାଣ୍ଡେ କି ଜହନ୍ ମାର୍କ ମ୍ନିରେ ମ୍ୟାଲେଃଆକେ ମେଁ ପାଉଲ୍ ଆରି ବର୍ଣ୍ଣବାନେ ସାଙ୍ଗ୍‌ଡେ ଲେଃଗେ ମାଡର୍ ଉଡିବେଲା ମେଁ ଆମେଇଂକେ ମିସ୍ନାରି କାମ୍‌କେ ଆନ୍ତାର୍ତେ ପାଙ୍ଗ୍‌କେ ଆଡେନ୍‌ବେଲା ମେଁନେ ଜିବନ୍ ନ୍ନିଆ ଦୁକ୍ କସ୍ ପିଙ୍ଗ୍‌ଟାକେ ପ୍ରେରିଡ୍ ୧୩:୧୩ । ଇଡିଂଡେ ବେଲା ମାର୍କ ଆରି ମୁଇଙ୍ଗ୍ ତର୍ ବର୍ଣ୍ଣବାନେ ଏଡେ କାମ୍ ତିଙ୍ଗ୍ଆରକେ ପ୍ରେରିଡ୍ ୧୫:୩୭-୩୯ । ମାର୍କ ତିଗ୍ ପିତର୍‌ନେ ମୁଇଙ୍ଗ୍ ଅସେନେ ମିଡ୍‌ମାସ୍ଦ୍ ସୁଗୁଆ ସ୍ନାମୁଆଁ ଲେଃଗେ ୧ ପିତର୍ ୫:୧୩ । ଜଦି ତିଙ୍ଗ୍ ମାର୍କ ମୁଇଙ୍ଗ୍ ଜିସୁନେ ଜିବନ୍‌ନେ ସାପା ସାକି ଆଲେଃଲା ତିଲାଡିଗ୍ ଖାନ୍‌ଇଙ୍ଗ୍ ବିସ୍ବାସ୍ ତିଙ୍ଗ୍‌ମ୍ୟାକେ ଜେ ମେଁ ପିତର୍‌ନେ ସାକି ଆଡାତ୍ରା ଆସାତେ ନିଜେନେ ନିମାଣ୍ଡାସାମୁଆଁ ଗୁଆର୍ ବକେ ।

ନିମାଣ୍ଡା ସାମୁଆଁ ଅରିଆ ମାର୍ଚ୍ଚକ ସିସ୍‌ଇଂ ଆରି ଜିବନ୍ ତାନେ ବେଲା ବିସୟରେ ଜିସୁକେ ସିକ୍ୟା ଆଡ଼ାଡ଼ା ଇକ୍‌ଚା ତିଜ୍‌ଚେ ବେକେ । ମାର୍ଚ୍ଚକ ଆକେନ୍ ପୁସ୍‌ତକ୍ ଅରିଆ ଜିସୁ କ୍ରିଷ୍ଟକେ ମୁଇଙ୍ଗ୍ ଦରମ୍ ଦାସ୍ ଆରି ପରମେସର୍‌ନେ ଇକ୍‌ଚାକେ ପୁରନ୍ ଆଡ଼ିଙ୍ଗ୍ ନ୍‌ସା ସାପାବେଲେ ତିଆର୍ ତିଜ୍‌ଲେଃନେ ପ୍ରିଅ ଉଙ୍ଗ୍‌ଡେ ସୁଗା ସାମାଦାନ୍ ଆଡ଼ିଙ୍ଗ୍‌ବକେ ଆଡେନ୍‌ସା ମେଁ ସାମୁଆଁରେ ଜିସୁନେ ଇରିଆଡୁଗ୍ ମ୍ଲେ ସାମୁଆଁରେ ଗୁଆର୍ ମ୍ୟାକେ । ସାରାସାରି ମେଁ ସାପା ମଞ୍ଚପୁର୍ ଅରିଆ ନିମାଣ୍ଡା ସାମୁଆଁ ତିଜ୍‌ନେ ମ୍ଲା ଆଦେସ୍ ଏଡେ ଆକେନ୍ ନିମାଣ୍ଡା ସାମୁଆଁ ଗୁଆର୍‌କ୍ଲେ ବନ୍ ଆଡ଼ିଙ୍ଗ୍‌କେ ।

ସାସ୍ତର ବିଡ୍ରେ ଲେଃକେ ସାମୁଆଁକ୍

୧. ଦିକ୍ୟାଣ୍ଡେ ଜହନ୍ ଆରି ଜିସୁନେ ତୁବନ୍ । ୧:୧-୧୩
୨. ଗାଲିଲୀନ୍ନିଆ ଜିସୁନେ ସେବା କାମ୍ । ୧:୧୪; ୯:୫୦
୩. ଯିରୁସାଲାମ୍ ଅରିଆ ଜିସୁନେ ଖେନେ ଆରି ମନ୍ଦିର୍ ନ୍ନିଆ ରିଃଗାଃନେ । ୧୦:୧-୫୨
୪. ଜିସୁନେ ସାମୁଆଁ । ୧୩:୧-୩୭
୫. ଜିସୁ ଗୁଏଃନେ ତଃଡ଼ିଆନେ ଆରି ମ୍ଲା ଆଦେସ୍ । ୧୪:୧-୧୦; ୧୬:୯-୨୦

ଦିକ୍ୟାଣ୍ଡେ ଜହନ୍‌ନେ ପରଚାର୍ /

(ମାଡ଼ିଉ ୩:୧-୧୨; ଲୁକ୍ ୩:୧-୧୮; ଜହନ୍ ୧:୧୯-୨୮)

୧ ଆକେନ୍ ଇସ୍‌ପର୍‌ନେ ଉଙ୍ଗ୍‌ଡେ ଜିସୁ କିସ୍‌ଚନେ ନିମାଣ୍ଡା ସାମୁଆଁ ଆରାମ୍ ତିଂକେ ।

୨ ବାବବାଦି ଯିଶାୟାନ୍‌ନେ ସାସ୍ତରନ୍ନିଆ ଗୁଆର୍ ବକେ । ଇସ୍‌ପର୍ ବାସଙ୍ଗକେ,

“ପେ ଆଡ଼ଲା ଗାଲି ତିଆର୍ ତିଜ୍‌ନ୍‌ସା ନେଙ୍ଗ୍‌ନେ ଦୁଡ଼କେ ସେନୁଗ୍ ମ୍ଲେସ୍ ।

୩ ବାଲିଲନ୍ନିଆ ମୁଇଂଜା କିରଚେ ବାସଙ୍ଗ୍‌ତିଂକେ;

ମାପୁ ନ୍‌ସା ଗାଲି ତିଆର୍ ତିଜ୍‌ପା;

ମେଁ ପାଙ୍ଗ୍‌ନେ ଗାଲି ସିଦା ଆଡ଼ିଙ୍ଗ୍‌ପା ।”

୪ ଆଡେନ୍ ଅନୁସାରେ ତୁବନ୍ ବିଃଣ୍ଡେ ଜହନ୍ ଲଣ୍ଡିଆଃପାକା ପାଙ୍ଗ୍‌ଚେ ପରଚାର୍ ତିଂକେ ବାରି ତୁବନ୍ ବିଃନେ ମୁଲେକେ । ମେଁ

ରେମୁଆଁଙ୍କଠାରେ ବାସଙ୍ଗିତଂଗେ, “ନିଜର ନିଜର ପାପବାନ୍ ଆଣ୍ଡେପା ବାରି ତୁବନ୍ ତୁଂତଲାପା । ତେଲା ଇସପର ପେନେ ପାପ କେମା ତିଂଏ ।”

୫ ଜିଉଦା ପ୍ରଦେସ୍ ଆରି ଯିରୁଶାଲମ୍ ସହରବାନ୍ ଜାବର ରେମୁଆଁ ଜହନ୍ ବାସଙ୍ଗିତ୍ ସାମୁଆଁ ଅନ୍ସା ପାଙ୍ଗିଆରକେ । ମେଇଂ ନିଜର ନିଜର ପାପ ସିକାର ତିଙ୍ଗିତେ ବାରି ଜହନ୍ ଆମେଇଂକେ ଜର୍ଦନ୍ କେଣ୍ଡିଆନ୍ନିଆ ତୁବନ୍ ତୁଂତ ଆରକେ ।

୬ ଜହନ୍ ଉର୍ ଉକ୍ସାନେ ସକା ସଃତିଂଗେ ଆରି ନ୍ସାନ୍ନିଆ ଉକ୍ସାନେ ଗ୍ରେଗସାଃ ଗାଗ୍ ତିଙ୍ଗେ । କ୍ୟାରବ ସ୍ଲାଃନେ ତୁତୁ ଆରି କଣ୍ଡା ଖୁଙ୍ଗ୍ ମେଁନେ କାଦି ଲେଃଗେ ।

୭ ଜହନ୍ ୱାସାରତେ ବାସଙ୍ଗିକେ, “ନେଙ୍ଗ୍ବାନ୍ ଜାଣ୍ଡେ ଜାବର ବପୁ ରେମୁଆଁ ପାଙ୍ଗିତଂକେ, ନେଙ୍ଗ୍ ମେଁନେ ଜୁତା ତୁତଃନେ ଆନେଙ୍ଗ୍ ଯଗ୍ୟ ଶ୍ଟୁ”

୮ ନେଙ୍ଗ୍ ଆପେକେ ଶ୍ଟିଆନ୍ନିଆ ଦିକ୍ୟା ବିଃତିଂକେ ମାତର ମେଁ ଆପେକେ ପବିତ୍ର ଆମ୍ବା ବାନ୍ ଦିକ୍ୟା ବିଏ ।

ଜିସୁନେ ଦିକ୍ୟା ଆରି ପରିକ୍ୟା /

(ମାତିଉ ୩:୧୩; ୪:୧୧; ଲୁକ୍ ୩:୨୧-୨୨; ୪:୧-୧୩)

୯ ଆତେନ୍ ବେଲା ଜିସୁ ଗାଲିଲୀନେ ନାଜରିତବାନ୍ ପାଙ୍ଗିତେ ଜର୍ଦନ୍ ଲଣ୍ଡିଆନ୍ନିଆ ଜହନ୍ବାନ୍ ତୁବନ୍ ତିଙ୍ଗିକେ ।

୧୦ ଜିସୁ ଲଣ୍ଡିଆନ୍ନିଆ ତାରକ୍ସେ ବେଲା କିତଙ୍ଗିଇନି ମେଲା ତିଂକେ । ମେଁ କେକେ ଜେ ପବିତ୍ର ଆମ୍ବା ମେଁନେ ଆଡ଼ାଡ଼ା କୁକୁରୟାଃ ରକମ୍ ଜାରକ୍ସେ କେକେ ।

୧୧ ✨କିତଙ୍ଗି ଇନି ବାନ୍ ଆକେନ୍ ସାମୁଆଁ ନାଙ୍ଗିକେ “ନା ନେଙ୍ଗ୍ନେ ନିଜର ଗଡ଼େଅ ନା ଅରିଆ ନେଙ୍ଗ୍ନେ ଜବର ସାର୍ଦା ।”

୧୨ ଆଡ଼ବାନ୍ ପବିତ୍ର ଆମ୍ବା ଜିସୁକେ କଣ୍ଡାନ୍ନିଆ ତୁଂଖେକେ ।

୧୩ ଜିସୁ ଆଡ଼ଅରିଆ ମ୍ପାରକ୍ସୁଡ଼ି ସ୍ଥି ଜାକ କଣ୍ଡାନ୍ନେ ପସୁ ଏଃତେ ଲେଃଗେ । ଆଡ଼ଅରିଆ ମେଁ ସଏତାନ୍ବାନ୍ ପରିକିତ ତିଙ୍ଗିକେ । ଇଡ଼ିଙ୍ଗି କିତଂଇନିନେ ଦୁଡ଼ଇଂ ପାଙ୍ଗିତେ ଜିସୁନେ ଜତନ୍ ତିଙ୍ଗିଆରକେ ।

✨ ୧:୧୧ ମାତିଉ ୩:୧୭; ୧୨:୧୮; ମାର୍ଚ୍ଚକ ୯:୭; ଲୁକ୍ ୩:୨୨.

ଜିସୁ ଅଣ୍ଟୁଆ ଆଠଡ଼ ସାଠଶ୍ରେକେ ଝାକେ ।

(ମାତିଉ ୪:୧୨-୨୨; ଲୁକ୍ ୪:୧୪-୧୫; ୫:୧-୧୧)

୧୪ ଏନ୍ ଇଡ଼ିଂ ଜହନ୍‌କେ କଏଦ୍ ତୁଆ ଆଠଗାକ୍ଲେ ଇଡ଼ିଂ । ଜିସୁ ଗାଲିଲୀ ଏରିୟାବାନ୍ ପାଙ୍ଗ୍‌ରେ ଆରି ମେଁ ଇସ୍‌ପର୍‌ନେ ନିମାଣ୍ଡା ସାମୁଆଁ ବାସଙ୍ଗ୍‌ନେ ଲାଗେକେ ।

୧୫ ✱ଜିସୁ ବାସଙ୍ଗ୍‌ନେ ମୁଲେକେ “ବେଲା ତା ଡିଙ୍ଗ୍‌କେ, ଇସ୍‌ପର୍‌ନେ ରାଜି ତାଗ୍ରା ପିଙ୍ଗ୍‌ଚାଡ଼ିଂକେ ପାପ୍‌ବାନ୍ ମନ୍‌କେ ଆବଦ୍‌ଲେ ବିଠପା ନିମାଣ୍ଡା ସାମୁଆଁକେ ବିସ୍‌ବାସ୍ ଡିଙ୍ଗ୍‌ପା ।”

୧୬ ଜିସୁ ଗାଲିଲୀନେ କେଣ୍ଡିଆଠ ଆଠଡ଼ାଠ ବିଠରେ ଝେକ୍ଲେ ବେଲା ଶିମୋନ୍ ଆରି ମେଁନେ ବୟାଣ୍ଡେ ଆହିୟ୍‌କେ କେଣ୍ଡିଆଠ ତାଗ୍ରା ଜାଲ୍ ତାଲାଗ୍‌ଡ଼ିଂକେ କେକେ । ତାଗ୍‌ଲା ମେଇଂ ଆଠଡ଼ ସାଠଶ୍ରେ ଲେଠଆରଗେ ।

୧୭ ଜିସୁ ଆମେଇଂକେ ବାସଙ୍ଗ୍‌କେ, “ପେ ସାପାରେ ନେଙ୍ଗ୍ ଏଡେ ପାଙ୍ଗ୍‌ଲାପା, ନେଙ୍ଗ୍ ଆପେକେ ମାପୁନେ ଗାଲିପାକା ରେମୁଆଁଇଂକେ ହୁଂପାଙ୍ଗ୍‌ନେ ଶ୍ଟାସିକେଏ ।”

୧୮ ତେଲା ଶିମୋନ୍ ଆରି ଆହିୟ୍ ମେଇଂନେ ଜାଲ୍ ଆନ୍ତାରରେ ଜିସୁନେ ପ୍ଲା ଝେଆରକେ ।

୧୯ ଆରି ମେଁ ଉଡ଼ି ସ୍ଲ ରକମ୍ ଝେରେ ଜେବଦୀନେ ଉଙ୍ଗ୍‌ଡେ ଜାକୁବ୍ ଆରି ମେଁନେ ବୟାଁ ଜହନ୍‌କେ ତରା ଅରିଆନେ ଜାଲ୍ ପାଗ୍‌ଲୁଗ୍ ଡିଙ୍ଗ୍‌କେ କେକେ ।

୨୦ ଜିଆ ଜିଆ ମେଁ ଆମେଇଂକେ ଝାକେ । ମେଇଙ୍ଗ୍‌ନେ ଆବାଡେ ଜେବଦୀକେ କୁଲିରେ ଏଠଡେ ତରାନ୍ନିଆ ଆନ୍ତାରରେ ଜିସୁନେ ପ୍ଲା ଝେଆରକେ ।

ଜିସୁ ଗଲିଆ ସାକ୍ଲେ ରେମୁଆଁକେ ନିମାଣ୍ଡା ଆଠଡ଼ିଙ୍ଗ୍‌କେ

(ଲୁକ୍ ୪:୩୧-୩୭)

୨୧ ଇଡ଼ିଙ୍ଗ୍ ଜିସୁ ଆରି ସିସ୍‌ଇଂ କପର୍‌ନାହୁମ୍ ଅରିଆ ଝେଆରକେ । ଜିଉଦିଇଙ୍ଗ୍‌ନେ ପୁଣ୍ଡେନେ ଦିନା ଜିସୁ ଜିଉଦିଇଙ୍ଗ୍‌ନେ ପାର୍‌ତନା ତୁଆ ଝେଆରକେ ଆଡ଼ ଅରିଆ ରେମୁଆଁଇଂକେ ସିକ୍ୟା ବିଠନେ ମୁଲେକେ ।

୨୨ ଜିସୁନେ ଗିଆନ୍ ଅଁରେ ଆତେନ୍ ରେମୁଆଁଇଂ ବକୁଆ ଡିଙ୍ଗ୍ ଆରକେ । ଜିସୁ ଆମେଇଂକେ ଦର୍ମ୍ ଗୁରୁଇଂ ରକମ୍ ଗିଆନ୍ ମାବିଚେ ମୁଇଂ ନେଡା ବାଲେଃକ୍ରେ ରେମୁଆଁ ରକମ୍ ଗିଆନ୍ ବିଃ କି ।

୨୩ ଜିସୁ ଜିଉଦିଇଙ୍ଗ୍ନେ ପାରତନା ତୁଆ ନ୍ନିଆ ଲେଃକ୍ରେ ବେଲା ଆଡ୍ ଅରିଆ ଦେଡ୍‌ରକମ୍ ମୁଇଙ୍ଗ୍ ରେମୁଆଁ ଲେଃଗେ । ଜାଣ୍ଟେନେ ଗାଗ୍‌ଡେ ଗଲିଆ ଗାଲେଃକେ । ଆତେନ୍ ରେମୁଆଁ କିରଚେ ବାଲିରକେ ।

୨୪ ଏ ନାଜରିତୀୟ ଜିସୁ “ନାଁ ଏଃତେ ନେଙ୍ଗ୍‌ନେ ମେଃ କାମ୍ ଲେଃକେ ? ପେ ମେଁନେ ଆନେକେ ଦଂସ ଆଡିଙ୍ଗ୍ ନସା ପାଙ୍ଗ୍ ପେଲେକେ ? ନାଁ ଜାଣ୍ଟେ ନେଙ୍ଗ୍ ଆତେନ୍ ମ୍ୟା ଲ୍ଲେକେ । ନାଁ ଇସ୍‌ପରନେ ପବିତ୍ର ରେମୁଆଁ !”

୨୫ ଜିସୁ ଆମେକେ ଦମ୍‌କେଚେ ବାସଙ୍ଗ୍‌କେ, “ବୁଙ୍ଗ୍ ଲାଃଲା ଆକେନ୍ ରେମୁଆଁ ବିଡ୍ରେବାନ୍ ତାର୍ ଝେଲା ।”

୨୬ ଗଲିଆ ରେମୁଆଁକେ ଲାଃଜୁର୍ ବିକେ । ଇଡିଙ୍ଗ୍ ମେଁ ମାଲେ କିରଚେ ଆତେନ୍ ରେମୁଆଁ ବିଡ୍ରେ ବାନ୍ ତାର୍‌ଡକେ ।

୨୭ ଆକେନ୍ କେଚେ ରେମୁଆଁଇଙ୍ଗ୍ ବକୁଆ ଡିଙ୍ଗ୍ ଝେ ଆରଗେ । ମେଇଙ୍ଗ୍ କୁଡ୍‌ଚେଚେ ବାଲିରବାତାନେ ଲାଗେକେ, “ଏନ୍ ମେଁନେ ? ଆକେନ୍ ରେମୁଆଁ ଆନେକେ ମ୍‌ନେ ଗିଆନ୍ ବିଃ ଡିଙ୍ଗ୍‌କେ ? ମେଁ ଗଲିଆଇଂକେ ଡିଗ୍ ଆଦେସ୍ ବିଡିଙ୍ଗ୍‌କେ ଆରି ଗଲିଆଇଂ ମେଁନେ ସାମୁଆଁ ମାନେଃ ଡିଙ୍ଗ୍‌କେ !”

୨୮ ତେଲା ଜିସୁନେ ସାମୁଆଁ ଗାଲିଲା ଏରିଆ ସାପାପାକା ଟାପ୍‌ନା କବର୍ ଝେଚାକେ ।

ଜିସୁ ଗୁଲୁଏ ରେମୁଆଁକେ ନିମାଣ୍ଡା ଆଃଡିଙ୍ଗ୍‌କେ /
(ମାଡିଉ ୮:୧୪-୧୭; ଲୁକ୍ ୪:୩୮-୪୧)

୨୯ ଜିସୁ ଆରି ସିସ୍‌ଇଙ୍ଗ୍ ପାରତନା ତୁଆବାନ୍ ତାର୍‌ଚେ ଜାକୁବ୍ ଆରି ଜହନ୍ ଏଃତେ ଶିମୋନ୍ ଆରି ଆନ୍ଦ୍ରିୟନେ ତୁଆ ଝେଆରକେ ।

୩୦ ଶିମୋନ୍‌ନେ ଆତାଡ୍‌ଡେ ଆଃସାବାଚେ ସିଙ୍ଗ୍‌ଲାନିଆ ତୁଲେଗ୍‌ଲେଃଗେ । ତେଲା ଆଡ୍ ଅରିଆ ଲେଃକ୍ରେ ରେମୁଆଁଇଂ ଜିସୁକେ ମେଁନେ ସାମୁଆଁରେ ବାସଙ୍ଗ୍ ଡିଙ୍ଗ୍‌ଗେ ।

୩୧ ଜିସୁ ମୈନେ ସିଙ୍ଗା ଅରିଆ ଖେକେ । ଆକେନ୍ ଦାପ୍ରେ ଜିସୁ ମୈନେ ତ୍ରି ସାଚେ ଆତତ୍ୟାକେ । ଆମେକେ ସାଃବା ଆନ୍ତାରକେ ଆରି ମୈ ନିମାଣ୍ଡା ଡିଙ୍ଗ୍‌ଖେଗେ । ଇଡିଙ୍ଗ୍ ମୈ ଆମେଇଂକେ ସେବା ଡିଙ୍ଗ୍‌ଆରକେ ।

୩୨ ସ୍ତ୍ରୀ ଲଗନେ ଇଡିଙ୍ଗ୍ ରେମୁଆଁଇଙ୍ଗ୍ ଜବର୍ ଆଃସିଲେକ୍ତେ ରେମୁଆଁକେ ଆରି ଗଲିଆ ସାଃଲେକ୍ତେ ରେମୁଆଁଇଙ୍ଗ୍‌କେ ଜିସୁନେ ଡାଗ୍ରା ତୁଂପାଙ୍ଗ୍‌ଆରକେ ।

୩୩ ଇନିନେ ସାପା ରେମୁଆଁ ଆଡେନ୍ ତୁଆନେ ବାଜାର୍ ଡାଗ୍ରା ରିସିଙ୍ଗ୍ ଆରକେ ।

୩୪ ବିନ୍‌ବିନ୍ ରକମ୍ ରଗ୍ ସାଃଲେକ୍ତେ ଗୁଲେ ରେମୁଆଁକେ ଜିସୁ ନିମାଣ୍ଡା ଆଡିଙ୍ଗ୍‌କେ । ମୈ ଗୁଲେ ଗଲିଆଇଂକେ ଆଃନ୍ତାରକେ ଆରି ମୈ ଗଲିଆଇଂକେ ବାଲିର୍ ନ୍‌ସା ଆବିଃକେ ଶୁଂମାତର୍ ମେଇଂ ଆମେକେ ସାମୁଆଃ ଲେଃଗେ ।

ଗାଲିଲୀନ୍ନିଆ ଜିସୁନେ ପର୍ଚାର୍

(ଲୁକ୍ ୪:୪୨-୪୪)

୩୫ ଆରି ମୁଇଙ୍ଗ୍ ଦିନା ଡାକିଗ୍ ଲେଃକେଲା ଜିସୁ ତଡିଆଚେ ରେମୁଆ ଗଣ୍ଡ୍ ଶୁବୁନେ ଜାଗାନ୍ନିଆ ଖେକେ । ଆଡ୍ ଅରିଆ ମୈ ପାର୍‌ଡନା ଡିଙ୍ଗ୍‌ନେ ଲାଗେକେ ।

୩୬ ଇଡିଙ୍ଗ୍ ଶିମନ ଆରି ମେଇଙ୍ଗ୍ ସାଙ୍ଗ୍‌ଡେଇଙ୍ଗ୍ ଜିସୁକେ ତୁତୁର୍‌ନେ ଖେଆରକେ ।

୩୭ ମେଇଙ୍ଗ୍ ଜିସୁକେ ଅବାଚେ ଆରି ଆମେକେ ବାସଙ୍ଗ୍‌ଆରକେ, “ସାପାଚେ ଆନାକେ ତୁତୁର୍ ଡିଙ୍ଗ୍ ଆରକେ ।”

୩୮ ଡାଗଲା ମୈ ଆମେଇଂକେ ବାସଙ୍ଗ୍‌କେ, “ଏଲାପା ନେଙ୍ଗ୍ ବିନ୍ ଜାଗାନ୍ନିଆ ଲେଃକ୍ତେ ଇନି ଆନେଃକେ ଖେନେ ପଡେଏ । ଆଡ୍‌ଅରିଆ ଡିଗ୍ ନେଙ୍ଗ୍ ମ୍ବାସଙ୍ଗ୍‌ଏ, ନେଙ୍ଗ୍ ଆଡେନ୍ ଉଦେସ୍‌ରେ ଡାର୍‌ଲ୍ଲେଃକେ ।”

୩୯ ଆରି ମୈ ଗାଲିଲୀନେ ସାପା ଏରିଆ ଅଲେଙ୍ଗ୍‌ଚେ ମେଇଂନେ ସାପା ପାର୍‌ଡନା ତୁଆନ୍ନିଆ ବାସଙ୍ଗ୍‌ଆରକେ ଆରି ଗଲିଆଇଂକେ ଆଃଆନ୍ତାରକେ ।

ମୁଇଂ କୁସ୍ତୁ ରଗି ନିମାଣ୍ଡା ଡିଂକେ

(ମାତିଉ ୮:୧-୪; ଲୁକ୍ ୫:୧୨-୧୬)

୪୦ ମୁଇଁ କୁଷ୍ଠରଗି ଜିସୁ ତାଗ୍ରା ପାଙ୍ଗରେ ତ୍ରିକେ ଜଡ଼େରେ ଆମେକେ ବିକ୍ୟା ତିଙ୍ଗରେ ବାସଙ୍ଗକେ, “ନା ଜଦି ଇକ୍ତା ନାଡ଼ିଙ୍ଗ” ତେଲା ଆନେଙ୍ଗକେ ନିମାଣ୍ଡା* ନାରାଡ଼ିଙ୍ଗ ।

୪୧ ଆଡେନ୍ ରେମୁଆଁ ଆଡ଼ାତ୍ରା ଜିସୁ ଲିବିସଃ ତିଂରେ ମେଁ ତ୍ରି ଲିଗ୍ରେ ବାସଙ୍ଗକେ, “ନେଙ୍ଗ ଇକ୍ତା ତିଙ୍ଗ୍ରିଂକେ ନାଁ ନିମାଣ୍ଡା ତିଙ୍ଗ୍ରେଲା !”

୪୨ ଏହେନ୍ ଦାପ୍ରେ ମେଁନେ କୁଷ୍ଠରଗ୍ ବ’ଖେରେ ଆରି ମେଁ ନିମାଣ୍ଡା ତିଙ୍ଗ୍ରେ ।

୪୩ ଜିସୁ ରେମୁଆଁଙ୍ଗକେ ତାଟାମ୍ ବାବ୍ରେ ଆଦେସ୍ ବିଚେ ଟାପ୍ନା ବେ ବିଃକେ ।

୪୪ ତରକ୍ ଲାଲା, “ଆଜାଡ଼ିଗ୍ ମେଁନେ ଆବାସଙ୍ଗରେ ତାଗଲା ଖେଲା ପୁଜାରି ତାଗ୍ରା ଖେଚେ ନିଜର୍ ଗାଗ୍ଡେ ଆଃସୁଏ ଆରି ମୋଶା ମେଃମେଃନେ ଆଦେସ୍ ବିଃବକେ, ଆଡେନ୍ ସାପା ନାନେ ଇକ୍ତାରେ ମେଇଂନେ ତାଗ୍ରା ସାକି ବିନେସା ବେଦିନ୍ନିଆ ଦାନ୍ ବିଃ ।”

୪୫ ରେମୁଆଁ ଆଡେନ୍ ଜାଗା ଆନ୍ତାଚେ ତାବ୍ ଖେରେ ଆରି ଆଜାକେ କେକେ ଆମେକେ ବାସଙ୍ଗକେ, “ଜିସୁ ଆନେଙ୍ଗକେ ନିମାଣ୍ଡା ଆଡ଼ିଙ୍ଗ୍ ବିଃବକେ । ତେଲା ଜିସୁନେ ସାମୁଆଁ ସାପା ପାକା ବେପ୍ରେ ଖେରେ । ମାତର୍ ରେମୁଆଁ ମାରିଆଃ କେଚେ ଲାଗ୍ଡଆରୁଏ, ମାତର୍ ଜିସୁ ଆଣ୍ଡିନେ ଏରିଆ ଖେ ଆୟାକେ ଶୁ ୍ୁଡେନ୍ସା ମେଁ ରେମୁଆଁଗ୍ ଶୁବୁନ ଟାନ୍ଇଂନିଆ ଲେଃରେ । ମାତର୍ ସାପା ରେମୁଆଁଙ୍ଗ୍ ଜିସୁ ତାଗ୍ରା ପାଙ୍ଗନେ ଲାଗେକେ ।

୨

ମୁଇଁ ପକ୍ଷାଗାଡ଼ ରଗି ନିମାଣ୍ଡା ତିଂକେ

(ମାଡ଼ିଡ ୩:୧୩; ୪:୧୧; ଲୁକ୍ ୩:୨୧-୨୨; ୪:୧-୧୩)

୧ ଉଡ଼ିସି ଇଡ଼ିଙ୍ଗ୍ ଜିସୁ କପର୍ନାହୁମ ଅରିଆ ଆଣ୍ଡେ ଝିଗ୍ରେକେ । ଜିସୁ ତୁଆ ଝିଗ୍ରେକେ ତାଗ୍ରେ ଉଡ଼ା ତିଙ୍ଗ୍ରେଖେରେ ।

* ୧:୪୦ କୁଷ୍ଠ ରଗ ନ୍ୟା ମୁଇଙ୍ଗ୍ ଜିଉଦି ରେମୁଆଁ ଇସପର୍ନେ ପାବ୍ତନା ତିଙ୍ଗ୍ ଆୟାକେ ତାଗ୍ରା କୁସ୍ଠ ରଗକେ ଜିଉଦିଙ୍ଗ୍ ଆବୁଲେ ତାଗ୍ରେ ମନେ ବାବେଡ଼ିଙ୍ଗ୍ ଆବ୍ରେକେ

୨ ଗୁଲେ ରେମୁଆଁ ଜିସୁନେ ସାମୁଆଁ ଦ୍ଵିଗନ୍ଧା ରିସିଙ୍ଗ୍ ଆରକେ ।
ତୁଆ ଲେଃ ବାଜାର ଆଣ୍ଡିଅରିଆ ତିଗ୍ ତୁଆନ୍ଧା ଚାନ୍ ଆଲେଃକେ ଶୁ
। ଜିସୁ ରେମୁଆଁଇଙ୍ଗ୍ନେ ଅରିଆ ବାଇରନେ ମୁଲେକେ ।

୩ ଆତେନ୍ ବେଲା ଉଡ଼ି ରେମୁଆଁ ମେଁ ତାଗ୍ରା ମୁଇଙ୍ଗ୍ ପକ୍ଷାଗାଡ଼
ଡିଙ୍ଗ୍ଲେଃକେ ରେମୁଆଁକେ ତୁଂପାଙ୍ଗ୍ଆକେ । ରଗିକେ ଅଁଶ୍ଚୁଆ
ରେମୁଆଁ ତୁଂ ରାଙ୍ଗ୍ପାଙ୍ଗ୍ଆରକେ ।

୪ ରେମୁଆଁ ଜାବର୍ ଗହଲି ଡିଙ୍ଗ୍ଝେଲେଃଲା ମେଁଇଙ୍ଗ୍ ରଗିକେ
ଜିସୁନେ ତାଗ୍ରା ତୁଂପାଙ୍ଗ୍ ଆୟାଆରକେ ଶୁ । ତେସା ମେଁଇଙ୍ଗ୍ ଜିସୁ
ଲେକ୍ଝେ ତୁଆନେ କ୍ଲେସାଂ ଆପ୍ଲଗ୍ରେ ଆରି କଟ୍ଟିଆ ତୁଲେଗ୍ଲେଃକେ
ପକ୍ଷାପାତ ରଗିକେ ଆତେନ୍ ପ୍ଲଗ୍ ପାକା ଜିସୁ ଲେଃକେ ଚାନ୍ଅରିଆ
ବୁନ୍ଦେ ଆଃଜାର ବିଆରକେ ।

୫ ଜିସୁ କେକେ ଜେ, ଆତେନ୍ ରେମୁଆଁଇଂନେ ଜାବର୍ ବିସ୍ଵାସ
ଲେଃକେ । ତେଲା ଜିସୁ ପକ୍ଷାଗାଡ଼ ରେମୁଆଁକେ ବାସଙ୍ଗ୍କେ, “ଅ
ଗଡ଼େଅ, ନାଁନେ ପାପ୍ କେମା ଆଃଡିଙ୍ଗ୍ ମ୍ଵିଃଗେ ।”

୬ ଆଡ଼ଅରିଆ କଲେଃଆରକ୍ଝେ ଉଃଡ଼ିରୁଆ ଦର୍ମ୍ ଗୁରୁ ଆକେନ୍
ଅଁରେ ମନେ ମନେ ବାଇର୍ ବାତା ଆରକେ ।

୭ “ଆକେନ୍ ରେମୁଆଁ ଦେକ୍ଟରକମ୍ ବାଲିର୍ବାତା ମେଃନ୍ଧା
ଡିଙ୍ଗ୍କେ ? ମେଁ ଇସ୍ପର୍ନେ ବିରଦ୍ରେ ଦସ୍ ଡିଙ୍ଗ୍ଆକେ !
ଇସ୍ପର୍ନେ ଆଡ଼ାରଲା ପାପ୍ କେମା ତିଂନେ ବିନ୍ ଜାଡିଗ୍ ଆୟାଆର୍
ଶୁ ?”

୮ ଦର୍ମ୍ ଗୁରୁଇଂ ମେଁନେ ସାମୁଆଁରେ ବାବେଡିଙ୍ଗ୍କେ ତାଗ୍ରେ ଜିସୁ
ଆମ୍ବାନ୍ ମ୍ୟା ଜଗ୍ଲଗ୍କେ । ତେଲା ଜିସୁ ଆମେଇଂକେ ବାଲିର୍କେ,
“ପେ ସାପାରେ ବିତ୍ରେ ଏନ୍ ସାପା ସାମୁଆଁ ମେଃନ୍ଧା ବାଲିର୍ବାତା
ଡିଂପେଡିଂକେ ।”

୯ ଏନ୍ ପକ୍ଷାଗାଡ଼ ରଗ୍କେ ନାନେ ପାପ୍ ସାପା କେମା ତିଂମ୍ଵିଗେ
ତାଗ୍ରେ ବାସଙ୍ଗ୍ନେ ସଅଜ୍ ଲେଃ ତଡ଼ିଆ ନାନେ କର୍ ସାତେ ଝେଲା
ତାଗ୍ନେ ସଅଜ୍ ?

୧୦ ତାଗ୍ଲା ମଞ୍ଚପୁରନେ ପାପ୍ ଲିବିସଃ ଡିଙ୍ଗ୍ନେସା ରେମୁଆଁ
ଉଙ୍ଗ୍ଡେ ଜେ ନେଙ୍ଗ୍ ଆକେନ୍ ନେଙ୍ଗ୍ନେ ଅଦିକାର୍ ଲେଃକେ ।

“ଆକେନ୍ ନେଙ୍ଗ ପାରମାନ୍ ତିଙ୍ଗିଲିୟାଏ ।” ଆଡ଼ବାନ୍ ଜିସୁ ପକ୍ଷାଦାତ ରଗ୍ ରେମୁଆଁକେ ବାସଙ୍ଗକେ ।

୧୧ “ନେଙ୍ଗ ଆନାକେ ବାସଙ୍ଗ ଶ୍ରିଙ୍ଗକେ ତଡ଼ିଆ ସିଙ୍ଗିଲା ସାଚେ ଆରି ତୁଆ ଝିଗିଲା ।”

୧୨ ଆଚେନ୍ ଦାପ୍ତେ ପକ୍ଷାଦାତ ରେମୁଆଁ ତୁଆଁକେ । ସିଙ୍ଗିଲା ସାଚେ ଆରି ତୁଆ ବିଡ୍ଡେବାନ୍ ବାଜାର୍ ତାର୍‌ଗେ । ସାପା ରେମୁଆଁ ଆମେକେ କେ ଆରକେ । ମେଁଇଙ୍ଗ୍ ଇରିଆଃତୁଗ୍ ଝେଆରଗେ ଆରି ଇସପରନେ ଅସମାର ସାରଆରକେ । ମେଁଇଙ୍ଗ୍ ବାଲିରଆରକେ, “ନେ ସାପାରେ ଦେଃକେନ୍ ଇରିଆଃତୁଗ୍ ଗର୍‌ନା ଅଃନାଡିଗ୍ କେ ନେଲେଃଗେ ଶୁ ।”

ଲେବୀ ମିକ୍ସେ ମୁଇଂ ରେମୁଆଁକେ ଜିସୁ ଝାକେ
(ମାଡିଉ ୯:୯-୧୩; ଲୁକ୍ ୫:୨୭-୩୨)

୧୩ ଆରି ମୁଇଙ୍ଗ୍ ତର ଜିସୁ ଗାଲିଲୀ କେଣ୍ଡିଆ ପାକା ବିଚେ ଝେଗେ । ଗୁଲେ ରେମୁଆଁ ମେଁ ତାଗ୍ରା ପାଙ୍ଗ୍‌ଆରକେ । ଜିସୁ ଆମେଇଂକେ ଗ୍ୟାନ୍ ବିକେ ।

୧୪ ଜିସୁ ଉଇଗ୍‌ନେ ବେଲା ସିସୁ ସ୍ତାଲ୍ୟାଃନେ ଜାଗାନ୍ନିଆ କ ଲେଃକ୍ସେ ଆଲଫିନେ ଉଙ୍ଗଡେ ଲେବୀକେ କେଚେ ମେଁ ବାଲିରକେ, “ନେଙ୍ଗ୍ ପ୍ଲା ପାଙ୍ଗିଲା ।” ଇଡିଙ୍ଗ୍ ଲେବୀ ତୁଆଁକେ ଆରି ଜିସୁନେ ପ୍ଲା ଝେଗେ ।

୧୫ ଇଡିଙ୍ଗ୍ ଜିସୁ ଆରି ମେଁନେ ସିସ୍‌ଇଙ୍ଗ୍ ଲେବୀନେ ତୁଆ ରୁଚଙ୍ଗ୍‌ନେ ବେଲା ମେଁଇଙ୍ଗ୍ ଏଃଡେ ଗୁଲେ ସିସୁ ସ୍ତାଲିଆଣ୍ଡେ ଆରି ବିନ୍ ପାପିଇଙ୍ଗ୍ ଡିଗ୍ ଚଙ୍ଗ୍ ଆରଡିଂକେ । ଜିସୁନେ ପ୍ଲା ପାଙ୍ଗ୍‌କ୍ସେ ଗୁଲେ ରେମୁଆଁ ଡିଗ୍ ଆଡ଼ଅରିଆ ଲେଃଆରକେ ।

୧୬ ଜିସୁ ସିସୁ ସ୍ତାଲିଆଣ୍ଡେ ଆରି ବିନ୍ ପାପ୍ ରେମୁଆଁଇଙ୍ଗ୍ ଏଃଡେ କଚେ ଚଙ୍ଗ୍‌ଡିଙ୍ଗ୍‌କ୍ସେ କେକେ । ପାରୁସିଇଂନେ ଦଲ୍‌ବାନ୍ ଉଃଡ଼ିରୁଆ ସାସ୍ତିଇଂ ଜିସୁନେ ସିସ୍‌ଇଙ୍ଗ୍‌କେ ସାଲ୍ୟାକୁଆରକେ, “ଜିସୁ ସିସୁ ସାଲିଆଣ୍ଡେ ଆରି ବିନ୍ ପାପିଇଂ ଏଃଡେ ମେଃନ୍‌ସା ରୁଚଙ୍ଗ୍‌ଡିଂକେ ?”

୧୭ ଜିସୁ ଆକେନ୍ ଅଚେ ଆମେଇଂକେ ବାସଙ୍ଗକେ, “ନିମାଣ୍ଡା ରେମୁଆଁକେ ଗଦାର୍ ଦରକାର୍ ଶୁ ମାତର୍ ରଗ୍ ସାଃଲେକ୍ସେ ରେମୁଆଁକେ ଗଦାର୍ ଦରକାର୍ । ନେଙ୍ଗ୍ ଦରମ୍ କରମ୍ ରେମୁଆଁକେ

ବାସଙ୍ଗ ନ୍ୟା ପାଙ୍ଗ ନ୍ନାଲେଃକେ ଶୁ । ନେଙ୍ଗ ସରାଃ ପାପ୍ ତିଙ୍ଗ୍‌କ୍‌କ୍
ରେମଆଁଲଂକେ ବାସଙ୍ଗ ନ୍ୟା ପାଙ୍ଗ୍‌ଲେକେ ।”

ଜିସୁ କିଡ଼େସଃ ଲେଃନେ ସାମୁଆଁ /
(ମାତିଉ ୯:୧୪-୧୭; ଲୁକ୍ ୫:୩୩-୩୯)

୧୮ ଜହନ୍‌ନେ ସିସଲଂ ଆରି ଫାରୁଶୀଲଂ ଉପାସ୍ ତିଙ୍ଗ୍‌ଆର୍‌ତିଂନେ
ବେଲା, ଉଡ଼ିରୁଆ ଜିସୁ ତାଗ୍ରା ପାଙ୍ଗ୍‌ଚେ ବାସଙ୍ଗକେ, “ଜହନ୍‌ନେ
ଆରି ପାରୁସିଲଂନେ ସିସଲଂ ଉପାସ୍ ତିଙ୍ଗ୍‌ଆର୍‌ତିଂକେ, ମାତର୍ ପେନେ
ସିସଲଂ ମେଃନ୍ୟା ଉପାସ୍ ଆତିଙ୍ଗ୍‌ଆର୍ ଶୁ ?”

୧୯ ଜିସୁ ଉତର୍ ବିକେ, “ବିଏ ଚିକା ତିଙ୍ଗ୍‌କ୍‌କ୍ ବେଲା ଜିରେ
ମାନ୍‌ନେ ରେମୁଆଁଲଙ୍ଗ୍ ଉପାସ୍ ଆଲେଃଆର୍ ଶୁ ତାଗ୍ରା ଜିରେ
ମେଇଙ୍ଗ୍ ଏତେ ଲେଃଏ । ତେସା ଜିରେ ଆଡ୍ ଲେଃଜାକ ମେଇଙ୍ଗ୍
କେଡ଼େସ୍ ଆଲେଃଆର୍ ।”

୨୦ ମାତର୍ ବେଲା ପାଙ୍ଗ୍‌ଏ, ଜିରେକେ ମେଇଂନେ ବାନ୍ ସ୍ତୁ
ଡୁଂଝେଆର୍‌ଏ । ଆତେନ୍ ବେଲା ମେଇଙ୍ଗ୍ ଉପାସ୍ ଲେଃଆର୍‌ଏ ।

୨୧ “ଜାଣ୍ଡେ ବାଞ୍ଜିର୍ ପୁଆଃ ଅରିଆ ମି ପୁଆଃ ବିଚେ ଆତଗ୍‌ଆର୍ ଶୁ ।
ତାଗ୍ରା ମି ପୁଆଃନେ କନା କ୍ଲିଙ୍ଗ୍‌ଚେ ସକାକେ ଜାବର୍ ଆଃସ୍ୟାଃ ବିଃଏ
।”

୨୨ ଦେଡ୍ ରକମ୍ ଜାଣ୍ଡେ ଅଃନା ତିଗ୍ ମି ଅଙ୍ଗୁର୍ ରସକେ ବାଞ୍ଜିର୍
ଉକ୍‌ସା ମୁନାଅରିଆ ଆବ ଶୁ । ତେଲା ଦେଡ୍ ତିଙ୍ଗ୍‌ଏ ମି ଅଙ୍ଗୁର୍ ରସ
ବାଞ୍ଜିର୍ ଉକ୍‌ସା ମୁନାକେ ଆଃତେକ୍‌ପ୍ୟା ବିଃଏ ଆରି ଉକ୍‌ସାନେ ମୁନା
ଏତେ ଅଙ୍ଗୁର୍ ରସ ନାସେ ଝେଏ । ଆତେନ୍‌ସା ମି ଅଙ୍ଗୁର୍ ରସ ମି
ଉକ୍‌ସା ମୁନା ଅରିଆ ବ ଆର୍‌ଏ ।

ପୁଣ୍ଡେନେ ଦିନ୍ ବିସୟରେ
(ମାତିଉ ୧୨:୧-୮; ଲୁକ୍ ୬:୧-୫)

୨୩ ପୁଣ୍ଡେନେ କେଲା ଜିସୁ ଗହମ୍ ଲିଜପାକା ଝେଡ଼ିଂଗେ । ମେଁନେ
ସିସଲଂ ତିଗ୍ ମେଁ ଏତେ ଆତେନ୍ ଗାଲି ଝେନେ ବେଲା ଜିସୁନେ
ସିସଲଂ ଚୁଟଙ୍ଗ୍‌ସା ଗହମ୍ ଲିଜବାନ୍ ଗହମ୍ କେଡ଼କେ ଚିକ୍‌ଚିଆର୍‌କେ
।

୨୪ ଫାରୁଶୀଇଂ ଆଡେନ୍ କେଚେ ଜିସୁକେ ବାଲିର ଆରକେ, “କେଲାପା ପୁଣ୍ଡେନେ ଦିନା ମେଃଡିଗ୍ ଡିଙ୍ଗ୍‌ନେ ନିୟମ୍ ଶୁ କୁକପାର୍ କେଲା ଦେଃକେନ୍ ସ୍ଲେ ଜିଉଦିନେ ନିୟମ୍‌ନ୍ନିଆ ଆବୁଲେ ଡିଙ୍ଗ୍‌ଏ ।”

୨୫ ଜିସୁ ବାଲିରକେ, “ପେ ସାପାରେ ଦାଉଦ୍‌ନେ ସାମୁଆଁ ପଡ଼େ ପେଲେକେ ଜେ’ ମେଁ ଆରି ମେଁନେ ଏଡେ ଲେଃକ୍‌କେ ରେମୁଆଁ କେଡ଼େସଃ ଲେଃକ୍‌କେ ବେଲା ଆରି ରୁଚଙ୍ଗ୍‌ନେ ଦରକାର୍ ଲେକ୍‌କେ ବେଲା ମେଁ ମେଃ ଡିଂବଗେ, ଆଡେନ୍ ସାମୁଆଁ ପେ ଅଃନାଡିଗ୍ ପେ ପଡ଼େକେ ?

୨୬ ମ୍ନାପୁଜାରି ଅବିୟାଆ ଆରି ମେଁନେ ରେମୁଆଁ ଆଣ୍ଡେଇଂ କିଡ଼େସଃଲା, ଦାଉଦ୍ ଇସ୍‌ପର୍‌ନେ ମନ୍ଦିର ବିଡ଼େ ଗାଚେ ଇସ୍‌ପର୍‌କେ ବିଃବକ୍‌କେ ବଲେ ଚଙ୍ଗ୍‌ଲେଃଗେ ? ମୋଶାନ୍‌ନେ ନିଅମ୍ ରକମ୍ ପୁଜାରିଇଂ ମାତର୍ ଆଡେନ୍ ବଲେ ଆଃ ଚଙ୍ଗ୍ ଯାଆର୍‌ଏ । ଆମେଇଂକେ ଆନ୍ତାଚେର୍ ଆରି ଆଜା ଡିଗ୍ ଆଡେନ୍ ବଲେ ଚଙ୍ଗ୍‌ନେ ଅଦିକାର୍ ଶୁ । ଡାଗ୍ଲା ଦାଉଦ୍ ଆଡେନ୍ ବଲେ ବାନ୍ ଇକୁଡା ଡିଗ୍ ମେଇଙ୍ଗ୍ ଏଃଡେ ଲେଃକ୍‌କେ ରେମୁଆଁଇଂକେ ଚଙ୍ଗ୍‌ନେ ବିଃ ବକେ ।”

୨୭ ଇଡିଙ୍ଗ୍ ଜିସୁ ଫାରୁଶୀଇଂକେ ବାଲିରକେ, “ରେମୁଆଁଇଂକେ ସାଇଜ ଡିଙ୍ଗ୍‌ନେସା ପୁଣ୍ଡେନେ ଦିନା ଆଃରେ ବ ଆରକେ । ରେମୁଆଁ ପୁଣ୍ଡେନେନ୍‌ସା ଡିଆର୍ ଆଡିଙ୍ଗ୍‌କେ ଶୁ ।

୨୮ ଡେକ୍‌ରକମ୍ କି ଇସ୍‌ପର୍ ଉଙ୍ଗ୍‌ଡେ ସାନ୍ତା କାଲାନ୍‌ନେ ମାପୁ ଡିଂଲେଃକେ ।”

୩

ଚାକ୍‌କୁଆଃଡି ରେମୁଆଁକେ ନିମାଣ୍ଡା

(ମାଡିଉ ୧୨:୯-୧୪; ଲୁକ୍ ୬:୬-୧୧)

୧ ଆରି ମୁଇଙ୍ଗ୍ ତର ଜିସୁ ଜିଉଦିଇଙ୍ଗ୍‌ନେ ପାର୍‌ତନା ତୁଆ ଝେଲେଃକେ । ଆଡ୍‌ଅରିଆ ମୁଇଙ୍ଗ୍ ଚାକ୍‌କୁଆଃଡି ରେମୁଆଁ ଲେଃଗେ ।

୨ ଆଡ୍‌ଅରିଆ ଉଡି ରେମୁଆଁ ଉର୍ ଲେଃଆରକେ ଜେ ମାତର୍ ଜିସୁ ଆଡେନ୍ ରେମୁଆଁକେ ପୁଣ୍ଡେନେ ଦିନ୍ ନିମାଣ୍ଡା ଆଃଡିଙ୍ଗ୍ ବିଏ ତେଲା ମେଇଙ୍ଗ୍ ଜିସୁକେ ଦସ୍ ଆଡିଙ୍ଗ୍ ନସା ନିମାନ୍ ବାଆର୍‌ଏ ।

୩ ଜିସୁ ଆଡ଼ ଲେଖକେ ଚାକକୁଆଃତି ରେମୁଆଁକେ ବେବିଃକେ
“ଆକଅରିଆ ତୁଆଁ ଲାଃଲା ଡିରକମ୍ ଆନାକେ ସାପାରେ କେଆରୁଏ
।”

୪ ଇଡ଼ିଙ୍ଗ ଜିସୁ ଆମେଇଂକେ ବାସଙ୍ଗକେ, “ପୁଣ୍ଡେନେ ଦିନା
ଆଣ୍ଡିନେ ସାସ୍ତରନେ ନିଅମ୍ ? ନିମାଣ୍ଡା ଶ୍ରୀଃତିଏ ଲେଃ ଦଦିଆ
ଶ୍ରୀଃତିଏ ? ମୁଇଙ୍ଗଜାନେ ପାରାନ୍ ଆମ୍ବନେ ଚିକ୍ ଲେଃ ପାରାନ୍
ଦଦ୍ୟା ଆଡ଼ିଙ୍ଗନେ ଟିକ୍ ?” ମାତର୍ ମେଇଙ୍ଗ ବୁଙ୍ଗ ଲେଃଆରୁଗେ ।

୫ ଇଡ଼ିଙ୍ଗ ଜିସୁ ରେମୁଆଁଇଂ ପାକା ରିସା ତିଂଚେ କେକେ; ମାତର୍
ମେଇଙ୍ଗନେ ଗାଗ୍ଡେ ତାର୍ ଲେଃକେ ରକମ୍ କେଚେ ଜାବର୍
ଲିବିସ ଆରୁକେ । ଜିସୁ ଆଡେନ୍ ରେମୁଆଁକେ ବାସଙ୍ଗକେ “ପେନେ
ତ୍ରି ଆନେଙ୍ଗକେ ଆଃସ୍ତୁଏ ।” ରେମୁଆଁ ମୁଇଙ୍ଗ ଜିସୁ ପାକା ତ୍ରି
ଆଃରେବିଃକେ ଆରି ମେନେ ତ୍ରି ନିମାନ୍ ଡିଙ୍ଗ୍ଝେଗେ ।

୬ ଇଡ଼ିଙ୍ଗ ପାରୁସିଇଙ୍ଗ ଆଡ଼ବାନ୍ ଝିଗ୍ ଆରୁଗେ ଆରି
ହେରୋଦିୟଇଂ ଏଡେ କୁଡେଚେ ଜିସୁକେ ବାଗୁଏ ନସା କୁର୍
ଡିଂଆରୁକେ ।

ଗୁଲେ ରେମୁଆଁ ଜିସୁନେ ପ୍ଲା ଝେଆରୁକେ

୭ ଜିସୁ ମେନେ ସିସ୍ଵଇଂ ଏଃଡେ ଗାଲିଲୀ କେଣ୍ଡିଆ ଆଃଡା ଝେଆଗେ
। ମେଇଙ୍ଗନେ ପ୍ଲା ଗାଲିଲୀନେ ଗୁଲେ ରେମୁଆଁଇଂ ତିଗ୍ ଝେଆଗେ
ଆରି ଜିଡଦା ପ୍ରଦେସ୍,

୮ ଯିରୁଶାଲାମ୍, ଏଦୋମ୍, ଯର୍ଦ୍ଦନ୍ କେଣ୍ଡିଆ ଇନୁମେତା ସୋର
ଆରି ସୀଦୋନନ୍ଦିଆ ଲେଃକେ ସହର ତାଗ୍ରାବାନ୍ ପାଙ୍ଗଲେଃଆରୁଗେ
। ଆକେନ୍ ରେମୁଆଁଇଙ୍ଗ ପାଙ୍ଗନେ ତାଗ୍ରା ତିଂତିଂକେ ଜିସୁ ଆଣ୍ଡିନେ
ସାପା ଡିଙ୍ଗବକେ ଆଡେନ୍ ସାପା ଗର୍ନା ମେଇଙ୍ଗ ଅଁ ଆଃଡା ଆରୁଗେ
।

୯ ☆ଜିସୁ ଗୁଲେ ରେମୁଆଁଇଂକେ କେକେ ଗହଲି ଡିଙ୍ଗଲେଃଲା
ରେମୁଆଁଇଙ୍ଗ ଡିରକମ୍ ମେଇଙ୍ଗନେ ପାକା ଟେଟା ଆପାଙ୍ଗ୍ ଆରୁଲେ
ଆଡେନ୍ସା ମେ ନିଜେ ସିସ୍ଵଇଂକେ ମୁଇଙ୍ଗ ତାଆଁନେ ତରା ମେନ୍ସା
ଡିଆର୍ ଆଡ଼ିଙ୍ଗନେ ବାସଙ୍ଗକେ ।

☆ ୩:୯ ମାର୍ଚ୍ଚକ ୪:୧; ଲୁକ୍ ୫:୧-୩.

୧୦ ଜିସୁ ଗୁଲେ ରେମୁଆଁଙ୍କେ ନିମାଣ୍ଡା ଆଡ଼ିଙ୍ଗକେ । ତେଲା ସାପା ରଗ୍ ରେମୁଆଁଙ୍କ ଆମେକେ ଲିଗ୍‌ନେ ସା ମେଁ ପାକା ଟେଟା ଟେଣ୍ଡୁର ରାଙ୍ଗ୍‌ପାଙ୍ଗ୍‌ଆରକେ ।

୧୧ ଉଡ଼ି ରେମୁଆଁନେ ଗାଗଡ଼େ ଗଲିଆଇଁ ଗା ଲେଃଆରକେ । ଉଡ଼ିବେଲା ଆତେନ୍ ଗଲିଆଇଁ ଜିସୁକେ କେଆରକ୍ଲେ ଦାପ୍ତେ ମେଇଙ୍ଗ୍ ମେଁନେ ବୁନ୍ଦେ ଲଃଟେ ଝାସାରକେ ବାଲିରୁଆରକେ, “ନାଁ ଇସପରନେ ଉଙ୍ଗ୍‌ଡେ ।”

୧୨ ମାତର ଜିସୁ ଗଲିଆଇଁଙ୍କେ ନିମାଣ୍ଡା ବାବରେ ଆଦେସ୍ ବିକେ ଜେ ମେଁ ଜାଣ୍ଡେ ଆକେନ୍ ମେଇଙ୍ଗ୍ ରେମୁଆଁଙ୍କେ ଡିରକମ୍ ଆବାସଙ୍ଗ୍ ଆରଲେ ।

ଜିସୁ ଗୋମ୍ବାର୍ ସିସ୍‌ଙ୍କେ ସ୍ତ୍ରୀକେ (ମାଡ଼ିଉ ୧୦:୧-୪; ଲୁକ୍ ୬:୧୨-୧୬)

୧୩ ଇଡ଼ିଙ୍ଗ୍ ଜିସୁ ମୁଇଙ୍ଗ୍ କଣ୍ଡା ଆଡ଼ାଡ଼ା ଝେକେ । ମେଁ ଆଣ୍ଡିନେ ରେମୁଆଁଙ୍କେ ଚାଏକେ ଆମେଇଁଙ୍କେ ମେଁନେ ଡାଗ୍ରା ପାଙ୍ଗ୍‌ଲାପା ଡାଗ୍ରାଟେ ବାସଙ୍ଗ୍‌କେ । ମେଇଙ୍ଗ୍ ଜିସୁନେ ଡାଗ୍ରା ଝେଆରକେ ।

୧୪ ଜିସୁ ମେଇଙ୍ଗ୍‌ନେ ବିଡ୍ରେ ଗମ୍ବାରକ୍ଲିଗ୍ ସିସ୍‌କେ ବାଟେଟେ ପ୍ରେରିଡ଼ ଡାଗ୍ରାଟେ ମ୍ନି ବିଃକେ । ଜିସୁ ଚାଏଲେଃଟେ ଜେ “ମେଇଙ୍ଗ୍ ମେଁନେ ଏଃଟେ ଲେଃଏ ।” ମେଁ ଆମେଇଁଙ୍କେ ବାସଙ୍ଗ୍ ନସା ବିନ୍ ଜାଗାଅରିଆ ବେବିଃଆରଗେ ।

୧୫ ରେମୁଆଁଙ୍କାନ୍ନେ ଗାଗଡ଼େ ବାନ୍ ଗଲିଆଇଁଙ୍କେ ନୁଆଁନ୍‌ସା ଆମେଇଁଙ୍କେ ଅଦିକାର୍ ପେବାଏ ।

୧୬ ଜିସୁ ସ୍ତ୍ରୀବକ୍ଲେ ଗମ୍ବାରକ୍ଲିଗ୍‌ନେ ମ୍ନି ଦେକ୍‌ରକମ୍; ଶିମୋନ୍ ଆଜାକେ ମେଁ ପିତର ଡାଗ୍ରାଟେ ମ୍ନି ବିଃକେ ।

୧୭ ଜେବଦୀ ଉଙ୍ଗ୍‌ଡେ ଜାକୁବ୍ ଆରି ମେଁନେ ବୟାଣ୍ଡେ ଜହନ୍ ଜାଣ୍ଡେକେ ମେଁ ବିନେରିଗୋଷ ଡାଗ୍‌ଲା “ମେଘନାଦନେ ଉଙ୍ଗ୍‌ଡେ” ଡାଗ୍ରାଟେ ମ୍ନି ବିକେ;

୧୮ ଆନ୍ଦ୍ରିୟ ଫିଲିପ୍‌ସ୍ ବାର୍ଥଲମି ମାଡ଼ିଉ ଥୋମା ଆଲଫିନେ ଉଙ୍ଗ୍‌ଡେ ଜାକୁବ୍ ଅଦୀୟ କିଶାନୀୟ ଶିମୋନ୍ ଜାଣ୍ଡେ ଇଣ୍ଡାୟେଲକେ ଆଡ଼ାର ନସା ଚାଏଡ଼ିଙ୍ଗ୍ ମେଁଇଙ୍ଗ୍‌ନେ ବାନ୍ ମୁଇଁଜା ଲେଃଟେ ।

୧୯ ଆରି ଇସ୍ତାରିୟଥ୍ ଜିଉଦା । ଆକେନ୍ ଜିଉଦା ଇଡ଼ିଙ୍ଗ୍ ଜିସୁକେ ସତୁନେ ତ୍ରିନ୍ନିଆ ଅପେଃ ବିଃକେ ।

ଜିସୁ ଆରି ବାଆଲ୍‌ଜିବୁଲ୍

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩; ୧୨:୧୦)

୨୦ ଇଡ଼ିଙ୍ଗ୍ ଜିସୁ ତୁଆ ଷ୍ଟିଗ୍‌କେ । ଆଡ଼ ଅରିଆ ତିଗ୍ ଗୁଲେ ରେମୁଆଁ ରିସିଙ୍ଗ୍ ଆରକେ । ଆଡ଼ ଅରିଆ ଅଃକେନ୍ ରେମୁଆଁ ଲେଃଆରକେ ଜେ ଜିସୁ ଆରି ମେଁନେ ସିସଇଂ ଚଙ୍ଗ୍‌ଉଗ୍ ଆୟା ଆରକେ ଶୁ ।

୨୧ ଜିସୁନେ ତୁଆଣ୍ଟେଇଂ ଆକେନ୍ ସାପା ଅଁଆରକେ । ମେଇଙ୍ଗ୍ ଜିସୁକେ ଝାଉଙ୍ଗ୍ ଝେଆରଗେ । ମେଇଂ ବାସଙ୍ଗ୍‌କେ ଜେ “ଜିସୁକେ ବାଆଲ୍‌ଜିବୁଲ୍ ସାଃଲେଃକେ ।”

୨୨ ✧ ଯିରୁଶାଲମବାନ୍ ପାଙ୍ଗ୍‌ଲେଃକେ ଦରମ୍ କରମ୍ ଶ୍ଟେଇଂ ବାସଙ୍ଗ୍‌କେ, “ଜିସୁନେ ଗାଗ୍‌ଡେ ବାଆଲ୍‌ଜିବୁଲ୍ ଗାଲେଃକେ । ଆଡେନ୍‌ସା ଜିସୁ ଗଲିଆଇଂକେ ବାଆଲ୍‌ଜିବୁଲ୍ ସାଇଜରେ ଗଲିଆକେ ଆଃଆନ୍ତାର୍‌ତିଂକେ ।”

୨୩ ତେସା ଜିସୁ ମେଇଂ ଡାଗ୍ରା ଝେରେ ଆରି ଆଦେସ୍ ରକମ୍ ଆମେଇଂକେ ଆଃବୁଜେରେ ବାସଙ୍ଗ୍‌କେ, “ଗଲିଆ ତିରକମ୍ ଗଲିଆକେ ନୁଆଁ ଜଗ୍‌କ୍ଲାର୍‌ଏ ?

୨୪ ଡାଗ୍ରା ଆଣ୍ଟିନେ ଦେସ୍ ନିଜର୍ ବିତ୍ରେ ଜୁଜ୍ ତିଙ୍ଗ୍‌ଏ, ତେଲା ଆଡେନ୍ ଆରି ନିମାଣ୍ଟା ଆଲେଃ ଶୁ ।

୨୫ ବାରି, ଜଦି ମୁଡ଼ି ତୁଆ ବାଗ୍ ବାଗ୍ ତିଂରେ ମେଇଂନେ ବିରୁଦ୍‌ରେ ତଃଡ଼୍ୟାଏ, ତେଲା ଆଡେନ୍ ତୁଆ ବୁଂ ଆଲେଃ ଶୁ ।

୨୬ ଦେଡ଼ରକମ୍ ମୁଇଙ୍ଗ୍ ସୟତାନ୍‌ନେ ରାଜି ବିଗ୍‌ଡେ ଝେରେ ନିଜର୍ ବିତ୍ରେ ରିଙ୍ଗ୍‌ଆଃ ପାଙ୍ଗ୍‌ଏ, ତେଲା ମେଁ ତିଗ୍ ନିମାଣ୍ଟା ଆଲେଃ ଶୁ । ଆରି ମେଁନେ ଦଂସ ତିଂଝେଏ ।”

୨୭ “ଜଦି ମୁଇଙ୍ଗ୍ ରେମୁଆଁ ମୁଇଙ୍ଗ୍ ବପୁ ଲେଃକେ ରେମୁଆଁ ତୁଆ ଗାରେ ମେଁନେ ଦନ୍‌ସମ୍‌ତି ଡଙ୍ଗା ତୁଂଝିଗ୍‌ନେ ଚେସ୍‌ଟା ତିଙ୍ଗ୍‌ଏ, ତେଲା ସେନୁଗ୍ ମେଁ ବପୁ ଲେଃକେ ରେମୁଆଁକେ ଗାଗ୍‌ଏ; ଇଡ଼ିଙ୍ଗ୍ ମେଁ ବପୁ ଲେଃକେ ରେମୁଆଁନେ ତୁଆ ଡଙ୍ଗାରେ ସାପା ମେଁ ମେଁନେ ତୁଂଝିଗ୍ ଯାଏ ।”

✧ ୩:୨୨ ମାତିଉ ୯:୩୪; ୧୦:୨୫.

୨୮ “ନେଇଁ ଆପେକେ ସତ୍ ବାସଇଁ ଶୁଇଁ । ରେମୁଆଁ ଡିଡିରକମ୍ ପାପ୍ ଡିଇଁଆରଡିଂକେ, ଆତେନ୍ ସାପା ଲିବିସଃ ଡିଇଁ ବିଃଆରୁଏ । ରେମୁଆଁ ପର୍ମେସର୍‌ରେ ବିରଦ୍‌ରେ ଉଡି ସାପା ଦଦ୍ୟା ସାମୁଆଁଇଇଁ ବାସଂଡିଇଁଆରକେ, ଆତେନ୍ ସାପା ଡିଗ୍ କେମା ଡିଇଁବିଃଆରୁଏ ।

୨୯ ମାତର ପବିତ୍ର ଆମ୍ବା ବିରଦ୍‌ରେ ଆଣ୍ଟିନେ ରେମୁଆଁ ମେଃଡିଗ୍ ବାସଇଁଏ, ଆମେକେ ଅଃନା ଡିଗ୍ କେମା ଆମିଲେ ଶୁ । ମେଁ ମାତାନେ କାଲ୍ କାଲ୍ ଜାକ ପାପ୍‌ନେ ଦସ୍ ଡିଇଁଏ ।”

୩୦ ଦରମ୍ କରମ୍ ଡିଶ୍ଟେଇଂ ଜିସୁ ତାଗ୍ରା ଗଲିଆ ଲେଃକେ ତାଗ୍‌ତେ ବାସଇଁବଲା ଜିସୁ ଆକେନ୍ ସାପା ଆମେଇଂକେ ବାସଇଁକେ ।

ଜିସୁନେ ଇୟାଂଡେ ଆରି ବୟାଣ୍ଟେଇଂ

(ମାତିଉ ୧୨:୪୭-୫୦; ଲୁକ୍ ୮:୧୯-୨୧)

୩୧ ଇଡିଇଁ ଜିସୁନେ ଇୟାଂଡେ ଆରି ବୟାଣ୍ଟେଇଂ ଆଡ୍ ଆରିଆ ପାଈ ଆରକେ । ମେଇଇଁ ବାଜାର୍ ତୁଆଁ ଆରକେ ଆରି ମୁଇଇଁ ରେମୁଆଁକେ ଜିସୁକେ ବାଜାର୍ ପାଈ ନ୍‌ସା ୱା ତୁଇଁପାଈ ନ୍‌ସା ବେକେ ।

୩୨ ଆତେନ୍ ବେଲା ଜିସୁନେ ପିତୁର୍ ପାକା ରେମୁଆଁଇଂ ଗେରେରେଃ କ ଲେଃଆରଗେ । ମେଇଇଁ ଆମେକେ ବାସଇଁଆରକେ, “କେଲା ପିୟାଈ ଆରି ବୟାଈ ଆରି ତନାଇଂ ଆନାକେ ବାଜାର୍ ଉର୍ ଲେଃଆରକେ ।”

୩୩ ଜିସୁ ବାସଇଁକେ, “ଜାଣ୍ଟେ ନେଇଁ ଇୟାଈ ? ଜାଣ୍ଟେଃଇଂ ନେଇଁନେ ବୟା ?”

୩୪ ଇଡିଇଁ ଜିସୁ ମେଁନେ ପିତୁର୍ କ ଲେଃକ୍ଟେ ରେମୁଆଁଇଂ ପାକା କେକେ । ମେଁ ବାସଇଁକେ, “ଆକେନ୍ ରେମୁଆଁଇଂ ନେଇଁନେ ଇୟାଈ ଆରି ବୟା ।

୩୫ ଜାଣ୍ଟେଇଂ ଇସ୍‌ପରନେ ଇକ୍‌ଚାକେ ପୁରନ୍ ତିଂଆରୁଏ, ମେଇଇଁ ଆଃ ନେଇଁନେ ବୟା ତନା ଆରି ଇୟାଈ ।”

୪

କିଆ ବିଗ୍‌ଣ୍ଟେନେ ଉଃସ୍‌ସା

(ମାତିଉ ୧୩:୧-୯; ଲୁକ୍ ୮:୪-୮)

୧ ଜିସୁ ଆରି ଗାଲିଲୀ କେଣ୍ଡିଆ ଆଃଡ଼ାପାକା ଆଃଡ଼ିଗ୍ ନସା ମୁଲେକେ । ଆଡ଼ଅରିଆ ମେଁନେ ପିତୁର୍ ପାକା ଗୁଲୁଏ ରେମୁଆଁ ରିସିଂ ଆରକେ । ତେସା ମେଁ କେଣ୍ଡିଆ ଅରିଆ ଲେଃକେ ମୁଇଂ ତରାନ୍ନିଆ ଝେତେ କକେ । ବିନ୍ ସାପା ରେମଆଁଇଂ କେଣ୍ଡିଆନେ ଆଃଡ଼ା ତୁଆଁଲେ ଆରକେ ।

୨ ଜିସୁ ଆମେଇଂକେ ଉଃସା ଆଃଡ଼ିଗ୍ତେ ଗୁଲୁଏ ସାମୁଆଁ ବାଲିରକେ । ମେଁ ବାସଙ୍ଗକେ ।

୩ “ଆଁପା; ମୁଇଂ ରେମୁଆଁ ବିଗଜା ତାରକେ ।

୪ ଉଡ଼ିବେଲା ଲିଜ ସ୍ଲେଣ୍ଡେ କିଆ ବିଗ୍ ଡିଙ୍ଗକେ ଆଡ଼ ବାନ୍ ମେଁ ଲିଜନ୍ନିଆ ତୁମୁଜା ବିଗନେ ବେଲା ଉଡ଼ି କିଆ ଗାଲି ଲଃଲୀ ପ୍ଲିଗ୍ଇଂ ପାଙ୍ଗ୍ତେ ଆତେନ୍ ସାପା ଚଙ୍ଗ୍ବିଗେ ।

୫ ଆରି ଉଡ଼ିକ୍ଲିଗ୍ ମଞ୍ଜି ଇକୁଡ଼ା ତୁବଃ ଲେଃନେ କିଡ଼ିଲ ତୁବଃନ୍ନିଆ ଲଃକେ । ଆତେନ୍ ତୁବଃ କୁବାଂ ଆଲେଃଲୀ ମୁଞ୍ଜି ଜିଆ ଜିଆ ପଃଡ଼୍ୟାକେ ।

୬ ମାତର୍ ମେଁନେ ତେର୍ ଆଲେଃରେସା ନ୍ନାଃସେଙ୍ଗ୍ଲା ନ୍ସୁଆର୍ ଝେଗେ ।

୭ ଆରି ଉଡ଼ିକ୍ଲିଗ୍ ଗ୍ରେଃ ସ୍ଲାଃଇଂନେ ମଜେ ଲଃକେ ବାରି, ଗ୍ରେଃ ସ୍ଲାଃଇଂ ତଃଡ଼୍ୟାତେ ମ୍ଲା ତିଂତେ ଆତେନ୍ଇଂକେ ଚାପେ ବିଃକେ । ବାରି ମେଃଡ଼ିଗ୍ ତୁ ଆରୁକେ ଶୁ ।

୮ ବାରି ଉଡ଼ି ତୁମୁଜା ନିମାଣ୍ଡା ଲିଜନ୍ନିଆ ଲଃତେ । ଆତେନ୍ ସ୍ଲା ଡିଙ୍ଗକେ । ସ୍ଲା ନିମାଣ୍ଡା ତଡ଼ିଆକେ ଆରି କିଆ ସ୍ଲିକେ । ଉଡ଼ି ସ୍ଲାନ୍ନିଆ ତିରିସ୍ ଗୁନ୍ ବା ଞ୍ଜିକୁଡ଼ି ଗୁନ୍ ବା ଦେକ୍‌ରକମ୍ ଉଡ଼ି ସ୍ଲା ନ୍ନିଆ ମାଲ୍‌କୁଡ଼ି ଜାକ ମୁଞ୍ଜି ସାକେ ।”

୯ ଇଡ଼ିଙ୍ଗ୍ ଜିସୁ ବାସଙ୍ଗକେ, “ପେ ସାପାରେନେ ବିତ୍ରେ ଜାନେ ଦ୍ରିଗ୍ ନସା ନ୍ଲୁଗ୍ ଲେଃକେ, ମେଁ ଦ୍ରିଗ୍ଲେଃ ।”

ଉଃସାନେ ଉଦେସ୍

(ମାଡ଼ିଉ ୧୩:୧୦-୧୭; ଲୁକ୍ ୮:୯-୧୦)

୧୦ ଇଡ଼ିଙ୍ଗ୍ ଉଡ଼ିବେଲା ଜିସୁ ମୁଇଙ୍ଗ୍‌ଜା ଲେଃଗେ, ଆତେନ୍ ବେଲା ମେଇଂନେ ମ୍ବାକ୍ଲିଗ୍ ଜାକ ପ୍ରେରିଡ଼ ଆରି ମେଁ ଏତେ ଲେଃକେ ସିସ୍‌ଇଙ୍ଗ୍ ଆମେକେ ଉଃସା ବିସମ୍ଭରେ ସାଲ୍ୟାଃକୁଆରକେ ?

୧୧ ଜିସୁ ବାସଙ୍ଗକେ, “ଇସ୍‌ପର୍‌ନେ ରାଜିନେ ଗୁନ୍ ବୁଜେନ୍‌ସା ଆପେକେ ବପୁ ବିଃବକେ, ମାତର୍ ବିନ୍‌ଶ୍ଟେନ୍‌ସା ଏନ୍ ସାପା ଉଃସ୍ତା ବାସଙ୍ଗବକେ ।

୧୨ ମେଇଂ କିକେ ଲେଃଆର୍‌ଏ,
ମାତର୍ ମେଃଡିଗ୍ ବୁଜେ ଆୟା ଆର୍ ଶୁ:
ସାପା ସାମୁଆଁ ଅଁ ଲେଃଆର୍‌ଏ,
ମାତର୍ ମେଃଡିଗ୍ ବୁଜେ ଆୟାଆର୍ ଶୁ ।
ମେଇଂ ଜଦି ସଡ଼ରେ ପାକେଆର୍ ଆରି ପାରୁଜେଆର୍, ମେଇଂ
ଇସ୍‌ପର୍‌ନେ ତାଗ୍ରା ଆଣ୍ଡେ ପାପାଙ୍ଗ୍‌ଆର୍ ବାରି ଇସ୍‌ପର୍
ଆମେଇଂକେ କେମା ପାବିଃ ।”

କିଆ ବିଗ୍‌ଶ୍ଟେନେ ଉଃସ୍ତାନେ ଅର୍ଡ

(ମାଡିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଇଡିଙ୍ଗ୍ ଜିସୁ ଆମେଇଂକେ ବାସଙ୍ଗକେ, “ପେ ସାପାରେ ଆକେନ୍ ବୁଜେନେ ସାମୁଆଁ ମ୍ୟା ପେଡିଙ୍ଗ୍‌କେ ଲେଃ ଶୁ ? ତେଲା ବିନ୍ ସାମୁଆଁଇଙ୍ଗ୍ ଡିରକମ୍ ପେବୁଜେଏ ?

୧୪ ସ୍ନେନେ ରେମୁଆଁଇଂ ମନ୍ ବିଡ଼ରେ ପର୍‌ମେସର୍‌ନେ ସାମୁଆଁ ବିଗ୍‌କ୍ନେ ରେମୁଆଁ ରକମ୍ ।

୧୫ ଜାଣ୍ଡେଇଂ ଅଁଆର୍‌ଏ ଉଡି ରେମୁଆଁ ଆକେନ୍ ଗାଲି ରକମ୍ ଆତେନ୍ ରେମୁଆଁଇଂ ପର୍‌ମେସର୍‌ନେ ସାମୁଆଁ ଅଁ ଆର୍‌ଏ, ମାତର୍ ସୟତାନ୍ ଟାପନା ପାଙ୍ଗ୍‌ରେ ମେଇଙ୍ଗ୍‌ନେ ବିଡ୍ରେ ବାସଙ୍ଗକ୍ନେ ସାମୁଆଁକେ ଡୁଂଡଏ ।

୧୬ ଆରି ଉଡି ରେମୁଆଁ ବାଟା ଟିକ୍ରା ବିଗ୍‌କ୍ନେ କିଆ ରକମ୍ ମେଇଙ୍ଗ୍ ସାମୁଆଁ ଦ୍ରିଗ୍‌ଆର୍‌ଏ ଆରି ଦାପ୍‌ରେ ସାଦାରେ ଆତେନ୍ ସାଚେ ଡୁଂଝିଗ୍‌ଏ ।

୧୭ ତେଲା ମୈନେ ତେର୍ ମେଇଂନେ ଜିବନ୍ ବିଡ୍ରେ ଆଃଗା ଆୟାଆର୍ ଶୁ । ମାତର୍ ପ୍ରେଗ୍‌ନ୍‌ସା ମେଇଙ୍ଗ୍ ସାମୁଆଁକେ ସାଃ ମ୍ୟାଃଆର୍‌କେ । ଇଡିଙ୍ଗ୍ ଉଡିବେଲା ଦୁକ୍ କସ୍‌ଆରି ତାଡନା ପାଙ୍ଗ୍‌ଏ, ମେଇଙ୍ଗ୍ ପ୍ଲାଃ ଗୁଚେ ଝେଆର୍‌ଏ, ଆତେନ୍ ବେଲା ମେଇଂ ଟାପନା ବିସ୍‌ବାସ୍ ଆନ୍ତର୍ ବିଃ ଆର୍‌ଏ । ଆରି ମେଇଙ୍ଗ୍ ବିଗ୍‌କ୍ନେ ଟିକ୍ରା ଲିଜ ଏଃଡେ ସମାନ୍ ।

୧୮ ଆରି ଉଡ଼ି ରେମୁଆଁ ଗ୍ରେଷ ଲାଟା ଅରିଆ ଲକ୍ଷଲେକ୍ଷେ କିଆ ରକମ୍ । ମେଇଙ୍ଗ ସାମୁଆଁ ଦ୍ଵିଗ୍ୟ ।

୧୯ ମାତର ମେଁଇଙ୍ଗ ସଂସାରନେ ଚିନ୍ତା ଆରି ଦନ୍ନେ ଲବ୍ ଆରି ବିନ୍ ଜିନିସ୍ ଲାବ୍ ଆଡ଼ିଙ୍ଗନେ ଲାଲ୍‌ସା ପାଙ୍ଗ୍‌ଏ ଆରି ଆତେନ୍‌ଇଂ ସାମୁଆଁକେ ମିଗ୍ ଜଗ୍‌ଜ୍ଞିଗ୍ୟ । ଇଡ଼ିଙ୍ଗ୍ ଆତେନ୍ ପାରାନ୍‌ନିଆ ତୁତୁ ଆତୁ ଶୁ ।

୨୦ ଉଡ଼ି ରେମୁଆଁ ନିମାଣ୍ଡା ତୁବଃଅରିଆ ବିଗ୍‌କ୍ସେ କିଆ ରକମ୍ ମେଇଙ୍ଗ୍ ସାମୁଆଁ ଆଣ୍ଡେଙ୍ଗ୍ ଅଁ ଆର୍‌ଏ ଆରି ଆତେନ୍ ସାଃଆର୍‌ଏ । ଇଡ଼ିଙ୍ଗ୍ ମେଇଙ୍ଗ୍ ମ୍ନାଃ ଡିଙ୍ଗ୍‌ଚେ ସାକାର୍ ଡିଙ୍ଗ୍‌ଆର୍‌ଏ । ଆତେନ୍ ଉଡ଼ି ଉଡ଼ିବେଲା ଡିରିସ୍ ଗୁନ୍ ଞିକୁଡ଼ି ଗୁନ୍ ବା ମାଲ୍‌କୁଡ଼ି ଗୁନ୍ ଜାକ ମୁଞ୍ଜି ବିଃଏ ।”

ବଃଡ଼େ ଆଲ କୁପିସ /
(ଲୁକ୍ ୮:୧୭-୧୮)

୨୧ ଇଡ଼ିଙ୍ଗ୍ ଜିସୁ ଆମେଇଂକେ ବାଲିରକେ “ଜାଣ୍ଡେ ଅଃନା ମେଁନେ କ୍ଵୁଇ ବୁଦେ ଲେଃ କଟ୍ ଆଲ କୁପିସ ବ ପେମ୍ୟାଃକ୍ସେ ? ପେ କୁପିସ ବ ପେମ୍ୟାକ୍ସେ ଆଡ଼ାତ୍ରା କୁପିସ ବନ୍‌ସା ତୁଂପେପାଙ୍ଗ୍‌କେ ।

୨୨ ☆ ମେଃନେ ସାପା ବୁଃଡ଼ି ଲେଃକେ, ଆତେନ୍ ନ୍‌ଏ, ମେଃନେ ସାପା ଡିଡ଼ାଚେ ଲେଃକେ, ଆତେନ୍ ଆଡ଼ା ଶୁ ।

୨୩ ଜଦି ଜାଣ୍ଡେନେ ଅଁନେ ଛୁଗ୍ ଲେଃକେ ମେଁ ଅଁପା ।”

୨୪ ☆ଜିସୁ ଆମେଇଂକେ ବାସଙ୍ଗ୍‌କେ, “ମେଃନେ ଦ୍ଵିଗ୍‌ପେଡ଼ିଙ୍ଗ୍‌କେ, ଆତେନ୍ ଆଡ଼ାତ୍ରା ମନ୍‌ଦ୍ୟାନ୍ ବିଃପା । ଡିରକମ୍ ବାବ୍‌ରେ ପେ ବିନ୍ ରେମୁଆଁକେ ବିଚାର୍ ପେଡ଼ିଙ୍ଗ୍‌ଏ ଦେଡ଼ରକମ୍ ମାଲେ ଡାଟାମ୍ ବାବ୍‌ରେ ଇସପର୍ ପେନେ ବିଚାର୍ ଡିଙ୍ଗ୍‌ଏ ।

୨୫ ☆ଜାନେ ଲେଃକେ, ଆମେକେ ଜବର୍ ବିଃଏ । ମାତର ଜାନେ ଡାଗ୍ରା ଶୁ ମେଁ ଡାଗ୍ରା ମେଃନେ ସାପା ଲେଃକେ, ଆତେନ୍ ସାପା ତୁଂତଏ ।”

ମୁଞ୍ଜି ଗାଜା ଡିଙ୍ଗ୍‌ଚେ ମ୍ନା ତିଂନେ ସାମୁଆଁ

☆ ୪:୨୨ ମାଡ଼ିଉ ୧୦:୨୬; ଲୁକ୍ ୧୨:୨. ☆ ୪:୨୪ ମାଡ଼ିଉ ୭:୨; ଲୁକ୍ ୬:୩୮. ☆ ୪:୨୫ ମାଡ଼ିଉ ୧୩:୧୨; ୨୫:୨୯; ଲୁକ୍ ୧୯:୨୬.

୨୭ ଜିସୁ ଆରି ବାସଙ୍ଗକେ, “ପରମେସରନେ ରାଜି ଲିଜ ଅରିଆ କିଆ ବିଗ୍‌କେ ରେମୁଆଁ ରକମ୍ ।

୨୭ ମିଡିଗବଃ ତୁଲେଗ୍‌ଏ ଆରି ସ୍ଥି ଉର୍‌ଏ, ମାତର୍ ବୁଜା ପଃଡ଼୍ୟାଚେ ଡିରକମ୍ ମ୍‌ାଃଏ, ଆତେନ୍ ମେଁ ଆମ୍ୟାଃ ଶୁ ।

୨୮ ସ୍ଲା ମ୍‌ାଚେ ରୁଚୁ ସାଃନ୍‌ସା ତୁବଃ ଆଃ ସାପା କିଚି ଡିଙ୍ଗ୍‌ଏ । ସେନୁଗ୍ ଉଲିଆ, ଇଡ଼ିଙ୍ଗ୍ କେଡ଼, ଇଡ଼ିଙ୍ଗ୍ ସ୍ଲା ବାନ୍ ବରତି କିଆ ଡିଙ୍ଗ୍‌ଏ;

୨୯ ଉଡ଼ିବେଲା କିଆ ରେଏ, ଆତେନ୍‌ବେଲା ଆତେନ୍ ରେମୁଆଁ ନ୍‌ସଗ୍ ତୁଂଝେଚେ ଆମେକେ ଝେଃଏ । ଡାଗ୍ଲା ଆକେନ୍ ଆଃ ଝେଃନେ ସମାନ୍ ବେଲା ।”

ପରମେସରନେ ରାଇଜ୍ ମୁଇଙ୍ଗ୍ ସୋରିଷ ମୁଞ୍ଜି ସୁଗୁଆ ।

(ମାଡ଼ିଉ ୧୩:୩୧-୩୨, ୩୫; ଲୁକ୍ ୧୩:୧୮-୧୯)

୩୦ ଜିସୁ ଆରି ବାସଙ୍ଗକେ, “ପରମେସର ରାଜି ଜା ଏତେ ତୁଲେଚେ ନେଙ୍ଗ୍ ଆପେକେ ମୁଜେଏ ? ନେଙ୍ଗ୍ ଆଶ୍ଟିନେ ସାମୁଆଁ ରକମ୍ ଆକେନ୍ ମୁଜେଏ ?

୩୧ ପରମେସରନେ ରାଜି ମୁଇଙ୍ଗ୍ ସୋରିଷ ମୁଞ୍ଜି ସୁଗୁଆ । ଆକେନ୍ ସୋରିଷ ମୁଞ୍ଜି ପେ ଲିଜ ନ୍‌ିଆ ବିଗ୍‌ଡିଙ୍ଗ୍‌କେ ବୁନୁଜା ବିତ୍ରେ ସାପାବାନ୍ ଡାଆଁ ।

୩୨ ମାତର୍ ପେ ବିଗ୍‌ନେ ଡାଲା ଆତେନ୍ ମୁଞ୍ଜି ଡ଼ିଆଚେ ପେ ଲିଜନେ ବିନ୍ ସ୍ଲା ବିତ୍ରେ ସାପା ବାନ୍ ମ୍‌ା ଡିଙ୍ଗ୍‌ଝେଏ । ମେଁନେ କେନ୍‌ା ଆଣ୍ଡେଙ୍ଗ୍ ମ୍‌ା ଡିଙ୍ଗ୍‌ଝେଏ । ପ୍ଲିଗ୍‌ଂ ପାଙ୍ଗ୍‌ଚେ ମେଁନେ ନ୍‌ଲୁଡ଼ିଆଃ ଅରିଆ ଉଙ୍ଗ୍‌ତ୍ୟା ଗାଗ୍‌ଚେ ଲେଃଆର୍‌ଏ ।

୩୩ ଦେକ୍‌ରକମ୍ ଗୁଲୁଏ ଉଃସ୍ତା ରକମ୍ ବାସଙ୍ଗଚେ ସାମୁଆଁ ବାସଙ୍ଗ ଡିଙ୍ଗ୍‌କେ; ମେଇଂ ଉଡ଼ି ବୁଜେ ଯାଆର୍‌ଏ ମେଁ ଅଃତେନ୍ ବାସଙ୍ଗ ଡିଙ୍ଗ୍‌କେ ।”

୩୪ ଜିସୁ ରେମୁଆଁକେ ସାମୁଆଁ ବାସଙ୍ଗ କେଲା କାଲାଆଃ ଆଃବୁଜେଚେ ବାଲିର୍‌ମ୍ୟାକେ । ମାତର୍ ଜିସୁ ଏତେ ମେଁନେ ସିସ୍‌ଙ୍ଗ୍ ମୁଇଙ୍ଗ୍‌ଜା ଲେଃକେ ବେଲା ଆତେନ୍ ବେଲା ଜିସୁ ଆମେଇଂକେ ସାପା ନିମାଣ୍ଡା ବାବ୍‌ରେ ଆଃବୁଜେ ବିଃମ୍ୟାକେ ।

ଜିସୁ ଝେଡ଼ିଆଃ ଗୁର୍‌ୟାଃ ଆଃବୁଂ ବିଃକେ

(ମାଡ଼ିଉ ୮:୨୩-୨୭; ଲୁକ୍ ୮:୨୨-୨୫)

୩୫ ଆତେନ୍ ସ୍ତ୍ରୀ ଲମ୍ବିଗ୍ ବେଲା ଜିସୁ ମେଁନେ ସିସ୍‌ଲଙ୍କେ ବାସଙ୍ଗକେ, “ଏଲାପା କେଣ୍ଡିଆ ଇନୁମେତା ନେଝେପା ।”

୩୬ ତେସା ମେଇଙ୍ଗ୍ ସାପା ରେମୁଆଁକେ ଆଡ୍ ଅରିଆ ଆନ୍ତାର୍‌ବିକେ । ଆଣ୍ଡିନେ ତରା ଅରିଆ ଜିସୁ ସିସେନୁଗ୍ କଲେଃରେ । ସିସ୍‌ଲ ଡିଗ୍ ଝେରେ ଆଡ୍ ଅରିଆ କଆରକେ । ଆଡ୍‌ଅରିଆ ବିନ୍ ତରା ଡିଗ୍ କଲେଃରେ ।

୩୭ ଇଡିଙ୍ଗ୍ କେଣ୍ଡିଆ ଅରିଆ ମୁଇଙ୍ଗ୍ ମ୍ଲଃନେ ଝେଡିଆ ତାରକେ । ତରା ପାକା ଲଉଡି ତା ହୁଁପାଙ୍ଗକେ; ତରାନ୍ନିଆ ଶ୍ରିଆ ନ୍ ଝେରେ ।

୩୮ ଜିସୁ ତରା ବିତ୍ରେ ପ୍ଲ ପାକାନେ ମୁଇଙ୍ଗ୍ କନେ ନିଗ୍‌ବଡିଙ୍ଗ୍ ଅରିଆ ବାଆଃ ବରେ ହୁଲେଗ୍ କଲେଃରେ । ମେଁନେ ସିସ୍‌ଲଙ୍ଗ୍ ମେଁ ତାଗ୍ଲା ଝେରେ ଆମେକେ ଆଃତଡ୍ୟା ଆରକେ । ମେଇଙ୍ଗ୍ ବାସଙ୍ଗ୍ ଆରକେ “ଏ ଗୁରୁ, ନେଁ ଲଗ୍‌ତ୍ୟାଚେ ନେଗୁଏଃଏବେ, ଆନାକେ ମେଃନେ ଚିନ୍ତା ଶୁ?”

୩୯ ଜିସୁ ତଡ୍ୟାକେ ମେଁ ଝେଡିଆକେ ବାଃଟକେ ଆରି ଲଅଡିକେ ବାସଙ୍ଗକେ, “ବୁଁଲଃଲା ।” ଇଡିଙ୍ଗ୍ ଝେଡିଆ ବନ୍ଦ୍ ତିଙ୍ଗ୍ ଝେରେ । କେଣ୍ଡିଆ ବୁଁ ଝେରେ ।

୪୦ ଇଡିଙ୍ଗ୍ ଜିସୁ ସିସ୍‌ଲଙ୍ଗ୍‌କେ ବାସଙ୍ଗକେ “ପେ ସାପାରେ ମେଁନ୍‌ସା ବୁଟମେଗ୍ ପେଡିଙ୍ଗକେ ? ଏଃଜାକ ମେଃନେ ପେ ସାପାରେନେ ବିସ୍‌ବାସ୍ ଆଡିଙ୍ଗକେ ଶୁ?”

୪୧ ମେଇଙ୍ଗ୍ ମାତର୍ ଜବର୍ ବୁଟ ଝେଆରକେ । ମେଇଙ୍ଗ୍ ନିଜେ ବିତ୍ରେ ବାଲିର୍‌ବାତା ଆରକେ “ଏନ୍ ଡିରକମ୍‌ନେ ରେମୁଆଁ ? ଦେକ୍‌ରକମ୍ କି ଝେଡିଆ ଆରି ଲଉଡି ଡିଗ୍ ଆମେକେ ମାନେଃ ଡିଆରକେ ।”

୫

ଜିସୁ ମୁଇଁ ବୁଡ୍ ସାଃଲେଃରେ ରେମୁଆଁକେ ନିମାଣ୍ଡା ଆଃଡିଙ୍ଗକେ
(ମାଡିଡ ୮:୨୮-୩୪; ଲୁକ୍ ୮:୨୭-୩୯)

୧ ଇଡିଙ୍ଗ୍ ଜିସୁ ଆରି ମେଁନେ ସିସ୍‌ଲଙ୍ଗ୍ ଗାଲିଲୀ କେଣ୍ଡିଆନେ ଇନୁମେତା ଗରାଶୀୟଙ୍‌ନେ ଇନିଅରିଆ ଝେଟା ଆରକେ ।

୨ ଜିସୁ ତରାବାନ୍ ଜାରକ୍ଲେ ଦାପ୍ରେ ମୁଇଙ୍ଗ୍ ରେମୁଆଁ ରାଝତ୍ୟା ବାନ୍ ତାରତେ ମେଁ ଡାଗ୍ରା ପାଙ୍ଗ୍ କେ । ମେଁନେ ଗାଗ୍ଡେ ଗଲିଆ ବାସା ଲେଝଗେ ।

୩ ଆତେନ୍ ରେମୁଆଁ ରାଝତ୍ୟା ଅରିଆ ଲେଝମ୍ୟାକେ ଆମେକେ ଜାଣ୍ଡେ ଡିଗ୍ ଗାଗ୍ ଆୟା ଆରକ୍ଲେ । ଦେକ୍‌ରକମ୍ କି ସିକ୍ଲି ଏତେ ଡିଗ୍ ଆମେକେ ଗାଗ୍ ଆୟା ଆରକ୍ଲେ ଶୁ ।

୪ ଡାଗ୍‌ଲା ଆମେକେ ଜାବର୍ ତର୍ ଡିକାଡ୍ ଅୁରି ସିକ୍ଲି ଏତେ ଗାଗ୍ ବିଝବମ୍ୟାକେ, ମାତର୍ ମେଁ ଡିକାଡ୍ ଟେକ୍‌ଟାର୍ ଜଗ୍‌ଲ୍‌ଗ୍ ମ୍ୟାକେ ଆରି ସିକ୍ଲିକେ ଟିକ୍‌ଟିତେ ଜଗ୍‌ଲ୍‌ଗ୍‌ଡିଂଗେ । ଜାଣ୍ଡେ ଡିଗ୍ ଆମେକେ ଗାଗ୍‌ରେ ବ ଆୟାଆରକ୍ଲେ ଶୁ ।

୫ ମେଁ ସ୍ତ୍ରୀ ମିଡିଗ୍ କାଲାଆଃ ରାଝତ୍ୟା ଆରି କଣ୍ଡା ଅରିଆ ଲେଝତେ ସାର ସାଗା ମ୍ୟାକେ ଆରି ନିଜେ ମେଁ ବ୍ରି ଏତେ ଚୁଟାଟ୍‌ରେ ଆଝଟିନା ଆଝବାନା ଡିଙ୍ଗ୍‌ମ୍ୟାକେ ।

୬ ରେମୁଆଁ ମୁଇଙ୍ଗ୍ ଜିସୁକେ ସ୍ତ୍ରୀବାନ୍ କେତେ ମେଁ ଡାଗ୍ରା ଝିର୍ ଡୁଂପାଙ୍ଗ୍‌ରେ ମେଁନେ ସେନ୍‌ଗ୍ ଲଝଝେଗେ ।

୭ ଆରି କିରତେ ବାସଙ୍ଗ୍‌କେ, ଏ ସାପାବାନ୍ ମ୍ବା ଇସ୍‌ପର୍‌ନେ ଡଙ୍ଗ୍‌ତେ ଜିସୁ ! ନା ଏତେ ନେଙ୍ଗ୍‌ନେ ମେଝ କାମ୍ ଲେଝକେ ? ଆନାକେ ଇସ୍‌ପର୍‌ନେ ମ୍ବିରେ ମୁଣ୍ଡିଆ ବଗ୍‌ଣ୍ଡିଂକେ ଆନେଙ୍ଗ୍ ଡଃଶୁ ଆବିଗେ ।

୮ ଡାଗ୍‌ଲା ଜିସୁ ଆମେକେ ବାଲିର୍ ନ୍ୟା ଝେଡିଙ୍ଗ୍‌ଗେ “ଏ ବୁଡ୍ ଆମ୍ବା; ଆକେନ୍ ରେମୁଆଁବାନ୍ ତାରଝେଲା ।”

୯ ଜିସୁ ଆମେକେ ସାଲିଆକୁକେ, “ନାଁ ମ୍ବି ମେଝନେ ?” ଆତେନ୍ ରେମୁଆଁ ବାଲିର୍‌କେ, “ନେଙ୍ଗ୍‌ନେ ମ୍ବି ‘ବାହିନୀ’, ଡାଗ୍ଲା ନେ ଜାବର୍ ।”

୧୦ ଆତେନ୍ ଗଲିଆଇଂ କାକୁର୍ଡି ଡିଂରେ ବିକ୍ ସାଲିଆକେ ଜେ ମେଁ ଗଲିଆଇଂକେ ଆତେନ୍ ଏରିଆବାନ୍ ପାଦା ବେଆବିଗେ ନାମଃ ।

୧୧ ଆତେନ୍ କଣ୍ଡା ଆଡାପାକା ଆତେନ୍ ବେଲା ଗୁରୁଗ୍‌ଇଂ ଗୁଲେ ମାନ୍ଦା ତୁଟଙ୍ଗ୍ ଅଲେଙ୍ଗ୍ ଡିଂଆରଗେ ।

୧୨ ବୁଡ୍‌ଇଂ ଜିସୁକେ କୁସାମୁଡି ଡିଂରେ ବାଲିର୍‌ଆରକ୍ଲେ, “ଆନେକେ ଗୁରୁଗ୍‌ଇଂ ଡାଗ୍ରା ବେବିଝ ତେଲା ନେଁ ମେଁଇଂନେ ଗାଗ୍‌ଡେ ବିଡ୍ରେ ଗାନ୍‌ନେଝେଏ ।”

୧୩ ଜିସୁ ଆମେକେ ଦେକ୍‌ରକମ୍ ଡିଙ୍ଗ୍‌ନେସା ଆଦେସ୍ ବିକେ । ଇଡିଙ୍ଗ୍ ବୁଡ୍‌ଇଂ ଆତେନ୍ ରେମୁଆଁ ଗାଗ୍‌ଡେବାନ୍ ତାରତେ ଗୁରୁଗ୍‌ଇଂ

ଗାଗଡ଼େ ଗାଞ୍ଜେଆରଗେ, ଆଡେନ୍ ଗୁରୁଗ ମାନ୍ଦାଈଙ୍ଗ ଗୁଲେ ମ୍ପାର୍ ଅଜାର୍ ଲେଃଆରଗେ । ଆଡେନ୍ ସାପାଜାକ ଗୁରୁଗ କଣ୍ଡା ଆଃଡ଼ାବାନ୍ ଦାପ୍ପେ ଝିର୍ ତୁଂପାଙ୍ଗ୍ରେ କେଣ୍ଡିଆ ବିତ୍ତେ ଲଗ୍ତ୍ୟା ଗୁଏଃଆରକେ ।

୧୪ ଗୁରୁଗ ମାନ୍ଦାକେ ତୁର୍ତ୍ୟାରେ ଝିର୍ ତୁଂଝେରେ ଇନିଈଂକେ ଆକେନ୍ ସାପା ଗର୍ନା ଆମ୍ୟା ବିଃଆରକେ । ରେମୁଆଁ ମେଁନେ ଗଟେଲେଃକେ ଡାଗ୍ରେ କିକେନ୍ସା ପାଙ୍ଗ୍ଆରକେ ।

୧୫ ମେଇଙ୍ଗ୍ ଜିସୁନେ ଡାଗ୍ରା ପାଙ୍ଗ୍ରେ କେଆରକେ ଜାଣ୍ଡେନେ ଗାଗଡ଼େ ଅଲେଙ୍ଗ୍ରେନେ ଗଲିଆ ଗାଲେଃକେ ଆଡେନ୍ ରେମୁଆଁ ପାଟାଈପୁଟାଈ ସତେଃ ନିମାଣ୍ଡା ତିଂରେ କଲେଃଗେ । ମେଁନେ ମନ୍ ନିମାଣ୍ଡା ତିଙ୍ଗ୍ଝେଲେଃଗେ । ଆକେନ୍ କେଚେ ମେଇଙ୍ଗ୍ ବୁଟ ଝେଆରକେ ।

୧୬ ଆଡ଼ଅରିଆ ଉଡ଼ି ରେମୁଆଁ ଲେଃଆରଗେ ଜାଣ୍ଡେଇଂ ଜିସୁ କାମ୍ ତିଂବକ୍ତେ କେଲେଃଆରକେ । ମେଇଙ୍ଗ୍ ବିନ୍ ରେମୁଆଁଈନେ ସେନୁଗ୍ ଗଲିଆ ସାକ୍ତେ ରେମୁଆଁନେ ଆରି ଗୁରୁଗ୍ଈନେ ବିତ୍ତରେ ମେଃ ତିଙ୍ଗ୍ଲେଃଗେ, ଆଡେନ୍ ସାପା ବାସଙ୍ଗ୍କେ ।

୧୭ ଈଡ଼ିଙ୍ଗ୍ ଆଡେନ୍ ରେମୁଆଁଈଙ୍ଗ୍ ଜିସୁକେ ଆଡେନ୍ ଇନି ଆଡ଼ାର୍ରେ ଝିଗ୍ନେସା ଗୁଆରେ ଆରକେ ।

୧୮ ଜିସୁ ତରା ଡାଗ୍ରା କଚେ ଝିଗ୍ନେସା ତିଆର୍ ତିଂକେ । ଜାଣ୍ଡେ ସେନୁଗ୍ ଗଲିଆ ଆସାଃଚେ ବାୟା ତିଙ୍ଗ୍ଲେଃଗେ, ମେଁ ଜିସୁଏଡେ ଝିଗ୍ନେସା ଆମେକେ ଗୁଆରେକେ ।

୧୯ ମାତର୍ ଜିସୁ ଆମେକେ ଝିଗ୍ନେସା ଆଦେସ୍ ଆବିଃକେ ଶୁ । ଜିସୁ ବାସଙ୍ଗ୍କେ, “ନାଁ ନାଁନେ ନିଜର୍ ତୁଆ ରେମୁଆଁଈଂ ଡାଗ୍ରା ଝିଗ୍ଲା । ମାପୁ ନାଁନ୍ସା ମେଃ ତିଙ୍ଗ୍ବକେ, ଆଡେନ୍ ସାପା ସାମୁଆଁ ଆମେଈଂକେ ବାସଙ୍ଗ୍ ଜେ ମାପୁ ଆନାକେ ଦୟା ତିଙ୍ଗ୍ବକେ ।”

୨୦ ତେସା ମେଁ ଝିଗ୍କେ ଆରି ଦେକାପଲୀ ଡାଗ୍ଲା ଗୁଆକ୍ଲିଗ୍ ଇନିନେ ରେମୁଆଁଈଙ୍ଗ୍କେ ବାସଙ୍ଗ୍ନେ ଲାଗେକେ ଜେ ଜିସୁ ତିରକମ୍ ମେଁ ନ୍ସା ଉଡ଼ି ମ୍ପାନେ କାମ୍ ତିଙ୍ଗ୍ବକେ । ସାପା ରେମୁଆଁ ଆକେନ୍ ସାମୁଆଁ ଅଁଚେ କାବା ତିଙ୍ଗ୍ଆରଗେ ।

ସେଲ୍‌ମାୟୁସ୍ ରେମୁଆଁ ନିମାଣ୍ଡା ତିଂକେ - ଜାଇରସ୍‌ନେ ସେଲ୍‌ମାୟୁସ୍ ମୁଁକେ

(ମାତିଉ ୯:୧୮-୨୭; ଲୁକ୍ ୮:୪୦-୫୭)

୨୧ ଜିସୁ ତରାଅରିଆ କଚେ କେଣ୍ଡିଆ ଇନୁମେତା ଝେକେ । ଆରି କେଣ୍ଡିଆ ଆଡ଼ା ମେଁନେ ପିତୁର୍‌ପାକା ଗୁଲେ ରେମୁଆଁ ରିସିଙ୍ଗ୍ ଆରକେ ।

୨୨ ଜିଉଦି ପାରତନା ତୁଆନେ ମୁଇଙ୍ଗ୍ ନେତା ଆଡ଼ଅରିଆ ପାଙ୍ଗକେ । ମେଁନେ ମ୍ନି ଜାଇରସ୍ ଲେଃରେ । ଜାଇରସ୍ ଜିସୁକେ କେନ୍ଦ୍ ଦାପ୍ରେ ମେଁ ଅ ବୁନ୍ଦେ ଲଃଝେକେ ।

୨୩ ମେଁ କାକୁର୍ତି ତିଂଚେ ଜିସୁକେ ବିକ୍ ସାଲ୍ୟାକେ, “ନେଙ୍ଗନେ ତାଆଁ ଗଡ଼େଅ ଗୁଏନେ ଆଡ଼ାଡ଼ା । ଲିବିସଃ ତିଙ୍ଗଚେ ନାଁ ପାଙ୍ଗଲ୍ଲା ମେଁନେ ଆଡ଼ାଡ଼ା ତ୍ରି ବ ତେଲା ମେଁ ନିମାଣ୍ଡା ତିଙ୍ଗ୍ ଝେଏ ଆରି ଜିବନ୍ ବାଏ ।”

୨୪ ଜିସୁ ଜାଇରସ୍ ଏତେ ତାରକେ । ଜବର୍ ରେମୁଆଁ ଜିସୁନେ ପ୍ଲା ଝେ ଆରକେ । ଗଉଲି ତିଙ୍ଗଲ୍ଲା ରେମୁଆଁଇଙ୍ଗ୍ ଜିସୁନେ ପାକା ଚେଟା ତୁଂପାଙ୍ଗ୍ ତିଂଆରଗେ ।

୨୫ ଆଡ଼ ଅରିଆ ରେମୁଆଁଇଙ୍ଗ୍ ବିତ୍ରେ ମୁଇଙ୍ଗ୍ ସେଲ୍‌ମାୟୁ ଲେଃରେ । ଝେକ୍ତେ ଗମ୍ବାର୍ ମୁଆଁ ସାଚେ ମେଁନେ ଆବୁଲେଃ ତିଙ୍ଗଲେଃରେ ।

୨୬ ଗୁଲୁଏ ଗଦାର୍ କାନାଇଙ୍ଗ୍ ଅଲେଙ୍ଗ୍ ଆଃଡ଼ାଚେ ମେଁ ଲାକାଃ ଝେଲେରେ । ମେଁ ଜବର୍ ଦୁକ୍ ବାଡ଼ିଂଗେ, ମେଁନେ ସାପା ତାରୁ କର୍ତ୍ତ ତିଙ୍ଗ୍ ଝେଲେଃରେ । ଏଲେଡିଗ୍ ମେଁନେ ଗାଗ୍‌ଡ଼େ ନିମାଣ୍ଡା ଆଡ଼ିଙ୍ଗକେ ଶ୍ଟୁ । ତେଲା ମେଁନେ ଗାଗ୍‌ଡ଼େ ଜବର୍ ଜବର୍ ଆଃ ଦଦିଆ ତିଙ୍ଗ୍ ଝେ ଲେଃରେ ।

୨୭ ଆତେନ୍ ସେଲ୍‌ମାୟୁ ଜିସୁନେ ସାମୁଆଁ ଅଁଚେ ଇଡ଼ିଙ୍ଗ୍ ରେମୁଆଁଇଙ୍ଗ୍ ଏତେ ମେଇଙ୍ଗନେ ପ୍ଲା ଝେକେ । ମେଁ ପ୍ଲା ପାକାବାନ୍ ପାଙ୍ଗଚେ ଜିସୁନେ ପାଟାଇ ଜାଲିପୁଆଃକେ ଲିଗ୍‌କେ ।

୨୮ ମେଁ ମନେ ମନେ ବାସଙ୍ଗ୍‌ତିଂଗେ, ନିଂ ମେଁନେ ପାଟାଇ ନ୍‌ଲିଗ୍‌ଲ୍ଲା ନେଙ୍ଗ୍ ନିମାଣ୍ଡା ଶ୍ଟିଙ୍ଗ୍‌ଏ ।

୨୯ ମେଁ ଜିସୁନେ ପାଟାଇ ଲିଗ୍‌କ୍ତେ ଦାପ୍ରେ ମେଁନେ ଆବୁଲେଃ ତିଙ୍ଗକ୍ତେ ମ୍ୟା ବନ୍ଦ୍ ତିଙ୍ଗ୍‌ଝେରେ ଆରି ମେଁନେ ଗାଗ୍‌ଡ଼େନେ ରଗ୍‌ବିଆଦି ନିମାଣ୍ଡା ତିଙ୍ଗ୍ ଝେରେ ତାଗ୍‌ଚେ ମେଁ ବାବେକେ ।

୩୦ ଆତେନ୍ ବେଲା ଜିସୁ ମନେ ବାବେକେ ଜେ ମେଁନେ ବାନ୍ ବପୁ ତାର୍ ଝେଲେଃକେ । ମେଁ ତୁଆଁ ବିଃକେ ଆରି ପ୍ଲା ପାକା ପୁଏରେ ସାଲିଆକୁକେ, “ନେଙ୍ଗ୍‌ନେ ପାଟାଇ ଜାଣ୍ଟେ ଲିଗ୍‌କେ ?”

୩୧ ସିସ୍‌ଇଂ ଜିସୁକେ ବାଲିର୍ ଆରକେ, “ଆକ୍‌ଅରିଆ ତ ଗୁଲୁଏ ରେମୁଆଁ ନାଁନେ ପାକା ଟମେଗ୍‌ରେ ଝେଡିଂଆରକେ । ଆରି ନାଁ ସାଲ୍ୟାକୁ ନାଡିଙ୍ଗ୍‌କେ, ଆନେଙ୍ଗ୍ ଜାଣ୍ଟେ ଲିଗ୍‌କେ ?”

୩୨ ତାଗ୍ଲା ଜିସୁ ଆନିଂକେ ଜାଣ୍ଟେ ଲିଗ୍‌କେ ତାଗ୍‌ରେ ପିତୁର୍‌ପାକା ମୁଆଃ କିକେନେ ଲାଗେକେ ।

୩୩ ଆତେନ୍ ସେଲାମ୍‌ୟୁଃ ମ୍ୟାଲେଃକେ ଜେ ମେଁ ନିମାଣ୍ଡା ଡିଙ୍ଗ୍ ଝେଲେଗେ । ତେସା ମେଁ ଜୁର୍ ଜୁର୍‌ରେ ପାଙ୍ଗ୍‌ରେ ଜିସୁନେ ଞ୍ଚ ବୁନ୍ଦେ ଲଃଝେଗେ । ମେଁ ବୁଗ୍‌ରେ ଜୁର୍ ଡିଙ୍ଗ୍‌କେ । ମେଁ ଜିସୁକେ ସାପା ସଡ୍ ସାମୁଆଁ ଆଃମ୍ୟାଃକେ ।

୩୪ ଜିସୁ ଆମେକେ ବାସଙ୍ଗ୍‌କେ, “ଏ ଗଡ୍‌ଅ; ନାନେ ବିସ୍‌ବାସ୍ ଆନାକେ ନିମାଣ୍ଡା ଆଡିଙ୍ଗ୍ ବକେ । ସାନ୍ତିରେ ଝିଗ୍‌ଲା ଆରି ନାଁନେ ରଗ୍‌ବାନ୍ ନିମାଣ୍ଡା ଡିଙ୍ଗ୍ ।”

୩୫ ଜିସୁ ଆଡ୍‌ଅରିଆ ଆକେନ୍ ସାପା ସାମୁଆଁ ବାଲିର୍‌କ୍ଲେ ବେଲା ଜିଉଦିଙ୍ଗ୍‌ନେ ପାର୍‌ତନା ତୁଆନେ ନେତା ଜାଇରସ୍ ତୁଆବାନ୍ ଉଡିରୁଆ ପାଙ୍ଗ୍‌ରେ ଆମେକେ ବାଲିର୍‌କେ, “ନାନେ ସେଲାମ୍‌ୟୁଆ ଗୁଏଗେ । ପ୍ରେକ୍ ନସା ନାଁ ଗୁରୁ, ଜିସୁକେ ସରାଃ ମେଃନ୍‌ସା ତେରେପେତେ ନାରାଡିଙ୍ଗ୍‌ଏ ?”

୩୬ ମାତର୍ ଜିସୁ ମେଁଇଙ୍ଗ୍‌ନେ ସାମୁଆଁ ଅଁ ଆଃତାରେ ଜିଉଦି ପାର୍‌ତନା ତୁଆନେ ନେତାକେ ବାସଙ୍ଗ୍‌କେ, “ଆବ୍‌ଗେପା ନାମଃ; ମାତର୍ ବିସ୍‌ବାସ୍ ଡିଙ୍ଗ୍‌ପା ।”

୩୭ ଇଡିଙ୍ଗ୍ ମେଁ ସାପା ରେମୁଆଁକେ ଆନ୍ତାର୍‌ରେ ପିତର ଜାକୁବ ଆରି ମେଁନେ ବର୍‌ୟାଣ୍ଟେ ଜହନ ଏତେ ଝା ତୁଙ୍ଗ୍‌ଝେକେ ।

୩୮ ମେଁଇଙ୍ଗ୍ ଜିଉଦି ପାର୍‌ତନା ତୁଆନେ ନେତାନେ ତୁଆନ୍ନିଆ ଝେଆରକେ । ମେଁ ଆଡ୍‌ଅରିଆ ରେମୁଆଁଇଂକେ ଜାବର୍ ଝାସାର୍‌ରେ ହ ଡିଙ୍ଗ୍‌ଆରକ୍ଲେ ଆରି ଆଡ୍ ଅରିଆ ଜବର୍ ସାର ସାଗା ଡିଙ୍ଗ୍‌ଆରକ୍ଲେ କେକେ ।

୩୯ ଜିସୁ ତୁଆ ବିଦ୍ରେ ଗାରେ ରେମୁଆଁଇଙ୍କକେ ବାସଙ୍ଗକେ, “ପେ ସାପାରେ ମେଁନ୍‌ସା ଅଃକେନ୍ ସାରସାଗାଃରେ ହ ପେଡ଼ିଙ୍ଗ ? ଆକେନ୍ ଗଡ଼େଅ ଆଗୁଏକେ ଶୁ ମେଁ ମାତର୍ ତୁଲେଃଗ୍ ଲେଃକେ ।” ଆକେନ୍ ଅଁରେ ସାପା ରେମୁଆଁ ଜିସୁକେ ଏଃଲ୍ୟା ଆରକେ ।

୪୦ ମାତର୍ ମେଁ ସାପା ରେମୁଆଁକେ ତୁଆବାନ୍ ବାଜାର୍ ବେ ବିକେ । ମାତର୍ ଗଡ଼େଅନେ ଇୟାଙ୍ଗ୍ ଆବା ଆରି ମେଁ ଏତେ ପାଙ୍ଗ୍‌ଲେଃକେ ସିସ୍‌ଇଙ୍ଗକେ ସଙ୍ଗେ ତୁଙ୍ଗ୍‌ଝେରେ ଗଡ଼େଅ ଆଣ୍ଟିନେ ବାକ୍ରା ତୁଲେଗ୍ ଲେଃକେ ଆତେନ୍ ବାକ୍ରା ଝେଆରକେ ।

୪୧ ଇଡ଼ିଙ୍ଗ୍ ଜିସୁ ଗଡ଼େଅନେ ତ୍ରି ସାରେ ଆମେକେ ବାଲିରକେ, “ଗାଲିଆ କୁମ୍” ଡାଗ୍‌ଲା “ଏ ଗଡ଼େଅ, ନେଙ୍ଗ୍ ଆନାକେ ବାସଙ୍ଗ୍‌ଣ୍ଟିକେ ତଃଡ଼ିଆ ।”

୪୨ ଗଡ଼େଅ ଜିଆ ଜିଆ ତଡ଼ିଆରେ ତୁଆଁକେ ଆରି ଅଲେଙ୍ଗ୍‌ନେ ମୁଲେକେ । ଗଡ଼େଅନେ ବଏସ୍ ଗମ୍‌ମାର୍ ମୁହା ତିଙ୍ଗ୍‌ଲେକେ । ସାପାରେ କେରେ ଜବର୍ ଇରିଆତୁଗ୍ ତିଙ୍ଗ୍‌ଝେଆଗେ ।

୪୩ ଜିସୁ ଆକେନ୍ ସାପା ସାମୁଆଁ ରେମୁଆଁକେ ଆରାଃମ୍ୟାଃଗ୍‌ପା ଡାଗ୍‌ରେ ଗଡ଼େଅନେ ଇୟାଙ୍ଗ୍‌ଡେ ଆବାଡ଼େକେ ଡାଟାମ୍ ବାବ୍‌ରେ ବୁଦି ବିକେ । ଇଡ଼ିଙ୍ଗ୍ ଜିସୁ ଗଡ଼େଅନେ ଇୟାଙ୍ଗ୍‌ଡେ ଆବାଡ଼େକେ ବାଲିରକେ, ଗଡ଼େଅକେ ମେଃଡ଼ିଗ୍ ରୁଚଙ୍ଗ୍ ନ୍‌ସା ବିଃପା ।



ଜିସୁ ନିଜେନେ ଜନମ୍ ଜାଗାନ୍ନିଆ ଝେକେ

(ମାଡ଼ିଉ ୧୩:୫୩-୫୮; ଲୁକ୍ ୪:୧୭-୩୦)

୧ ଜିସୁ ଆତେନ୍ ଜାଗା ଆନ୍ତାର୍‌ରେ ସିସ୍‌ଇଂ ଏତେ ନିଜର୍ ଇନି ନାଜରିତନ୍ନିଆ ଝିଗକେ ।

୨ ଆଡ଼ଅରିଆ ପୁଣ୍ଡେନେ ଦିନା ପାର୍‌ତନା ତୁଆନ୍ନିଆ ମେଁ ବାସଙ୍ଗ୍‌ନେ ବେଲା ଗୁଲୁଏ ରେମୁଆଁ ପାଙ୍ଗ୍‌ଲେ ଆରକେ । ଜିସୁନେ ସାମୁଆଁ ଅଁରେ ମେଇଁ ଇରିଆତୁଗ୍‌ରେ ବାସଙ୍ଗ୍‌କେ, “ଅଃକେନ୍ ସାମୁଆଁ ମେଁ ଆଣ୍ଟିବା ମ୍ୟାଃକେ ? ଅଃକେନ୍ ଗିଆନ୍ ମେଁ ଆଣ୍ଟିବା ମ୍ୟାଃକେ ? ଏନ୍ ସାପା ଇରିୟାତୁଗ୍‌ନେ କାମ୍ ମେଁ ଡିରକମ୍ ତିଂକେ ?

୩ ଆକେନ୍ ମୈନେ ଆତେନ୍ ବାଡ଼ୟନେ ଉଙ୍ଗତେ ଶୁ ? ଆକେନ୍ ମୈନେ ମରିୟମନେ ଉଙ୍ଗତେ ଶୁ ଅରି ଜାକୁବ୍ ଯୋସି ଜିଉଦା ଆରି ଶିମୋନ୍ନେ ବୟାଣ୍ଡେ ଶୁତ ? ମୈନେ ତନାଣ୍ଡେଇଂ ମେଝନେ ନେ ଏତେ ଶୁ କ୍ରି ?” ଆକେନ୍ ବାସଙ୍ଗତେ ଜିସୁକେ ଏଝଲ୍ୟା ଆରକେ ।

୪ ✨ମାତର୍ ଜିସୁ ଆମେଇଂକେ ବାସଙ୍ଗକେ, “ବିନ୍ ରେମୁଆଁଇଙ୍ଗ ମୁଇଙ୍ଗ ବାବବାଦିକେ ସନ୍ମାନ ବିଝ ମ୍ୟା ଆରକେ । ମାତର୍ ମୈଇଙ୍ଗ ନିଜର୍ ନିଜର୍ ରେମୁଆଁଇଙ୍ଗକେ ଆରି ମୈଇଙ୍ଗନେ ତୁଆନେ ରେମୁଆଁଇଙ୍ଗକେ ସନ୍ମାନ ଆବିଆର୍ ଶୁ ।”

୫ ଆତେନ୍ ଜାଗାଅରିଆ ଉଡ଼ିକ୍ଲିଗ୍ ରଗିଇଂନେ ଆଡାଡା ଛି ବଚେ ମୈ ଆମେଇଂକେ ନିମାଣ୍ଡା ଆଝଡ଼ିଙ୍ଗକ୍ଲେ ବାନ୍ । ଆଡ଼ଅରିଆ ଜିସୁ ମେଝଡ଼ିଗ୍ କାବା ଡିଙ୍ଗନେ କାମ୍ ଆରାଝସୁଏକେ ଶୁ ।

୬ ମେଇଂନେ ଅବିସ୍ବାସ୍ କେଚେ ଜିସୁ କାବା ଡିଙ୍ଗ୍ଝେଗେ । ଏନ୍ ଇଡ଼ିଙ୍ଗ ଜିସୁ ଡାଗ୍ରା ଲେଝକ୍ଲେ ଇନିଇଂ ଝେଚେ ରେମୁଆଁଇଂକେ ଗିଆନ୍ ବିକେ ।

ଜିସୁ ଗମ୍ବାର୍ ସିସ୍ଇଂକେ ଆଦେସ୍ ବିଚେ ବେକେ
(ମାଡ଼ିଉ ୧୦:୫-୧୫; ଲୁକ୍ ୯:୧-୬)

୭ ମୈ ଗମ୍ବାର୍କ୍ଲିଗ୍ ସିସ୍ଇଂକେ ଝାଚେ ମ୍ବାୟା ମ୍ବାୟା ଆଡ଼ିଙ୍ଗଚେ ବେକେ । ଦୁସ୍ ଆମ୍ବାଇଂକେ ସାମ୍ନା ଡିଙ୍ଗନ୍ସା ଆମେଇଂକେ ଅଦିକାର୍ ବିକେ ।

୮ “ଘେ ଝେନେସା ମୁଇଂ ତୁତୁକେ ଆନ୍ତାର୍ଚେ ରୁଟି କି ମୁନା କି ତୁଆଲ୍ଡଗୁ ଡାବୁ ତୁଙ୍ଗମାଝେନ୍ସା ଆମେଇଂକେ ଆଦେସ୍ ବିଝକେ ।

୯ ଜୁତାକେ ଆନ୍ତାର୍ଚେ ବାରି ମେଝଡ଼ିଗ୍ ତୁଆଝେଗ୍ଘା । ରୁଟି ଲେଝ ଡାବୁ ଲେଝ ଆଝେଜଙ୍ଗନେ ମୁନା ଲେଝ ଇଡ଼ୁଡା ଡିଗ୍ ଜବର୍ ସକା ତୁଙ୍ଗଆଝେଗେପା ।”

୧୦ ବାରି ମୈ ବାସଙ୍ଗକେ, “ଘେ ମୁଝଡ଼ିନେ ତୁଆନ୍ନିଆ ପେଗାଏ, ଆତେନ୍ ଜାଗାବାନ୍ ମାତାର୍ ଜାକ ଆତେନ୍ ତୁଆ ଲାଲାପା ।

୧୧ ✨ଜଦି ଆଡିନେ ଜାଗାନ୍ନିଆ ରେମୁଆଁ ଆପେକେ ଜାଗା ଆବଆର୍ ଶୁ ବାରି ପେନେ ସାମୁଆଁ ଆଅଁ ଆର୍ ଶୁ ପେନେ ଞନେ

ଦୁଲି ତାଣ୍ଡି ବିଚେ ଆତେନ୍ ଜାଗା ଆନ୍ତାର ବିଷପା । ଏନ୍ ମେଇଁନେ
ବିରଦ୍ରେ ସାକି ରକମ୍ ତିଙ୍ଗ୍ ।”

୧୨ ସିସ୍‌ଇଙ୍ଗ୍ ଆଡ଼ବାନ୍ ବିନ୍ ଜାଗାନ୍ନିଆ ଖେଗେ ମେଇଙ୍ଗ୍ ଆଡ଼
ଅରିଆ ଖାସାର୍‌ନେ ଲାଗେକେ ଜେ ମନ୍ ଆଃବଲ୍‌ନେ ମେଁନେ
ଅଦିକାର୍ ଲେଃକେ ।

୧୩ ☆ମେଇଙ୍ଗ୍ ଗୁଲୁଏ ବୁଡ଼ଇଁକେ ନୁଆଁ ଆରକେ ବାରି ଆଃସି
ଲେଃକେ ରେମୁଆଁଇଁକେ ଝୁ ଲିଗ୍‌ଚେ ନିମାଣ୍ଡା ଆଃତିଙ୍ଗ୍‌କେ ।

ଶ୍ରୀଆନ୍ନିଆ ଦିକ୍ୟାବିନେ ଜହନ୍ ଗୁଏଃନେ

(ମାତିଉ ୧୪:୧-୧୨; ଲୁକ୍ ୯:୭-୯)

୧୪ ଇଃସାଙ୍ଗ୍ ହେରୋଦ ଜିସୁନେ ସାମୁଆଁ ଅଁକେ । ତାଗ୍ଲା ଜିସୁନେ
ମ୍ନି ପିତୁର୍‌ପାକା ବେପ୍ରେ ଖେଗେ । ଉଡ଼ିରୁଆ ବାସଙ୍ଗ୍‌ଆରକେ, “ଜିସୁ
ତିଙ୍ଗ୍‌ତିଙ୍ଗ୍‌କେ ତୁବନ୍ ବିଶ୍ଟେ ଜହନ୍ । ମେଁ ଗୁଏଃଚେ ଆରି ମୁଇଁତର୍
ଜିବନ୍ ତିଙ୍ଗ୍‌ଲେଃକେ । ଆତେନ୍‌ସା ମେଁ କାବାକାମ୍ ତିଙ୍ଗ୍‌ୟାତିଁକେ ।”

୧୫ ବିନ୍‌ଶ୍ଟେ ବାସଙ୍ଗ୍ ତିଁଆରକେ, “ମେଁ ତିଙ୍ଗ୍‌ତିଁକେ ଏଲୀୟ ।”
ଆରି ଉଡ଼ିରୁଆ ବାସଙ୍ଗ୍‌ତିଁଆରକେ, “ଜିସୁ ତିଙ୍ଗ୍‌ତିଙ୍ଗ୍‌କେ ବାବବାଦି
ଅଃସେ କାଲ୍‌ନେ ବାବବାଦି ବନ୍ତାଇଁ ସୁଗୁଆ ମେଁ ମୁଇଙ୍ଗ୍ ବାବବାଦି
ବନ୍ତା ।”

୧୬ ହେରୋଦ ଜିସୁନେ ବିସୟରେ ଆକେନ୍ ସାପା ଅଁଚେ
ବାସଙ୍ଗ୍‌କେ, “ନିଁ ଜହନ୍‌ନେ ବାଆଃ ସିତଗ୍ ବିମ୍‌କେ । ଆରି ଜହନ୍
ଗୁଏକ୍‌କେ ବାନ୍ ତଡ଼ିଆ ଲେଃକେ ।”

୧୭ ନିଜେ ହେରୋଦ ଜହନ୍‌କେ କଏଦ୍ ଆଡ଼ିଙ୍ଗ୍‌ନେସା ମେଁଇଙ୍ଗ୍‌ନେ
ସନ୍‌ୟଇଁକେ ଆଦେସ୍ ବିକେ । ଜହନ୍‌କେ କଏଦ୍ ତୁଆନିଆ
ଆଃଗାବଗେ । ହେରୋଦ ନିଜର୍ ବୟାଁ କୁନେଶ୍ଟେକେ ହେରୋଦିଆ
ଏତେ ସାଦା ଆଡ଼ିଙ୍ଗ୍‌ନେ ନସା ଆକେନ୍ ତିଙ୍ଗ୍‌ବକେ । ସିସେ
ହେରୋଦିଆ ହେରୋଦ ବୟାଁଶ୍ଟେ ଫିଲିପୀନେ କୁନେଶ୍ଟେ ଲେଃକେ ।
ଇଡ଼ିଙ୍ଗ୍ ହେରୋଦ ଆମେକେ ବିହେ ତିଙ୍ଗ୍‌ଲେଃକେ ।

୧୮ ଜହନ୍ ହେରୋଦକେ ବାସଙ୍ଗ୍‌କେ, “ନାବୟାଁନେ
ସେଲୀମ୍‌ୟୁଃକେ ତୁଂଝିଗ୍‌ନେ ନିୟମ୍ ଶୁ ।”

☆ ୭:୧୩ ଜାକୁବ୍ ୫:୧୪.

୧୯ ଆତେନ୍‌ସା ହେରୋଦିଆ ଜହନ୍‌କେ ଇର୍ସାରେ କିକେ ତିଂଗେ । ମେଁ ଜହନ୍‌କେ ବାଗୁଏଃ ନ୍‌ସା ଇକ୍‌ଚା ତିଂକେ । ମାତର୍ ମେଁ ଜହନ୍‌କେ ବାଗୁଏଃ ଆୟାକେ ଶ୍ରୁ ।

୨୦ ଡାଗ୍ଲା ଜହନ୍ ମୁଇଂ ସାଦୁ ଆରି ଦରମ୍ ରେମୁଆଁ ଡାଗ୍‌ରେ ମ୍ୟାଚେ ହେରୋଦ ଆମେକେ ବୁଟମେଗ୍ ତିଂଗେ ବାରି ଆମେକେ ନିମାଣ୍ଡା ବଗେ । ଜହନ୍‌ନେ ସିକ୍ୟା ଅଁରେ ପ୍ରେଗ୍‌ପ୍ରେଗ୍ ବୁଟମେଗ୍ ତିଂଲେଃଲ୍ଲା ତିଗ୍ ମେଁନେ ସାମୁଆଁ ଅଁନ୍‌ସା ମେଁ ଚାଏଁତିଂଗେ ।

୨୧ ଉଡ଼ିସି ଝେକ୍ଲେ ଇଡ଼ିଙ୍ଗ୍ ହେରୋଦନେ ଜନମ୍ ଦିନା ଜହନ୍‌କେ ବାଗୁଏଃନ୍‌ସା ହେରୋଦିକେ ମୁଇଙ୍ଗ୍ ସୁବିଦା ମିଲେକେ । ମେଁନେ ମ୍ଲା ଅଦିକାର୍ ସେନାପତିଇଂ ଆରି ଗାଲିଲୀନେ ସାପା ମ୍ଲାଃ ରେମୁଆଁକେ ହେରୋଦ ମିଡିଗ୍ ବେଲ୍ଲା ବଜି ବିଃଡିଂଗେ ।

୨୨ ହେରୋଦିଆନେ ଗଡ଼େଅ ଏନ୍ ପାଣ୍ଡୁଦିନା ଝାଡ଼େଙ୍ଗ୍ ଝାଚେ ହେରୋଦ ବାରି କୁଲ୍ଲାରେଇଂକେ ସାର୍ଦା ଆଡ଼ିଙ୍ଗ୍‌କେ । ତେସା ଇଃସାଙ୍ଗ୍ ଗଡ଼େଅକେ ସାଲିଆକୁକେ, “ନାଁ ମେଃନେ ଚାଏଁନାତିଂ, ମେଃନେ ନାସାଲ୍ୟାଏ ଆତେନ୍ ମ୍ସିଏ ।”

୨୩ ହେରୋଦ ପାର୍‌ମାନ୍ ତିଂଚେ ବାସଙ୍ଗ୍‌କେ, “ନାଁ ମେଃନେ ନାସାଲ୍ୟାଏ, ନେଙ୍ଗ୍ ଆନାକେ ଆତେନ୍ ମ୍ସିଏ । ଦେକ୍‌ରକମ୍ ନେଙ୍ଗ୍ ରାଜିନେ ମେତା ବାଗ୍ ଆନାକେ ମ୍ସିଏ ।”

୨୪ ଆତେନ୍ ସେଲ୍ଲାମ୍‌ଅ ମେଁ ଇୟାଙ୍ଗ୍‌ଡେନ୍ନିଆ ଝେକେ ଆରି ସାଲିଆକୁକେ, “ଇଃସାଙ୍ଗ୍ ହେରୋଦକେ ନେଙ୍ଗ୍ ମେଃନେ ନ୍‌ସାଲ୍ୟାଏ ?”

ମେଁନେ ଇୟାଙ୍ଗ୍‌ଡେ ବାସଙ୍ଗ୍‌କେ, “ଡୁବନ୍ ବିଶ୍ଟେ ଜହନ୍‌ନେ ବାଆଃ ସାଲିଆ ।”

୨୫ ସେଲ୍ଲାମ୍‌ଅ ଟାପ୍‌ନା ଇଃସାଙ୍ଗ୍‌ନ୍ନିଆ ଝେଗେ । ମେଁ ଇଃସାଙ୍ଗ୍‌କେ ବାସଙ୍ଗ୍‌କେ, “ଆନେଙ୍ଗ୍‌କେ ଦିକ୍ୟାବି’ନେ ଜହନ୍‌ନେ ବାଆ ମୁଇଙ୍ଗ୍ ଡାଲିନିଆ ଦାପ୍ରେ ଡୁଂପାଙ୍ଗ୍ ବିଲ୍ଲାପା ।”

୨୬ ଏନ୍ ଅଁଚେ ଇଃସାଙ୍ଗ୍ ଦୁକ୍ ତିଂଜେ । ମାତର୍ ମେଁ ସେଲ୍ଲାମ୍‌ଅନେ ସାମୁଆ ପାର୍‌ମାନ୍ ତିଙ୍ଗ୍ ଆଃଡାବଗେ । ଆତେନ୍ ହେରୋଦ ଏତେ ଚଙ୍ଗ୍‌ଡିଙ୍ଗ୍‌କେ କୁଲ୍ଲାରେଇଂ ତିଗ୍ ହେରୋଦନେ ପାର୍‌ମାନ୍ ସାପା ଅଁ

ଆଃତା ବଆରକେ । ଆତେନ୍ ବିଃନ୍‌ସା ହେରୋଦ ମନା ତିଙ୍ଗନେ
ଇକ୍‌ତା ଆଡ଼ିଂକେ ଶ୍ରୁ ।

୨୭ ତେଲା ଇଃସାଙ୍ଗ୍ ଜହନ୍‌ନେ ବାଆ ତୁଂପାଙ୍ଗ୍ ନ୍‌ସା ଆଦେସ୍ ବିକେ
ମୁଇଂ ସନ୍ୟକେ ବେକେ ମେଁ ଝେରେ କଏଦ୍ ତୁଆବାନ୍ ଜହନ୍‌ନେ
ବାଆଃ ସିତଗ୍ ବିକେ ।

୨୮ ଜହନ୍‌ନେ ଆତେନ୍ ବାଆଃ ମେଁ ମୁଇଂ ତାଲିନ୍ନିଆ ତୁଂପାଙ୍ଗ୍‌ରେ
ସେଲାମ୍‌ଅକେ ବିଃକେ । ଆତେନ୍ ସେଲାମ୍‌ଅ ଆତେନ୍ ବାଆଃକେ
ତୁଂଝେରେ ମେଁ ଇୟାଙ୍ଗ୍‌ତେକେ ବିଃକେ ।

୨୯ ଆକେନ୍ ସାପା ଗର୍‌ନା ଜହନ୍‌ନେ ସିସ୍‌ଇଂ ଅଁ ଆରକେ ।
ମେଇଙ୍ଗ୍ ପାଙ୍ଗ୍‌ରେ ଜହନ୍ ଗୁଏଃଝେକ୍ ମଡ଼ାକେ ତୁଙ୍ଗ୍‌ଝେରେ ଆତି
ବିଃଆରକେ ।

ମାଲିକ୍ଲିଗ୍ ଆଃତା ଆରି ମାଲିକ୍ଲିଗ୍ ରୁଟି

(ମାତିଉ ୧୪:୧୩-୨୧; ଲୁକ୍ ୯:୧୦-୧୭; ଜହନ୍ ୬:୧-୧୪)

୩୦ ଆଣ୍ଡିନେ ପ୍ରେରିତ୍‌ଇଂକେ ଜିସୁ ବେବଗେ, ମେଇଙ୍ଗ୍ ଆଣ୍ଡେ
ଆରକେ । ମେଇଙ୍ଗ୍ ଜିସୁନେ ପିତୁର୍ ପାକା ଗେରେ ଆରକେ ।
ମେଇଙ୍ଗ୍ ମେଃନେ ତିଙ୍ଗବଗେ ଆରି ରେମୁଆଁକେ ମେଃନେ ସାପା
ଗ୍ୟାନ୍ ବିଃବକେ, ଆତେନ୍ ସାପା ଆମେକେ ବାସଙ୍ଗ୍‌ଆରକେ ।

୩୧ ଜିସୁ ଆରି ମେଁନେ ସିସ୍‌ଇଂ ଜାବର୍ ଗଅଲି ଜାଗାନ୍ନିଆ
ଲେଃକେ । ଆଡ୍ ତାଗ୍ରା ମାଲେ ରେମୁଆଁ ଲେଃଗେ । ତେଲା ଜିସୁ
ଆରି ମେଇଙ୍ଗ୍‌ନେ ସିସ୍‌ଇଙ୍ଗ୍ ଏତେ ଚଙ୍ଗ୍‌ନେ ଇକୁଡ଼ା ବେଲା ତିଗ୍
ଆମିଲେକେ । ଜିସୁ ସିସ୍‌ଇଂକେ ବାସଙ୍ଗ୍‌କେ, “ପେ ନେଙ୍ଗ୍ ଏତେ ମୁଇଂ
ରେମୁଆଁଗଣ୍ ଶ୍ରୁନେ ଜାଗାନ୍ନିଆ ନେଃଝେପା ଆରି ଆଡ୍ ତାଗ୍ରା ଇକୁଡ଼ା
ନେଃପୁଣ୍ଡେପା ।”

୩୨ ତେଲା ମେଇଙ୍ଗ୍ ମୁଇଂ ତରାନ୍ନିଆ କଚେ ମୁଇଂ ରେମୁଆଁଗଣ୍
ଶ୍ରୁନେ ଜାଗାନ୍ନିଆ ଝେଏ ଆରକେ ।

୩୩ ତାଗ୍ରା ଜବର୍ ରେମୁଆଁ ମେଇଙ୍ଗ୍ ଏତେ ଅଲେଙ୍ଗ୍
ଝେଆରତିଙ୍ଗ୍‌କେ କେଚେ ସାମୁଆଃ ଯାକେ । ତେଲା ସାପା ସଅର୍‌ନେ
ରେମୁଆଁ ଅଲେଙ୍ଗ୍ ଅଲେଙ୍ଗ୍‌ରେ ଜିସୁ ଲେଃକେ ଟାନ୍‌ନିଆ ଝିର୍
ତୁଂଝେରେ ସେନୁଗ୍ ଝେଟାଆରକେ ।

୩୪ ☆ ଜିସୁ ଉଡ଼ିବେଲା ଆଡ଼ ଝେରାକେ । ଗୁଲୁଏ ରେମୁଆଁ ପାଙ୍ଗଡ଼ିଙ୍ଗ୍ କେତେ ମେଇଙ୍ଗ୍ ନେ ଆଡ଼ାଡ଼ା ମେଁ ଦୟାରେ ତରବରୁ ଡିଙ୍ଗ୍ କେ । ଡାଗ୍ଲା ଆମେଇଂକେ ରକ୍ୟା ଡିଙ୍ଗ୍ ଆମ୍ୟାଃକ୍ଲେ ମେଣ୍ଡା ରାସି ରକମ୍ ଲେଃଆରଗେ । ଜିସୁ ଆମେଇଂକେ ଗୁଲେ ସାମୁଆଁ ବାସଙ୍ଗ୍ କେ ।

୩୫ ଆତେନ୍ ବେଲା ତଙ୍ଗାର ଝେଗେ । ଆତେନ୍ ବେଲା ସିସ୍ଲଂ ଜିସୁ ଡାଗ୍ଲା ପାଙ୍ଗ୍ରେ ବାସଙ୍ଗ୍ ଆରକେ, “ଆକେନ୍ ମୁଇଂ ରେମୁଆଁ ଶ୍ଵ ଶ୍ଵନେ ଚାନ୍ ଲମ୍ ଡିଗ୍ ଡିଙ୍ଗ୍ ଝେଡ଼ିଙ୍ଗ୍ କେ ।” ଆତେନ୍ ସା ଆମେଇଂକେ ନୁଆଁ ବିଃପା ।

୩୬ ତେଲା ରେମୁଆଁ ଡିଙ୍ଗ୍ କେ ଡାଗ୍ଲା ସ୍ଲ ସାଇ ଇନି ଆଣ୍ଡେଙ୍ଗ୍ ବେପା । ତେଲା ଆଡ଼ ଝେତେ ମେଇଙ୍ଗ୍ ମେଇଙ୍ଗ୍ ନ୍ୟା ଚଙ୍ଗ୍ ନ୍ୟା ମେଃଡ଼ିଗ୍ ବିଆର୍ ତୁଂପାଙ୍ଗ୍ ଆରଏ ।

୩୭ ମାତର ଜିସୁ ଆମେଇଂକେ ବାସଙ୍ଗ୍ କେ, “ପେଇଙ୍ଗ୍ ଆମେଇଂକେ ଚଙ୍ଗ୍ ନେ ବିଃପା ।”

ସିସ୍ଲଂକ୍ ସାଲ୍ୟାକୁ ଆରକେ, “ନେ ମେଃନେ ଝେତେ ମ୍ବା ଆକେନେ କୁଲି ଡାବୁ ରୁଟି ବିଆର୍ ତୁଂପାଙ୍ଗ୍ରେ ଆମେଇଂକେ ଚଙ୍ଗ୍ ନେ ନେବିଏ ? ରୁଟି ବିଆର୍ ନ୍ୟା ଦରକାର ତିଂଲା ଆନେଃ ସାପାରେକେ ମୁଇଙ୍ଗ୍ ଆକେ ସ୍ଲେ ପଡ଼େଏ ।”

୩୮ ଜିସୁ ସିସ୍ଲଂକେ ସାଲିଆକୁ କେ, “ଝେ କେଲା, ନାଁନିଆ ଉଡ଼ିକ୍ଲିଗ୍ ରୁଟି ଲେଃକେ ?” ସିସ୍ଲଂ ରୁଟି ଏକା ଆଃଡାରେ ବାସଙ୍ଗ୍ କେ ।

“ନେଙ୍ଗ୍ ନିଆ ମାଲିକ୍ଲିଗ୍ ରୁଟି ମ୍ବାକ୍ଲିଗ୍ ଆଡ଼ ଲେଃକେ ।”

୩୯ ଜିସୁ ଆଦେସ୍ ବିକେ, ରେମୁଆଁ ଡିଙ୍ଗ୍ ଚିକ୍ରାନେ କଅଁଲନେ ଚେଃମୁଆଁ ଆଡ଼ାଡ଼ା ମାନ୍ଦା ମାନ୍ଦା ଆଡ଼ିଙ୍ଗ୍ରେ ଆଃକବିପା ।

୪୦ ରେମୁଆଁ ଡିଙ୍ଗ୍ ସାପା କୁଦାନିଆ ଶହେ ଶହେ ଆରି ପଚାସ୍ ପଚାସ୍ ଡିଙ୍ଗ୍ରେ କଆରକେ ।

୪୧ ଏନ୍ ଇଡ଼ିଙ୍ଗ୍ ଜିସୁ ମାଲିକ୍ଲିଗ୍ ରୁଟି ଆରି ମ୍ବାକ୍ଲିଙ୍ଗ୍ ଆଡ଼କେ ଲିଙ୍ଗ୍ରେ କିତଙ୍ଗ୍ ଇନି ଡାଣ୍ଡେରେ ପର୍ମେସ୍ ବକେ ଦନ୍ୟାବାଦ୍ ବିକେ । ଆତେନ୍ ରୁଟି ଇଂକେ ଚିକ୍ଟିରେ ରେମୁଆଁ ଡିଙ୍ଗ୍ ବିଡ୍ରେ ବାଟା ବିଃନ୍ୟା

ସିଦ୍ଧାନ୍ତକୁ ବିଷୟକେ । ଇତିହାସ ଆଡ଼କୁ ଡିଗ୍ ଦେଖିବାକୁ ପାରିବିତେ
ରେମୁଆଁଙ୍କୁ ବାଟା ବିଷୟକେ ।

୪୭ ସାପାରେ ସୁଲୁଏ ପୁରୁନ୍ ଚଳାପେ ସାନ୍ତି ବାଆରକେ ।

୪୮ ସାପାରେ ଚଳା ଆଠତାଙ୍କୁ ଇତିହାସ ସିଦ୍ଧାନ୍ତ ଲୁଆଁଙ୍କୁ ରୁଟି
ମେତର ଆରି ଆଠତ ମେତରଙ୍କୁ ଗମ୍ଭୀରଙ୍କୁ ଆଣ୍ଡା ଅରିଆ ବରତି
ଆଡ଼ିଙ୍କୁକେ ।

୪୯ ଜାଣେଇ ରୁଟି ଚଳାଲେଠ ଆରଗେ, ମେଇଙ୍କୁ ବାନ୍ ମାତର
ଈରବଏଠନେ ସଂକ୍ୟା ମାଲ ଅଜାର ଲେଠଆରଗେ ।

ଜିସୁ ଶ୍ରୀଆ ଆଡ଼ାଡ଼ା ଅଲେଙ୍କୁକେ

(ମାତିତ ୧୪:୨୨-୩୩; ଜହନ୍ ୨:୧୫-୨୧)

୪୫ ଇତିହାସ ଜିସୁ ସିଦ୍ଧାନ୍ତକୁ ତରା ବିତ୍ତେ ଝେନେ ବାସଙ୍କୁ କିକେ
। ଜିସୁ ତରାନ୍ନିଆ ଡେଠରେ ସିଦ୍ଧାନ୍ତକୁ କେଣିଆନେ ଇନୁମେତା
ପାକା ଲେଠଙ୍କୁ ବେଅସାଇଦାନ୍ନିଆ ସେନୁଗ୍ ଝେନେ ବାସଙ୍କୁକେ
ଆରି ମେଁ ନିଜେ ଇତିହାସ ମାଙ୍ଗୁଏ ଡାଗ୍ରେ ବାସଙ୍କୁକେ, ଆତେନ୍
ରେମୁଆଁଙ୍କୁକେ ତୁଆ ଝିଗ୍ଲାପା ଡାଗ୍ରେ ବାସଙ୍କୁକେ । ମାତର ମେଁ
ଲେଠଝେଗେ ।

୪୬ ଜିସୁ ରେମୁଆଁଙ୍କୁକେ ବେବିଠଙ୍କୁ ଇତିହାସ ପାରତନା ଡିଙ୍କୁ ନସା
କଣ୍ଡା ଆଡ଼ାଡ଼ା ଝେକେ ।

୪୭ ଲମ୍ଫଡିଗ୍ଙ୍କୁ ଇତିହାସ ତରା ମଜେ ଲଣ୍ଡିଆଠ ଲେଠଗେ ଆରି ଜିସୁ
ଆଠତା କେଣିଆ ତୁବନ୍ନିଆ ମୁଇଂଜା ଆଠ ଲେଠଗେ ।

୪୮ ଜିସୁ କେକେ ଜେ ସିଦ୍ଧାନ୍ତକୁକେ ତରାନେ ଚାଟୁ ଗାଟେ ନସା
ଅରବର ବାଡିଆରଗେ । ଡାଗ୍ଲା ଆତେନ୍ ବେଲା ଝେଡିଆ ଉଲଟା
ପାଲଟା ବଗ୍ଡିକେ । ଗିସେଙ୍କୁ ଡେଠସନେ ବେଲା ଝି ରୁ ତୁର ଗଣ୍ଡା
ବିତ୍ତେ ଜିସୁ କେଣିଆ ଆଠତା ଅଲେଙ୍କୁ ଅଲେଙ୍କୁରେ ସିଦ୍ଧାନ୍ତକୁନେ
ଡାଗ୍ଲା ପାଙ୍କୁକେ । ମେଁ ସିଦ୍ଧାନ୍ତକୁ ଡାଗ୍ଲା ସେନୁଗ୍ ଝେନସା ରାଜି ତିଂକେ
।

୪୯ ଡାଗ୍ଲା ମେଇଙ୍କୁ ଆମେକେ କେଣିଆ ଆଡ଼ାଡ଼ା ଅଲେଙ୍କୁନେ
କେରେ ଆମେକେ ବୁଡ଼ ଡାଗ୍ରେ ବାବେଆରକେ । ମେଇଙ୍କୁ କିରନେ
ମୁଲେଆରକେ ।

୫୦ ସାପା ସିସ୍‌ଇଙ୍କୁ ଡିରକମ୍ ଆମେକେ କେଆରକେ, ଆତେନ୍ ବେଲା ମେଇଙ୍କୁ ବୁଟମେଗ୍ ଆରକେ । ଜିସୁ ଟାପ୍‌ନା ଆମେକେ ବାସଙ୍‌କେ, “ସାଆସି ସାଃପା । ଆକେନ୍ ତ ନେଙ୍କୁ, ଆବ୍‌ଟଗେପା ।”

୫୧ ଇଡିଙ୍କୁ ମେଁ ସିସ୍‌ଇଙ୍କୁ ଏତେ ତରାନ୍ନିଆ ତେଃକେ । ଖେଡିଆ ବନ୍ଦ୍ ତିଂଖେକେ । ଆଡ୍‌ବାନ୍ ମେଇଙ୍କୁ କାବା ତିଙ୍‌ଆରକେ ।

୫୨ ମେଇଙ୍କୁ ରୁଟି ବିସୟରେ କାବା ତିଂକ୍‌ କାମ୍ ବୁଜେ ଆୟାଆକେ ଶୁ । ମେଇଙ୍କୁନେ ବୁଦି କାନାବାନା ତିଙ୍‌ଖେଗେ ।

ଜିସୁ ଗିନେସରଡ୍‌ନିଆ ରଗିଇଂକେ ନିମାଣ୍ଡା ଆଡିଙ୍‌କେ
(ମାତିଉ ୧୪:୩୪-୩୬)

୫୩ ଜିସୁ ଆରି ମେଇଙ୍କୁନେ ସିସ୍‌ଇଙ୍କୁ କେଣ୍ଡିଆ ପୁଆଃରେ ଗିନେସରଡ୍ ଏରିଆ ଖେଚାଆରକେ । ମେଇଙ୍କୁ ତରାକେ ଆଡ୍ ଅରିଆ ଗାଗ୍‌ବି ଆରକେ ।

୫୪ ତରାବାନ୍ ଜାରକ୍‌ ଇଡିଙ୍କୁ ରେମୁଆଁଇଙ୍କୁ ଜିସୁକେ କେଚେ ସାମୁଆଃ ଯାଆରକେ ।

୫୫ ଇଡିଙ୍କୁ ମେଇଙ୍କୁ ଜିସୁ ପାଙ୍‌ଡିଙ୍‌କ୍‌ କବର୍ ବିଃନସା ଆତେନ୍ ଇନି ପାକାନେ ସାପା ପାକା ଝିର୍ ତୁଂଖେଆରକେ । ଜିସୁ ଆଣ୍ଡିନେ ଟାନ୍‌ନିଆ ଖେକେ, ଆଡ୍‌ନେ ସାପା ପାକା କବର୍ ଉଡ୍ରା ତିଙ୍‌ଖେଗେ ଆରି ଆଡ୍‌ଅରିଆ ରେମୁଆଁଇଙ୍କୁ ରଗିଇଂକେ କଟ୍ ତାଗ୍ରା ତୁଂପାଙ୍‌ଆରକେ ।

୫୬ ଜିସୁ ଆଣ୍ଡିନେ ଇନି ସହର୍ ବାରି ପଲୀ ଇନିପାକା ଖେଚାକେ, ଆଡ୍‌ଅରିଆନେ ସାନ୍ତାନିଆ ରେମୁଆଁ ଆଃସିରେଇଂକେ ବଚେ ଇଃତୁଡା ମେଁନେ ପାଟାଲ ଲିଗନ୍‌ସା ଗୁଆରେ ଆରକେ ବାରି ମେଁନେ ସକାନେ ଜାଲିପୁଆଃ ଲିଗ୍‌କ୍‌ ଦାପ୍‌ପେ ରଗିଇଂ ନିମାଣ୍ଡା ତିଙ୍‌ଆରକେ ।



ରେମୁଆଁନେ ନିଅମ୍‌ବାନ୍ ପର୍‌ମେସ୍‌ପର୍‌ନେ ନିଅମ୍ ମ୍‌ /
(ମାତିଉ ୧୫:୧-୯)

୧ ଉଡିକ୍‌ଗ୍‌ ଫାରୁଶୀଇଂ ଆରି ଉଡିକ୍‌ଗ୍‌ ଦର୍ମ ସାସ୍ତି ଯିରୁଶାଲମବାନ୍ ପାଙ୍‌ଚେ ଜିସୁନେ ପିତୁର୍‌ପାକା ରିସିଙ୍‌ ଖେ ଆରକେ ।

୨ ମେଁଙ୍କୁ ଜିସୁନେ ଉଡ଼ିରୁଆ ସିସ୍ତାଙ୍କେ ଅସୁଚି ବା ତ୍ରି ମାଗୁଇତିତେ ଚଙ୍ଗନେ କେକେ ।

୩ ଫାରୁଶୀ ଆରି ସାପା ଜିଉଦିକ୍ ଗୁଇତି ଗୁଏତତେ ଅଞ୍ଜା ତିଗ୍ ଆଚଙ୍ଗ୍ ଆର୍ଏ ଶୁ । ମେଁଙ୍କୁ ମେଇଁନେ ଅଞ୍ଜେନେ ମ୍ମା ଛା ଞ୍ଜାଞ୍ଜାବାନ୍ ତିଂତିଂକ୍ ନିୟମ୍ ପାଲନ୍ ତିଙ୍ଗନ୍‌ସା ଆକେନ୍ ତିଙ୍ଗବକେ ।

୪ ସାନ୍ତା ଆଣ୍ଟୋଇଜ୍ ବାନ୍ ଅଲେଙ୍ଗ୍ ପାଙ୍ଗ୍‌ତେ ସେନ୍ତୁଗ୍ ନିୟମ୍ ଅନୁସାରେ ତ୍ରି ଖ୍ରୀ ମାଗୁଏତ କୁଟା ମେଞ୍ଜିଗ୍ ଆଚଙ୍ଗ୍ ଆର୍ ଶୁ । ଗାରିଆ, ଗିନା, କ୍ଷ୍ମ ମୁତାଇଙ୍ଗ୍ ବାରି ସିଙ୍ଗ୍‌ଲାଙ୍ଗ୍ ଗଞ୍ଜାଞ୍ଜା ନ୍‌ସା ବିନ୍ ବିନ୍ ରକମ୍ ନିୟମ୍ ପାଲନ୍ ତିଙ୍ଗମ୍‌ଆଞ୍ଜାଆରକେ ।

୫ ତେଲା ଫାରୁଶୀଇଁ ଆରି ସାସ୍ତିକ୍ ଜିସୁକେ ସାଲ୍ୟାକୁଆରକେ, “ନାଁନେ ସିସ୍ତା ପାରୁସିକ୍‌ନେ ନିଅମ୍ ସାତେ ମେଁନ୍‌ସା ମାଗୁଏତେ ମାଗୁଇତିତେ ଚଙ୍ଗପେତିଙ୍ଗ୍, ମେଇଙ୍ଗ୍ ଦେକ୍‌ରକମ୍ ମେଁନ୍‌ସା ତିଙ୍ଗ୍‌ଆରତିଂକେ ?”

୬ ଜିସୁ ଆମେଇଁକେ ବାସଙ୍ଗକେ, “ରେ କୁଟ୍‌ଶ୍ଟେଇଁ ଯିଶାଇୟ ପେନେ ବିସୟରେ ସତ୍ ବାବରେ ବବିସତ୍ ସାମୁଆଁ ବାସଙ୍ଗବକେ, ତିରକମ୍ ଗୁଆରବକେ, ଆକେନ୍ ରେମୁଆଁଇଁ ସାମୁଆଁଆଞ୍ଜିଆ ଆନିଂକେ ସନ୍‌ମାନ୍ ବିଞ୍ଜମାଆରକେ । ମାତର୍ ଗାଗ୍‌ଡେ ନିଂବାନ୍ ସୁଲେଞ୍ଜକେ ।” “ଇସପର୍ ବାସଙ୍ଗକେ, ତିରକମ୍ ଗୁଆରବକେ ଆକେନ୍ ଜାତିନେ ସାମୁଆଁଆଞ୍ଜିଆ ଆନିଙ୍ଗକେ ସନ୍‌ମାନ୍ ବିଏ ।

ତାଗ୍‌ଲା ମେଇଙ୍ଗ୍‌ନେ ଗାଗ୍‌ଡେ ନେଁ ବାନ୍ ସୁଲେଞ୍ଜ ।

୭ ମେଇଙ୍ଗ୍ ରେମୁଆଁଇଁକେ ନିଅମ୍‌ଇଙ୍ଗକେ ଦର୍ମନେ ଆଦେସ୍ ସାମୁଆଁ ତାଗ୍‌ତେ ଗ୍ୟାନ୍ ବିତେ

ସରାଞ୍ଜିଞ୍ଜ ନେନେ ପାର୍‌ତନା ତିଂମାଞ୍ଜାଆରକେ ।”

୮ “ପେଇଁ ଇସପର୍‌ନେ ଆଦେସ୍ ଆନ୍ତାର୍ ବିତେ । ଏବେ ପେଇଁ ରେମୁଆଁନେ ନିଅମ୍ ସାତେ କପେଲେକେ ।”

୯ ଜିସୁ ଆରି ଆମେଇଁକେ ବାସଙ୍ଗକେ, “ନିଜେନେ ନିୟମ୍ ପାଲେନେନ୍‌ସା ପେଇଙ୍ଗ୍ ଇସପର୍‌ନେ ସାମୁଆଁ ଆନ୍ତାର୍‌ତେ ନିଜେକେ ଚାଲାକି ତାଗ୍‌ତେ ବାବେ ପେତିଙ୍ଗ୍ ।

୧୦ ମୋଶା ନିଅମ୍ ବାସଙ୍ଗବକେ, ଆବା ଇୟାଙ୍ଗନେ ସାମୁଆଁ ମାନେଝପା । ଜା ମେଁନେ ଆବାଡେ କି ଇୟାଙ୍ଗଡେକେ ଦଦ୍ୟା ସାମୁଆଁ ବାସଙ୍ଗ, ମେଁ ଗୁଏଝନେ ଡଣ୍ଡ ବାଏ ।

୧୧ ମାତର ପେ ବାସଙ୍ଗପା, ଜାଣ୍ଡେ ଜଦି ଆବା କି ଇୟାଙ୍ଗକେ ବାସଙ୍ଗ, ନିଂ ବାନ୍, ଜା ବାନ୍ ପେ ନିମାଣ୍ଡା ତିଂପେଲେଝ, ତେଲା 'କର୍ବାନ୍' ବା ଇସ୍ପରକେ ମାନଡ୍ ତିଂଲେଝକେ ।

୧୨ ତେଲା ପେ ଇୟାଙ୍ଗ ଆବାକେ ସାଇଜ ତିଂନେ ଦାଇଡ୍‌ବାନ୍ ପେଡାରଏ ।

୧୩ ଡେକ୍‌ରକମ୍ ବାବରେ ବିନ୍‌ରେକେ ବିଝପେବକ୍ଲେ ପେନେ ସିକ୍ୟା ଇସ୍ପରନେ ଆଦେସ୍‌କେ ଅମାନି ତିଂପେତିଂକେ । ଦେକ୍‌ରକମ୍ ବାରି ଗୁଲେ କାମ୍ ପେ ତିଂପେତିଂକେ ।”

ମେଝନେ ରେମୁଆଁକେ ଅପବିତ୍ର ଆଝଡିଙ୍ଗଏ

(ମାତିଡ ୧୫:୧୦-୨୦)

୧୪ ଜିସୁ ରେମୁଆଁକେ ଡାଗ୍ରା ଖାଚେ ଆମେଇଂକେ ବାସଙ୍ଗକେ, “ସାପା ରେମୁଆଁ ନେଙ୍ଗନେ ସାମୁଆଁ ଦ୍ଵିଗ୍‌ପା ଆରି ବୁଜେପା ।

୧୫ ଦେକ୍‌ରକମ୍ ମେଝଣ୍ଡିଗ୍ ଜିନିସ୍ ଶୁଆଣ୍ଡିନେ ବାଏରେ ରେମୁଆଁ ବିଡ୍ରେବାନ୍ ବାଏରେ ପାଙ୍ଗଏ ଆରି ଆଣ୍ଡିନେ ଜିନିସ୍ ରେମୁଆଁ ବିଡ୍ରେବାନ୍ ଡାରମ୍ୟାକେ ଆଡେନ୍ ଆଝ ଆମେକେ ଦଦ୍ୟା ଆଝଡିଙ୍ଗଏ ।”

୧୬ “ଜଦି ଜାନେ ଅଁନେ ନ୍‌ଲୁଗ୍ ଲେଝକେ ମେଁ ଅଁଲେଝ ।” *

୧୭ ଇଡିଙ୍ଗ ଜିସୁ ରେମୁଆଁକେ ଆନ୍ତାରଚେ ତୁଆ ବିଡ୍ରେ ଗାଝେଗେ । ସିସ୍‌ଇଂ ଆମେକେ ଆକେନ୍ ଉଦାଅରନ୍ ସାମୁଆଁ ବିସ୍‌ୟରେ ସାଲ୍ୟାକୁଆରକେ ।

୧୮ ଜିସୁ ବାସଙ୍ଗକେ, “ବିନ୍‌ଶ୍ଟେ ସୁଗା ପେନେ ତିଗ୍ ବୁଜେନେ ବପୁ ମେଝନେ ଅଝକେନ୍ ଗଣ୍ଡାଝ ? ଅଝକେନ୍ ବୁଜେ ପେୟାକେ ? ଆଣ୍ଡିନେ ରେମୁଆଁନେ ବିଡ୍ରେ ବାଏରେବାନ୍ ଗାଏ, ଆଡେନ୍ ଆମେକେ ଅପବିତ୍ର ଆଝଡିଙ୍ଗ ଆୟା ଶୁ ।

* ୭:୧୭ “ଉଡିକ୍ଲିଗ୍ ବାଝିର ଗୁଆରକ୍ଲେ ଆକେନ୍ ପଦ୍ ଗୁଆର ଆବକେ ଶୁ”

୧୯ ଡାଗ୍ଲା ଚର୍ଚ୍ଚକଙ୍କୁ ମେଠନେ ପାରାନ୍ ବିତ୍ରେ ମାଞ୍ଜେରେ ସୁଲୁଏ ବିତ୍ରେ
 ଝେଏ ଆରି ତିଡ଼ିଆପାର୍ ଡାଗ୍ଲା ଡାରଏ ।” ଦେକ୍‌ରକମ୍ ସାପା କାଦି
 ପରରଲ୍ ତିଲେଝଏ, ଆକେନ୍ ମେଠନେ ବୁଜେ ପେୟାକେ ଶୁ ?

୨୦ ମେଁ ବାରି ବାସଙ୍ଗକେ, “ମେଁନେ ସାପା ରେମୁଆଁନେ ବିତ୍ରେବାନ୍
 ଡାରଏ ଆତେନ୍ ଆମେକେ ଅପବିତ୍ର ଆଞ୍ଜିଙ୍ଗଏ

୨୧ ଡାଗ୍ଲା ବିତ୍ରେବାନ୍, ରେମୁଆଁନେ ମନ୍‌ବାନ୍, ଦଦ୍ୟା ଚିନ୍ତା ଡାରଏ
 ।

୨୨ ଦାରି ଝେନେ, ତଙ୍ଗାନେ, ରେମୁଆଁ ବାଗୁଏନେ, ଅଡ଼ାରେଗ୍
 ତିଙ୍ଗନେ, ଲବ୍‌ତିଙ୍ଗନେ, ଦୁସ୍‌ ତିଙ୍ଗନେ, ନାଲେନେ, ଦଦ୍ୟା କାମ୍
 ତିଙ୍ଗନେ, ଇର୍ସାରେ କେନେ, ନିନ୍‌, ଆକାର୍, ମୁର୍କ୍ ।

୨୩ ଏନ୍ ସାପା ସଡ଼ ଶୁନେ ବିସୟ ରେମୁଆଁନେ ଗାଗ୍‌ଡେ ବିତ୍ରେ ବାନ୍
 ଡାରରେ ରେମୁଆଁକେ ଦଦ୍ୟା ଆଡ଼ିଙ୍ଗଏ ।”

ମୁଇଂଜା ଅଣୟାହୁଦିନେ ସେଲାମ୍‌ସୁଞ୍ଜିସୁକେ ବିସବାସ୍ ତିଙ୍ଗକେ
 (ମାଡ଼ିଉ ୧୫:୨୧-୨୮)

୨୪ ଆତେନ୍ ବେଲା ମେଁ ଆଡ଼ବାନ୍ ତଡ଼ିଆରେ ସୋର ପାକା ଝେକେ
 ଆରି ମୁଇଂ ହୁଆନିଆ ଗାରେ ଜାଣ୍ଡେ ତିରକମ୍ ଆତେନ୍ ଆମ୍ୟାଞ୍ଜେ
 ଡାଗ୍‌ରେ ମେଁ ଆକେନ୍ ଇକ୍‌ଚା ତିଙ୍ଗ୍‌ତିଂଗେ । ମାତର୍ ମେଁ ବୁଙ୍ଗ୍‌ଲେଞ୍ଜ
 ଆୟାକେ ଶୁ ।

୨୫ ଆତେନ୍ ଦାପ୍ରେ ମୁଇଂ ସେଲାମ୍‌ସୁ ରେମୁଆଁ ଜିସୁ ପାଙ୍ଗ୍‌ଲେଞ୍ଜକେ
 କବର୍ ଅଁରେ ମେଁ ଉଙ୍ଗ୍‌ଡେନେ ଗାଗ୍‌ଡେ ବିତ୍ରେ ଦଦ୍ୟା ଆମ୍‌
 ଗାଲେଞ୍ଜେ । ତେଲା ମେଁ ଟାପ୍‌ନା ଜିସୁ ଡାଗ୍ଲା ଝେରେ ମେଁନେ
 ପାଦ୍‌ଚନ୍ନିଆ ଲଞ୍ଜେ ।

୨୬ ଆତେନ୍ ମୁଇଂ ଗ୍ରୀକ୍ ସେଲାମ୍‌ସୁ ଲେଞ୍ଜେ । ମେଁ ସିରିଆନେ
 ଫେନିକୀୟା ଅରିଆ ଜନମ୍ ତିଙ୍ଗ୍‌ଲେଞ୍ଜେ । ମେଁ ମେଁନେ
 ଉଙ୍ଗ୍‌ଡେବାନ୍ ଗଲିଆ ଆଆଁଡ୍ରାର୍ ବିଞ୍ଚନ୍‌ସା ଜିସୁକେ ପାର୍‌ତନା ତିଂକେ
 ।

୨୭ ଜିସୁ ଆମେକେ ବାସଙ୍ଗକେ, “ସେନୁଗ୍ ଗଡ଼େଇଙ୍ଗକେ ସାନ୍ତି
 ତିଙ୍ଗନେ ବିଞ୍ଚପା ଡାଗ୍ଲା ଗଡ଼େଇଂନେ କାଦି ହୁଙ୍ଗ୍ ଝେରେ ଗୁସୁଞ୍ଜେ
 ସେନୁଗ୍ ଜଗ୍‌ଗ୍‌ଗ୍‌ନେ ବଲ୍ ଶୁ”

୨୮ ଆତେନ୍ ସେଲାମ୍ବୁ ଉତର୍ ବିକେ, “ଆଁ ମାପୁ ଆତେନ୍ ସତ୍ ମାତର୍ ଗଡେଇଂ ଚଙ୍ଗେନେ ବେଲା ତୁବଃ ଲଃକେ ଜୁଟା ଚିତୁଲ୍ ଆଲ ଲେଃକେ ଗୁସୁଃଇଂ ଶ୍ରିଙ୍ଗ୍ ଚଙ୍ଗ୍‌ଆର୍‌ଏ ।”

୨୯ ଏନ୍ ଇଡିଙ୍ଗ୍ ଜିସୁ ଆତେନ୍ ସେଲାମ୍ବୁଃକେ ବାସଙ୍ଗ୍‌କେ, “ଆକେନ୍ ଆଃ ନିମାଣ୍ଡା ଉତର୍ । ଏବେ ନାଁ ତୁଆ ଝିଗ୍‌ନାୟାଏ ଗଲିଆ ନାଉଙ୍ଗ୍‌କେ ଆନ୍ତାର୍‌ଚେ ତଗେ ।”

୩୦ ଆତେନ୍ ସେଲାମ୍ବୁ ରେମୁଆଁ ତୁଆ ଝିଗ୍‌ଚେ କେକେ ଜେ ମେଁ ଉଙ୍ଗ୍‌ଡେ କର୍‌ନିଆ ତୁଲେଗ୍ ଲେଃକେ । ଦଦ୍ୟା ଆମ୍ବା ମେଁ ଗାଗ୍‌ଡେବାନ୍ ତାର୍‌ଚେ ଡଲେଃକେ ।

ଜିସୁ ମୁଇଙ୍ଗ୍ କନ୍ଦାରେକେ ଆରି ବଇରାକେ ନିମାଣ୍ଡା ଆଃଡିଙ୍ଗ୍‌କେ

୩୧ ତେନ୍‌ଇଡିଂ ଜିସୁ ଇନିନେ ତାଗ୍ରା ଏରିଆ ଆନ୍ତାର୍‌ଚେ ଦେକାପଲୀ ଗାଲିନ୍ନିଆ ସୀଦନ ବିଚେ ଗାଲିଲୀ କେଣ୍ଡିଆ ତାଗ୍ରା ପିଙ୍ଗ୍‌ଚାକେ ।

୩୨ ଆଡ୍‌ଅରିଆ ଉଡି ରେମୁଆଁ ଜିସୁ ତାଗ୍ରା ମୁଇଂ ରେମୁଆଁକେ ତୁଂପାଙ୍ଗ୍‌କେ । ଆତେନ୍ ରେମୁଆଁ କନ୍ଦା ଆରି ବଇରା ଲେଃକେ । ରେମୁଆଁଇଂ ଜିସୁକେ କୁସାମୁତି ଡିଙ୍ଗ୍‌ଆର୍‌କେ ଜେ ମେଁନେ ଡି ରେମୁଆଁନେ ଆଡାତ୍ରା ବଚେ ନିମାଣ୍ଡା ଆଡିଙ୍ଗ୍‌ବିଃଲେ ।

୩୩ ଜିସୁ ଆତେନ୍ ରେମୁଆଁକେ ଗହଲି ବାନ୍ ଇକୁଡା ସ୍ଲପାକା ତୁଂଝେଗେ । ମେଁ ଆତେନ୍ ରେମୁଆଁକେ ଛୁଗ୍ ବିଡ୍ରେ ନିଜେନେ ଆର୍‌ଝେଡି ବକେ । ତେନ୍‌ଇଡିଂ ମେଁ ବିଃତୁର୍ ବିକେ ଆରି ରେମୁଆଁନେ ଲିୟାକେ ଲିଗ୍‌କେ ।

୩୪ ଜିସୁ ଆରି କିଡଙ୍ଗ୍‌ଇନି କେଚେ ଜବର୍ ପୁଣ୍ଡା ଗୁଃଚେ ମେଁ ରେମୁଆଁକେ ବାସଙ୍ଗ୍‌କେ, “ଇସ୍‌ଥାଃ” ତାଗ୍‌ଲା ଡର୍‌ଧା ଝେଲା ।

୩୫ “ଆତାନ୍ ଦାପ୍ରେ ରେମୁଆଁ ଦ୍ରିଗ୍‌ନେ ବପୁ ବାକେ ମେଁ କନ୍ଦା ଡିଂଲେଃକେବାନ୍ ନିମାଣ୍ଡା ଡିଙ୍ଗ୍‌ଝେଗେ ବାରି ମେଁ ନିମାଣ୍ଡା ବାବ୍‌ରେ ସାମୁଆଁ ବାଲିର୍ ଯାକେ ।”

୩୬ ଆରି ଆକେନ୍ ସାମୁଆଁ ଆଜାଡିଗ୍ ଆବାସଙ୍ଗ୍‌ପା ତାଗ୍‌ଚେ ଆମେଇଂକେ ବାଲିର୍‌କେ । ତାଗ୍‌ଲା ମେଁ ଆମେଇଂକେ ଉଡି ମନା ଡିଙ୍ଗ୍‌କେ ମେଇଙ୍ଗ୍ ଅଦିକ୍ ବାଲିର୍ ଅଲେଙ୍ଗ୍‌ଆର୍‌କେ ।

୩୭ ରେମୁଆଁଙ୍କଠାରେ ସିସେବାନ୍ କାବା ଡିଙ୍ଗୁ ଖେଲେଖିଆରଣେ । ମେଇଙ୍ଗୁ ବାସଙ୍ଗୁଆରଣେ, “ଜିସୁ ସାପା କିଚି ନିମାଣ୍ଡା ଆଡ଼ିଙ୍ଗୁଡ଼ିଙ୍ଗୁକେ । ଦେକରକମ୍ କି ମେଁ ବଇରାକେ ଦ୍ଵିଗ୍ନେ ବପୁ ଆରି କନ୍ଦାକେ ବାଲିରନେ ବପୁ ବିଡ଼ିକେ ।”

୮

ଜିସୁ ଅଁ ଅଜାର ବାନ୍ ମାଲେ ରେମୁଆଁକେ ଚଙ୍ଗନେ ବିଃକେ /
(ମାଡ଼ିଉ ୧୫:୩୭-୩୯)

୧ ଆତେନ୍ ବେଲା ଜିସୁ ଏତେ ଜବର ରେମୁଆଁ ଲେଃଗେ । ଆମେଇଂକେ ମେଃଡ଼ିଗ୍ ଚଙ୍ଗନେ ଶୁୁ । ଏନ୍ ଜିସୁ ସିସ୍‌ଇଂକେ ତାଗ୍ରା ଝାତେ ବାସଙ୍ଗୁକେ

୨ “ଏନ୍ ରେମୁଆଁଇଙ୍ଗୁନ୍‌ସା ଆନେଙ୍ଗୁକେ ଜାବର ଲିବିସଃ ଲାଗେ ଡିଙ୍ଗୁକେ । ମେଇଙ୍ଗୁ ନେଙ୍ଗୁଏତେ ଜିରସି ଡିଙ୍ଗୁଗେ ନେଙ୍ଗୁ ଏତେ ଲେଃଖିଆରଣିକେ । ମାତର ଚଙ୍ଗୁନ୍‌ସା ମେଃଡ଼ିଗ୍ ଶୁୁ ।

୩ ମେଇଂ ମାଚଙ୍ଗୁଚେ ଆକ୍‌ବାନ୍ ଝିଗ୍‌ଲେ ତାଗ୍ରାଚେ ନେଙ୍ଗୁନେ ଇକଚା ଶୁୁ । ମେଇଂନେ ବିତ୍ତେ ଉଡ଼ି ରୁଆ ଜାବର ସ୍ଵାବାନ୍ ପାଙ୍ଗୁଲେ ଆରକେ ।”

୪ ଜିସୁନେ ସିସ୍‌ଇଂ ବାସଙ୍ଗୁଆରକେ, “ନେ ଆକ୍ ରେମୁଆଁଗଣ୍ଡୁ ଶୁୁନେ ଇନି ଅରିଆ ଆକ୍‌ମେଇଂକେ ଆଃଚଙ୍ଗୁ ନ୍‌ସା ଜବର କାଦି ଆଣ୍ଡିବାନ୍ ନେବାଏ ?”

୫ ଜିସୁ ଆମେଇଂକେ ସାଲିଆକୁକେ, “ପେନ୍ନିଆ ଉଡ଼ିକ୍ଲିଗ୍ ରୁଚି ଲେଃକେ ?” ମେଇଙ୍ଗୁ ବାସଙ୍ଗୁକେ ।

“ନେଅରିଆ ଗୁକ୍ଲିଗ୍ ରୁଚି ଲେଃକେ ।”

୬ ତେନ୍‌ଇଡ଼ି ଜିସୁ ରେମୁଆଁଙ୍କଠାରେ ତୁବଃ ଆଡ଼ାତ୍ରା କୁକନ୍‌ସା ବାସଙ୍ଗୁକେ, ମେଁ ଗୁକ୍ଲିଗ୍ ରୁଚି ହୁଂଖେକେ ଆରି ଆତେନ୍‌ସା ପରମେସରକେ ଦନ୍‌ସବାଦ୍ ବିକେ । ରୁଚି ସାପା ପାଗ୍‌ଚିଚେ ସିସ୍‌ଇଂକେ ବାଟା ବିନେସା ବିକେ । ମେଇଙ୍ଗୁ ଦେଃଡୁଆ ଡିଙ୍ଗୁଆକେ ।

୭ ସିସ୍‌ଇଙ୍ଗୁ ତାଗ୍ରା ଉଡ଼ିକିଲିଗ୍ ତାଆଁ ଆଃଡୁ ଲେଃଗେ । ଜିସୁ ଆଡ଼ୁ ନ୍‌ସା ଦନ୍‌ସବାଦ୍ ବିଚେ ସିସ୍‌ଇଙ୍ଗୁ କିକେ ଆତେନ୍ ସାପା ବାଟା ବିନେ ବାସଙ୍ଗୁ କିକେ ।

୮ ସାପା ରେମୁଆଁ ଚଢ଼ାରେ ସାନ୍ତ୍ରି ତିଜ୍ଞିଆରକେ । ଇଡ଼ିଜ୍ଞି ମେଇଜ୍ଞି
ଲୁଆଁକ୍ଞେ ପାକଚିଃକ୍ଞେ ଉଡ଼ିକ୍ଞିଗ୍ଞି ରୁଚି ଗୁକ୍ଞିଗ୍ଞି ଆଣ୍ଠାନିଆ ତାଃନଆରକେ

୯ ଆଡ଼ଅରିଆ ପ୍ରାୟ ଅଁ ଅଜାର ରେମୁଆଁକ୍ଞେ ଚଢ଼ାଆରକେ ।

୧୦ ଏନ୍ ଇଡ଼ିଜ୍ଞି ଜିସୁ ରେମୁଆଁକ୍ଞେ ବେବିରେ ସିସ୍ଞି ଏତେ
ତରାନ୍ନିଆ ତେଃତେ ଦଲ୍ଲମନୁଆ ପ୍ରଦେସନ୍ନିଆ ଝେକେ ।

ଫାରୁଶୀଇଁ ଜିସୁକେ ପରିକ୍ୟା ତିଜ୍ଞିଆରକେ

(ମାଡ଼ିଉ ୧୨:୩୮-୪୨; ୧୬:୧-୪)

୧୧ ଫାରୁଶୀଇଁ ଜିସୁନେ ତାଗ୍ରା ପାଙ୍ଗରେ ଜିସୁକେ ପରିକ୍ୟା
ତିଜ୍ଞିନେସା ପ୍ରସନ ସାଲିଆକୁଆରକେ, ମେଇଜ୍ଞି ଜିସୁକେ ପାନ୍
ଅରିଆ କ୍ଲାନେସା ଚାଏଁଆରକେ । ତେସା ମେଇଜ୍ଞି ଜିସୁକେ
ମେଁ ପର୍ମେସରନିଆ ବାନ୍ ପାଙ୍ଗ ଲେଃକେ ତାଗ୍ରରେ ପାର୍ମାନ୍
ତିଜ୍ଞିନେସା କାବା ସୁଗୁଆ କାମ୍ ତିଜ୍ଞିନେ ବାଲିରୁଆରକେ ।

୧୨ ✧ଜିସୁ ପୁଣ୍ଡାକେ ବିତ୍ତେ ଗୁଃତେ ଦୁକ୍ଞେ ବାଏରେ ଆଃତାର୍ଠରେ
ବାସଜ୍ଞେ, “ପେଇଁ ମେଃନିଆ ପାର୍ମାନ୍ ସୁଗୁଆ କାବାନେ କାମ୍
କିକେନେ ଚାଏଁପେଡ଼ିଜ୍ଞିକେ ? ନେଜ୍ଞି ଆପେକେ ସଡ଼ ବାସଜ୍ଞିକ୍ଞିକେ
ରେମୁଆଁକ୍ଞେ ଦେଡ଼ରକମ୍ ପାର୍ମାନ୍ ଆବିଃ ଶୁ ।”

୧୩ ଏନ୍ ଇଡ଼ିଜ୍ଞି ଜିସୁ ଫାରୁଶୀଇଁକେ ଆନ୍ତାର୍ଠରେ ଆରି ମୁଇଜ୍ଞି
ତର୍ ତରା ବିତ୍ତେ ଅଲେଜ୍ଞି ତୁଁପାଙ୍ଗକେ । ମେଁ ତରାଅରିଆ କଚେ
କେଣ୍ଡିଆନେ ଇନୁମେତା ତାର୍ଠେଗେ ।

ହେରୋଦ୍ ଆରି ଫାରୁସିଇଁନେ ଖମୀର

(ମାଡ଼ିଉ ୧୬:୫-୧୨)

୧୪ ମେଇଜ୍ଞି ରୁଚଜ୍ଞିନିଆ ଜବର୍ କାଦି ତୁଁପାଙ୍ଗନେ
ଆବବିଲେଆଗେ । ତରାନ୍ନିଆ ସିସ୍ଞିକ୍ଞି ତାଗ୍ରା ମୁଇଁ ଆଃ ରୁଚି
ଲେଃଗେ ।

୧୫ ✧ଜିସୁ ଆମେଇଁକେ ଚେଡ଼ନା ବିଚେ ବାସଜ୍ଞେ, “ତରକ୍
ଲାଃଲାପା, ଫାରୁଶୀ ଆରି ହେରୋଦ୍ନେ ମିଡ଼ ସିକ୍ୟାବାନ୍ ଖମୀର
ଚଢ଼ାକେ ବାନ୍ ଜବର୍ ସୁ ଲାଃଲାପା ।”

୧୭ ସିସ୍‌ଇଙ୍କ ଆକେନ୍ ତାବୁ ବିସୟରେ ଅବାଃଲିର ଆରକେ ।
 ମେଇଙ୍କ ବାସଙ୍କଆରକେ, “ନେ ତାଗ୍ରା ରୁଚି ଶୁଭାଗତେ ଜିସୁ
 ବାସଙ୍କକେ ।”

୧୭ ମେଇଙ୍କ ମେଃନେ ବାଲିରବାତା ଡିଙ୍କଆରଡିଂକେ, ଆତେନ୍
 ଜିସୁ ମ୍ୟାଃତେ ଆମେଇଂକେ ବାସଙ୍କକେ, “ରୁଚି ଶୁଭାଗତେ
 ପେ ମେଃନସା ବାଲିରବାତା ଡିଂପେଡିଙ୍କକେ ? ଏଃ ଜାକ ପେ
 କେଂପେୟାକେ କି ବୁଜେ ପେୟାକେ ? ପେନେ ଗାଗଡ଼େ ବ୍ରି
 ଡିଂଝେଲେଃକେ ?

୧୮ ☆ପେନେ ମ୍ପୁଆଃ ଲେଃକେ, ତେଲାଡିଗ୍ କିକେ ପେୟାକେ ?
 ପେନେ ଲୁଗ୍ ଲେଃକେ, ତେଲାଡିଗ୍ ଅଁ ପେୟାକେ ?

୧୯ ନେଙ୍କ ଉଃଡ଼ିବେଲା ମାଲ୍ ଅଜାର ରେମୁଆଁଇଙ୍କ ଆଡ଼ଲା
 ମାଲିକ୍ଲିଗ୍ ରୁଚି ପାଗ୍‌ଚିରେ ଆପେକେ ବିମ୍‌ଗେ । ମନେ ଲୁଗ୍
 କେଲାପା, ପେ ଉ଼ଡ଼ିକ୍ଲିଗ୍ ଆଶ୍ଟାଅରିଆ ରୁଚି ପେରାଃନକେ ?”

ମେଇଙ୍କ ବାସଙ୍କଆରକେ, “ଗମ୍‌ର କ୍ଲିଗ୍ ଆଶ୍ଟାନ୍ନିଆ ।”

୨୦ “ଆରି ନେଙ୍କ ଉ଼ଡ଼ିବେଲା ଅଁ ଅଜାର ରେମୁଆଁଇଙ୍କ ନସା ଗୁକ୍ଲିଗ୍
 ରୁଚି ପାଗ୍‌ଚିରେ ବିମ୍‌ଗେ । ଏତେ କେଲାପା, ପେଇଙ୍କ ଉ଼ଡ଼ିକ୍ଲିଗ୍
 ଆଶ୍ଟାନ୍ନିଆ ଲୁଆଁକ୍ଲେ ରୁଚି ସାପା ଆନ୍ ପେବଗେ ?”

“ମେଇଙ୍କ ବାସଙ୍କଆରକେ, ଗୁକ୍ଲିଗ୍ ଆଶ୍ଟାନ୍ନିଆ ନେରାଃନକେ ।”

୨୧ ଏନ୍ ଇଡ଼ିଙ୍କ ଜିସୁ ଆମେଇଂକେ ବାସଙ୍କକେ, “ନେଙ୍କ ମେଃ ଡିଙ୍କ
 ମ୍‌କେ । ଆତେନ୍ ସାପା ପେ ମନେ ପେବକେ । ଏଃକେ ଜାକ ପେ
 ଇକ୍‌ଡ଼ା ଡିଗ୍ ବୁଜେ ପେୟାକେ ?”

ବେଥସାଇଦା ଅରିଆ ଜିସୁ ମୁଇଙ୍କ କାନାକେ ନିମାଣ୍ଡା ଆଡ଼ିଙ୍କକେ

୨୨ ଏନ୍ ଇଡ଼ିଙ୍କ ମେଇଙ୍କ ବେଥସାଇଦାନ୍ନିଆ ଅଲେଙ୍କ ଡୁଂପାଙ୍କକେ
 ଆଡ଼ଅରିଆ ଉ଼ଡ଼ିକ୍ଲିଗ୍ ରେମୁଆଁ ଜିସୁନେ ତାଗ୍ରା ମୁଇଙ୍କ କାନାକେ
 ଡୁଂପାଙ୍କକେ ମେଇଙ୍କ ଜିସୁକେ ପାରତନା ଡିଙ୍କଆରକେ ଜେ ମେଁ
 କାନାକେ ଲିଗ୍ ବିଃଲେ ।

୨୩ ଜିସୁ କାନା ରେମୁଆଁକେ ତ୍ରି ସାଃତେ ମେଁନେ ଇନି ପାଦା ପାକା
 ଝା ଡୁଂଝେକେ । ମେଁ କାନାକେ ମୁଆଃନ୍ନିଆ ବିଃତୁର୍ ବିକେ । ଆରି ମେଁ

ଆଡ଼ାଡ଼ା ଡ୍ରୀ ବଚେ ଆମେକେ ସାଲିଆକୁକେ, “ନା ମେଃଡ଼ିଗ୍ କିକେୟା ନାଡ଼ିଂକ୍ଲେ ?”

୨୪ ଆଡେନ୍ ରେମୁଆଁ ଆଡ଼ାଡ଼ା କେଚେ ବାସଙ୍ଗକେ, “ନେଙ୍ଗ୍ ରେମୁଆଁଇଂକେ ସାମୁଆଃ ଯାଣ୍ଟିଂକେ । ମେଇଙ୍ଗ୍ ପିଡୁର୍ ପାକା ଅଲେଙ୍ଗ୍ନେ ସ୍ଲାଃ ସୁଗୁଆ ନାଡ଼ିଂକେ ।”

୨୫ ଜିସୁ ଆରି ମୁଇଙ୍ଗ୍ ଡର୍ କାନାନେ ମୁଆଃ ଆଡ଼ାଡ଼ା ଡ୍ରୀ ବକେ । ମେଁନେ ମ୍ଲୁଆଃ ନିମାଣ୍ଡା ଡିଙ୍ଗ୍ ଖେଲେଃଗେ ଆରି ମେଁ ସାପା ନିମାଣ୍ଡା ବାବ୍ରେ କିକେ ଯାକେ ।

୨୬ ଜିସୁ ଆମେକେ ଡୁଆ ବେ ବିଃଚେ ବାସଙ୍ଗକେ, “ଇନି ବିଡ୍ରେ ନା ଆରି ଅଃନା ଆଖେଗେ । ମାଡର୍ ନାଁ ଡୁଆ ଖିଗ୍ଲା ।”

ଜିସୁନେ ବିସୟରେ ପିଡର୍ ବାସଙ୍ଗଡ଼ିଂକେ
(ମାଡିଡ ୧୭:୧୩-୨୦; ଲୁକ୍ ୯:୧୮-୨୧)

୨୭ ଏନ୍ ଇଡ଼ିଙ୍ଗ୍ ଜିସୁ ଆରି ମେଇଂନେ ସିସ୍ଇଂ କାଇସରିଆ ଫିଲିପ୍ପି ଏରିଆନେ ଇନି ପାକା ଖେଆରଗେ । ଗାଲିଲ୍ଲିଆ ମେଁ ମେଁନେ ସିସ୍ଇଂକେ ସାଲିଆକୁକେ, “ନେଙ୍ଗ୍ ଜାଣ୍ଡେ ଡାଗ୍ଚେ ରେମୁଆଁଇଙ୍ଗ୍ ମେଃନେ ବାସଙ୍ଗଡ଼ିଂଆରକେ ?”

୨୮ ☆ମେଇଙ୍ଗ୍ ବାସଙ୍ଗକେ, “ଉଡ଼ିରୁଆ ବାସଙ୍ଗଡ଼ିଂକେ ମେଁ ଶ୍ରିଆନ୍ନିଆ ଦିକ୍ୟା ବିଣ୍ଡେ ଜହନ୍ । ବାରି ଉଡ଼ିରୁଆ ବାସଙ୍ଗଡ଼ିଂ ଏଲୀୟ ବାରି ଜା ଜା ବାସଙ୍ଗଡ଼ିଂକେ, ବାବବାଦିଇଂନେ ବାନ୍ ମୁଇଂଜା ।”

୨୯ ☆ଜିସୁ ଆମେଇଂକେ ସାଲିଆକୁକେ, “ନେଙ୍ଗ୍ ଜାଣ୍ଡେ ଡାଗ୍ଚେ ଯେ ମେଃନେ ବାସଙ୍ଗପେଡ଼ିଂକେ ?”

ପିଡର୍ ଉଡର୍ ବିକେ, “ନାଁ ଡିଙ୍ଗ୍ନାଡ଼ିଙ୍ଗ୍କେ କିସଟ ।”

୩୦ ଏନ୍ ଇଡ଼ିଙ୍ଗ୍ ଜିସୁ ଆମେଇଂକେ ଡାଗାମ୍ ବାବ୍ରେ ଚେଡ୍ନା ବିଃଚେ ବାସଙ୍ଗକେ, “ନେଙ୍ଗ୍ ଜାଣ୍ଡେ ଡାଗ୍ଚେ ଯେ ଆଜାକେ ମେଃଡ଼ିଗ୍ ଆବାସଙ୍ଗଗେପା ।”

ଜିସୁ ଗୁଏଃନେ ବିସୟରେ ରେମୁଆଁଇଂକେ ବାସଙ୍ଗକେ
(ମାଡିଡ ୧୭:୨୧-୨୮; ଲୁକ୍ ୯:୨୨-୨୭)

☆ ୮:୨୮ ମାର୍ଚ୍ଚ ୭:୧୪,୧୫; ଲୁକ୍ ୯:୭,୮. ☆ ୮:୨୯ ଜହନ୍ ୭:୨୮,୨୯.

୩୧ ଏନ୍ ଇତିହାସ ମୋଁ ଆମେଇଁକେ ଗିଆନ୍ ବିଷନେ ଆରାମ୍ ଡିଙ୍ଗକେ, “ରେମୁଆଁ ଉଙ୍ଗଡେକେ ଜବର୍ ଡଣ୍ଡ କଷ୍ଟ ବାନେ ପଡେଏ । ଦର୍ମ ନେତା ଆରି ଜିଉଦି ନେତା, ମ୍ନା ପୁଜାରି ଆରି ଦର୍ମସାସ୍ତିଇଁ ଆମେକେ ବିସ୍ବାସ୍ ଆଡିଙ୍ଗିଆର୍ ଶୁ । ଡିଲୀଡିଗ୍ ଆମେକେ ବାଗୁଏ ବିଆର୍ଏ ଆରି ମୋଁ ଗୁଏକ୍ ଜିରୁସି ଦିନା ବିଡରେ ଆରି ଡଃଡିଆଏ ।”

୩୨ ଆକେନ୍ ସାପା ସାମୁଆଁ ଜିସୁ ନିମାଣ୍ଡା ବାବରେ ସିସ୍ଇଁକେ ଆଃଡିଗ୍ ବିଃକେ । ତେସାଃ ପିତର୍ ଆମେକେ ବିନ୍ ପାକା ଖାଡୁଙ୍ଗିଝେତେ ଗୁଆରେତେ ବାସଙ୍ଗକେ ।

୩୩ ଜିସୁ ପ୍ଲା ପାକା ପୁଏରେ ସିସ୍ଇଁ ଆଡାଡା କେରେଃ ପିତର୍କେ ଆଃଦର୍ସେତେ ବାସଙ୍ଗକେ, “ସଏତାନ୍ ନେଙ୍ଗ୍ ବାନ୍ ସୁ ଝେଲ୍ଲା । ପେ ଇସ୍ପର୍ଦନେ ବିଚାର ରକମ୍ ବିଚାର ପେଡିଙ୍ଗକେ ଶୁ । ରେମୁଆଁଇଙ୍ଗ୍ ଡିରକମ୍ ବିଚାର ଡିଙ୍ଗିଆର୍ଡିଁକେ, ନାଁ ଦେଡରକମ୍ ବାବେନାଡିଙ୍ଗକେ ।”

୩୪ ☆ଏନ୍ ଇତିହାସ ଜିସୁ ସାପା ରେମୁଆଁକେ ଡାଗ୍ରା ଝାକେ । ମୋଁନେ ସିସ୍ଇଁ ଡିଗ୍ ଆଡଅରିଆ ଲେଃରେ । ଜିସୁ ଆମେଇଁକେ ବାସଙ୍ଗକେ, “ଜାଣ୍ଡେଃ ରେମୁଆଁ ନେଙ୍ଗ୍ନେ ପ୍ଲା ପାଙ୍ଗ୍ନେ ଚାଏଁଡିଁକେ ଆଡେନ୍ ସାପା ଆଡାଡରେ ନେଙ୍ଗ୍ସା ଦୁକ୍ ଆରି ଗୁଏଃନେ ସାଃତେ ନେଙ୍ଗ୍ ପ୍ଲା ପାଙ୍ଗ୍ଲେ ।

୩୫ ☆ଡାଗ୍ରା ଜାଣ୍ଡେଃ ରେମୁଆଁ ନିଜର୍ ଜିବନ୍କେ ଆମ୍ ନେ ଚାଏଁଏ, ମୋଁ ଆଡେନ୍ ଡିଁ ଆୟା ଶୁ । ଜାଣ୍ଡେ ରେମୁଆଁ ନେଙ୍ଗ୍ନସା ଆରି ନିମାଣ୍ଡା ସାମୁଆଁ ନସା ନିଜର୍ ଜିବନ୍କେ ବିଃଜଗ୍ଲାର୍ଏ, ମୋଁ ମୋଁନେ ଜିବନ୍କେ କାଲିଆଃନସା ରକ୍ୟା ଆଃଡିଙ୍ଗଏ ।

୩୬ ବାରି ରେମୁଆଁ ଜଦି ସାପା ଦର୍ଡନିକେ ଲାବ୍ ଡିଁତେ ନିଜର୍ ଜିବନ୍କେ ବିଃଏ, ତେଲ୍ଲା ମେଃନେ ମୋଁ ଲାବ୍ ଡିଁଏ ? ବାରି, ରେମୁଆଁ ମୋଁ ଜିବନ୍ ବାଦୁଲ୍ ମେଃ ବିଃୟାଏ ?

୩୭ ଡାଗ୍ରା ଜାଣ୍ଡେ ରେମୁଆଁ ଉଡି ଡାବୁ ବିଲ୍ଲା ଡିଗ୍ ଆଡେନ୍ ବାଦୁଲ୍ ନିଜେନେ ଜିବନ୍କେ ଆରି ମୁଇଁତର୍ ବା ପେୟା ଶୁ ।

୩୮ ଏନ୍ ଜାଣ୍ଡେ ଡିଗ୍ ଆକେନ୍ ଜୁଗ୍ନିଆ ଅଡାରେଗ୍ ଆରି ପାପିଷ୍ଟ

☆ ଗୀତା ମାତିଉ ୧୦:୩୮; ଲୁକ୍ ୧୪:୨୭. ☆ ଗୀତା ମାତିଉ ୧୦:୩୯; ଲୁକ୍ ୧୭:୩୩; ଜହନ୍ ୧୨:୨୫.

ରେମୁଆଁଙ୍କଠାରେ ବାନ୍ ନେଇଁନେ ଆରି ନେଇଁନେ ସାମୁଆଁ ବିସୟରେ ଗିଆସଃଏ, ରେମୁଆଁ ଉଇଁତେ ଉଡ଼ିବେଲା ପବିତ୍ର ଦୁଡ଼ଇଂ ଏତେ ନିଜେନେ ଆବା ମଇମା ଏତେ ପାଇଁଏ, ଅଃତେନ୍ ବେଲା ମେଁ ତିଗ୍ ଆତେନ୍ ବିସୟରେ ଗିଆସଃଏ ।”



୧ ତେନ୍‌ଇଡ଼ିଂ ଜିସୁ ବାସଇଁକେ, “ନେଇଁ ଆପେକେ ସଡ଼ ବାସଇଁଣ୍ଡିଂ, ଇସପରନେ ରାଜି ପରାକ୍ରମ ତିଂରେ ପାଂନେ ମାକେ ଜାକ ଆକ୍‌ଅରିଆ ତୁଆଁକ୍ନେ ରେମୁଆଁଙ୍କଠାରେବାନ୍ ଉଡ଼ିରୁଆ ମେଃଡ଼ିଗ୍ ରକମ୍ ଗୁଏନେ ସାମୁଆଁ ପେବା ଶୁ”

ଜିସୁ ରୁପକେ ଆଃବକ୍ଲେକେ

(ମାତିଉ ୧୭:୧-୧୩; ଲୁକ୍ ୯:୨୮-୩୭)

୨ ତୁର୍ ଦିନ୍ ଇଡ଼ିଇଁ ଜିସୁ ପିତର୍ ଜାକୁବ୍ ଆରି ଜହନ୍ ଏଃତେ କୁଡ଼େଃରେ ମୁଇଇଁ ତିଆର୍ କଣ୍ଡା ଆଡ଼ାଡ଼ା ତେଃଆରକେ । ଆଡ଼ାଗ୍ରା ମେଁଇଇଁ ଆଃଲେଃଆରଗେ । ଆଡ଼ ଅରିଆ ସିସ୍‌ଇଇଁ ଜିସୁକେ କେକ୍ନେ ବେଲା ଜିସୁନେ ସାମୁଆଁଃ ବକ୍ଲେ ଖେଗେ ।

୩ ଜିସୁନେ ପାଟାଇ ତୁଲୁଏ ରକମ୍ ତାରକିଗ୍ ନାକେ । ଆତେନ୍ ତାରକିଗ୍ ଆରି ତୁଲୁଏ ଲେଃଗେ ଜେ ଦର୍ତନିନେ ଜାଣ୍ଡେ ତିଗ୍ ତୁଲୁଏ ଆଃଡ଼ିଇଁ ଆୟାଆର୍ ଶୁ”

୪ ବାରି, ମୋଶା ଆରି ଏଲୀୟ ଜିସୁ ଏତେ ବାଲିର୍‌ବାତା ତିଇଁକ୍ନେ ସିସ୍‌ଇଂ କେଆରକେ ।

୫ ପିତର୍ ଜିସୁକେ ବାସଇଁକେ, “ଅ ମାପ୍‌ରୁ, ନେ ଜେ ଆକ୍‌ଅରିଆ ନେଲେଃକେ, ଆକେନ୍ ନିମାଣ୍ଡା; ନାନେ ଜଦି ଇକ୍‌ଗା ତିଂଲା ନେଇଁ ଆକ୍‌ଅରିଆ ଝିକ୍ଲିଗ୍ କୁଡ଼ିଆ ଶ୍ରାରେଏ, ନା ଆଡ଼ଲା ମୁଇଂ, ମଶା ଆଡ଼ଲା ମୁଇଂ ବାରି ଏଲୀୟ ଆଡ଼ଲା ମୁଇଂ ।

୬ ପିତର୍ ମ୍ୟାଃ ଆୟାକେ ଜେ ମେଁ ମେଃ ଉତର୍ ବିଃଏ ତାଗ୍‌ରେ ମ୍ୟାଃଆୟାକେ ଶୁ” ତାଗ୍ଲା ମେଇଁ ମାୟା ସିସ୍ ଜବର୍ ବୁଟଲେଆରଗେ ।”

୭ ✧ ଇକ୍ଷୁଡ଼ା ତ୍ରିଗୁଡ଼ିଆ ଆମେଇଂକେ ଡା ବିକେ, ବାରି କେଲାପା, ଆଡେନ୍ ତ୍ରିଗୁଡ଼ିଆବାନ୍ ଆକେନ୍ ସାମୁଆଁ ନାଂକେ, “ଏ ନେଙ୍ଗ୍‌ନେ ନିଜର୍ ଉଂଡେ ଆକ୍ସେଅରିଆ ନେଂନେ ଜାବର୍ ସାନ୍ତି ଲେକେ” ଆକ୍ସେନେ ବ୍ଲାଲିର୍ ଅଁପା ।

୮ ଆରି ଆଡେନ୍ ବେଲା ପିତର୍, ଜାକୁର୍ ଆରି ଜହନ୍ ପିତୁର୍ କେଆରକେ ଡାଗ୍ଲା ଆଡ଼ନିଆ ମେଇଂ ମେଙ୍ଗ୍‌ଏଡେ ଜିସୁକେ ଆନ୍ତାଚେ ଆଡ଼ଅରିଆ ବାରି ଆଜାକେ ଡିଗ୍ ଆକେଆରକେ ଶୁ ।

୯ ଜିସୁ ଆରି ମେଁନେ ସିସଇଂ କଣ୍ଡାବାନ୍ ଜାରନେ ବେଲା ଆମେଇଂକେ ଆଦେସ୍ ବିଚେ ବାସଙ୍ଗକେ, ଜେ ମେଇଙ୍ଗ୍ କଣ୍ଡା ଆଡ଼ାତ୍ରା ମେଃ ମେଃନେ କେଆରକେ । ଆଡ଼ଡେ ଆଜାଡିଗ୍ ଆବାସଙ୍ଗପା ଡାଗ୍‌ଚେ ଆରି ମାପୁରୁ ଉଙ୍ଗଡେ ଗୁଏଚେ ମ୍‌ ଜାକ ଉର୍ ଲାଃଲାପା ।

୧୦ ଏନ୍ ସିସଇଂ ଜିସୁନେ ସାମୁଆଁ ମାନେଃଆରକେ ଆରି ମେଇଙ୍ଗ୍ ମେଃନେ କେଲେଃଆରଗେ, ଆଡେନ୍ ଆଜାଡିଗ୍ ଆବାସଙ୍ଗଆରକେ । ତେଲା ମେଇଙ୍ଗ୍ ବାଲିର୍‌ବାତା ଡିଙ୍ଗ୍‌ଆରକେ ଜେ ଗୁଏଚେ ମ୍‌ନେ ଅର୍ଡ ମେଃନେ ?

୧୧ ମେଇଙ୍ଗ୍ ଜିସୁକେ ସାଲ୍ୟାକୁଆରକେ, “ଦର୍ମସାସ୍ତିଇଂ ମେଃ ନସା ବାସଙ୍ଗଡିଂକେ ଜେ ଏଲୀୟ ଡିଲାଡିଗ୍ ସେନୁଗ୍ ପାଙ୍ଗ୍‌ଏ ?”

୧୨ ଜିସୁ ଆମେଇଂକେ ବାସଙ୍ଗକେ, “ଅଁ; ମେଇଂ ସଡ଼ ବାସଙ୍ଗଡିଂଆରକେ । ସାପା ସାମୁଆଁ ଆମେଁ ନସା ଡିଲାଡିଗ୍ ଏଲୀୟ ଆଃ ସେନୁଗ୍ ପାଙ୍ଗ୍‌ଏ । ମାତର୍ ମାପୁରୁ ଉଙ୍ଗଡେ ବିସୟନେ ସାସ୍ତୁର୍‌ନିଆ ମେଃ ନସା ଗୁଆରବକେ ଜେ ମେଁ ମାଲେ କସ୍‌ଟ ବାଏ ଆରି ରେମୁଆଁଇଂ ଆମେକେ ଇଙ୍ଗଚେ ଆରଏ ।

୧୩ ନେଙ୍ଗ୍ ଆପେକେ ବାସଙ୍ଗ୍‌ଣିଂକେ ଜେ ଏଲୀୟ ଏକ୍ସେ ପାଙ୍ଗ୍‌ଲେଃନେ ଆରି ରେମୁଆଁଇଂ ମେଃନେ ଚାଏଁ ଡିଂଆରକେ, ମେଁ ଆଡ଼ାତ୍ରା ଦେଡ଼ରକମ୍ ଦଦ୍ୟା ବେବଆର୍ ଡିଂଆରଏ । ମେଇଂ ଆଡ଼ାତ୍ରା ଦେକ୍‌ରକମ୍ ବେବଆର୍ ଡିଙ୍ଗ୍‌ଆରଏ ଡାଗ୍‌ଚେ ସାସ୍ତୁର୍‌ନିଆ ଗୁଆରବକେ ।”

✧ ୯:୭ ମାଡିଉ ୩:୧୭; ମାର୍ଚ୍ଚକ ୧:୧୧; ଲୁକ୍ ୩:୨୨.

ଜିସୁ ମୁଇଙ୍କ ଗଲିଆ ସାଲେଃକେ ଗଡ଼େଅକେ ନିମାଣ୍ଡା
ଆଃଡ଼ିଙ୍କକେ

(ମାତିଉ ୧୭:୧୪-୨୧; ଲୁକ୍ ୯:୩୭-୪୩)

୧୪ ଇଡ଼ିଙ୍କ ଜିସୁ ପିତର, ଜାକୁବ୍, ଜହନ୍, ବିନ୍ନେ ସିସ୍‌ଇଁ ତାଗ୍ରା
ଝେକେ । ମେଇଁ କେଆରକେ ଜେ ଜବର ରେମୁଆଁ ଆମେକେ ପିତୁର
ପୁଏକୁର ଲେଃଆରକେ । ମେଁ ଏତେ ଦର୍ମ ଗୁରୁଇଁ ଅଡ଼କା ଅଡ଼କି
ଡ଼ିଙ୍କିଆରକେ ।

୧୫ ଅନାବେଲା ରେମୁଆଁଇଁ ଜିସୁକେ କେକେ ମେଇଙ୍କ ଚମକେ
ଝେଏ ଆରକେ । ମେଇଙ୍କ ଆମେକେ ସାର୍ଦା ଆଡ଼ିଙ୍କନ୍‌ସା ମେଁ ପାକା
ଝିର ତୁଂଝେକେ ।

୧୬ ଇଡ଼ିଙ୍କ ଜିସୁ ନିଜର ସିସ୍‌ଇଙ୍କେ ସାଲ୍ୟାକୁକେ, “ପେ
ଦର୍ମ ସାସ୍ତରଇଙ୍କ ଏତେ ଆଣ୍ଡିନେ ସାମୁଆଁନ୍‌ସା ଅଡ଼କା ଅଡ଼କି
ଡ଼ିଙ୍କପେଡ଼ିକେ ?”

୧୭ ଗହଲି ବିଡ଼େବାନ୍ ମୁଇଁ ରେମୁଆଁ ଉତର ବିଃକେ, “ଏ ଗୁରୁ
ନେଙ୍କ ନେଉଙ୍କକେ ନାଁ ତାଗ୍ରା ତୁଂପାଁନେବକେ । ମେଁନେ ଜିବନ୍‌ନ୍ନିଆ
କନ୍ଦା ଗଲିଆ ଗା ଲେଃକେ, ଆତେନ୍‌ସା ବାଃଲିରନେ ଆବିଃକେ ଶୁ ।

୧୮ ନେଉଁକେ ସାଃନେ ବେଲା ଗଡ଼େଅକେ ବୁନ୍ଦେ ଜଗ୍‌ଲ୍‌ଗ୍ ବିଃ
ଡ଼ିଙ୍କକେ । ଗଡ଼େଅ ତୁମୁଆବାନ୍ ଲିଡ଼ିଆଃ ଆଃତାରଡ଼ିକେ ଆରି
ମେଁ ଗିନି ଆଃଚାର୍ ଆଃଲେ ଡ଼ିକେ ଆରି ନ୍‌ସ୍‌ଆରିଆଃ ଝେଡ଼ିକେ
। ନେଙ୍କ ନାନେ ସିସ୍‌ଇଁକେ ଆତେନ୍ ବୁଡ଼ନେ ଆମ୍ବା ଆଃଆନ୍ତାର୍
ବିଃନ୍‌ସା କୁସାମୁଡ଼ି ଶ୍ରିକେ । ମାତର ମେଇଙ୍କ ଆମେକେ ଆଃଆନ୍ତାର୍
ଆୟାଆରକେ ।”

୧୯ ଜିସୁ ଆମେଇଁକେ ବାସଙ୍କକେ, “ଆରେ ଅବିସ୍‌ବାସି ଆରି ଦଦ୍ୟା
ଗାଲି ଝେଣ୍ଡେ ବଂସଇଙ୍କ, ଉଃଡ଼ି ମୁଆଁ ନିଁ ପେ ଏତେ କ୍ଲେଃଏ ?
ଉଃଡ଼ି ମୁଆଁ ପେନେ ବେବଆର ନ୍‌ସ୍‌ମ୍ବାଲେଏ ? ଆମେକେ ନିଁ ତାଗ୍ରା
ତୁଙ୍କପାଙ୍କଲା ।”

୨୦ ତେଲା ସିସ୍‌ଇଁ ଗଡ଼େଅକେ ଜିସୁ ତାଗ୍ରା ତୁଂପାଙ୍କିଆରକେ । ବୁଡ଼
ଆମ୍ବା ଜିସୁକେ କେକ୍ଲେ ଦାପ୍ରେ ଗଡ଼େଅକେ ଅଚେତା ଆଃଡ଼ିକେ ଆଲ
ଜଗ୍‌ଲ୍‌ଗ୍ ବିଃକେ । ମେଁ ତୁମୁଆଃ ବାନ୍ ଲିଡ଼ିଆଃ ତାରକେ ।

୨୧ ଜିସୁ ଗଡ଼େଅନେ ଆବାଡ଼େକେ ସାଲ୍ୟାକୁକେ, “ଉଃଡ଼ିସି ଡିଙ୍ଗିଗେ ଗଡ଼େଅକେ ଦେକ୍ ଡିଙ୍ଗିଲେଃଗେ ?” ମେଁ ବାଡ଼େ ବାସଙ୍ଗକେ, “ଗଡ଼େଅକେଲା ବାନ୍ ଦେକ୍ ଡିଙ୍ଗିଲାଃଏକେ ।”

୨୨ “ବୁଡ଼ ଆମ୍ବା ଆମେକେ ବାଗୁଏଃ ନସା ଉଡ଼ିତର୍ ଶ୍ରିଆନ୍ନିଆ ଆରି ଉଡ଼ିତର୍ ସୁଆନ୍ନିଆ ଜଗ୍ନାଗ୍ ତିଂଗେ । ନା ଜଦି ମେନ୍‌ସା ମେଁ ଡିଙ୍ଗି ନାୟାଏ ତେଲା ନେ ଆଡ଼ାତ୍ରା ଲିବିସ ଡିଙ୍ଗିରେ ସାଃଆ ନାଡ଼ିଙ୍ଗିଏ ।”

୨୩ ଜିସୁ ଆମେକେ ବାସଙ୍ଗକେ, “ମେଁ ନାବାସଙ୍ଗକେ ! ଯେ ଜଦି ଯେୟାଏ ତେଲା ସାହା ଶ୍ରିଙ୍ଗିଏ । ବିସ୍‌ବାସ୍ ରେମ୍‌ମୁଆଁନସା ସାପା କିଚି ଡିଙ୍ଗିଏ ।”

୨୪ ଗଡ଼େଅନେ ଆବାଡ଼େ କିରଚେ ବାସଙ୍ଗକେ, “ନେଙ୍ଗନେ ବିସ୍‌ବାସ୍ ଲେଃକେ । ମାତର୍ ମାଲେ ଶୁ । ନେଙ୍ଗନେ ବିସ୍‌ବାସ୍ ଆମ୍ବାନସା ଆନେଙ୍ଗ ସାଇଜ ଡିଙ୍ଗିପା ।”

୨୫ ଜିସୁ କେକେ ଜେ ଆକେନ୍ ଗର୍‌ନାନ୍‌ସା ରେମ୍‌ମୁଆଁ ମେଁଇଙ୍ଗି ଡାଗ୍ରା ଝିର୍ ତୁଂପାଙ୍ଗିତିଂକେ । ତେଲା ମେଁ ବୁଡ଼କେ ଦାକା ବିଃଚେ ବାସଙ୍ଗକେ “ଏ ବୁଡ଼ ନା ଗଡ଼େଅକେ କନ୍ଦା ଆରି ବଏରା ଆଡ଼ିଙ୍ଗି ନାବକେ । ନେଙ୍ଗି ଆନାକେ ବାସଙ୍ଗି ଶ୍ରିଂକେ ଗଡ଼େଅନେ ଜିବନ୍‌ବାନ୍ ତାର୍‌ଚେ ଡଲା । କ୍ଲେନେ ଜିବନ୍ ବିତ୍ରେ ଅଃନାଡ଼ିଗ୍ ଆରି ନ୍ନାଗା ଶୁ ।”

୨୬ ବୁଡ଼ଆମ୍ବା କିରଚେ ଗଡ଼େଅକେ ସାଃଚେ ତୁବନ୍ନିଆ ଜଗ୍‌ଲ୍ଲିଗ୍ ବିଃକେ । ଆରି ମୁଇଙ୍ଗିତର୍ ଗଡ଼େଅକେ ତୁବନ୍ନିଆ ଝାଃଲଃ ବିଃଚେ ବୁଡ଼ ଆମ୍ବା ମେଁ ଗାଗଡ଼େବାନ୍ ତାର୍ ଡକେ । ଆକେନ୍ ଗଡ଼େଅ ଗୁଏଃକେ ରକମ୍ ତିଂଝେକେ । ଜବର୍ ରେମ୍‌ମୁଆଁ ବାସଙ୍ଗିଆର୍‌କେ, “ମେଁ ଗୁଏଃଝେଗେ ।”

୨୭ ଡାଗଲା ଜିସୁ ଗଡ଼େଅନେ ଛି ସାଃଚେ ଆମେକେ ଆଡ଼ିଆଚେ ଆଃତୁଆଁ ବିଃକେ । ଆଚେନ୍ ଗଡ଼େଅ ତୁଆଁକେ ।

୨୮ ଏନ୍ ଇଡ଼ିଙ୍ଗି ଜିସୁ ତୁଆ ବିତ୍ରେ ଝେକେ । ମାତର୍ ମେଇଂନେ ସିସଲ୍ ମେଁ ଏଚେ ଆଡ଼ିଆରିଆ ଲେଃଆର୍‌ଗେ । ମେଇଙ୍ଗି ଆମେଇଂକେ ସାଲ୍ୟାକୁଆର୍‌କେ, “ନେ ମେଃନସା ଆଚେନ୍ ବୁଡ଼କେ ଆଃଆନ୍ତାର୍ ନେୟାକେ ଶୁ ?”

୨୯ ଆକେନ୍ ଅଁଚେ ଜିସୁ ଆମେଇଂକେ ବାସଙ୍ଗକେ, “ଦେକ୍‌ରକମ୍ ବୁଡ଼ ଆମ୍ବାକେ ପାର୍‌ତନା ବାନ୍ ଆଃଆନ୍ତାର୍ ନେୟାଏ ।”

ଜିସୁ ଆରି ମୁଇଁତର ନିଜେ ଗୁଏଃନେ ବିସୟରେ ସାମୁଆଁ
(ମାତିଉ ୧୭:୨୨-୨୩; ଲୁକ୍ ୯:୪୩-୪୫)

୩୦ ଇଡ଼ିଙ୍ଗ୍ ଜିସୁ ଆରି ମେଁନେ ସିସ୍‌ଇଙ୍ଗ୍ ଆଡେନ୍ ଜାଗା ଆନ୍ତାରରେ
ଡ଼ଆରକେ । ମେଁଇଙ୍ଗ୍ ଗାଲିଲୀ ବିଃତେ ଝେଆରକେ । ମେଇଙ୍ଗ୍ ଆଣ୍ଡି
ଲେଃଆରକେ ଆଡେନ୍ ସାମୁଆଁ ରେମୁଆଁ ମ୍ୟାଲେ ଡାଗ୍‌ରେ ଜିସୁ ଚାଏ
ଆଡ଼ିଙ୍ଗ୍‌ଗେ ଶୁ ।

୩୧ ତେସା ମେଁ ନିଜର୍ ସିସ୍‌ଇଁକେ ମୁଇଁ ବିନ୍ ସାମୁଆଁ ବିଃନସା
ଏଡେଡ଼ିଂଗେ । ମେଁ ଆମେଇଁକେ ବାସଙ୍ଗକେ, “ରେମୁଆଁ
ଉଙ୍ଗ୍‌ଡେକେ ରେମୁଆଁଇଙ୍ଗ୍‌ନେ ଛିନ୍ନିଆ ସର୍‌ପେ ବିଃଡ଼ିଂକେ । ମେଇଁ
ଆମେକେ ବାଗୁଏଃ ବିଏ । ଡାଗ୍ଲା ଗୁଏନେ ଜିର୍‌ସି ଇଡ଼ିଙ୍ଗ୍ ମେଁ
ଗୁଏଃତେ ଆରି ମୁଇଁତର ମୁଏ ।”

୩୨ ଜିସୁ ଆକେନ୍ ସାମୁଆଁ ବାସଙ୍ଗକ୍ଲେ ଅର୍ତ ସିସ୍‌ଇଁ ବୁଜେ
ଆୟାଆରକେ ଶୁ । ମେଇଙ୍ଗ୍ ଆମେକେ ଆକେନ୍ ଅର୍ତ
ସାଲିଆକୁତେ ବୁଜେନ୍‌ସା ବୁଟଆରକେ ।

ଜିସୁ ବାସଙ୍ଗଡ଼ିଂକେ ସାପାବାନ୍ ମ୍ବା ଜାଣ୍ଡେ ?
(ମାତିଉ ୧୮:୧-୫; ଲୁକ୍ ୯:୪୬-୪୮)

୩୩ ତେନ୍‌ଇଡ଼ିଂ ଜିସୁ ଆରି ମେଇଙ୍ଗ୍‌ନେ ସିସ୍‌ଇଁ କର୍ପନାହୁମନ୍ନିଆ
ପାଙ୍ଗ୍‌ଆରକେ । ମେଇଙ୍ଗ୍ ମୁଇଁ ତୁଆ ବିଡ୍ରେ ଝେଆରଗେ । ଇଡ଼ିଙ୍ଗ୍
ଜିସୁ ସିସ୍‌ଇଁକେ ସାଲ୍ୟାକୁକେ, “ଏଃକେ ଗାଲିନ୍ନିଆ ପାଙ୍ଗ୍‌ନେ ବେଲା
ମେଃ ସାମୁଆଁକେ ପେଇଙ୍ଗ୍ ଅଡ଼କା ଅଡ଼କି ଡିଙ୍ଗ୍‌ପେଡ଼ିଂଗେ ?”

୩୪ ☆ମାତର୍ ସିସ୍‌ଇଙ୍ଗ୍ ବୁଙ୍ଗ୍ ଲେଃଆରଗେ । ଡାଗ୍ଲା ମେଇଙ୍ଗ୍
ଗାଲିନ୍ନିଆ ଅଡ଼କା ଅଡ଼କି ଡିଙ୍ଗ୍‌ଡ଼ିଂଆରଗେ ଜେ ମେଇଁନେ ବିଡ୍ରେ
ସାପା ବାନ୍ ମ୍ବା ଜାଣ୍ଡେ ?

୩୫ ☆ଜିସୁ କତେଃ ଆରି ଗମ୍ବାର ରେମୁଆଁ ପ୍ରେରିଡ଼କେ ଡାଗ୍ଲା ଝାକେ
। ଜିସୁ ବାସଙ୍ଗକେ, “ସାପା ବାନ୍ ଜାଣ୍ଡେ ମ୍ବା ଡିଙ୍ଗ୍‌ନେ ଇକ୍‌ଚା ଡିଂଏ,
ତେଲା ମେଁ ସାପାରେବାନ୍ ମ୍ବା ମନେ ଡିଙ୍ଗ୍‌ତେ ଆରି ସାପା ମାନ୍ଦାକେ
ସେବା ଡିଙ୍ଗ୍‌ଲେଃ ।”

☆ ୯:୩୪ ଲୁକ୍ ୨୨:୨୪. ☆ ୯:୩୫ ମାତିଉ ୨୦:୨୬,୨୭; ୨୩:୧୧; ମାର୍ଚ୍ଚକ ୧୦:୪୩,୪୪;
ଲୁକ୍ ୨୨:୨୬.

୩୬ ଇଡ଼ିଙ୍ଗ ଜିସୁ ମୁଇଂ ତାଆଁନେ ଗଡ଼େଅକେ ହୁଂଝେକେ ।
ମେଁଇଙ୍ଗନେ ସେନୁଗ୍ ଆଃତୁଆଁ ବିଃକେ । ଆଡେନ୍ ଗଡ଼େଅକେ
ବୁଲୁନ୍ନିଆ ହୁଂପାଙ୍ଗରେ ମେଁ ବାଃଲିରକେ ।

୩୭ ☆“ନେଙ୍ଗ୍ ମିରେ ଆଣ୍ଟିନେ ରେମୁଆଁ ମୁଇଙ୍ଗ୍ ଗଡ଼େଅକେ
ଦେକରକମ୍ କଃଏ, ମେଁ ନେଙ୍ଗ୍ନେ ଆବାକେ କଃଏ । ଆରି ଜାଣ୍ଟେ
ଆନେଙ୍ଗ୍କେ ଆକଃ ଶୁଂମେଁ ବେବକ୍ଲେ ଆବାକେ ଡିଗ୍ ଆକଃ ଶୁଂ”

ଜା ନେ ସତୁ ଶୁଂମେଁ ନେନେ ରେମୁଆଁ
(ଲୁକ୍ ୯:୪୯-୫୦)

୩୮ ଜହନ୍ ଜିସୁକେ ବାଲିରକେ, “ଅ ଗୁରୁ ନାଁ ମି ସାଃତେ ମୁଇଂ
ରେମୁଆଁ ଗଡ଼େଅବାନ୍ ବୁଡ଼ଆମ୍ବାଇଙ୍ଗ୍ ଆଃଆନ୍ତାର୍ ତିଂକ୍ଳେ ମୁଇଂ
ରେମୁଆଁକେ ନେ ସାପାରେ ନେକେକେ । ନେ ଆମେକେ ମନା
ନେଡ଼ିକେ, ଡାଗ୍ଲା ମେଁ ନେ ବିଡ୍ରେନେ ରେମୁଆଁ ଆଲେଃଗେ ଶୁଂ”

୩୯ ମାତର ଜିସୁ ବାସଙ୍ଗକେ, “ଆମେକେ ମନା ଆଡିଙ୍ଗେପା । ଡାଗ୍ଲା
ଆଣ୍ଟିନେ ରେମୁଆଁ ନେଙ୍ଗ୍ ମିରେ ବପୁରେ ଏଡେ କାମ୍ ଡିଙ୍ଗ୍ ଯାଏ ମେଁ
ନେଙ୍ଗ୍ ମିରେ ଆରି ଦଦ୍ୟା ସାମୁଆଁ ବାଲିର ଆୟା ଶୁଂ”

୪୦ ☆ଜା ନେନେ ସତୁ ଶୁଂମେଁ ନେନେ ରେମୁଆଁ ।

୪୧ ☆ନେଙ୍ଗ୍ ଆପେକେ ସଡ଼ ବାସଙ୍ଗ୍ଣିଂ, “ପେଇଙ୍ଗ୍ କିସ୍ଟନେ
ରେମୁଆଁ ଡାଗ୍ରେ ଜଦି ଜାଣ୍ଟେ ଆପେକେ ଗିନାନ୍ନିଆ ଶୁଆଃ ଉଗ୍ନେ
ବିଏ । ନେଙ୍ଗ୍ ଆପେକେ ସଡ଼ ବାସଙ୍ଗ୍ଣିଂ, ମେଁ ଡି ବାବ୍ରେ ଡିଗ୍ ନିଜର୍
ପୁରୁସ୍କାର ଆଆରେ ଶୁଂ”

ବିସ୍ବାସନ୍ନିଆ କସ୍ଟ ବାନେ
(ମାତିଉ ୧୮:୬-୯; ଲୁକ୍ ୧୭:୧-୨)

୪୨ ଜିସୁ ଆରି ବାସଙ୍ଗକେ, “ଆରି ଜାଣ୍ଟେ ଜା ଡିଙ୍ଗ୍ଲେଃ ବିସ୍ବାସ୍
ଡିଙ୍ଗ୍ ବେଲା ଆକେନ୍ ଗଡ଼େଅଇଂନେ ବିଡ୍ରେ ମୁଇଙ୍ଗ୍ଜାକେ ପାପ୍
ଆଃଡିଙ୍ଗ୍ଏ, ମେଁନେ ଲୁଗଃନ୍ନିଆ ମୁଇଙ୍ଗ୍ ମ୍ବା ବି ଗାଗରେ ଆମେକେ
କେଣ୍ଡିଆନ୍ନିଆ ଜଗ୍ଲଗ୍ ବିଃଲା ମେନ୍ସା ନିମାଣ୍ଡା ପାଡିଙ୍ଗ୍ ।

☆ ୯:୩୭ ମାତିଉ ୧୦:୪୦; ଲୁକ୍ ୧୦:୧୭; ଜହନ୍ ୧୩:୨୦. ☆ ୯:୪୦ ମାତିଉ ୧୨:୩୦; ଲୁକ୍
୧୧:୨୩. ☆ ୯:୪୧ ମାତିଉ ୧୦:୪୨.

୪୩ ଜଦି ନାଁନେ ତ୍ରି ଆନାକେ ପାପ୍ ଆଃଡ଼ିଙ୍ଗ୍‌ଏ, ତେଲା ତେନ୍ ତ୍ରିକେ ସିଃତଗ୍ ବିଃପା । ମ୍ପାର୍ ତ୍ରି ସାଃତେ ନରକେ ଆରି କାଲାନେ ଜୁଗ୍ ସାଃତେ ତୁଆମ୍ୟାକ୍ନେ ସୁଆ ଡାଗ୍ରା ଝେନେ ବାଟା ଶୁଲ୍ଲା ତୁଟା ତିଙ୍ଗ୍‌ତେ ମାଡାନେ ଜିବନ୍ ବାନେ ନିମାଣ୍ଡା ।

୪୪ ରେମୁଆଁକେ ଚଙ୍ଗ୍‌ମ୍ୟାକ୍ନେ ନକେନେ ବଃଡ଼ଂ ଅଃନାଡିଗ୍ ଆଗୁଏ ଶୁ ଆରି ସୁଆ ତିଗ୍ ଅଃନା ଆଲିଗ୍ ଶୁ । *

୪୫ ଜଦି ନାଁନେ ଅ ଆନାକେ ପାପ୍ ଆଃଡ଼ିଙ୍ଗ୍‌ଏ, ତେଲା ଆତେନ୍ ଅକେ ସିଃତଗ୍ ବିଃପା । ମ୍ପାର୍ ଅ ଲେଃତେ ନରକ୍‌ନିଆ ପେ ଲଃନେ ବାଟା ଚଟା ତିଙ୍ଗ୍‌ତେ ମାଡାନେ ଜିବନ୍ ବାନେ ନିମାଣ୍ଡା ।

୪୬ ରେମୁଆଁକେ ଚଙ୍ଗ୍‌ମ୍ୟାକ୍ନେ ନକେନେ ବୁବଃ ଅଃନା ଆଗୁଏଃ ଶୁ ଆରି ନକେନେ ସୁଆ ଅଃନା ଆଲିଗ୍ ଶୁ । †

୪୭ ଜଦି ନାନେ ମୁଆଃ ଆନାକେ ପାପ୍ ଆଃଡ଼ିଙ୍ଗ୍‌ଏ, ତେଲା ଆତେନ୍‌କେ ତଃ ଜଗ୍‌ଲ୍ଲାର୍ ବିଃ । ମ୍ପାକ୍ଲିଗ୍ ମୁଆଃ ଲେଃତେ ନକେନିଆ ନାଁ ଲଃନେ ବାଟା ନାଁନେ ମୁଇଁ ମ୍ପୁଆଃ ଲେଃତେ ଇସ୍‌ପରନେ ରାଜିନିଆ ଝେନେ ନିମାଣ୍ଡା ।

୪୮ ରେମୁଆଁକେ ଚଙ୍ଗ୍‌ମ୍ୟାକ୍ନେ ନକେନେ ବଃଡ଼ଂଇଁ ଅଃନା ଆଗୁଏ ଶୁ ଆରି ନକେନେ ସୁଆ ଅଃନାଡିଗ୍ ଆଲିଗ୍ ଶୁ ।

୪୯ ତେସାଃ ସାପା ରେମୁଆଁ ସୁଆନିଆ ତଣ୍ଡ ବା'ଆରଏ ।

୫୦ ☆ବିତିଗ୍ ନିମାଣ୍ଡା ଜିନିସ୍, ମାଡର୍ ବିତିଗ୍ ଜଦି ମେଁନେ ବିସେଃବିଗ୍ ଆନ୍ତାରଏ, ଆମେକେ ଆରି ମୁଇଁତର୍ ତିରକମ୍ ବିସେଃବିଗ୍ ଆଃଡ଼ିଙ୍ଗ୍‌ତିଏ ? ପେ ବିତିଗ୍ ସୁଗା ନିମାଣ୍ଡା ଗୁନ୍‌ରେ ବରଡ଼ି ତିଙ୍ଗ୍‌ପା । ସାପା ମାନ୍ଦା କୁଡେତେ ନିମାଣ୍ଡା ଲାଃଲାପା ।”

୧୦

ଆନ୍ତାରବୁଏଃ ବିସୟରେ ଜିସୁନେ ସିକ୍ୟା
(ମାଡିଉ ୧୯:୧-୧୨; ଲୁକ୍ ୧୬:୧୮)

* ୯:୪୪ ଉଡ଼ିକ୍ଲିଗ୍ ବାଲିର୍ ବଇନିଆ ଆକେନ୍ ଗୁଆର୍ ଆବକେ ଶୁ † ୯:୪୬ ଉଡ଼ିକ୍ଲିଗ୍ ବାଲିର୍ ପୁସ୍ତକ୍‌ନିଆ ଆକେନ୍ ଗୁଆର୍ ଆବକେ ଶୁ । ☆ ୯:୫୦ ମାଡିଉ ୫:୧୩; ଲୁକ୍ ୧୪:୩୪,୩୫.

୧ ଜିସୁ ଆଡେନ୍ ଜାଗାକେ ଆନ୍ତାର ବିଷରେ ମେଁ ଜିଉଦା ପାକାନେ ଜର୍ଦନ୍ ଲଣ୍ଠିଆଃ ଇନୁମେତା ଝେଆରକେ । ଆରି ଜବର ରେମୁଆଁ ମେଁ ତାଗ୍ରା ରିସିଙ୍ଗ୍ ଆରକେ । କାଲାଆଃ ରକମ୍ ଗିଆନ୍ ବିଷନେ ସୁଗୁଆ ଜିସୁ ରେମୁଆଁକେ ଗ୍ୟାନ୍ ବିଷକେ ।

୨ ଉଡ଼ିକ୍ଲିଗ୍ ଫାରୁଗୀ ଜିସୁ ତାଗ୍ରା ପାଇଁଆରକେ । ମେଇଙ୍ଗ୍ ଜିସୁକେ ପରିକ୍ୟା ତିଙ୍ଗନ୍‌ସା ଆମେକେ ସାଲ୍ୟାଃକୁଆରକେ, “ନିଜେନେ ସେଲାମ୍‌ସୁଃକେ ଆନ୍ତାରବିଷନେ ମେଁନେ ଆଣ୍ଟାଣ୍ଟେ ଇସାବ୍‌ରେ ଟିକ୍ କି ?”

୩ ଜିସୁ ଆମେଇଂକେ ବାସଙ୍ଗକେ, “ମୋଗା ଆପେକେ ମେଃନେ ଆଦେସ୍ ବିଷବକେ ?”

୪ ✧ମେଇଂ ବାସଙ୍ଗଆରକେ, “ଆନ୍ତାରନେ ଉଲିଆଃ ଗୁଆରତେ ସେଲାମ୍‌ସୁଃକେ ଆନ୍ତାର ବିଷନେ ମୋଗା ବାସଙ୍ଗବକେ ।”

୫ ଆଡ଼ବାନ୍ ଜିସୁ ଆମେଇଂକେ ବାସଙ୍ଗକେ, “ପେ ସାପାରେନେ ଜିବନ୍‌ନେ ଦୁକ୍ କେତେ ମୋଗା ପେଇଙ୍ଗନ୍‌ସା ଆକେନ୍ ଆଦେସ୍ ଗୁଆରବକେ ।

୬ ତାଗ୍ରା ସାସୁନିଆ ତିରକମ୍ ବାସଙ୍ଗବକେ ପର୍ମେସର୍ ଉଡ଼ିବେଲା ଦରତନିକେ ଆଃରେକେ ମେଁ ରେମୁଆଁକେ ଙ୍ଗିର୍ବଏ ଆରି ସେଲାମ୍‌ସୁ ଆଡ଼ିଂରେ ଆଃରେକେ ।

୭ ଆଡେନ୍ ନ୍‌ସା ମୁଇଙ୍ଗ୍ ଙ୍ଗିର୍ବଏଃ ନିଜେନେ ଇୟାଙ୍ଗ୍ ଆବାକେ ଆନ୍ତାରତେ ନିଜେନେ ସେଲାମ୍‌ସୁ ଏଡେ କୁଡ଼େଃରେ ଲେଃଏ ।

୮ ତେସା ମେଇଙ୍ଗ୍ ଆରି ମ୍ବାୟା ଶୁ ମାତର୍ ମୁଇଂ ଗାଗ୍‌ଡେ ତିଙ୍ଗ୍‌ଆରଏ ।

୯ ଇସପର୍ ଜଦି ଆକେନ୍ ମ୍ବାୟାକେ ମୁଇଙ୍ଗ୍‌ନିଆ ଆଃଡିଙ୍ଗ୍ ବକେ ଆମେଇଂକେ ଜାଣ୍ଟେ ତିଗ୍ ବିନ୍ ଆରାଡିଙ୍ଗ୍‌ଲେ ।”

୧୦ ଇଡିଙ୍ଗ୍ ସିସଙ୍ଗ୍ ତୁଆ ଅରିଆ ଜିସୁକେ ଆରି ମୁଇଙ୍ଗ୍ ତର୍ ଆନ୍ତାରନେ ବିସୟ୍ ସାଲ୍ୟାକୁ ଆରକେ ।

୧୧ ✧ଜିସୁ ବାସଙ୍ଗକେ, “ଆଣ୍ଟିନେ ଙ୍ଗିର୍ବଏ ନିଜର୍ ସେଲାମ୍‌ସୁଃକେ ଆନ୍ତାରତେ ବିନ୍ ମୁଇଙ୍ଗ୍ ସେଲାମ୍‌ସୁଃକେ ବିଏ ତିଙ୍ଗ୍‌ଏ, ଆଡେନ୍ ଙ୍ଗିର୍ବଏ ମେଁନେ ସେଲାମ୍‌ସୁ ଆଡାତ୍ରା ଅଡାରେଗ୍ ପାପ୍ ତିଙ୍ଗ୍‌ଏ ।

୧୨ ତାଗଲା ମୁଇଙ୍ଗ ସେଲାମ୍ବୁ ନିଜର୍ ଆଣ୍ଡାଣ୍ଡେକେ ଆନ୍ତାରତେ ଆରି ବିନ୍ ଲିର୍ବଏ୪କେ ବିଏ ଡିଙ୍ଗଏ, ତେଲା ମେଁ ତିଗ୍ ଅଡ଼ାରେଗ୍ ପାପ୍ ଡିଙ୍ଗଏ ।”

ଜିସୁ ଗଡ଼େଇଂକେ ଆସିର୍ବାଦ୍ ତିଂକେ
(ମାଡିଡ ୧୯:୧୩-୧୫; ଲୁକ୍ ୧୮:୧୫-୧୭)

୧୩ ଆରି ରେମୁଆଁଇଂ ଜିସୁ ତାଗ୍ରା ମେଇଙ୍ଗନେ ତାଆଁ ଗଡ଼େଇଂକେ ତୁଂପାଂଆରକେ ତିରକମ୍ କି ଜିସୁ ଗଡ଼େଇଂକେ ତ୍ରିବତେ ଆସିର୍ବାଦ୍ ଡିଙ୍ଗଏ । ମାଡର୍ ଜିସୁନେ ସିସ୍ଇଂ ରେମୁଆଁଇଂକେ ଦମକ୍ ବି୪ଆରକେ

୧୪ ଆକେନ୍ କେତେ ଜିସୁ ଜବର୍ ରିସାଡିଂକେ । ଜିସୁ ସିସ୍ଇଙ୍ଗକେ ବାସଙ୍ଗକେ, “ତାଆଁ ଗଡ଼େଇଂକେ ନେଙ୍ଗ୍ ତାଗ୍ରା ପାଙ୍ଗ୍ ଆର୍ଲେ ଆମେଇଂକେ ମନା ଆଡିଙ୍ଗପା । ତାଗ୍ରା ଇସ୍ପର୍ନେ ରାଇଜ୍ ଏନ୍ ଗଡ଼େଇଂ ରକମ୍ ଦରମ୍ ରେମୁଆଁଇଙ୍ଗ୍ ରକମ୍ କିତଂଇନି ଗାଆର୍ଏ

୧୫ *ନେଙ୍ଗ୍ ଆପେକେ ସଡ଼ ବାସଙ୍ଗ୍ ଡିଙ୍ଗକେ ଜାଣ୍ଡେ ତିଗ୍ ତାଆଁନେ ଗଡ଼େଅ ରକମ୍ ଇସ୍ପର୍ନେ ରାଜିକେ ଇକ୍ତା ଆଡିଙ୍ଗ୍ ଶୁମ୍ମେଁ ତିରକମ୍ ତିଂତେ ତିଗ୍ ଖେଟା ଆୟା ଶୁମ୍ମୁ

୧୬ ତେନ୍ଇଡିଂ ଜିସୁ ଗଡ଼େଇଂକେ ଜେବାନ୍ନିଆ କ୪ତେ । ମେଁ ମେଇଙ୍ଗନେ ଆଡ଼ାତ୍ରା ତ୍ରି ବତେ ଆସିର୍ବାଦ୍ ବି୪କେ ।”

ସାଉକାର୍ ଲିରେନେ ସାମୁଆଁ
(ମାଡିଡ ୧୯:୧୭-୩୦; ଲୁକ୍ ୧୮:୧୮-୩୦)

୧୭ ଜିସୁ ଖେଡିଂକ୍ସେ ବେଲା ମୁଇଙ୍ଗ୍ ରେମୁଆଁ ଖିର୍ ତୁଙ୍ଗ୍ପାଙ୍ଗ୍ତେ ମେଁ ତାଗ୍ରା ପାଙ୍ଗ୍କେ ଆରି ଜିସୁନେ ସେନ୍ତୁଗ୍ ତେଙ୍ଗାତେ କକେ । ମେଁ ସାଲ୍ୟାକୁକେ, “ଅ ସଡ଼ ଗୁରୁ ମାଡାନେ ଜିବନ୍ ବାନ୍ସା ନେଙ୍ଗ୍ ମେ୪ ଶ୍ରିଏ ?”

୧୮ ଜିସୁ ଉତର୍ ବିକେ, “ଆନେଙ୍ଗ୍ ନିମାନ୍ ତାଗତେ ମେସା ବାସଙ୍ଗ୍ ପେଡିଙ୍ଗକେ ? ଇସ୍ପର୍ନେ ଆନ୍ତାର୍ ବି୪ଲା ବିନ୍ ଜାଣ୍ଡେ ସଡ଼ ଶୁ ।”

* ୧୦:୧୫ ମାଡିଡ ୧୮:୩.

୧୯ ଯେ ନିଅମ୍ବଲଂ ମ୍ୟାଃପେଲେଃକେ । ରେମୁଆଁ ଆବାଗୁଏଃଗଂପା,
ମିର୍ ସାକି ଆବିଃଗଂପା, ଆନାଲେଗେପା, ନିଜର୍ ଆବା ଇୟାଙ୍ଗକେ
ସନ୍ମାନ ବିଃପା ।

୨୦ ମୈ ଜିସୁକେ ବାସଙ୍ଗକେ, “ଅ ଗୁରୁ ନେଙ୍ଗ୍ ଚିଲ୍ଲାଃଅବାନ୍
ଆକେନ୍ ସାପା ସାମୁଆଁ ମାନେଃରେ ପାଙ୍ଗ୍‌ଣିଂକେ ।”

୨୧ ଜିସୁ ଆମେକେ ଆଲାଦ୍ ତିଂକେ । ଆରି ମୈ ଆମେକେ
ବାସଙ୍ଗକେ, “ନାଁନେ ମୁଇଙ୍ଗ୍ ସାମୁଆଁ ଗଣ୍ଡା ଲେଃକେ । ନାଁ ଝେଲା
ମେଃନେ ନାଁନ୍ନିଆ ଲେଃକେ । ଆତେନ୍ ସାପା ସ ବିଃରେ ଗରିବ୍‌ଇଂକେ
ଦାନ୍ ବିଃ । ନାଁ କିତଂଇନିନେ ଦନ୍ ନାବାଏ । ଇଡ଼ିଙ୍ଗ୍ ନେଙ୍ଗ୍ ପ୍ଲା ନାଁ
ପାଙ୍ଗ୍‌ଲା ।”

୨୨ ଜିସୁନେ ସାମୁଆଁ ଅଁରେ ଆତେନ୍ ରେମୁଆଁନେ ମନ୍ ଦୁକ୍ ତିଙ୍ଗ୍
ଝେକେ । ମୈ ମନ୍ ଦୁକ୍ ତିଂରେ ଝିଗ୍‌କେ, ଡାଗ୍ଲା ମୈନେ ଜବର୍ ସମ୍ପତି
ଲେଃଗେ ।

୨୩ ଜିସୁ ପିତୁର୍ ପାକା କେଚେ ସିସ୍‌ଇଂକେ ବାସଙ୍ଗକେ, “ଜାନେ ଦନ୍
ଲେଃକେ, ମେଇଙ୍ଗ୍ ଇସ୍‌ପର୍‌ନେ ରାଜିନ୍ନିଆ ଝେଚାନେ ଜବର୍ କଷ୍ଟ ।”

୨୪ ଜିସୁନେ ସାମୁଆଁ ଅଁରେ ସିସ୍‌ଇଂ କାବା ତିଙ୍ଗ୍‌ଝେଆର୍‌ଗେ ଡାଗ୍‌ଲା
ଜିସୁ ଆମେଇଂକେ ଆରି ବାସଙ୍ଗକେ, “ଏ ନେଙ୍ଗ୍‌ନେ ଗଡ଼େଇଂ
ଇସ୍‌ପର୍‌ନେ ରାଜିନ୍ନିଆ ଗାନ୍‌ସା ସତେଆ ଉଡ଼ି କଷ୍ଟ ।

୨୫ ମୁଇଂ ସାଉକାର୍ ରେମୁଆଁ ଇସ୍‌ପର୍‌ନେ ରାଜିନ୍ନିଆ କସ୍‌ରେ
ଝେଚାନେ ବାଟା ଉର୍ ମୁଇଂ ସୁଜି ପ୍ଲଗ୍‌ନ୍ନିଆ ଚିଙ୍ଗେଲ୍ ଝେନେ ସଅଦ୍
।”

୨୬ ମେଇଙ୍ଗ୍ ଆରି କାବା ତିଙ୍ଗ୍‌ଝେଆର୍‌କେ । ମେଇଙ୍ଗ୍ ମେଇଙ୍ଗ୍
ବିତ୍ତେ ବାଲିର୍‌ବାତା ତିଙ୍ଗ୍‌ଆର୍‌କେ “ତେଲା ଜାଣ୍ଡେ ଉଦାର୍ ବା ଯାଏ
?”

୨୭ ଜିସୁ ଆମେଇଂକେ କେଚେ ବାସଙ୍ଗକେ, “ଏନ୍ ରେମୁଆଁଇଂବାନ୍
ଆଡ଼ିଙ୍ଗ୍ ଶ୍ଟୁ ଡାଗ୍‌ଲା ଇସ୍‌ପର୍‌ନେ ବାନ୍ ସାପା କିଚି ତିଙ୍ଗ୍ ଯାଏ ।”

୨୮ ପିତର୍ ଜିସୁକେ ବାସଙ୍ଗକେ, “ନାଁ ପ୍ଲା ପାଙ୍ଗ୍‌ନ୍‌ସା ନେଁ ସାପାରେ
ସାପା ଆନ୍ତାର୍ ନେବିଃଗେ ।”

୨୯ ଜିସୁ ବାସଙ୍ଗକେ, “ନେଙ୍ଗ୍ ଆପେକେ ସଡ଼ ବାସଙ୍ଗ୍‌ଣି ଆଣ୍ଡିନେ
ରେମୁଆଁ ନେଙ୍ଗ୍‌ସା ଆରି ନିମାଣ୍ଡା କବର୍ ବାଲିର୍‌ନ୍‌ସା ତୁଆସାରା ବୟା
ତନା ଆବା ଇୟାଙ୍ଗ୍ ଗୋ ଗିସିଆ ଆରି ଲିଜ ବି ଆନ୍ତାର୍ ବିୟାଏ

୩୦ ମେଁ ତିଲାଡ଼ିଗ୍ ନିଜେ ଆନ୍ତାରବନ୍ଧେ ଜିନିଷ୍ ବାନ୍ ମାଲକୁଡ଼ି ଗୁନ୍ ଜବର୍ ଆକେନ୍ କାଲେ ବାଏ । ମେଁ ଜବର୍ ତୁଆ, ବୟା, ତନା, ଇୟାଙ୍ଗ, ଗୋ ଗିସିଆଃ ଆରି ଲିଜବ୍ ବାଏ । ମାତର୍ ମେଁ କଷ୍ଟ, ନିନ୍ଦା, ଅପମାନ୍ ଆକେନ୍ ସାପା ବାଏ । ତାଗ୍ଲା ଇଡ଼ିଙ୍ଗ୍ ଜୁଗ୍ରେ ମେଁ ମାତାନେ ଜିବନ୍ ବାଏ ।

୩୧ ଏବେ ଜାଣ୍ଟେ ସିସେ ଲେଃଆରକେ, ମେଁଇଙ୍ଗ୍ ଇଡ଼ିଙ୍ଗ୍ରେ ପ୍ଲାଃ ତିଂଆରଏ ଆରି ଜାଣ୍ଟେଇଂ ପ୍ଲାଃ ଲେଃଆରକେ; ମେଇଙ୍ଗ୍ ଇଡ଼ିଙ୍ଗ୍ରେ ସିସେ ତିଂଆରଏ ।”

ଜିସୁ ମେଁ ଗୁଏଃ ବିସୟରେ ଙ୍ଗି ତର୍ ବାସଙ୍ଗକେ
(ମାତିଉ ୨୦:୧୭-୧୯; ଲୁକ୍ ୧୮:୩୧-୩୪)

୩୨ ଜିସୁ ଆରି ମେଁନେ ସିସ୍ଇଂ ଯିରୁଶାଲମ୍ ଗାଲି ପାକା ଝେଆରକେ । ଜିସୁ ମେଁଇଙ୍ଗ୍ନେ ସେନୁଗ୍ ସେନୁଗ୍ ଝେଡ଼ିଙ୍ଗ୍ରେ । ମେଁନେ ସିସ୍ଇଂ କାବା ତିଙ୍ଗ୍ଝେଆରକେ । ତାଗ୍ଲା ମେଁନେ ପ୍ଲା ଝେଡ଼ିଂକ୍ରେ ରେମୁଆଁଇଂ ସାପାରେ ବୁଟମେଗ୍ ଆରକେ । ଜିସୁ ମେଁନେ ଗମ୍ବାର୍ କ୍ଲିଗ୍ ପ୍ରେରିଡ଼ଇଂକେ ବିନେ ଝାତେ ଯିରୁଶାଲମ୍ନିଆ ମେଃନେ ସାପା ଗଟେନେ ଝେଡ଼ିଙ୍ଗ୍କେ, ଆତେନ୍ ସାପା ଆମେଇଂକେ ବାସଙ୍ଗନେ ମୁଲେକେ ।

୩୩ ଜିସୁ ବାସଙ୍ଗକେ, “କେଲାପା, ନେଁ ସାପାରେ ଯିରୁଶାଲମ୍ନିଆ ଝେନେଡ଼ିଙ୍ଗ୍କେ । ରେମୁଆଁ ଉଙ୍ଗ୍ଡେକେ ମ୍ଲା ପୁଜାରି ଆରି ଦର୍ମସାସ୍ତିଇଂନେ ଛିନ୍ନିଆ ବିଜଗ୍ଲିଗ୍ । ଆରି ମେଇଙ୍ଗ୍ ଆମେକେ ବିଚାର ତିଙ୍ଗ୍ଡେ ବାଗୁଏନେ ତଣ୍ଟ୍ ବିନ୍ସା ଅଣଜିଉଦିଇଂନେ ଛିଅରିଆ ଅପେଃ ବିଃଆରଏ ।

୩୪ ମେଇଙ୍ଗ୍ ଆମେକେ ଏଃଲ୍ୟା ଆରଏ ଆରି ମେଁ ଆଡ଼ାଡ଼ା ବିଃଡୁର୍ ବିଆରଏ । ଆମେକେ ଚାରୁକ୍ ଏତେ ବଗ୍ଆରଏ ଆରି ସାରା ସାରି କାଲା ବାଗୁଏଃ ବିଃଆରଏ । ଗୁଏକ୍ସେବାନ୍ ଜିର୍ସି ବିଡ୍ରେ ଆର୍ମୁଇଂତର୍ ମ୍ଲଏ ।”

ଜାକୁବ୍ ଆରି ଜହନ୍ ଲିବିସଃତେ ଝାକେ
(ମାତିଉ ୨୦:୨୦-୨୮)

୩୫ ଇଡ଼ିଙ୍ଗ୍ ଜେବଦୀନେ ଉଙ୍ଗଡେଇଂ ଜାକୁବ୍ ଆରି ଜହନ୍ ମେଁ ତାଗ୍ରା ପାଙ୍ଗ୍ରେ ବାସଙ୍ଗ୍ଆରକେ, “ଏ ଗୁରୁ ନେ ସାପାରେନେ ଇକ୍ତା ଜେ ନେ ସାପାରେ ନାଁ ତାଗ୍ରା ମେଃଡିଗ୍ ନେସାଲ୍ୟାଏ, ଆଡେନ୍ ନେ ସାପାରେ ନ୍ସା ବିଃଲା ।”

୩୬ ଆଡ଼ବାନ୍ ଜିସୁ ଆମେଇଂକେ ସାଲ୍ୟାକୁକେ, “ନେଙ୍ଗ୍ ପେନ୍ସା ମେଃନେ ଶ୍ରିଂଏ ତାଗ୍ରେ ଯେ ସାପାରେ ଇକ୍ତା ତିଙ୍ଗ୍ପେଡିଙ୍ଗ୍କେ ?”

୩୭ ମେଁଇଙ୍ଗ୍ ବାସଙ୍ଗ୍ଆରକେ, “ନାଁନେ ମଇମା ନାଲା ସିଂଆସନ ଅରିଆ ନାକଏ, ତିରକମ୍ ନେ ସାପାରେନେ ବିଡ୍ରେ ମୁଇଙ୍ଗ୍ଜାକେ ନାଁନେ ଞ୍ଚଙ୍ଗ୍ତି ପାକା ଆରି ମୁଇଂଜାକେ ବେସ୍ୟାଃଡି ପାକା କୁକନ୍ସା ଆନେକେ ଆକେନ୍ ଆସିର୍ବାଦ୍ ବିଃଲା ।”

୩୮ ☆ତାଗ୍ରା ଜିସୁ ଆମେଇଂକେ ବାସଙ୍ଗ୍କେ, “ଯେ ସାପାରେ ମେଃନେ ସାଲ୍ୟାଃପେଡିଙ୍ଗ୍କେ, ଆଡେନ୍ ଯେ ଯେମ୍ୟାଃକେ ଶ୍ରି । ନେଙ୍ଗ୍ ଆଣ୍ଡିନେ ମୁତାଅରିଆ ଉଗ୍ଣିଂ ଶ୍ରିଲୁ ଆଣ୍ଡିନେ ଦିକ୍ୟାଅରିଆ ଦିକ୍ୟା ତୁଂଡିଣ୍ଡିକେ, ଆଡ଼ଅରିଆ ଯେ ସାପାରେ ଦିକ୍ୟା ତୁଂପେଡଏ ?”

୩୯ ମେଇଙ୍ଗ୍ ଆମେକେ ବାସଙ୍ଗ୍ଆରକେ, “ଅଁ ନେୟାଏ ।”

ଜିସୁ ଆମେଇଂକେ ବାସଙ୍ଗ୍କେ, “ନେଙ୍ଗ୍ ଆଣ୍ଡିନେ ମୁତାଅରିଆ ଉଗ୍ ଶ୍ରିକେ, ଯେ ସାପାରେ ଆଡ଼ଅରିଆ ଯେଉଗ୍ଏ । ନେଙ୍ଗ୍ ଆଣ୍ଡିତାଗ୍ରା ଦିକ୍ୟା ଶ୍ରିଂଏ, ଯେ ତିଗ୍ ଆଡ଼ଡେ ଦିକ୍ୟା ପେଡିଙ୍ଗ୍ଏ ।

୪୦ ମାଡର୍ ନେଙ୍ଗ୍ନେ ଞ୍ଚଙ୍ଗ୍ତି ପାକା ଆରି ବେସ୍ୟାଃଡି ପାକା ଜାଣ୍ଡେ କଏ, ଆକେନ୍ ବାସଙ୍ଗ୍ନ୍ସା ନିଂନେ ଅଦିକାର୍ ଶ୍ରି । ଜାଣ୍ଡେନ୍ସା ଇସପର୍ ଆଡେନ୍ ଜାଗା ଆଃରେ ବକେ, ଆଡେନ୍ ମେଁ ଆମେଇଂକେ ବିଃଏ ।”

୪୧ ବିନ୍ ଗୁଆ ରେମୁଆଁ ଆକେନ୍ ଅଁରେ ଜାକୁବ୍ ଆରି ଜହନ୍ନେ ଆଡ଼ାତ୍ରା ରିସା ତିଙ୍ଗ୍ଆରକେ ।

୪୨ ☆ଆଡ଼ବାନ୍ ଜିସୁ ଆମେଇଂକେ ତାଗ୍ରା ଝାଡେ ବାସଙ୍ଗ୍କେ, “ଜାଣ୍ଡେଇଂ ବିଜାଡିଇଙ୍ଗ୍ନେ ଆଡ଼ାତ୍ରା ସାସନ୍ ତିଙ୍ଗ୍ଣେ ରକମ୍ ଲେଃଆରକେ । ମେଇଙ୍ଗ୍ ମେଇଙ୍ଗ୍ନେ ଆଡ଼ାତ୍ରା ସାସନ୍ ତିଙ୍ଗ୍ଆରଏ । ଆକେନ୍ ଯେ ମ୍ୟାଃପେଲେକେ ।

୪୩ ☆ମାତର ପେ ବିତ୍ରେ ଦେକରକମ୍ ଶୁ । ମାତର ପେ ସାପାରେ ବିତ୍ରେ ଜାଣ୍ଡେ ମ୍ମା ଡିଙ୍ଗନେ ଚାଏଁ ଡିଙ୍ଗକେ, ମେଁ ବିନ୍ ରେମୁଆଁନେ ଗତିରେ ଡିଙ୍ଗଲେଃ ।

୪୪ ଆରି ପେ ବିତ୍ରେବାନ୍ ଜାଣ୍ଡେ ସାପାବାନ୍ ମ୍ମା ଡିଙ୍ଗନ୍‌ସା ଇକ୍‌ଚା ଡିଙ୍ଗ୍‌ଏ, ମେଁ ସାପାରେନେ ଗତିରେ ଡିଙ୍ଗଲେଃ ।

୪୫ ଡାଗ୍ଲା ମାପରୁ ଉଙ୍ଗଡେ ଡିଗ୍ ସେବା ବାନ୍‌ସା ପାଙ୍ଗ୍ ଆଲେଃକେ ଶୁ । ଆରି ସେବା ଡିଙ୍ଗନ୍‌ସା ଆରି ଗୁଲେ ରେମୁଆଁଇଁ ଆଡ଼ଲା ଉଦାର୍ ଡିଁନେନ୍‌ସା ନିଜର୍ ପାରାନ୍ ବିଃନେ ପାଙ୍ଗ୍ଲେଃକେ ।”

ଜିସୁ ବାଟ୍ ମୟ ମୁଇଁ କାନାକେ ନିମାଣ୍ଡା ଆଡିଙ୍ଗକେ
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

୪୬ ଏନ୍ ଇଡିଙ୍ଗ୍ ମେଇଙ୍ଗ୍ ଯିରାହୋନ୍ନିଆ ପାଙ୍ଗ୍‌କେ । ଜିସୁ ମେଇଙ୍ଗ୍‌ନେ ସିସ୍ ଆରି ବିନ୍ ଉଡି ରେମୁଆଁଇଁ ଏଡେ ଯାରିହୋବାନ୍ ଆନ୍ତାର୍ ତନେ ବେଲା ଟିମୟର୍‌ନେ ଉଙ୍ଗଡେ ବାଟ୍ ମୟ ମୁଇଁ କାନା ବିକାରି ଗାଲି ଆଃଡ଼ାଃ କଚେ ବିକ୍ ସାଲ୍ୟାଃଡିଁଗେ ।

୪୭ ମେଁ ଜେ ନାଜରିତାୟ ଜିସୁ, ଆଡେନ୍ ଅଁଚେ ମେଁ କିରଚେ ବାସଙ୍ଗ୍‌କେ, “ଏ ଦାଉଦନେ ଉଙ୍ଗଡେ ଜିସୁ, ଆନେକେ ଦୟା ଡିଙ୍ଗ୍ ।”

୪୮ ଆଡ଼ବାନ୍ ଜବର୍ ରେମୁଆଁ ଆମେକେ ବୁଙ୍ଗ୍‌ଲେଃ ନ୍‌ସା ଦାକା ବିକେ । ମାତର ମେଁ ଜାବର୍ କିରଚେ ବାସଙ୍ଗ୍‌କେ, “ଏ ଦାଉଦନେ ଉଙ୍ଗଡେ ଜିସୁ ଆନେଙ୍ଗ୍‌କେ ଦୟା ଡିଙ୍ଗ୍ ।”

୪୯ ଆଡ଼ବାନ୍ ଜିସୁ ବୁଆଁଚେ ବାସଙ୍ଗ୍‌କେ, “ଆମେକେ ୱାପା ।” ମେଇଙ୍ଗ୍ ଆଡେନ୍ କାନା ରେମୁଆଁକେ ୱାଚେ ବାସଙ୍ଗ୍‌କେ, “ସାଆସ୍ ସାଃ, ତଡିଆ, ମେଁ ଆନାକେ ୱାଡିଁକେ ।”

୫୦ ଆଡ଼ବାନ୍ ମେଁ ଜିଆ ଜିଆ ନିଜରନେ ତଗ୍‌ରିଆଃ ଜଗ୍‌ଲ୍‌ଗଚେ ତଡିଆଚେ ଜିସୁ ଡାଗ୍ଲା ପାଙ୍ଗ୍‌କେ ।

୫୧ ଜିସୁ ଆମେକେ ଉତର୍ ବିକେ, “ନେଙ୍ଗ୍ ନାଁନ୍‌ସା ମେଃ ଶ୍ରିଙ୍ଗ୍‌ଏ ଡାଗ୍‌ଚେ ନାଁ ଇକ୍‌ଚା ଡିଙ୍ଗ୍‌ନାଡିଙ୍ଗ୍‌କେ ?” ଆଡେନ୍ କାନା ରେମୁଆଁ ଆମେକେ ବାସଙ୍ଗ୍‌କେ, “ଅ ଗୁରୁ ଡିରକମ୍ କି ନେଙ୍ଗ୍ କିକେ ଇୟାଏ ।”

☆ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ୍ ୨୨:୨୭.

୫୨ ଜିସୁ ଆମେକେ ବାସଙ୍ଗକେ, “ଝେଲା, ନାଁନେ ବିସ୍‌ବାସ୍ ଆନାକେ ନିମାଣ୍ଡା ଆଡ଼ିଙ୍ଗ ବିବକେ । ଆଡ଼୍‌ବାନ୍ ମେଁ କେୟାକେ ଆରି ମେଇଙ୍ଗ୍‌ଏତେ ଗାଲିନ୍ନିଆ ଜିସୁନେ ପ୍ଲା ପ୍ଲା ଅଲେଙ୍ଗକେ ।”

୧୧

ଜିସୁ ଯିରୁଶାଲାମ୍ ଅରିଆ ଜିତେନେ ଯାତ୍ରା

(ମାତିଡ ୨୧:୧-୧୧; ଲୁକ୍ ୧୯:୨୮-୪୦; ଜହନ୍ ୧୨:୧୨-୧୯)

୧ ଜିସୁ ଆରି ମେଁନେ ସିସ୍‌ଇଂ ଯିରୁଶାଲାମ୍ ଡାଗ୍ରା ପିଙ୍ଗରାଆରକେ । ମେଇଙ୍ଗ୍ ଜିତକଣ୍ଡା ଡାଗ୍ରା ବେଅଫାଗୀ ଆରି ବେଅନୀ ଡାଗ୍ରା ପିଙ୍ଗରାଆରକେ । ଜିସୁ ନିଜର୍ ସିସ୍‌ଇଂ ବିଡ୍ରେବାନ୍ ଗ୍ଲାୟାକେ ଆକେନ୍ ସାମୁଆଁ ବାଲିରଚେ ବେକେ ।

୨ “ସିସେ ନାକ୍ସେ ଇନି ଝେଲାପା । ଆଡ଼୍‌ଅରିଆ ଗାକ୍ସେ ଦାପ୍ରେ ପେ ସାପାରେ ମୁଇଂ ଗଦ ଉଙ୍ଗ୍‌ଡେ ଗାଗ୍‌ବକ୍ସେ ପେକେଏ । ଆଡେନ୍ ଗଦ ଉଙ୍ଗ୍‌ଡେ ଆଡ଼ାତ୍ରା ଜାଡିଗ୍ ଏଜାକ ଡିଡେଃ କାରେ । ଆମେକେ ତୁପିଗଚେ ନେଙ୍ଗଡାଗ୍ରା ତୁଂପାଙ୍ଗ୍‌ଲାପା ।

୩ ଆରି ମୁଃଡି ରେମୁଆଁ ଆପେକେ ଗଦ ଉଙ୍ଗ୍‌ଡେକେ ମେଃନ୍‌ସା ତୁଂଝେ ପେଡିଙ୍ଗକେ ଡାଗ୍‌ଚେ ସାଲିଆକୁଏ, ତେଲା ପେ ଆମେକେ ପେବାସଙ୍ଗ୍‌ଏ, ମାପୁ ନ୍‌ସା ଆକେନ୍ ଦର୍‌କାର୍ ଲେଃକେ । ଏନ୍ ଇଡିଙ୍ଗ୍ ଆମେକେ ଟାପନା ଆଃଆଣ୍ଡେ ବିଏ ।”

୪ ମେଇଙ୍ଗ୍ ଆଡେନ୍ ଇନି ଝେଆରକେ । ମେଇଙ୍ଗ୍ ବାଜାର୍ ଡାଗ୍ରା ମୁଇଂ ଗଦ ଉଙ୍ଗ୍‌ଡେକେ ଗାଗ୍‌ବକ୍ସେ କେଆରକେ । ମେଇଙ୍ଗ୍ ଆମେକେ ତୁଃପିଗ୍‌ଆରକେ ।

୫ ଉଡି ରେମୁଆଁ ଆଡ଼୍‌ଅରିଆ ତୁଆଁ ଲେଃଆରକେ । ମେଇଙ୍ଗ୍ ଆକେନ୍ କେଚେ ସାଲ୍ୟାକୁଆରକେ, “ପେ ଆକେନ୍ ଗଦ ଉଙ୍ଗ୍‌ଡେକେ ମେଁନ୍‌ସା ତୁପିଗ୍ ପେଡିଙ୍ଗକେ ?”

୬ ସିସ୍‌ଇଂକେ ଜିସୁ ମେଃନେ ବାସଙ୍ଗ୍ ନ୍‌ସା ବାଲିରବଗେ, ସିସ୍‌ଇଂ ରେମୁଆଁଇଂକେ ଦେତୁଆ ବାସଙ୍ଗକେ । ଇଡିଙ୍ଗ୍ ରେମୁଆଁଇଂ ଗଦ ଉଙ୍ଗ୍‌ଡେ ଏତେ ଆମେଇଂକେ ଆନ୍ତାର୍ ବିଃକେ ।

୭ ସିସ୍‌ଇଂ ଗଦ ଉଙ୍ଗ୍‌ଡେକେ ଜିସୁ ଡାଗ୍ରା ତୁଂପାଙ୍ଗ୍‌ଆରକେ ଆରି ଗଦ ଆଡ଼ାତ୍ରା ନିଜର୍ ପାଟାଇ ପୁଟାଇ ବେଃବିଃଆରକେ । ଜିସୁ ମେଁ ଆଡ଼ାତ୍ରା କକେ ।

୮ ଗୁଲୁଏ ରେମୁଆଁ ଜିସୁ ନ୍‌ସା ମେଇଁ ନିଜର ନିଜରନେ ପାଟାଇ ଗାଲି ଅରିଆ ବେଃପାଃ ବିଃଆରକେ ଆରି ବିନ୍ ରେମୁଆଁଇଁ ପାଃଡ଼ୁ ପାକ୍‌ଟିଃ ଡୁଂପାଙ୍ଗ୍‌ଚେ ଗାଲି ଅରିଆ ବେଃପାଃ ବିଃଆରକେ ।

୯ ଉଡ଼ି ରେମୁଆଁ ଜିସୁନେ ସିସେ ଝେଆରକେ ଆରି ବିନ୍ ଉଡ଼ି ରେମୁଆଁ ମେଁନେ ସ୍ଲାସ୍ଲା ଝେ ଡିଙ୍ଗ୍‌ଆରଗେ । ସାପାରେ କିରଚେ ବାସଂଆକେ “ହୋଶାନ୍ନା; ମାପୁ ମ୍ପିରେ ଜାଣ୍ଡେ ରେମୁଆଁ ପାଙ୍ଗ୍ ଡିଙ୍ଗ୍‌କେ ମେଁ ଆସିର୍ବାଦ୍ ବାଏ ।

୧୦ ନେଁନେ ଆବା ଦାଉଦ୍ ପାଙ୍ଗ୍ ତିଂକ୍ଲେ ରାଜ୍ୟ ଦନ୍ୟ ଆଡ଼ାତ୍ରା ଲେଃକ୍ଲେ ମ୍ପାଃଆବା ତିଗ୍ ଦନ୍ୟ ହୋଶାନ୍ନା ।”

୧୧ ଜିସୁ ଯିରୁଶାଲାମ୍ ପାଙ୍ଗ୍‌ଚେ ମନ୍ଦିର୍ ବିତ୍ରେ ଗାକେ ଆରି ସାପା ବିସୟ୍ କେକେ । ଆଡେନ୍ ବେଲା ଜବର ବେଲା ଡିଙ୍ଗ୍ ଝେଲେଃଗେ । ଗମ୍ବାର୍ କ୍ଲିଗ୍ ପ୍ରେରିଡ଼ଇଁ ଏଡେ ବେଅନୀନ୍ନିଆ ଝେଆରକେ ।

ଜିସୁ ଲିଝା ସ୍ଲାକେ ଅବିସାପ୍ ବିଃକେ

(ମାତିଉ ୨୧:୧୮-୧୯)

୧୨ ଏନ୍ ମେସୁଆ ମେଇଙ୍ଗ୍ ବେଅନୀବାନ୍ ଯିରୁଶାଲାମ୍ ଆଣ୍ଡେନେ ବେଲା ଆମେକେ ଜବର କିଡ଼େସଃକେ ।

୧୩ ଜିସୁ ଉଲିଆ ବରଡି ଡିଙ୍ଗ୍‌ଲେଃକ୍ଲେ ମୁଇଁ ଲିଝା ସ୍ଲାକେ କେକେ । ସ୍ଲା ଅରିଆ ମୁଇଁ ତିଗ୍ ଲିଝା ରୁ ଲେଃଏ ଡାଗ୍‌ଚେ ମେଁ ସ୍ଲା ବୁନ୍ଦେ ଝେକେ । ମାଡର୍ ଆଡ଼ଅରିଆ ପାଙ୍ଗ୍‌ଚେ କେକେ ଜେ ମୁଇଁ ତିଗ୍ ଲିଝା ଆନ୍‌କେ ଶୁ । ସ୍ଲା ଅରିଆ ଉଲିଆ ଆନ୍ତାରଚେ ଆରି ମେଃ ତିଗ୍ ଶୁ । ଆକେନ୍ ଲିଝା ରୁନେ ବେଲା ତିଂଆଲେଃଗେ ଶୁ ।

୧୪ ତେଲା ଜିସୁ ସ୍ଲାକେ ବାସଙ୍ଗ୍‌କେ, “ଆରି ଅଃନା ତିଗ୍ ନାଁବାନ୍ ରୁ ଚଙ୍ଗନ୍‌ସା ଆବାଆର୍ ଶୁ ।” ସିସଇଁ ଜିସୁନେ ଆକେନ୍ ସାମୁଆଁ ଦ୍ରିଗ୍‌ଆରକେ ।

ଜିସୁନେ ମନ୍ଦିର୍ ପବିତ୍ର

(ମାତିଉ ୨୧:୧୨-୧୭; ଲୁକ୍ ୧୯:୪୫-୪୮; ଜହନ୍ ୨:୧୩-୨୨)

୧୫ ଇଡ଼ିଙ୍ଗ୍ ମେଁ ଯିରୁଶାଲାମ୍‌ନିଆ ଝେକେ । ଜିସୁ ମନ୍ଦିର୍ ବିତ୍ରେ ଝେରାକ୍ଲେ ଦାପ୍ରେ ଆଡ଼ଅରିଆ ବିୟାର୍ ସ ତିଂମ୍ୟାକ୍ଲେ ରେମୁଆଁଇଁକେ ପାଦା ନୁଆଁ ଆଃଡାରକେ । ମେଁ ବିନ୍ ରକମ୍ ଡାବୁ ବେପାର୍ ତିଂକ୍ଲେ

ରେମୁଆଁନେ ଚିବୁଲ୍ ଉଲ୍‌ଟା ପାଲ୍‌ଟା ଆଃଡ଼ିଂବିକେ । ଜାଣ୍ଟେଇଁ କୁକୁରୁୟାଃ ସ ଡିଂଆରଗେ, ମେଇଁନେ ଡିଗ୍ ଚିବୁଲ୍ ଉଲ୍‌ଟା ପାଲ୍‌ଟା ଆଃଡ଼ିଂବିକେ ।

୧୭ ମେଁ ଆଜାକେ ଡିଗ୍ ମନ୍ଦିରନେ ବାଜାରୁନ୍ନିଆ ଜିନିସ୍ ପତର୍ ତୁଂଖେନେ ଆବିକେ ଶୁ ।

୧୮ ଇଡ଼ିଙ୍ଗ୍ ମେଁ ଆମେଇଁକେ ଗିଆନ୍ ବିଚେ ବାସଙ୍ଗକେ, “ସାସ୍ତରଅରିଆ ଆକେନ୍ ସାମୁଆଁ ଗୁଆର୍ ବକେ ଜେ ନେଙ୍ଗନେ ତୁଆ ମଞ୍ଚପୁରନେ ସାପା ଜାତିନେ ରେମୁଆଁ ନ୍‌ସା ପାରତନା ତୁଆ ଡାଗ୍‌ଚେ ବାଲିର୍ ଆରଏ । ମାତର୍ ସାପାରେ ତ ଆମେକେ ଡଙ୍ଗାରେନେ ତୁଆ ରକମ୍ ଆଡ଼ିଙ୍ଗ୍ ପେବକେ ।”

୧୯ ମ୍‌ ପୁଜାରି ଆରି ଦରମ୍ ପୁଜାରିଇଁ ଏନ୍ ସାମୁଆଁ ଅଁଆରକେ । ମେଇଙ୍ଗ୍ ଜିସୁକେ ବାଗୁଏଃ ନ୍‌ସା ଗାଲି ତୁରୁଆରକେ । ମାତର୍ ଆଡ଼ଅରିଆ ରିସିଙ୍ଗ୍ ଲେଃକ୍‌କେ ସାପା ରେମୁଆଁ ଜିସୁନେ ସାମୁଆଁ ଅଁଆରଚେ ଇରିଆତୁଗ୍ ଆରକେ ଆରି ଦରମ୍ ପୁଜାରିଇଁ ଜିସୁକେ ବୁଟ ଆରକେ ।

୨୦ ଆତେନ୍ ଦିନା ଲମ୍‌ଡିଗ୍ ଖେକେ । ଲମ୍‌ଡିଗ୍‌ଲା ଜିସୁ ଆରି ମେଁନେ ସିସ୍‌ଇଙ୍ଗ୍ ନଗରବାନ୍ ତାର ଖେକେ ।

ଲିଝା ସ୍ଥାନେ ସିକ୍ୟା

(ମାତିଉ ୨୧:୨୦-୨୨)

୨୦ ଜିସୁ ଝିର୍ ଆନ୍ତପାକା ବିଃଚେ ଖେନେ ବେଲା ମେଇଁ ଲିଝା ସ୍ଥାନୁଲ୍‌ବାନ୍ ନ୍‌ସୁଆର୍ ଲେଃକ୍‌କେ କେକେ ।

୨୧ ସିସେ ବାସଙ୍ଗକେ ସାମୁଆଁ ବାବେଚେ ପିତର ଜିସୁକେ ବାସଙ୍ଗକେ, “ଗୁରୁ କେଲାନି ନାନେ ଅବିସାପ୍ ବାନ୍ ଲିଝା ସ୍ଥାନୁଏଃଲେଃକେ ।”

୨୨ ଜିସୁ ଆମେଇଁକେ ବାସଙ୍ଗକେ, “ଇସ୍‌ପର୍‌ନ୍ନିଆ ବିସ୍‌ବାସ୍ ବପା ।

୨୩ ☆ନେଙ୍ଗ୍ ଆପେକେ ସଡ଼ ବାସଣ୍ଟିକେ, ମୁଡ଼ି ରେମୁଆଁ ଆକେନ୍ କଣ୍ଟାକେ ଡବେଗ୍‌ଚେ କେଣ୍ଟିଆ ଅରିଆ ଖେଚେ ଲଃଲା ଡାଗ୍‌ଚେ ବାସଙ୍ଗ୍ । ମାତର୍ ରେମୁଆଁନେ ଜିବନ୍ ବିତ୍ତେ ସନ୍ଦେଅ ମାଡ଼ିଙ୍ଗ୍‌ଚେ

☆ ୧୧:୨୩ ମାତିଉ ୧୭:୨୦; ୧ କରିନ୍‌ଡ଼ିୟ ୧୩:୨

ମେଃ ତିଗ୍ ବାସଙ୍ଗ୍‌ଏ, ଆତେନ୍ ତିଂଏ ଡାଗ୍‌ରେ ବିସ୍‌ବାସ୍ ତିଙ୍ଗ୍‌ଏ, ତେଲା ଆତେନ୍ ତିଲାତିଗ୍ ଗଟେଏ ।

୨୪ ଆକେନ୍‌ସା ନେଙ୍ଗ୍ ଆପେ ସାପାରେକେ ବାସଙ୍ଗ୍‌ଣ୍ଟିଂକେ ଜେ ପେ ସାପାରେ ପାର୍‌ତନା ତିଂବେଲା ମେଃନେ ସାଲ୍ୟାଃପେତିଂକେ, ଆତେନ୍ ବାପେଲେଃକେ ଡାଗ୍‌ରେ ବିସ୍‌ବାସ୍ ପେତିଂଏ, ତେଲା ଆତେନ୍ ତିଲାତିଗ୍ ପେବାଏ ।

୨୫ ପେ ସାପାରେ ଉଡ଼ିବେଲା ପାର୍‌ତନା ତିଙ୍ଗ୍‌ନେସା ପେତଡ଼ିଆଏ, ଡାଗ୍‌ ଜାନେ ବିରଦ୍‌ରେ ପେ ସାପାରେନେ ମେଁ ତିଗ୍ ସାମୁଆଁ ଲେଃଏ, ତେଲା କେମା ତିଙ୍ଗ୍‌ପା । ତିରକମ୍ ଆପେ ସାପାରେକେ ଆଡ଼ାଡ଼ାନେ ମାପୁ ତିଗ୍ ପେନେ ସାପାପାପ୍ କେମା ତିଙ୍ଗ୍‌ବିଏ ।”

୨୬ “ମାତର୍ ପେ ଯଦି ସାପାରେକେ କେମା ପେଡ଼ିଙ୍ଗ୍, ତେଲା କିତଂନେ ମାପୁ ତିଗ୍ ଆପେ ସାପାରେକେ ପାପ୍‌ବାନ୍ କେମା ଆଡ଼ିଙ୍ଗ୍ ଶୁ”

ଜିସୁନେ ଅଦିକାର୍ ବିସ୍‌ୟରେ ପ୍ରସ୍‌ନ

(ମାତିଡ ୨୧:୨୩-୨୭; ଲୁକ୍ ୨୦:୧-୮)

୨୭ ଜିସୁ ଆରି ମେଁନେ ସିସ୍‌ଇଙ୍ଗ୍ ଆରି ମୁଇଙ୍ଗ୍‌ତର୍ ଯିରୁଗାଲମ୍ ପାଙ୍ଗ୍‌ଆରକେ । ଜିସୁ ମନ୍ଦିର୍ ବିତ୍ରେ ଅଲେଙ୍ଗ୍‌ନେ ବେଲା ମ୍ନା ପୁଜାରି, ଦର୍ମ୍ ଗୁରୁ ଆରି ଜିଉଦି ନେତାଙ୍ ଜିସୁନେ ଡାଗ୍ରା ପାଙ୍ଗ୍‌ଆରକେ ।

୨୮ ଜିସୁକେ ବାସଙ୍ଗ୍ ଆରକେ, “ପେ ଜାନେ ଅଦିକାର୍‌ରେ ସାପା କାମ୍ ତିଂପେତିଂକେ ? ଆକେନ୍ ସାପା ତିଙ୍ଗ୍‌ନେସା ଆପେକେ ଜାଣ୍ଟେ ଅଦିକାର୍ ବିଃକେ ?”

୨୯ ଜିସୁ ଉତର୍ ବିକେ, “ନେଙ୍ଗ୍ ଆପେ ସାପାରେକେ ମୁଇଙ୍ଗ୍ ପ୍ରସ୍‌ନ ନ୍‌ସାଲ୍ୟାଃକ୍‌ଏ । ନେଙ୍ଗ୍‌ନେ ପ୍ରସ୍‌ନେନେ ଉତର୍ ବିଃଲ୍ୟାପା ତେଲା ପେ ସାପାରେକେ ବାସଙ୍ଗ୍‌ମ୍‌ଏ ଜେ ଜାଣ୍ଟେନେ ଅଦିକାର୍‌ରେ ନେଙ୍ଗ୍ ଆକେନ୍ ସାପା କାମ୍ ତିଙ୍ଗ୍‌ଣ୍ଟିଂକେ ।

୩୦ ଜହନ୍‌ନେ ଦିକ୍ୟା କିତଙ୍ଗ୍‌ଇନିବାନ୍ ଲେଃ ରେମୁଆଁବାନ୍ ତିଂଲେଃଗେ ? ଆତେନ୍ ଆନେଙ୍ଗ୍‌କେ ଉତର୍ ବିଃଲ୍ୟାପା ।”

୩୧ ଜିଉଦି ନେତାଙ୍ଗ୍ ଜିସୁନେ ପ୍ରସ୍‌ନ ଆଡ଼ାଡ଼ା ବାଲିର୍‌ବାତାତେ ବାସଙ୍ଗ୍‌ଆରକେ, ନେଁ ସାପାରେ ଜଦି ଆଡ଼ାଡ଼ା ବାନ୍ ଡାଗ୍‌ରେ

ନେବାସଙ୍ଗ୍ୟ ତେଲା ଜହନ୍‌କେ ପେ ସାପାରେ ମେଝନ୍‌ସା ବିସ୍‌ବାସ୍‌
ପେଡ଼ିଙ୍ଗକେ ?

୩୨ ଜଦି ନେ ସାପାରେ ନେବାସଙ୍ଗ୍ୟ ଜେ ଜହନ୍‌ନେ ଦିକ୍ୟା
ରେମୁଆଁବାନ୍ ପାଙ୍ଗଲେଝକେ ଡାଗ୍‌ରେ ନେବାସଙ୍ଗ୍ୟ । ତେଲା
ରେମୁଆଁଇଁ ନେ ଆଡ଼ାଡ଼ା ରିସା ଡିଙ୍ଗିଆର୍ୟ । ମେଇଙ୍ଗ୍
ରେମୁଆଁଇଁକେ ଜବର ବୁଟ ଡିଂଆରଗେ । ଡାଗ୍‌ ସାପା ରେମୁଆଁ
ଇକ୍‌ଚା ଡିଂଆରକେ ଜେ ଜହନ୍‌ ସତେଆ ମୁଇଁ ବାବବାଦି ।

୩୩ ତେସାଃ ମେଇଙ୍ଗ୍ ଜିସୁକେ ଉତର୍ ବିଆରକେ, “ନେ ସାପାରେ
ନେମ୍ୟାକେ ଶୁ ।” ତେସାଃ ଜିସୁ ଆମେଇଁକେ ବାସଙ୍ଗକେ, “ତେଲା
ନେଙ୍ଗ୍ ଡିଗ୍ ଆପେ ସାପାରେକେ ନ୍ନାବାସଙ୍ଗ୍ ଶୁ ଜେ ଆଣ୍ଡିନେ
ଅଦିକାରରେ ନେଙ୍ଗ୍ ଏନ୍ ସାପା କାମ୍ ଡିଂ ଶ୍ରିଂକେ ।”

୧୨

ଅଙ୍ଗୁର୍ ତୁଗ୍‌ଡିନେ ଆରି ବାଟା ଚାସ୍‌ନେ ସାମୁଆଁ
(ମାଡ଼ିଡ ୨୧:୩୩-୪୭; ଲୁକ୍ ୨୦:୯-୧୯)

୧ ଜିସୁ ଉଦାଅରନ୍ ବିଚେ ରେମୁଆଁଇଁକେ ଗିଆନ୍ ବିକେ; ମେଁ
ବାସଙ୍ଗକେ, “ମୁଇଁ ରେମୁଆଁ ମୁଇଙ୍ଗ୍ ଅଙ୍ଗୁର୍ ବଗିଚା ଆରେକେ ।
ମେଁନେ ପିତୁର୍‌ପାକା ତୁରାଃ ତେ ବିଝକେ । ଅଙ୍ଗୁର୍ ରାଃସିଙ୍ଗ୍ ନ୍‌ସା
ମୁଇଁ କୁରୁ ଗଠକେ ଆରି ଉର୍‌ନ୍‌ସା ଡାନାଃ ମୁଇଙ୍ଗ୍ ଆଃରେକେ । ମେଁ
ଉଡ଼ିକ୍‌ଗ୍ ସ୍ଲେରେକେ ଆତେନ୍ ତୁଗ୍‌ଡିକେ ବାଟା ବିଝଚେ ଇଡ଼ିଙ୍ଗ୍ ମେଁ
ଅଲେଙ୍ଗ୍‌ସାର୍ ସୁଗୁଆ ବିଦେସ୍ ଡାରଝେକେ ।

୨ ଇଡ଼ିଙ୍ଗ୍ ଉଡ଼ିବେଲା ଅଙ୍ଗୁର୍ ରୁଏଃନେ ବେଲା ପିଙ୍ଗିଚାକେ,
ଆତେନ୍ ବେଲା ମେଁ ମେଁନେ ମୁଇଙ୍ଗ୍ ଗତିରେକେ ଅଙ୍ଗୁର୍‌ବଗିଚା ବାନ୍
ମେଁନେ ନିଜର୍ ବାଟା ତୁଂପାଙ୍ଗ୍‌ନ୍‌ସା ସ୍ଲେ ରେମୁଆଁ ଡାଗ୍ରା ବେକେ ।

୩ ମାଡର୍ ସ୍ଲେରେଇଙ୍ଗ୍ ଗତିରେକେ ସାଚେ ବଗ୍ ଆକେଁ ଆରି
ଆମେକେ ମେଝଡିଗ୍ ମାବିଝଚେ ବେବିଝଆରକେ ।

୪ ଇଡ଼ିଙ୍ଗ୍ ଆତେନ୍ ରେମୁଆଁ ଆରି ମୁଇଙ୍ଗ୍ ଗତିରେକେ ମେଇଙ୍ଗ୍
ଅରିଆ ବେବିଝକେ । ମେଇଙ୍ଗ୍ ଆତେନ୍ ଗତିରେକେ ବାଆଃନ୍‌ଥା
ବଗ୍‌ଚେ ଆରି ଆଗ୍ୟାସ ବିଝଆରକେ ।

୫ ଆକେନ୍ ଇଡ଼ିଙ୍ଗ୍ ମେଁ ଆରମ୍ଭୁଇଙ୍ଗ୍ ଗତିରେକେ ବେକେ । ସ୍ନେରେଇଂ ଆତେନ୍ ଗତିରେକେ ବାଗୁଏ୪ ବିୱଆରକେ । ଆତେନ୍ ରେମୁଆଁ ଆରି ଜବର୍ ଗତିରେକେ ବେବିୱକେ । ମାତର୍ ସ୍ନେରେଇଙ୍ଗ୍ ଉଡ଼ିରେକେ ବଗ୍ଆରକେ ଆରି ଉଡ଼ିରେକେ ବାଗୁଏ୪ ବିୱଆରକେ ।”

୬ ସ୍ନେରେ ଡାଗ୍ରା ବେନ୍ସା ଆରି ମୁଇଂଜା ମାତର୍ ବାକି ଲେୱଗେ । ଆତେନ୍ ରେମୁଆଁ ମେଁନେ ଉଙ୍ଗ୍ଡେ । ଆତେନ୍ ରେମୁଆଁ ଉଙ୍ଗ୍ଡେକେ ମେଁ ଜବର୍ ବଲ୍ ବାତିଂଗେ । ମାତର୍ ମେଁ ସ୍ନେରେ ଡାଗ୍ରା ବେନ୍ସା ଉଙ୍ଗ୍ଡେ ଆୱ ଲେୱଗେ । ମେଁ ବାବେକେ ଜେ ଡିଲୀଡ଼ିଗ୍ ମେଇଂ ନେଉଂକେ ମାନେୱଆରଏ । ଆକେନ୍ ଏତେତେ ଇଡ଼ିଂ ସ୍ନେରେଇଂ ଡାଗ୍ରା ନିଜର୍ ଗଡ଼େଅକେ ବେକେ ।

୭ “ମାତର୍ ସ୍ନେରେଇଙ୍ଗ୍ ବାଲିର୍ବାତା ଆରକେ, ଆକେନ୍ ରେମୁଆଁ ତୁଗ୍ଡି ମାଲିକ୍ନେ ଉଙ୍ଗ୍ଡେ । ତୁଗ୍ଡି ମେଁନେ ଅଦିକାର୍ ଲେୱକେ । ନେୱ ସାପାରେ ଆମେକେ ବାଗୁଏ୪ ନେୱବିଲା, ତୁଗ୍ଡି ନେୱନେ ଡିଙ୍ଗ୍ଡେଏ ।

୮ ଆତେନ୍ସା ସ୍ନେରେଇଙ୍ଗ୍ ମାଲିକ୍ନେ ଉଙ୍ଗ୍ଡେକେ ସାୱତୁଂଖେତେ ବାଗୁଏ୪ ବିୱଆରକେ ଆରି ଅଙ୍ଗୁର୍ ତୁଗ୍ଡି ବାଏରେ ଜଗ୍ଲୀଗ୍ ବିୱଆରକେ ।”

୯ ଏବେ ଅଙ୍ଗୁର୍ ତୁଗ୍ଡି ମାଲିକ୍ ମେୱ ଡିଙ୍ଗ୍ଏ ? ମେଁ ପାଙ୍ଗ୍ତେ ସ୍ନେରେଇଂକେ ବାଗୁଏ୪ ଜଗ୍ଲୀଗ୍ତେ ଆରି ଅଙ୍ଗୁର୍ ତୁଗ୍ଡି ବିନ୍ ସ୍ନେରେକେ ବିୱଏ ।

୧୦ ସାସ୍ତ୍ରର୍ନିଆ ଏନ୍ ସାମୁଆଁ ପଡ଼େ ପେଲେକେ ।

“ଆଣ୍ଡିନେ ବ୍ରିକେ ବାଡ଼େଇଂ ଦରକାର୍ ଶୁ ଡାଗ୍ତେ ଆନ୍ତାର୍ ବିୱଆରକେ

ଆତାନ୍ ବ୍ରି ତୁଆନେ ମୁଲ୍ ବ୍ରି ଡିଙ୍ଗ୍କେ ।

୧୧ ମାପୁ ନିଜେ ଆକେନ୍ ସାମୁଆଁ ବାସଙ୍ଗ୍ବକେ,
ଉଡ଼ି ବୟାଙ୍ଗାର୍ ଏନ୍ କାମ୍ ।”

୧୨ ଆକେନ୍ ଦର୍ମ ସାସ୍ତ୍ର ଆରି ମ୍ନା ପୁଜାରିଇଂ ଜିସୁବାନ୍ ଏନ୍ ଉୱସ୍ତା ଅଆର୍ଜେ । ମେଇଙ୍ଗ୍ ମ୍ୟାୱଆରକେ ଜେ ଆକେନ୍ ଉୱସ୍ତା ମେଇଙ୍ଗ୍ନେ ବିସୟରେ ବାଲିର୍ବକେ । ତେସା ମେଇଙ୍ଗ୍ ଜିସୁକେ ସମାନ୍ ବେଲା ବନ୍ଦି ଆଡ଼ିଙ୍ଗ୍ସା ଚାଏଆରକେ । ମାତର୍ ରେମୁଆଁଇଂ ମାରିୟାୱ

ମେଝନେ ଡିଙ୍ଗବିଝଆରଏ ଡାଗ୍ରେ ମେଇଂ ବୁଟ ଡିଂଆରଗେ, ତେସାଃ ମେଇଙ୍ଗ ଜିସୁକେ ଆନ୍ତାରେ ତଆରକେ ।

ସିସୁ ବ୍ରିଝନେ ସମସ୍ୟା

(ମାତିଡ ୨୨:୧୫-୨୨; ଲୁକ୍ ୨୦:୨୦-୨୭)

୧୩ ଇଡିଙ୍ଗ ଜିଉଦି ନେତାଇଙ୍ଗ ଉଡି ଫାରୁଣୀ ଆରି ହେରୋଦିଜାନେ ରେମୁଆଁଇଂକେ ଜିସୁ ଡାଗ୍ରା ବେଆରକେ । ମେଇଙ୍ଗ ଜିସୁକେ ବୁଲ୍ ସାତେ ପାନ୍ଦିଆ ଲାଗନ୍‌ସା ଉପାୟ୍ ତୁର୍ ଆରକେ ।

୧୪ ଫାରୁଣୀ ଆରି ହେରୋଦିଆଇଂ ଜିସୁ ଡାଗ୍ରା ଖେଚେ ବାଲିରୁଆରକେ, “ଗୁରୁ ନେ ମ୍ୟାଝନେଲେକେ ଜେ ପେ ମେଝନେ ବାସଙ୍ଗପେଡିଂ ଆରି ବ୍ଲାଲିର୍ ବିଝନାଡିଙ୍ଗକେ । ଆତେନ୍ ସାପା ଚିକ୍ । ନାଁ ଜା ଆଡାଡ୍ରା ଡିଗ୍ ନାବୁଟ ଶୁ । ମାତର୍ ରେମୁଆଁଇଂନେ ଆଡାଡ୍ରା ଇସପରନେ ଇକ୍ତା ବିସୟରେ ସଡ୍ ବୁଦି ବିଝନାମ୍ୟାଝକେ । ଆନେକେ ବାସଙ୍ଗ, କାଇସରକେ ସିସୁ ବ୍ରିଝନେ ନିଅମ୍ ଲେଝ ଶୁ ?”

୧୫ ମାତର୍ ଜିସୁ ମେଇଙ୍ଗନେ କୁଟ୍ ମ୍ୟାଝଚେ ଆମେଇଂକେ ବାସଙ୍ଗକେ, “ପେ ସାପାରେ ଆନେଙ୍ଗ ନିମାଣ୍ଡା ସାମୁଆଁ ବାଲିଚେ ମେଝନ୍‌ସା ପାନ୍ଦିଆ ଲାଗନେ ଚେସଟା ଡିଂପେଡିଙ୍ଗକେ ? ନେଙ୍ଗ ଡାଗ୍ରା ମୁଇଙ୍ଗ କାସୁ ତୁଂପାଙ୍ଗ୍‌ଲାପା, ନେଙ୍ଗ ଆତେନ୍ କେଏ ।”

୧୬ ମେଇଙ୍ଗ ମୁଇଙ୍ଗ କାସୁ ତୁଙ୍ଗପାଙ୍ଗ୍‌ଆରକେ । ଜିସୁ ଆମେଇଂକେ ସାଲିଆକୁକେ କାସୁ ଆଡାଡ୍ରା ଜାନେ ପଟ୍ ଲେଝକେ ? ମେଁ ଆଡାଡ୍ରା ଜାନେ ମ୍ରି ଗୁଆରବକେ ? ମେଇଙ୍ଗ ବାସଙ୍ଗଆରକେ “ଆକେନ୍ ତ କାଇସରନେ ପଟ୍ ବାରି ରୋମ୍ ଇଝସାଙ୍ଗନେ ମ୍ରି ।”

୧୭ ଆରି ଇଡିଙ୍ଗ ଜିସୁ ଆମେଇଂକେ ବାସଙ୍ଗକେ, “ଆଣ୍ଡିନେ ରୋମ୍ ଇଝସାଙ୍ଗନେ ଆତେନ୍ ରୋମ୍ ଇଝସାଙ୍ଗକେ ବିଝପା; ଆରି ଆଣ୍ଡିନେ ପର୍ମେସରନେ ଆତେନ୍ ପର୍ମେସରକେ ବିଝପା ।” ଆକେନ୍ ଅଁଚେ ସାପାରେ କାବା ଡିଙ୍ଗ୍ ଖେଆରକେ ।

ଗୁଏଝଚେ ଆର୍ମୁଇଂତର୍ ତଡିଆନେ ସାମୁଆଁ

(ମାତିଡ ୨୨:୨୩-୩୩; ଲୁକ୍ ୨୦:୨୭-୪୦)

୧୮ ✧ଆରି ଇଡିଙ୍ଗ ଉଡିରୁଆ ସାଦୁକୀ ମେଁ ଡାଗ୍ରା ପାଙ୍ଗକେ ।

ଜାଣ୍ଠେ ରେମୁଆଁ ଗୁଏରେ ଆର୍ମୁଇଂତର ଜନମ୍ ଆଡ଼ିଙ୍ଗ୍ ଶୁ ଯାଦୁକୀ ଦଲ୍ଲନେ ଉଠଡ଼ିରୁଆ ପାଙ୍ଗ୍ରେ ଜିସୁକେ ସାଲ୍ୟାକୁଆରକେ ।

୧୯ “ଗୁରୁ, ମୋଶା ନେ ସାପାରେନ୍ସା ଏନ୍ ନିୟମ୍ ଗୁଆର୍ବକେ । ମୁଇଙ୍ଗା ଗରିସିଆ ମାକେରେ ଗୁଏଞ୍ଜେଲା ଆତାନ୍ ରେମୁଆଁନେ ସେଲାମ୍ବକେ ବୟାଣ୍ଡେ ବିହେ ଡିଙ୍ଗ୍ନେ ଦରକାର୍ ବାରି ମେଇଂନେ ଗରିସିଆ ଜନମ୍ ଡିଙ୍ଗ୍ଲା ମେଇଂ ଗୁଏଙ୍ଗେ ରେମୁଆଁନେ ଗଡ଼େଇଂ ଭାଗରେ ସ୍ନାମୁଆଁ ଆର୍ବ ।

୨୦ ମୁଇଙ୍ଗ୍ ତର ଗୁଲ୍ଲିଗ୍ ବୟାଣ୍ଡେ ଲେଃରେ । ସାପାବାନ୍ ମ୍ନା ନାଙ୍ଗ୍ଣେ ବିହେ ଡିଙ୍ଗ୍ନେ । ମାତର୍ ମେଁ ଡିଗ୍ ଗରିସିଆ ମାଲେଃରେ ଗୁଏ ଞ୍ଜେରେ ।

୨୧ ତେଲା ଆରି ମୁଇଙ୍ଗ୍ ବୟାଣ୍ଡେ ଆତେନ୍ ସେଲାମ୍ବୁକେ ବିହେ ଡିଙ୍ଗ୍ନେ । ମେଁ ଡିଗ୍ ଗରିସିଆ ମାଲେଃରେ ଗୁଏ ଞ୍ଜେରେ । ଞ୍ଜି ବୟାଁ ଆଡ଼ାତ୍ରା ଡିଗ୍ ଦେଡୁଆ ଗଟେକେ ।

୨୨ ଗୁଲ୍ଲିଗ୍ ବୟାଣ୍ଡେ ଆତେନ୍ ସେଲାମ୍ବୁକେ ମୁଇଙ୍ଗ୍ଜା ଇଡ଼ିଂ ମୁଇଙ୍ଗ୍ ଜା ବିହେ ଡିଙ୍ଗ୍ନେ ଆରି ଇଡ଼ିଙ୍ଗ୍ ଗୁଏ ଞ୍ଜେରେ । ମେଇଙ୍ଗ୍ ବିତ୍ରେ ଆଜାଡିଗ୍ ମୁଇଙ୍ଗ୍ ଡିଗ୍ ଗରିସିଆ ଆଲେଃକେ ଶୁ । ସାରାସାରି ଆତେନ୍ ସେଲାମ୍ବୁ ଡିଗ୍ ଗୁଏଞ୍ଜେରେ ।

୨୩ ମାତର୍ ଗୁଲ୍ଲିଗ୍ ବୟାଣ୍ଡେ ଜାକ ଆମେକେ ବିହେ ଡିଂଲେଃଆରରେ । ଉଠଡ଼ିବେଲା ଗୁଏଃରେଇଂ ଆର୍ମୁଇଂତର୍ ଉଠଡ଼୍ୟାଆର୍ବ, ତେଲା ଆତେନ୍ ସେଲାମ୍ବୁଃ ଜାନେ କୁନେଃଣ୍ଡେ ଡିଙ୍ଗ୍ବ ?”

୨୪ ଜିସୁ ବାସଙ୍ଗ୍କେ, “ଦର୍ମ ସାସ୍ତ୍ର ଆରି ପର୍ମେସର୍ନେ ବପୁ ମାମ୍ୟାରେ ପେ ସାପାରେ ବାୟାରେ ଲଃପେଲେଃକେ ।

୨୫ ରେମୁଆଁଇଙ୍ଗ୍ ଉଠଡ଼ିବେଲା ଗୁଏରେ ଆର୍ମୁଇଂତର୍ ତଡ଼୍ୟାଃଆର୍ବ, ଆତେନ୍ ବେଲା ଜା ଡିଗ୍ ବିହେ ଆଡ଼ିଙ୍ଗ୍ ଶୁ । ମେଇଂ ଆଜାକେ ଡିଗ୍ ବିହେ ଆଡ଼ିଙ୍ଗ୍ଆର୍ ଶୁ ମାତର୍ ସାପାରେ କିତଂନେ ଦୁଡ଼ଇଂ ସୁଗା ଡିଙ୍ଗ୍ଞେଆର୍ବ ।

୨୬ ଗୁଏରେ ତଡ଼ିଆ ପାଙ୍ଗ୍ଞେ ରେମୁଆଁନେ ବିସୟରେ ପେ ସାପାରେ ମୋଶାନେ ପୁସତକ୍ନିଆ ଗୁଆର୍ବକେ ଜେ ସୁଆ ତୁଆ ଡିଙ୍ଗ୍ଞେ ଲାଟା ବୁଟାନ୍ନିଆ ଲେଃଙ୍ଗେ ପର୍ମେସର୍ ମୋଶାକେ

ବାଲିରବକେ, ନେ ଅଦ୍ରାହାମ୍‌ନେ ପର୍‌ମେସର୍, ଇସାକ୍‌ନେ ପର୍‌ମେସର୍ ଆରି ଜାକୁବ୍‌ନେ ପର୍‌ମେସର୍ ?

୨୭ ମୈଁ ଗୁଏଃରେଇଁନେ ପର୍‌ମେସର୍ ଶୁମ୍‌ମାତର୍ ଜିବନ୍ ଲେଃକ୍‌କ୍‌ରେମୁଆଁଇଁନେ ପର୍‌ମେସର୍, ପେ ସାପାରେ ନାଲେ ପେଡ଼ିଁକେ ।”

ମ୍ଲା ଆଦେସ୍

(ମାତିଡ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଅଃତେନ୍ ବେଲା ଗୁରୁଇଁନ୍ନିଆ ବାନ୍ ମୁଇଁଜା ତାଗ୍ରା ପାଙ୍ଗ୍‌ତେ ମେଇଁନେ ଝିଙ୍ଗ୍‌ଆ ରିଙ୍ଗ୍‌ଆଃ ଅଁତେ ଆରି ଜିସୁ ସାଦୁକାଇଁକେ ଜ୍ଞାନନେ ଉତର୍ ବିଃଡ଼ିଙ୍ଗ୍‌କେ ଏନ୍ ମ୍ୟାତେ ଆମେଇଁକେ ସାଲ୍ୟାକୁକେ ଆଣ୍ଡିନେ ଆଦେସ୍ ସାପାବାନ୍ ମ୍ଲା ?

୨୯ ଜିସୁ ଉତର୍ ବିକେ, “ସାପାବାନ୍ ମ୍ଲା ସାମୁଆଁ ତିଁକେ ଦେକ୍‌ରକମ୍; ଏ ଇଶ୍ରାୟେଲ ଅଁପା । ନେନେ ମାପୁ ପର୍‌ମେସର୍ ମୁଇଙ୍ଗ୍ ମାତର୍ ମାପୁ ।

୩୦ ଆରି ପେ ନିଜର୍‌ନେ ସାପା ଆମ୍‌ନିଆ ସାପା ଜିବନ୍ ଆରି ମନ୍ ଆରି ସାପା ବପୁ ବିଚେ ପେ ନିଜର୍ ମାପୁ ପର୍‌ମେସର୍‌କେ ଆଲାଦ୍ ତିଁପା ।

୩୧ ଦୁଡ଼ିୟ ମ୍ଲା ସାମୁଆଁ ତିଁତିଁକେ, ପେ ନିଜେକେ ତିରକମ୍ ଆଲାଦ୍ ତିଁପେମ୍ୟାକେ । ପେ ତୁଆ ତାଗ୍ରା ଶ୍ରେକେ ଦେଡ଼ରକମ୍ ଆଲାଦ୍ ତିଁପା । ଆକେନ୍ ମ୍ଲାକ୍‌ଲିଗ୍ ସାମୁଆଁ ଆନ୍ତାଚେ ଆରି ମ୍ଲା ସାମୁଆଁ ମେଃ ଡିଗ୍ ଶୁ ।”

୩୨ ଆକେନ୍ ଅଁତେ ଦର୍‌ମସାସ୍ତି ମୁଇଁଜା ବାସଙ୍ଗ୍‌କେ, “ଗୁରୁ ମାପୁ ପର୍‌ମେସର୍ ଜେ ମୁଇଙ୍ଗ୍ ଆରି ଆମେକେ ଆନ୍ତାଚେ ଆରି ବିନ୍ ଜା ତିଗ୍ ଶୁ ଆକେନ୍ ନା ସଡ଼ ବାଲିର୍ ନାବକେ ।

୩୩ ନେଙ୍ଗ୍ ମ୍ୟା ନ୍ଲେକେ ମୁଇଁଜା ରେମୁଆଁ ସାପା ଗାଗଡ଼େ ସାପା ମନ୍ ଆରି ସାପା ସକଡ଼ ବିଚେ ପର୍‌ମେସର୍‌କେ ଆଲାଦ୍ ତିଁନେ ପଡ଼େଏ । ମୈଁ ତିରକମ୍ ନିଜେକେ ଆଲାଦ୍ ତିଁଏ, ଆମେକେ ବିନ୍‌ଶ୍ରେକେ ତିଗ୍ ଦେଡ଼ରକମ୍ ଆଲାଦ୍ ତିଁନେନ୍‌ସା ପଡ଼େଏ । ନୈଁ ପର୍‌ମେସର୍‌କେ ଉଡ଼ି ପସୁ ତାଗ୍ରା ସାଦାରେ ଦାନ୍ ବିନେଃଡ଼ିକେ, ଆତେନ୍ ସାପାବାନ୍ ଆକେନ୍ ମ୍ଲାକ୍‌ଲିଗ୍ ସାମୁଆଁ ଜାବର୍ ମ୍ଲା ସାମୁଆଁ ।”

୩୪ ଜିସୁ କେକେ ଜେ ରେମୁଆଁ ମୁଇଙ୍ଗ୍ ଦ୍ଵିଗ୍ଠେ ଏତେତେ ଉତ୍ତର ବିଃବକେ । ମେଁ ଆମେକେ ବାଲିରକେ, “ପେ ସାପାରେ ପରମେସର୍ନେ ରାଜିବାନ୍ ସ୍ଫୁଣ୍ଡ ।” ଆକେନ୍ ଇଡ଼ିଙ୍ଗ୍ ଆରି ଜାଣ୍ଠେ ଡିଗ୍ ଜିସୁକେ ମେଃଡ଼ିଗ୍ ପ୍ରସନ୍ ସାଲିଆକୁନ୍ସା ସାଆସ୍ ଆଡ଼ିଙ୍ଗ୍ ଆରକେ ଶୁ ।

କିସ୍ତ ଦାଉଦନେ ଉଙ୍ଗ୍ଡେ
(ମାଡ଼ିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ମନ୍ଦିରୁଅରିଆ ମାପୁନେ ସାମୁଆଁ ବିଃନେ ବେଲା ସାଲିଆକୁକେ, “କିସ୍ତ ଜେ ଦାଉଦନେ ଉଙ୍ଗ୍ଡେ ଆକେନ୍ ଦର୍ମ ସାସ୍ତିଇଂ ଡିରକମ୍ ବାସଙ୍ଗ୍ ମ୍ୟାଆରକେ ?

୩୬ ନିଜେ ଦାଉଦ୍ ପବିତ୍ର ଆମ୍ବା ଏତେ ବାଲିରବକେ;
ମାପୁ ପରମେସର୍ ନେଙ୍ଗ୍ନେ ମାପୁକେ ବାଲିରମ୍ବକେ:
ନେଙ୍ଗ୍ ନାନେ ସତୁଇଂକେ ନାନେ ଞ୍ଚ ଆଲ ତୁଂମାପାଙ୍ଗ୍ ଜାକ ନା ନେଙ୍ଗ୍ନେ ବେସ୍ୟାଃ ପାକା କ ଲାଃଲା ।”

୩୭ “ନିଜେ ଦାଉଦ୍ ମସିହକେ ନେଙ୍ଗ୍ନେ ମାପୁ ଡାଗ୍ଡେ ବାସଙ୍ଗ୍ ଡିଙ୍ଗ୍କେ, ତେଲା ମସିହ ଡିରକମ୍ ଦାଉଦନେ ଉଙ୍ଗ୍ଡେ ଡିଙ୍ଗ୍ମାଏ ? ରିସିଙ୍ଗ୍ ଲେଃଠେ ରେମୁଆଁଇଙ୍ଗ୍ ଜିସୁନେ ସାମୁଆଁକେ ସାଦା ମନ୍ରେ ଅଁଆରକେ ।”

ଦର୍ମ ଗୁରୁନେ ବିସୟରେ ଜିସୁନେ ତରକ୍ ସାମୁଆଁ
(ମାଡ଼ିଉ ୨୩:୧-୩୬; ଲୁକ୍ ୨୦:୪୫-୪୭)

୩୮ ଜିସୁ ସିକ୍ୟା ବିଃ ଅଲେଙ୍ଗ୍ନେ ବେଲା । ମେଁ ବାସଙ୍ଗ୍କେ, “ଦର୍ମସାସ୍ତିଇଂବାନ୍ ତରକ୍ ଲାଃଲାପା । ମେଇଙ୍ଗ୍ ଚ୍ଢ୍ଢେ ଚ୍ଢ୍ଢେ ପାଟାଇ ସତେ ଆଙ୍ଗ୍ଆନ୍ତ୍ ଅଲେଙ୍ଗ୍ନେ ବଲ୍ ବା ମ୍ୟାଃଆରକେ ଜେ’ ରେମୁଆଁ ଆମେଇଂକେ ସାନ୍ତା ଗାଲି କେଲା ସନ୍ମାନ କେଆରଲେ ଡାଗ୍ଡେ;

୩୯ ପାର୍ତନା ତୁଆ ଅରିଆ ମେଇଙ୍ଗ୍ ମ୍ବା ସିଂଆଁସନ୍ନିଆ କୁକନ୍ସା ବଲ୍ ବା ମ୍ୟାଆରକେ । ବଜି ଅରିଆ ମେଇଙ୍ଗ୍ ସାପାରେବାନ୍ ମ୍ବା ଟାନ୍ ବା ନ୍ସାଃ ବଲ୍ ବା ମ୍ୟାଆରକେ ।

୪୦ ମେଇଂ ଗୁଏସାଙ୍ଗ୍କୁଏଇଂନେ ତୁଆ ବାଜାର୍ ନାଲେତେ ତୁଂଡ ମ୍ୟାଆରକେ । ମେଇଙ୍ଗ୍ ଗୁଏସାଙ୍ଗ୍କୁଏନେ ଦନ୍ ସମ୍ପତି ନାଲେ ମ୍ୟାଆରକେ । ନିମାଣ୍ଡା ଆସୁଏ ନ୍ସା ମେଇଙ୍ଗ୍ ଚ୍ଢ୍ଢେ ପାର୍ତନା

ତିଂମ୍ୟାଆରକେ । ଦେଃକେନ୍ ରେମୁଆଁଇଂକେ ପରମେସର୍ ମ୍ନାନେ
ତଣ୍ଡ ବିଃଏ ।”

**ମୁଇଙ୍ଗ୍ ଗୁଏଃସାଙ୍ଗ୍‌କୁଏଃନେ ଦାନ
(ଲୁକ୍ ୨୧:୧-୪)**

୪୧ ଜିସୁ ମନ୍ଦିର୍ ଅରିଆନେ ଦାନ ବିଃନେ ପିଡ଼ି ତାଗ୍ରା କ ଲେଃଃଗେ
। ରେମୁଆଁଇଙ୍ଗ୍ ତିରକମ୍ ଦାନ ଡିଙ୍ଗ୍‌ନେ ପିଡ଼ି ଅରିଆ ତାବୁ ବର୍ତ୍ତ
ଆଡ଼ିଙ୍ଗ୍ ମ୍ୟାଃଆରକେ, ଆଡେନ୍ କିକେତିଂଗେ । ଜବର୍ ସାଡକାର
ରେମୁଆଁ ଦାନ ବିଃନେ ପିଡ଼ି ଅରିଆ ଜବର୍ ତାବୁ କ୍ଲାର୍ ଆର୍ଡିଂଗେ
।

୪୨ ଇଡ଼ିଙ୍ଗ୍ ଗରିବ୍ ଗୁଏଃସାଙ୍ଗ୍‌କୁଏ ମୁଇଙ୍ଗ୍ ଆଡ୍ ତାଗ୍ରା ପାଙ୍ଗ୍‌କେ
ଆରି ଆଡ୍‌ଅରିଆ ମେଁ ମାତର୍ ମାଲେ ତାବୁ କ୍ଲକ୍‌କେ । ଆଡେନ୍
ମ୍ନାକ୍ରିଗ୍ ତାବୁନେ ମୁଲ୍ୟ ମୁଇଙ୍ଗ୍ ଟାଆଁ ଏଡେ ତିଗ୍ ସମାନ ଶୁ ।

୪୩ ଇଡ଼ିଙ୍ଗ୍ ଜିସୁ ମେଁନେ ସିସ୍‌କଂକେ ତାଗ୍ରା ଝାଡେ ବାସଙ୍ଗ୍‌କେ,
“ନେଙ୍ଗ୍ ଆପେକେ ସଡ୍ ବାସଙ୍ଗ୍ ଶ୍ରିଙ୍ଗ୍, ଆକେନ୍ ସାପା ସାଡକାର
ରେମୁଆଁ ବିଃକ୍ଲେ ଦାନବାନ୍ ଆକେନ୍ ଗରିବ୍ ଗୁଏଃସାଙ୍ଗ୍‌କୁଏ ସାପାବାନ୍
ଜବର୍ ତାବୁ ବିଃବକେ ।

୪୪ ମାତର୍ ସାଡକାର ରେମୁଆଁଇଙ୍ଗ୍ ତାଗ୍ରା ଜବର୍ ଲେଃଃକେ ।
ମେଇଙ୍ଗ୍ ମେଇଙ୍ଗ୍‌ନେ ଦରକାର ଶୁନେ ଲୁଆଁକ୍ଲେ ତାବୁବାନ୍ ଦାନ
ବିଃବଆରକେ । ମାତର୍ ଏନ୍ ଗୁଏଃସାଙ୍ଗ୍‌କୁଏ ଜାବର୍ ଗରିବ୍ । ଆକେନ୍
ଗରିବ୍ ଗୁଏଃସାଙ୍ଗ୍‌କୁଏ ତାଗ୍ରା ଉଡ଼ି ଲେଃଃଗେ; ଆଡେନ୍ ସାପା ଦାନ
ବାବ୍‌ରେ ବିଃବକେ । ମେଁ ତୁଆ ନ୍‌ସା ଅଃଡେନ୍ ଆଃ ମାତର୍ ଲେଃଃଗେ
।”

୧୩

**ମନ୍ଦିର୍ ଦଂସ ବିସୟରେ ଜିସୁନେ ବବିସଡ୍ ସାମୁଆଁ
(ମାତିଉ ୨୪:୧-୨; ଲୁକ୍ ୨୧:୫-୬)**

୧ ଜିସୁ ମନ୍ଦିର୍‌ବାନ୍ ତାର୍‌ଡେ ଝିଗ୍‌ନେ ବେଲା ମେଁନେ ମୁଇଙ୍ଗ୍ ସିସ୍
ଆମେକେ ବାଲିରକେ, “ଗୁରୁ କେଲାନି ଆକେନ୍ ମନ୍ଦିର୍‌ନେ ସୁନ୍ଦର୍
ତୁଆ ଆଣ୍ଡେଙ୍ଗ୍ ଆରି ମ୍ନାନେ ବ୍ରି ଆଣ୍ଡେଙ୍ଗ୍ ଉଡ଼ି ସୁନ୍ଦର୍ ତିଙ୍ଗ୍‌ଲେକେ ।”

୨ ଜିସୁ ବାସଙ୍ଗକେ, “ପେ ଆକେନ୍ ମ୍ନାନେ ତୁଆ ଆଣ୍ଡେଙ୍ଗ କେପେଡିଙ୍ଗ ? ଆକେନ୍ ସାପା ମ୍ନା ତୁଆ ଦଂସ ଡିଙ୍ଗ୍‌ଝେଏ । ସାପା ଜାକ ବି ତୁବଃ ଆଡ଼ାଡ଼ା ଡଃବେଗ୍ ଲଃଏ । ମୁଇଙ୍ଗ୍ ଡିଗ୍ ବି ବାରି ମୁଇଂ ବି ଆଡ଼ାଡ଼ା ଆଲେଃ ଶୁ ।”

ଜିସୁ ଜୁଗ୍ ଗଟେନେ ସାମୁଆଁ ବାଲିରକେ
(ମାଡିଡ ୨୪:୩-୧୪; ଲୁକ୍ ୨୧:୭-୧୯)

୩ ଇଡିଙ୍ଗ୍ ଜିସୁ ମନ୍ଦିର ସାମନେ ଲେଃଝେ ଜିତକଣ୍ଡା ଆଡ଼ାଡ଼ା କ ଲେଃକେ । ମୈନେ ଏଡେ ପିତର ଜାକୁବ୍ ଜହନ୍ ଆରି ଆନ୍ଦିୟ ଲେଃଆରକେ । ମେଇଙ୍ଗ୍ ଜିସୁକେ ଜାଣ୍ଡେ ଆଅଁକେ ସୁଗା ସାଲିଆକୁ ଆରକେ ଏନ୍ ସାପା ଅଃନା ଗଟେଏ ।

୪ “ଏନ୍ ସାପା ଗଟେନେ ବେଲା ଡିଙ୍ଗ୍ ଝେଗେ ଡାଗ୍‌ରେ ମେ ଚିନ୍‌ଇଂ ନ୍ନା ମ୍ୟାକେ ଆଡେନ୍ ଆନେକେ ବାସଙ୍ଗପା ?”

୫ ଜିସୁ ସିସଙ୍ଗକେ ବାସଙ୍ଗକେ, “ତରକ୍ ଲାଲାପା ଜାଣ୍ଡେ ଡିରକମ୍ ଆପେକେ ଜଟେ ଆୟାଆର୍ ଶୁ ।

୬ ଗୁଲୁଏ ନେଙ୍ଗ୍ ମ୍ନି ସାଚେ ବାସଙ୍ଗ୍ ଆର୍ଏ ମେଇଙ୍ଗ୍ ବାସଙ୍ଗ୍ ଆର୍ଏ ନେଙ୍ଗ୍ କିସ୍‌ଟ ଡାଗ୍‌ରେ ମେଇଙ୍ଗ୍ ଗୁଲୁଏ ରେମୁଆଁକେ ଜଟେ ଆର୍ଏ ।

୭ ଡାଗ୍ରା ଜୁଦ୍ ଡିଙ୍ଗ୍‌କେ ବାରି ସ୍ଲ ଜୁଦ୍ ଡିଙ୍ଗ୍‌କେ ଅଁଚେ ପେଇଂ ଇରିୟାଃ ଆଝେଗ୍‌ପା । ଦେକ୍ ରକମ୍ ଗର୍‌ନା ସଡେଆ ଗଟେଏ । ମାଡର ଏନ୍ ଅରଡ୍ ଶୁ ଜେ ଜୁଗ୍ ଡାନେ ଦିନ୍ ପିଙ୍ଗ୍ରାକେ ।

୮ ଦେସ୍ ଦେସ୍ ବିଡେ ଜୁଦ୍ ଡିଙ୍ଗ୍‌ଏ । ମୁଇଂ ରାଜି ବାରି ମୁଇଂ ରାଜିକେ ଅଦିକାର୍ ଡିଙ୍ଗ୍ ଆରେ । ସାପା ପାକା ବୁମିକମ୍ ଡିଙ୍ଗ୍‌ଏ ବାରି ମୁରଡି ଡିଙ୍ଗ୍‌ଏ । ଆକେନ୍ ସାପା ସେଲାମ୍‌ଏଇଂ ଗରିସିଆ ଶ୍ରିଆ କୁମାନେ ଦୁକାସୁକା ରକମ୍ ସେନ୍‌ଗ୍ ତରକ୍ ଆଡିଙ୍ଗ୍‌ନେ ।”

୯ *ପେ ସାପାରେ ତରକ୍ ଲାଃଲାପା । ରେମୁଆଁଇଙ୍ଗ୍ ଆପେକେ ବିଚାର୍ ତିଂନେ କୁକୁପାର୍ ଡାଗ୍‌ଲା ତୁଙ୍ଗ୍‌ଝେ ଆର୍ଏ । ଆପେ ସାପାରେକେ ମେଇଙ୍ଗ୍ ନେନେ କଏଦ୍ ତୁଆ ଆଃଗାଚେ ବଗ୍‌ଆର୍ଏ । ନେଙ୍ଗ୍‌ନେ ସିସଙ୍ଗ୍ ଡିଙ୍ଗ୍‌ପେଲେଃଗେସା ଆପେ ସାପାରେକେ ସାସନ୍ ଆରି ଇଃସାଙ୍ଗ୍ ଡାଗ୍ରା ସେନ୍‌ଗ୍ ଆଃଡୁଆଁ ନ୍‌ସା ଜାବର୍ ଦସ୍ତ୍ର ଡିଙ୍ଗ୍‌ଆର୍ଏ । ପେ ସାପାରେ ନେଙ୍ଗ୍‌ନେ ସାମୁଆଁ ବାସଙ୍ଗ୍ ବିଃପା ।

☆ ୧୩:୯ ମାଡିଡ ୧୦:୧୭-୨୦; ଲୁକ୍ ୧୨:୧୧,୧୨.

୧୦ ମାତର ଆକେନ୍ ସାପା ଗଚ୍ଚନା ଗଚେନେ ସେ ସାପା ଜାତିନେ ରେମୁଆଁଇଙ୍ଗ ଅରିଆ ବଲ୍ ସାମୁଆଁଇଙ୍ଗ ବାଲିରଚେ ବାସଙ୍ଗ ଅଲେଙ୍ଗ ଆରୁଏ ।

୧୧ ପେଇଂ ବନ୍ଦି ତିଙ୍ଗଚେ କଇଦ୍ ତୁଆନ୍ନିଆ ତୁଂଝେନେ ବେଲା ଆଡ଼ଅରିଆ ମେଁନେ ପେବାସଙ୍ଗଏ ଏନ୍ ବିସୟରେ ତେରେପେତେ ଆଡ଼ିଙ୍ଗାପା । ଟିକ୍ ବେଲା ମେଁନେ ତିଙ୍ଗନେ ତିଙ୍ଗଏ ଆତାନ୍ ଆପେକେ ଆମ୍ୟାମ୍ପିଏ । ଆତେନ୍ ବେଲା ଆପେକେ ନିଜର୍ ମନ୍‌ବାନ୍ ମେଃଡ଼ିଗ୍ ବାସଙ୍ଗ ଆପଡ଼େ ଶୁ । ପେ ମେଁନେ ପେବାସଙ୍ଗଏ ଆତେନ୍ ପବିତ୍ର ଆମ୍ବା ଆମ୍ୟାବିଏ ।

୧୨ ବୟା ବୟାକେ ଆରି ଆବା ମେଁନେ ଉଙ୍ଗଡେକେ ବାଗୁଏଃନେସା ତ୍ତି ନା ସରପେ ବି'ଆରୁଏ । ଗଡ଼େଇଂ ଆବା ଇୟାଙ୍ଗନେ ବିରଦ୍‌ରେ ତୁଆଁଆରୁଏ ଆରି ଆମେଇଂକେ ବାଗୁଏଃ ବି'ଆରୁଏ ।

୧୩ ପେ ସାପାରେ ନେଙ୍ଗନେ ସିସ୍ ତିଙ୍ଗ ପେଲେକେ ସା ସାପାରେ ଆପେକେ ଇଙ୍ଗଚେ ଆରୁଏ । ମାତର ଜାଣ୍ଡେ ସାରାସାରି ଜାକ ସାହାସ୍ ସାଚେ ଲେଃଏ, ମେଁ ପରିତ୍ରାନ୍ ବାଏ ।

ଜାବର ମ୍ବାଃ ଝେଡ଼ିଆ ଗୁରିୟା ବିସୟରେ ଜିସୁ ବାସଙ୍ଗକେ
(ମାଡ଼ିତ ୨୪:୧୫-୨୮; ଲୁକ୍ ୨୧:୨୦-୨୪)

୧୪ ମାତର ପେ ସାପାରେ ଉଡ଼ିବେଲା ଆତେନ୍ ଦରକାର୍ ଶୁଚୁନ ବାଗୁଏନେ ଆବୁଲେ ଜିନିସ୍ ଆଣ୍ଡି ଅରିଆ ମାଲେଃନେ ଦରକାର୍ ଆତେନ୍ ଜାଗାନ୍ନିଆ ଲେଃନେ ପେକେଏ ଅଃତେନ୍ ବେଲା ଜାଣ୍ଡେଇଂ ଜିଉଦା ଇନିନ୍ନିଆ ଲେଃଆରୁଏ ମେଇଂ କଣ୍ଡା ଆଡ଼ାତ୍ରା ଝିର୍ ତୁଂଝେଲେ;

୧୫ ✨ମୁଡ଼ି ରେମୁଆଁ ତୁଆନେ କ୍ଲେସାଂ ଆଡ଼ାତ୍ରା ଲେଏ ମେ ତୁଆ ବିତ୍ତେ ଝେଚେ ମେଁ ତିଗ୍ ତୁଙ୍ଗ୍ ଝେନ୍‌ସା ଆଲଃ ଆପାଙ୍ଗଲେ ।

୧୬ ତାଗ୍ଲା ଜାଣ୍ଡେ ଲିଜ ଅରିଆ ଲେଃଏ ମେଁ ମେଁନେ ତଗ୍ରିଆ ତୁଂପାଙ୍ଗନେସା ତୁଆ ଆଣ୍ଡେ ଆଝେଲେ ।

୧୭ ଆତେନ୍ ବେଲା ଆ'ବାଲେ ଲେଃକ୍ଲେ ସେଲାମ୍ପୁ ଆରି ବିନ୍ ତାଆଁନେ ଗଡ଼େଅ ଲେଃକ୍ଲେ ସେଲାମ୍ପୁଇଙ୍ଗନେ ମାଲେ କଷ୍ଟ ବା'ଆରୁଏ ।

୧୮ ଇସ୍ରାଏଲୀୟା ପାରତନା ଡିଙ୍ଗିଆ ଡିରକମ୍ ଆକେନ୍ ସାପା ରାସଃକ୍ସେ ବେଲ୍ଲା ଆଡିଙ୍ଗିଲେ ।

୧୯ ✧ମାତର୍ ଆତେନ୍ ଦିନାଆଣ୍ଟେଙ୍ଗ୍ ଏନ୍ତି କସ୍ତ ପାଂଏ ଜେ' ଦେଡ୍‌ରକମ୍ ମ୍ଲା ବିପଦ୍ ପର୍ମେସର୍‌ନେ ଆରେବକ୍ସେ ବାନ୍ ଏବେ ଜାକ କ୍ଲୀରେ ଗଟେ ଆରି ଅଃନାଡିଗ୍ ଆଗଟେ ଶୁ ।

୨୦ ଆତେନ୍ ଚଙ୍ଗନେ ବେଲ୍ଲା ଆଃଗଣ୍ଡା ନ୍‌ସା ପର୍ମେସର୍ ଆରୁଙ୍ଗ୍ ବିବକେ । ଡାଗ୍ଲା ଆତେନ୍ ବେଲ୍ଲା ଆଗଣ୍ଡା ବିବକେ ତେଲ୍ଲା ଜାଣ୍ଟେ ରକ୍ୟା ଆବାଆର୍ ଶୁ । ମାତର୍ ପର୍ମେସର୍ ଆଜାକେ ସ୍ତ୍ରୀବକେ ମେଇନ୍‌ସା ଆତେନ୍ ବେଲ୍ଲା ଆଗଣ୍ଡା ବିଏ ।

୨୧ ଆତେନ୍ ଦିନା ଆଣ୍ଟେଙ୍ଗ୍ ଉଡି ରେମୁଆଁ ଆପେ ସାପାରେକେ ବାଲିରୁଏ ଜେ କେଲ୍ଲାପା, ଆକ୍‌ଅରିଆ କିସ୍ତ ଲେଃକେ ମାତର୍ ସାମୁଆଃ କେଲ୍ଲାପା ଆଡ୍ ଅରିଆ ମେଁ ଲେଃକେ । ପେ ମାତର୍ ଆମେଇଂକେ ବିସ୍‌ବାସ୍ ଆଡିଙ୍ଗେପା ।

୨୨ ବଣ୍ଡ କିସ୍ତ ଆରି ବଣ୍ଡ ବାବବାଦିଇଂ ନ୍‌ଆ ଆର୍ଏ । ମେଇଙ୍ଗ୍ ଇରିୟାଡୁଗ୍‌ନେ ସୁଗୁଆ କାମ୍ ଡିଙ୍ଗିଆର୍ଏ । ଦରକାର୍ ଡିଙ୍ଗିଲା ପର୍ମେସର୍ ସ୍ତ୍ରୀକ୍ସେ ରେମୁଆଁକେ ମେଇଙ୍ଗ୍ ନାଲେନ୍‌ସା ଚେସ୍‌ଟା ଡିଙ୍ଗିଆର୍ଏ ।

୨୩ ତେଲ୍ଲା ତରକ୍ ପେଲେଃଏ । ଏନ୍ ସାପା ମାଗଟେନେ ବେଲ୍ଲା ନେଙ୍ଗ୍ ଆପେ ସାପାରେକେ ସାମୁଆଁ ଆମ୍ୟା ବଣ୍ଡିଂକେ ।

ଜିସୁ ପ୍ରେଗ୍‌ପ୍ରେଗ୍ କିତଙ୍ଗ୍ ଇନିବାନ୍ ଜାର୍ଏ

(ମାଡିଡ ୨୪:୨୯-୩୧; ଲୁକ୍ ୨୧:୨୫-୨୮)

୨୪ ✧“ଆତେନ୍ ଦିନା ଆକେନ୍ ମ୍ଲା ବିପଦ୍ ଝେକ୍ସେ ଇଡିଙ୍ଗ୍ ସ୍ତ୍ରୀ ସାପା ପାକା ତାଂକିଗ୍ ଝେଏ

ଚାଙ୍ଗୁଆ ଆରି ଆକେଁ ଆତାରକିଗ୍ ଶୁ ।

୨୫ କିତଂଇନିବାନ୍ ଚାଙ୍ଗୁଆଇଂ ରୁନ୍ଦେ ଲଃଆର୍ଏ ଆରି କିତଙ୍ଗ୍‌ଇନିବାନ୍ ଚାଙ୍ଗୁଆଇଙ୍ଗ୍ ଡୁଡୁର୍ ଝେଏ ।”

୨୬ ଆତେନ୍ ବେଲ୍ଲା ମାପରୁ ଉଙ୍ଗ୍‌ଡେକେ ଜବର୍ ବପୁ ଆରି ମ୍ଲା ମଇମା ଏଡେ ତ୍ରିଗ୍‌ଡିଆ ଡାଗ୍ରାବାନ୍ ପାଙ୍ଗନେ ପେକେଏ ।

୨୭ ନେଇଁ ମାପରୁ ଉଇଁଡେକେ ମଞ୍ଚପୁରନେ ଆରାମ୍ ବାନ୍ ଡାକ୍ତେ ଜାକ ପିତୁର ପାକା ମେନେ କିତରୁଇନି ଦୁଡ଼ଇଁକେ ବେବିଏ । ମେଇଇଁ ବାଚେ ବକ୍ତେ ରେମୁଆଁକେ ମଞ୍ଚପୁରନେ ଆଡ଼ାଡ଼ା ବାନ୍ ସାପା ଜାଗାନ୍ନିଆ ତୁଂପାଙ୍ଗଚେ ମୁଇଇଁ ଅରିଆ ରାଃସିଙ୍ଗଏ ।

ଲିଞ୍ଜା ସ୍ଥାନେ ଗିଆନ୍

(ମାଡିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮ “ଲିଞ୍ଜା ସ୍ଥାଃ ଆନେକେ ଗିଆନ୍ ବିମ୍ୟା । ଉଡ଼ିବେଲା ମେଁନେ କେନ୍ଦାଇଁନିଆ ମି ଉଲିଆ ତାରଏ ଆଡେନ୍ ବେଲା ପେ ସାପାରେ ପେମ୍ୟାଏ ଜେ ନ୍ନାଃସେଇଁ କିର୍ ତାଗ୍ରା ପିଙ୍ଗଚାକେ ।

୨୯ ନେଇଁ ଆପେକେ ମେଁନେ ମ୍ଲସଙ୍ଗକେ ଟିକ୍ ଦେଡୁଆ ଗଚେଏ । ପେ ସାପାରେ ଉଡ଼ିବେଲା ଦେକ୍‌ରକମ୍ ସାପା ଗଚେନେ ପେକେଏ ଆଡେନ୍ ବେଲା ରୁଜେପା ଜେ ଆଡେନ୍ ଜୁଗ୍ ପାଙ୍ଗନେ ବେଲା ଡାଗ୍ରା ପିଙ୍ଗଚାଡିଂକେ ।

୩୦ ନେଇଁ ଆପେକେ ସଡ଼ ବାସଙ୍ଗଡିଙ୍ଗ୍ । ଆକେନ୍ ସାପା ମାଗଚେନେ ଜାକ ଆକେନ୍ ରେମୁଆଁଇଙ୍ଗ୍ ମେଃଡିଗ୍ ଲପ୍ ଆଡିଙ୍ଗ୍‌ଆର୍ ଶୁ ।

୩୧ ମଞ୍ଚପୁର ଆରି ତ୍ରିଗ୍‌ଡିଆ ଲପ୍ ଡିଙ୍ଗ୍‌ଝେଏ ମାତର୍ ନେଇଁ ବାସଙ୍ଗମ୍‌କ୍ତେ ନିମାଣ୍ଡା ସାମୁଆଁ ଅଃନାଡିଗ୍ ଲପ୍ ଆଡିଙ୍ଗ୍ ଶୁ ।

ରେମୁଆଁ ଉଇଁଡେ ପାଙ୍ଗନେ ଦିନ୍ ଜାଣ୍ଡେ ଡିଗ୍ ଆମ୍ୟାଆର୍ ଶୁ

(ମାଡିଉ ୨୪:୩୬-୪୪)

୩୨ ଆଡେନ୍ ଦିନା ଆରି ଆଡେନ୍ ବେଲା ଜାଡିଗ୍ ମ୍ୟାଃ ଆୟା ଶୁ । କିତଙ୍ଗ ଦୁଡ଼ ଆରି ମାପରୁ ଉଇଁଡେ ଜାଣ୍ଡେ ମେଃଡିଗ୍ ଆମ୍ୟାଆର୍ ଶୁ । ମାତର୍ ଆକେନ୍ ସାମୁଆଁ ମ୍ଲ ଆବା ପର୍‌ମେସର୍ ମ୍ୟାଲେଃକେ ।

୩୩ ପେ ସାପାରେ କାଲାଆଃ ଡରକ୍ ଲାଲାପା କାଲାଆଃ ଉର୍ ଲାଲାପା । ମେଃନସା ଡାଗ୍ଲା ଆଡେନ୍ ବେଲା ଉଡ଼ିବେଲା ପିଙ୍ଗଚାଏ ଆଡେନ୍ ପେ ସାପାରେ ମ୍ୟା ପେୟା ଶୁ ।

୩୪ ☆ଆକେନ୍ ଡେକ୍‌ରକମ୍ ଗର୍‌ନା ଡିରକମ୍ ମୁଇଇଁ ରେମୁଆଁ ନିଜେନେ ତୁଆ ଆନ୍ତାଚ୍‌ଚେ ବିଦେସ୍ ତାର୍ ଝେଏ ଆରି ଚାକର୍‌ଇଁକେ ନିଜର୍ ତୁଆ ଆଃଉର୍‌ଚେ ଆନ୍ତାଚ୍‌ଏ ଆରି ଗଡିରେଇଁନେ ଆଡ଼ାଡ଼ା

ନିଜେନେ ତୁଆ ଦାଇତ୍ ବିଷରେ ଝେଏ ଆରି ସାପା ଗତିରେଇଂକେ
ମେଁନେ ମୁଇଂ ମୁଇଂ ସ୍ତେ ବିଷଏ ଆରି ନିଂସାଙ୍ଗ୍ ଉରଣ୍ଡେକେ କାଲାଆଃ
ତରକ୍ ଲେଃନସା ଆଦେସ୍ ବିଷଏ ।

୩୫ ତେସା ପେ ସାପାରେ କାଲାଆଃ ତରକ୍ ତିଂ ଲାଲାପା ।
ମେଃନସା ତାଗ୍ଲା ପେ ପେମ୍ୟାକେ ଶୁ ତୁଆନେ ମାଲିକ୍ ଉଡ଼ିବେଲା ଜେ'
ପିଙ୍ଗିରାଏ । ଲମ୍ଡିଗ୍ ବେଲା ଶୁଲୁ ମଜେ ମିଡ଼ିଗ୍ ଶୁଲୁ ଝିର୍ ବେଲା
ଡିଗ୍ ମେଁ ପାଙ୍ଗ୍ ଯାଏ ।

୩୬ ମେଁ ଦାପ୍ରେ ଡିଗ୍ ପାଙ୍ଗ୍ଏ । ପେ ସାପାରେ ଜଦି କାଲାଆଃ ତରକ୍
ପେଲେଏ ତେଲା ମେଁ ଆପେକେ ମେଁ ଅଃନାଡିଗ୍ ତୁଲେଗ୍ଲେଃକେ
ବେଲା କେଆୟା ଶୁ ।

୩୭ ନେଙ୍ଗ୍ ଆପେକେ ମେଁ ବାସଙ୍ଗ୍ଣିଂକେ, ସାପାରେକେ ଆତେନ୍
ମୁଇଙ୍ଗ୍ ସାମୁଆଁ ବାସଙ୍ଗ୍ଣିଙ୍ଗ୍ ଜେ' କାଲାଆଃ ତରକ୍ ଲାଲାପା ।”

୧୪

ଜିସୁକେ ବାଗୁଏଃ ନସା ଜିଉଦି ନେତାଇଂନେ ଜଜନା
(ମାଡିଉ ୨୭:୧-୫; ଲୁକ୍ ୨୨:୧-୨; ଜହନ୍ ୧୧:୪୫-୫୩)

୧ ଉଦାର୍ ପାଣ୍ଡୁ ଆରି ଖମିର ଶୁନ୍ୟ ରୁଟି ପାଣ୍ଡୁ ଆରି ବାରସି ବାକି
ଲେଃକେ । ମ୍ଲା ପୁଜାରି ଆରି ଜିଉଦି ଦର୍ମ୍ ଗୁରୁଇଂ ଜିସୁକେ ଚାଲାକିରେ
କଏଦ୍ ତିଂରେ ଇଡିଙ୍ଗ୍ ବାଗୁଏଃ ନସା ଉପାୟ୍ ତୁର୍ ଡିଙ୍ଗ୍ଆରକେ ।

୨ ମେଇଙ୍ଗ୍ ବାସଙ୍ଗ୍ଆରକେକେ, “ନେ ସାପାରେ ପାଣ୍ଡୁନେ ବେଲା
ଜିସୁକେ କଏଦ୍ ଆଡିଙ୍ଗ୍ ନେୟା ଶୁ । ଦେଡ୍ ଡିଙ୍ଗ୍ଲା ରେମୁଆଁଇଙ୍ଗ୍
ରିସା ତିଂରେ ଝିଙ୍ଗ୍ଆଃରିଂଆଃନସା ପାଂଆରଏ ।”

ମୁଇଙ୍ଗ୍ ସେଲାମ୍ବୁଃନେ ମ୍ଲା କାମ୍
(ମାଡିଉ ୨୭:୬-୧୩; ଜହନ୍ ୧୨:୧-୮)

୩ ଜିସୁ ବେଅନାନ୍ନିଆ କୁଷ୍ଟରଗି ଶିମୋନେ ତୁଆ ଚଙ୍ଗ୍ନେ
କ'ଲେଃନେ ବେଲା ମୁଇଂ ସେଲାମ୍ବୁ ରେମୁଆଁ ମେଙ୍ଗ୍ ତାଗ୍ରା ପାଙ୍ଗ୍କେ
। ମେଁ ମୁଇଂ ତୁଲୁଏକ୍ ସବାକ୍ କସ୍ମୁତା ମାଲେ ଦାମ୍ନେ ଝୁ ବର୍ଡତି
ଆଡିଙ୍ଗ୍ରେ ତୁଂପାଙ୍ଗ୍କେ । ଆତେନ୍ ବାସ୍ନା ଝୁ ନିମାଣ୍ଡୁନେ ଜଟା ଚିଲି
ଏତେ ଆରେବକେ । ସେଲାମ୍ବୁନେ ମୁତା ତାବ୍ନା ତ'ରେ ସାପା ବାସ୍ନା
ଝୁ ଜିସୁନେ ବାଆଃନିଆ କିଗ୍ ବିକେ ।

୪ ଆଡ଼ ଅରିଆ ଲେଖକେ ଉଡ଼ି ରେମୁଆଁ ମେଁନେ ଏନ୍ କାମ୍ କେତେ ରିସା ତିଆରକେ ବାରି ନିଜର୍ ନିଜର୍ ବିତ୍ତେ ବାଲିରୁବାତା ଆରକେ “ଏନ୍ ବାସନା ଝୁକେ ଦେକ୍‌ରକମ୍ ବାବ୍‌ରେ ନସ୍ ଆଡ଼ିଙ୍ଗ୍‌ନେ ବଲ୍ ଶୁ ?

୫ ଆତେନ୍ ଝୁକେ ସ ବିଲା ଝି ସ ବାନ୍ ମାଲେ ରୁପା ତାରୁ ପାମିଲେ ବାରି ଆତେନ୍ ତାରୁ ଗରିବ୍ ରେମୁଆଁକେ ବିପାଡ଼ିଙ୍ଗ୍ ।” ସେଲାମ୍‌ସୁଃକେ ମେଇଙ୍ଗ୍ ବେସି ଅର୍‌ବର୍ ଆଡ଼ିଙ୍ଗ୍‌ଆରକେ ।

୬ ଜିସୁ ବାସଙ୍ଗକେ, “ଆତେନ୍ ସେଲାମ୍‌ସୁ ରେମୁଆଁକେ ତେରେପେତେ ଆରାଡ଼ିଙ୍ଗ୍‌ପା । ମେଁ ନେଙ୍ଗ୍‌ନ୍‌ସା ମୁଇଙ୍ଗ୍ ମାଲେ ନିମାଣ୍ଡା କାମ୍ ତିଙ୍ଗ୍‌ବକେ ।

୭ ମେଁନ୍‌ସା ତାମ୍‌ଗ୍ ଗରିବ୍‌ଶ୍ରେଇଁ କାଲାଆଃ ତ ନାଁତାଗ୍ରା ଲେଖଆରଏ । ପେ ଉଡ଼ିବେଲା ପେକେଏ ଆମେଇଁକେ ସାହା ତିଙ୍ଗ୍‌ପେୟାଏ । ମାତର୍ ପେଇଙ୍ଗ୍ ଆନେଙ୍ଗ୍ କାଲାଆଃ ପେ ପେଅବା ଶୁ ।

୮ ଆକେନ୍ ସେଲାମ୍‌ସୁ ନେଙ୍ଗ୍ ସା ମେଁନେ ତିଙ୍ଗ୍‌ନେସା ବପୁଲେଖକେ ମେଁ ଆତେନ୍ ତିଙ୍ଗ୍ ବକେ । ରାଃତ୍ୟାନିଆ ନେଙ୍ଗ୍ ପାରାନ୍‌କେ ଆରେଡ଼ିଙ୍ଗ୍‌ନ୍‌ସା ମେଁ ନେଙ୍ଗ୍ ଗାଗଡ଼େନ୍‌ନିଆ ଗୁଏନେ ସେନ୍‌ଗୁ ବାସନା ଝୁ କିଗ୍‌ବି ବକେ ।

୯ ନେଙ୍ଗ୍ ଆପେକେ ସଡ଼ ବାସଙ୍ଗ୍ ଶ୍ରିଙ୍ଗ୍‌କେ, ସାପା ମଞ୍ଚପୁରନ୍‌ନିଆ ନେଙ୍ଗ୍‌ନେ ନିମାଣ୍ଡାସାମୁଆଁ ଆଣ୍ଡିତାଗ୍ରା ବାସଙ୍ଗ୍ ତିଙ୍ଗ୍‌ଆରଏ ଏନ୍ ସେଲାମ୍‌ସୁଃ ମେ ତିଙ୍ଗ୍‌ବକେ ଆତାନ୍ ମନେ ଲ୍ଲାଗ୍‌ନ୍‌ସା ଏନ୍ ସାପା ବାସଙ୍ଗ୍ ଆରଏ ।”

ଜିସୁନେ ତାଗ୍ରା ଜିଉଦାନେ ବିସ୍‌ବାସ୍‌ଗାଡ଼

(ମାଡ଼ିଉ ୨୭:୧୪-୧୬; ଲୁକ୍ ୨୨:୩-୬)

୧୦ ଏନ୍ ଇଡ଼ିଙ୍ଗ୍ ଗମ୍‌ବ୍‌ର ସିସ୍ ପ୍ରେରିଡ଼ିଙ୍ଗ୍‌ବାନ୍ ମୁଇଁଜା ପ୍ରେରିଡ଼ି ମ୍‌ଗ୍ ପୁଜାରିଇଁ ଏତେ ବାଲିର୍ ମାବା ତିଙ୍ଗ୍‌ନ୍‌ସା ଝେକେ । ଆକେନ୍ ପ୍ରେରିଡ଼ିନେ ମ୍‌ଲେଖକେ ଇଷ୍ଟରିୟଥ୍ ଜିଉଦା । ମେଁ ଜିସୁକେ ମ୍‌ଗ୍ ପୁଜାରିଇଁନେ ତ୍ରି ନ୍ନିଆ ଆସା ବିନେସା ଚାଏଁଡ଼ିକେ ।

୧୧ ମ୍‌ଗ୍ ପୁଜାରିଇଁ ଜିଉଦାନେ ଆକେନ୍ ସାମୁଆଁ ଝେତେ ଜବର୍ ସାର୍ଦା ତିଙ୍ଗ୍‌କେ । ଆରି ଆମେଇଁକେ ତାରୁ ବିନ୍‌ସା ପାର୍‌ମାନ୍ ତିଙ୍ଗ୍

ବକେ । ଆଡ଼ଅରିଆ ଜିଉଦା ଜିସୁକେ ମ୍ଲାନେ ପୁଜାରିଇଂନେ ଛି ନ୍ନିଆ ଆଃସା ବିଃନ୍‌ସା ଉପାୟ ତୁର୍ ଡିଙ୍ଗେ ।

ଉଦାରନେ ପାଣ୍ଡୁସୁ ବଜି /

(ମାଡିଉ ୨୬:୧୭-୨୫; ଲୁକ୍ ୨୨:୭-୧୪, ୨୧-୨୩; ଜହନ୍ ୧୩:୨୧-୩୦)

୧୨ ଉଦାରନେ ପାଣ୍ଡୁସୁ ଆରି ଖମିର ଶୂନ୍ୟ ରୁଟି ପାଣ୍ଡୁସୁନେ ସେନୁଗ ଦିନ୍ ଜିଉଦିଇଙ୍ଗ ଉଦାର ପାଣ୍ଡୁସୁ ନସା ମେଣ୍ଡା ଉଙ୍ଗଡେକେ ସିଃଆରଏ । ଆତେନ୍ ସ୍ଥି ଜିସୁନେ ତାଗ୍ରା ମେଁଇଙ୍ଗନେ ସିସଇଂ ପାଙ୍ଗରେ ସାଲିଆଃକୁକେ, “ଉଦାର ପାଣ୍ଡୁସୁ ବଜିନ୍ନିଆ ନାଁ ନସା ସାପା କିଚି ଆରେନ୍‌ସା ଆଣ୍ଡିନେଖେ ତାଗ୍ରରେ ନାଁ ଚାଏନାଡିଙ୍ଗକେ ?”

୧୩ ଏନ୍ ଇଡିଙ୍ଗ ଜିସୁ ମାୟା ସିସକେ ସହରନ୍ନିଆ ବେକେ । ଜିସୁ ଆମେଇଂକେ ବାସଙ୍ଗକେ, “ସହରନ୍ନିଆ ଖେଲାପା । ମୁଇଂ ରେମୁଆଁ ଶ୍ରିଆକୁଇ ତୁଂଖେ ଡିଙ୍ଗକ୍ଲେ ପେକେଏ । ଆତେନ୍ ରେମୁଆଁ ପେ ତାଗ୍ରା ପାଙ୍ଗଏ । ପେ ମେଁ ପ୍ଲା ପେଖେଏ ।

୧୪ ଆତେନ୍ ରେମୁଆଁ ମୁଇଙ୍ଗ ତୁଆ ଗାଏ ପେଡିଗ୍ ଖେରେ ଆତେନ୍ ତୁଆନେ ମାଲିକ୍‌କେ ପେବାସଙ୍ଗ ଜେ’ ଗୁରୁ ବେ’ବକେ ନେଙ୍ଗନେ ସିସଇଂଏତେ ଉଦାର ପାଣ୍ଡୁସୁ ବଜି ଆଣ୍ଡିନେ ବାକ୍ରାନ୍ନିଆ ଫାଲେଏ, ଆତେନ୍ ବାକ୍ରା ଆନେଙ୍ଗ ଆସୁଏ ବିଲା ? ଆମେକେ ବାସଙ୍ଗ ଜେ’ ଗୁରୁ ଆକେନ୍ ମ୍ୟାନସା ଇକ୍ରା ଡିଙ୍ଗଡିଙ୍ଗକେ ।

୧୫ ତୁଆ ମାଲିକ୍ ପେଇଙ୍ଗନେସା ଆଡାଡା ମହଲାନେ ସାପା କିଚି ସଜେବକେ ମୁଇଙ୍ଗ ମ୍ଲା ତୁଆ ଆଃସୁଏ ବିଏ । ପେ ସାପାରେ ଆଡ଼ ଅରିଆ ଚଙ୍ଗନେ ଆମେ ବପା ।”

୧୬ ଇଡିଙ୍ଗ ସିସଇଂ ଆଡ଼ବାନ୍ ସହରନ୍ନିଆ ଖେଆକେ । ଜିସୁ ଆମେଇଂକେ ମେଁନେ ବାସଙ୍ଗ ବକେ ସାପା ସାମୁଆଁ ଦେତୁଆ ଡିଙ୍ଗକେ । ଆଡ଼ ତାଗ୍ରା ମେଇଂ ଉଦାର ପାଣ୍ଡୁସୁ ଚଙ୍ଗନେ ତିଆର୍ ଡିଙ୍ଗଆରକେ ।

୧୭ ଲମଡିଗ୍ ବେଲା ଜିସୁ ଗମ୍ବାର ରେମୁଆଁ ସିସଇଂକେ ସଙ୍ଗେ ସାଃରେ ଆଡ଼ ଅରିଆ ଖେଚାକେ ।

୧୮ ମେଇଁ ଚର୍ଚ୍ଚନେ ବେଲା ଜିସୁ ବାସଙ୍ଗକେ, “ନେଙ୍ଗ ଆପେକେ ସତ୍ତ୍ୱ ବାସଙ୍ଗଣ୍ଟିକେ ମାତର୍ ନେଙ୍ଗ୍‌ଏତେ ଚର୍ଚ୍ଚ ଡିଙ୍ଗ୍‌କେ ପେନେ ବାନ୍ ମୁଇଁଜା ନେଙ୍ଗ୍ ଆଡ଼ଲା ବିରଦ୍‌ଶ୍ରେନେ ତ୍ରି ଅରିଆ ସର୍ପେ ବିଏ ।”

୧୯ ଆକେନ୍ ଅଁଚେ ସିସ୍‌ଇଙ୍ଗ୍ ଜବର୍ ମନ୍ ଦୁକ୍ ଡିଙ୍ଗ୍ କିକେ । ସାପାରେ ଜିସୁକେ ବାସଙ୍ଗ୍‌ଆରକେ “ସତେଆଃ ନେଙ୍ଗ୍ ଆତେନ୍ ରେମୁଆଁ ଶୁ”

୨୦ ଇଡ଼ିଙ୍ଗ୍ ଜିସୁ ଆମେଇଁକେ ବାସଙ୍ଗକେ, “ଆତେନ୍ ରେମୁଆଁ ପେ ଗୋମ୍ବାର ରେମୁଆଁ ବାନ୍ ମୁଇଁଜା ଜାଣ୍ଟେ କି ନେଙ୍ଗ୍ ଏତେ ମୁଇଙ୍ଗ୍ ଗିନାନ୍ନିଆ ରୁଟି ଜଣ୍ଟିଆ ଞ୍ଚଙ୍ଗକେ ।

୨୧ ମାପରୁ ଉଙ୍ଗ୍‌ଡେ ଝେଚେ ଗୁଏଃଏ । ଆକେନ୍ ଗଚେଏ ଡାଗ୍‌ଚେ ସାସ୍ତ୍ରନ୍ନିଆ ଗୁଆର୍ ବକେ । ମାତର୍ ମୁଃଡ଼ି ରେମୁଆଁବାନ୍ ମାପରୁ ଉଁଡେକେ ବିରଦ୍‌ଶ୍ରେନେ ତ୍ରି ଡାଗ୍‌ରା ଆସା ବିଏ, ମେଁ ଜନମ୍ ଆଡ଼ିଙ୍ଗ୍‌ଲା ନିମାଣ୍ଡା ପାଡ଼ିଙ୍ଗ୍ ।”

ମାପୁ ବଜି

(ମାଡ଼ିତ ୨୭:୨୭-୩୦; ଲୁକ୍ ୨୨:୧୪-୨୦; ୧ କରିନ୍‌ଡ଼ିୟ ୧୧:୨୩-୨୫)

୨୨ ମେଇଙ୍ଗ୍ ଚର୍ଚ୍ଚ ବେଲା ଜିସୁ ଇକୁଡା ରୁଟି ତୁଁଝେଚେ । ଆତେନ୍ ରୁଟିନ୍‌ସା ପର୍ମେସର୍‌କେ ଦନ୍‌ଏବାଦ୍ ବିକେ । ରୁଟି ଟିକ୍‌ଚିଚେ ସିସ୍‌ଇଁକେ ବିଚେ ବାସଙ୍ଗକେ, “ଆକେନ୍ ରୁଟି ଡିଂଡିଂକେ ନେଙ୍ଗ୍‌ନେ ଗାଗ୍‌ଡେ ।”

୨୩ ଇଡ଼ିଙ୍ଗ୍ ମେଁ ଅଙ୍ଗୁର୍ ରସ୍‌ନେ ମୁତା ତୁଁଝେଚେ । ମେଁନ୍‌ସା ପର୍ମେସର୍‌କେ ଦନ୍‌ଏବାଦ୍ ବିକେ । ଇଡ଼ିଙ୍ଗ୍ ଆତେନ୍ ସିସ୍‌ଇଁକେ ବିକେ । ମାନ୍‌ପାରେ ଆତେନ୍ ମୁତାନେ ଅଙ୍ଗୁର୍ ରସ୍ ଉଗ୍‌ଆରକେ ।

୨୪ ଇଡ଼ିଙ୍ଗ୍ ଜିସୁ ବାସଙ୍ଗକେ, “ଆକେନ୍ ନେଙ୍ଗ୍‌ନେ ମ୍ୟା । ନେଙ୍ଗ୍‌ନେ ମ୍ୟା ମୁଇଙ୍ଗ୍ ମିନ୍‌ନେ ନିଅମ୍ ଆରାମ୍ ଆଃଡ଼ିଙ୍ଗ୍‌ଏ । ଏନ୍ ନିଅମ୍‌ଲେ ପର୍ମେସର୍‌ବାନ୍ ମେଇଙ୍ଗ୍ ରେମୁଆଁନ୍‌ସା ଡିଙ୍ଗ୍‌ଏ । ଏନ୍ ମ୍‌ମ୍ୟା ସାପା ରେମୁଆଁନ୍‌ସା ବିବକେ ।

୨୫ ନେଙ୍ଗ୍ ଆପେକେ ସତ୍ତ୍ୱ ବାସଙ୍ଗ୍ ଡିଙ୍ଗ୍ । ନେଙ୍ଗ୍ ଅନା ଜାକ ପର୍ମେସର୍‌ନେ ରାଇଜନ୍ନିଆ ମି ଅଙ୍ଗୁର୍ ରସ୍ ଉଗ୍‌ଏ ଆତେନ୍ ଦିନା ଜାକ ଏନ୍ ଅଙ୍ଗୁର୍ ରସ୍ ନେଙ୍ଗ୍ ଅଃନା ଡିଗ୍ ନାଉଗ୍ ଶୁ”

୨୭ ସାପା ସିସଇଙ୍କୁ କୁଡ଼େଃରେ ମୁଇଙ୍କୁ ଦନ୍ୟବାଦ ଅସ୍ମାନ୍ ସାର୍ରେ ଆରି ଇଡ଼ିଙ୍କୁ ଜିତକଣ୍ଡା ଆଡ଼ାତ୍ରା ତାର୍ ଝେଆର୍କେ ।

ଜିସୁନେ ପ୍ଲା ଝେନେ ରେମୁଆଁଇଁ ସାପାରେ ଆମେକେ ଆନ୍ତାର୍ଏ /
(ମାଡ଼ିଉ ୨୭:୩୧-୩୫; ଲୁକ୍ ୨୨:୩୧-୩୫; ଜହନ୍ ୧୩:୩୬-୩୮)

୨୭ ଜିସୁ ସିସଇଙ୍କୁ ବାସଙ୍ଗକେ, “ପେ ସାପାରେ ବିସ୍ବାସ୍ ମାବରେ ପେକେଏ,

ଆକେନ୍ ସାସୁର୍ନିଆ ଗୁଆରବକେ, ନେଙ୍ଗ୍ ମେଣ୍ଡା ତୁର୍ତ୍ୟାରେକେ ବାଗୁଏ ମିଏ

ଆରି ମେଣ୍ଡାଇଁ ଆକ୍ ଆନ୍ତ୍ ଡ଼ଣ୍ଡିଆରଏ ।

୨୮ ☆ମାତର୍ ନେଙ୍ଗ୍ ଗୁଏରେ ମୁକ୍ତେ ଇଡ଼ିଙ୍କୁ ପେନେ ସେନୁଗ୍ ଗାଲିଲୀ ପ୍ରଦେସ୍ ଝେଏ ।”

୨୯ ମାତର୍ ପିତର୍ ବାସଙ୍ଗକେ, “ବିନ୍ ସାପା ସିସଇଁ ଆନାକେ ଆନ୍ତାର୍ ଝେଆର୍କା ଡିଗ୍ ନେଙ୍ଗ୍ ମୁଲକେ ନ୍ନାଝେ ଶୁ”

୩୦ ଜିସୁ ବାସଙ୍ଗକେ “ନେଙ୍ଗ୍ ଆପେକେ ସଡ଼ ବାସଙ୍ଗ୍ ଶୁଙ୍ଗକେ ଏଃ ମିଡିଗ୍ ଗିସେଙ୍ଗ୍ ମ୍ବାର୍ତର୍ ସନେ ସେନୁଗ୍ ନା ଆନେଙ୍ଗ୍ ନ୍ନାସାମୁଆଁକେ ଡାଗରେ ଞ୍ଜିତର୍ ନାବାସଙ୍ଗଏ ।”

୩୧ ଆକେନ୍ ସାମୁଆଁ ଅଁରେ ପିତର୍ ଆରି ମାଲେ କିରରେ ବାସଙ୍ଗକେ, “ଆନେଙ୍ଗ୍ ନାଁ ଏତେ ଗୁଏନେ ପଡ଼େଲା ଡିଗ୍ ନେଙ୍ଗ୍ ଆନାକେ ନ୍ନାସାମୁଆଁକେ ଡାଗରେ ଅଃନାଡିଗ୍ ନ୍ନାବାସଙ୍ଗ୍ ଶୁ” ବିନ୍ ସାପାରେ ସିସଇଁ ଡିଗ୍ ଦେତୁଆ ବାଲିର୍ ଆର୍କେ ।

ଜିସୁ ମୁଇଁଜା ଆଃ ପାର୍ତନା ଡିଂକେ /

(ମାଡ଼ିଉ ୨୭:୩୬-୪୬; ଲୁକ୍ ୨୨:୩୯-୪୬)

୩୨ ଜିସୁ ଆରି ମେନେ ସିସଇଁ ଗେଥସିମନୀ ମିକ୍ତେ ମୁଇଙ୍କୁ ତୁଗ୍ଡିନ୍ନିଆ ପାଙ୍ଗ୍ ଆର୍କେ । ଜିସୁ ସିସଇଁକେ ବାସଙ୍ଗକେ, “ନେଙ୍ଗ୍ ପାର୍ତନା ଡିଙ୍ଗ୍ ଜାକ ପେ ସାପାରେ ଆକ୍ ଅରିଆ କଲାପା ।”

୩୩ ମେଁ ପିତର୍ ଜାକୁର୍ ଆରି ଜହନ୍କେ ମେଙ୍ଗ୍ ଏତେ ପାଙ୍ଗ୍ନେ ବାସଙ୍ଗକେ । ଇଡ଼ିଙ୍କୁ ଜିସୁ ମାଲେ ଡାନ୍ଦା ଡିଙ୍ଗ୍ରେ ଆରି ଦୁକ୍ ଡିଙ୍ଗ୍ନେ ଲାଗେକେ ।

☆ ୧୪:୨୮ ମାଡ଼ିଉ ୨୮:୧୭.

୩୪ ଜିସୁ ପିତର ଜାକୁବ୍ ଆରି ଜହନ୍ନକେ ବାସଙ୍ଗକେ, “ନେଙ୍ଗନେ ଜିବନ୍ ତାର୍‌ଝେଗେ ସୁଗୁଆ ଲାଗେଡିଙ୍ଗକେ । ଆକ୍‌ଅରିଆ ପେ ନେଙ୍ଗସା ଉର୍ ଲାଃଲାପା ।”

୩୫ ଜିସୁ ମେଇଂନେ ବାନ୍ ଇକୁଡ଼ା ଉଡ଼ି ସ୍ଥାଅଲେଙ୍ଗ୍ ଝେଚେ । ଇଡ଼ିଙ୍ଗ୍ ଜିସୁ ତୁବନ୍ନିଆ ଲଃଚେ ଆରି ପାର୍‌ତନା ଡିଙ୍ଗକେ ଜେ’ “ଜଦି ଡିଙ୍ଗ୍‌ଏ ତେଲା ନେଙ୍ଗ୍ ବାନ୍ ସ୍ଥା ଝେଲେ ।”

୩୬ ଅ ନେଙ୍ଗନେ “ଆବା ନା ଆଡ଼ାଡ଼ା ସାପା ଡିଙ୍ଗ୍‌ଏ । ଏନ୍ ଦୁକାନେ ଉଗଡ଼ିଆଃନେ ମୁତାକେ ନେଙ୍ଗ୍ ବାନ୍ ସ୍ଥା ତୁଂଝେଲା । ଏଲେଡିଗ୍ ନେଙ୍ଗନେ ଇଚା ଶୁ ନାନେ ଇକଚା ପୁରନ୍ ଡିଙ୍ଗଲେ ।”

୩୭ ତେନ୍‌ଇଡ଼ିଂ ଜିସୁ ଆମେଇଂକେ କେକେ ବାରି ସିସ୍‌ଇଂନେ ଡାଗ୍ରା ଆଣ୍ଡେ ଝିଗ୍‌କେ । ମେଁ ମେଇଂକେ ତୁଲେଗ୍ ଲେଃଝେ କେକେ । ମେଁ ପିତରକେ ବାସଙ୍ଗକେ, “ଶିମୋନ ପେ ତୁଲେଗ୍ ପେବିଗେ ? ପେ ମୁଇଙ୍ଗ୍ ଗଣ୍ଟା ନସା ଉର୍‌ଲେଃ ପେୟାକେ ?

୩୮ ଉର୍‌ଚେ ପାର୍‌ତନା ଡିଙ୍ଗ୍ ଜେ’ ପେ ଡିଃଡି କି ପରିକ୍ୟାନ୍ନିଆ ପେଲ । ଆଣ୍ଡିନେ ଟିକ୍ ପେନେ ଆମ୍ବା ଆତେନ୍ ଡିଙ୍ଗନେ ଚାଏଁଡିଂକେ ମାତର୍ ପେନେ ଗାଗଡ଼େ ପର୍‌ଚଲ୍ ଶ୍ଟୁ”

୩୯ ଜିସୁ ଆରି ମୁଇଂ ତର୍ ଝେଚେ ସେ ସୁଗା ପାର୍‌ତନା ଡିଂକେ ।

୪୦ ଏନ୍ ଇଡ଼ିଙ୍ଗ୍ ମେଁ ସିସ୍‌ଇଂନେ ଡାଗ୍ରା ଆଣ୍ଡେ ପାଙ୍ଗକେ ଆରି କେକେ ଜେ ମେଇଙ୍ଗ୍ ଆରି ତୁଲେଗ୍ ଲେଃଆରକେ । ମେଁଙ୍ଗନେ ମୁଆଃ ଲେମୁଆଃ ତା ତୁଂପାଂଡିଂ । ସିସ୍‌ଇଂ ମ୍ୟା ଆୟା ଆରକେ ଶ୍ଟି ତୁଜ ମେଇଙ୍ଗ୍ ଜିସୁକେ ମେଁନେ ଉତର୍ ବିଏ ।

୪୧ ଜିସୁ ଞିତର୍ ପାର୍‌ତନା ଆଃତାକ୍ ଇଡ଼ିଙ୍ଗ୍ ସିସ୍‌ଇଂ ଡାଗ୍ରା ଆରି ପାଙ୍ଗଆରକେ ଆରି ବାସଙ୍ଗ କିକେ “ଏବେ ଡିଗ୍ ପେ ତୁଲେଗ୍‌ଚେ ପୁଣ୍ଡେ ପେଡିଙ୍ଗକେ ? ଜବର୍ ବେଲା ଡିଙ୍ଗକେ । ଡାଗ୍ରା ରେମୁଆଁ ଉଙ୍ଗଡେ ପାପିଇଂ ତ୍ରି ନ୍ନିଆ ଆଃସାଃ ବିଃନେ ବେଲା ଡାଗ୍ରା ପାଙ୍ଗ ଡିଙ୍ଗକେ ।

୪୨ ତଡ଼ିଆପା । ନେ ଏଃତର୍ ନେଝେପା । ଆନେଙ୍ଗ୍ ସତୁ ତ୍ରିନିଆ ଆଃସା ବିନେ ରେମୁଆଁ ଏବେ ପାଙ୍ଗଡିଙ୍ଗକେ ।”

ଜିସୁ କଇଦ୍ ଡିଙ୍ଗକେ
(ମାତିଡ ୨୭:୪୭-୫୬; ଲୁକ୍ ୨୨:୪୭-୫୩; ଜହନ୍ ୧୮:୩-୧୨)

୪୩ ଜିସୁ ଆକେନ୍ ସାମୁଆଁ ବାସଙ୍ଗ ଡିଙ୍ଗନେ ବେଲା ଜିଉଦା ପିଙ୍ଗଟାକେ । ମେଁ ଗମ୍ବାର ରେମୁଆଁ ପ୍ରେରିଡ଼ିକ୍ ବାନ୍ ମୁଇଂଜା ଲେଖକେ । ମେଁ ଏତେ ମାଲେ ରେମୁଆଁ ଲେଖକେ । ଆତେନ୍ ରେମୁଆଁକେ ମ୍ବା ପୁଜାରି, ଦର୍ମସାସ୍ତି ଆରି ଡକ୍ତା ଜିଉଦି ନେତାକ୍ ବେବଆଗେ । ଜିଉଦା ଆରି ଆତେନ୍ ରେମୁଆଁକ୍ ଡିନିଆ କାଣ୍ଡା ଆରି ଟେଙ୍ଗ୍ ସାଃ ଲେଖଆରକେ ।

୪୪ ବିରଦ୍ ରେମୁଆଁକେ ଆସା ବିଷନ୍ସା ଜିହୁଦା ଆମେଇଂକେ ମୁଇଙ୍ଗ୍ ଚିନା ବିଷନ୍ସା ଟିକ୍ ଆଡିଙ୍ଗ୍ ବଗେ । ମେଁ ଆମେଇଂକେ ବାସଙ୍ଗବଗେ, “ମୁଡ଼ି ରେମୁଆଁକେ ନେଙ୍ଗ୍ ମ୍ବୁମ୍ବୁଗ୍ ଆମେକେ ଆଃ ଯେ ତୁର ଯେଡିଙ୍ଗକେ । ଆମେକେ ଯେ ଯେସାଃଏ । ଯେ ଆମେକେ କଏଦ୍ ଯେରାଡିଙ୍ଗଏ ଆରି ଜାଗ୍ରଡ୍ ରେ ସ୍ତୁ ଡୁଙ୍ଗ୍ ଯେଝେଏ ।”

୪୫ ଦାପ୍ତେ ଜିଉଦା ଜିସୁନେ ଡାଗ୍ରା ଝେରେ ବାସଙ୍ଗକେ, “ଗୁରୁ ।” ଇଡିଙ୍ଗ୍ ଜିଉଦା ଜିସୁକେ ବୈନ୍ତା ବିକେ ।

୪୬ ଆକେନ୍ ବେଲା ରେମୁଆଁକ୍ ଜିସୁକେ ସାତେ ଗାଗ୍ ଆରକେ ।

୪୭ ଜିସୁ ଡାଗ୍ରା ତୁଆଁ ଲେଖକ୍ ମୁଇଂଜା ସିସ୍ ମେଁନେ କାଣ୍ଡା ଆଡାରରେ ମ୍ବା ପୁଜାରିନେ ମୁଇଂ ଗତିରେକେ ସି । ଆତେନ୍ ଗତିରେନେ ନ୍ଲୁଗ୍ ଟିକ୍ ଟିଝେଗେ ।

୪୮ ଜିସୁ ଆତେନ୍ ରେମୁଆଁକେ ବାସଙ୍ଗକେ, “ନେଙ୍ଗ୍ ମେଁନେ ମୁଇଙ୍ଗ୍ ଦସିଣ୍ଡେ ଜେ ଯେଇଙ୍ଗ୍ କାଣ୍ଡା ଆରି ଟେଙ୍ଗ୍ ଡୁଂପାଙ୍ଗ୍ରେ ଆନେଙ୍ଗ୍ ସାହାନ୍ସା ପାଙ୍ଗ୍ ଯେଲେ ?

୪୯ ଦିନକେ ମନ୍ଦିରନ୍ଦିଆ ସିକ୍ୟା ବିଷନେ ବେଲା ନେଙ୍ଗ୍ ଯେଏଃତେ ଲେଖଣ୍ଡିଂଗେ । ମାଡର୍ ଆତେନ୍ ବେଲା ଯେ ଆନେଙ୍ଗ୍କେ ଯେଗାଗକେ । ମାଡର୍ ସାସ୍ତର୍ ଡିରକମ୍ ଗୁଆରବକେ ଆତେନ୍ ଦେଡ୍ ରକମ୍ ଗଟେଡିଙ୍ଗେ ।”

୫୦ ଇଡିଙ୍ଗ୍ ଜିସୁକେ ସିସ୍ ଇଂ ଆନ୍ତାରରେ ତଥାରଗେ ।

୫୧ ମୁଇଂ ଜିରେ ଜିସୁନେ ସ୍ତା ଝେଡିଙ୍ଗେ । ମେଁ ଡିଲାଡିଗ୍ ଇକ୍ତୁଡା ଡାଆଁନେ ସୁଡା ପାଟାଇ ଗ୍ଲାଲେଗ୍ ଲେଖକେ । ଆତେନ୍ ରେମୁଆଁକ୍ ଜିରବଏକେ ସାଃନ୍ସା ଉପାୟ ଡିଙ୍ଗ୍ ଆକେ ।

୫୨ ମେଁ ପାଟାଇ ତବିରେ ଆରି ଲାଙ୍ଗ୍ଲା ଡିଙ୍ଗ୍ରେ ଡଗେ ।

ଜିଉଦି ନେତାଣେ ସେନୁଗ୍ ଜିସୁନେ ବିଚାର ।
 (ମାତିଉ ୨୬:୫୭-୬୮; ଲୁକ୍ ୨୨:୫୪-୫୫, ୬୩-୬୧; ଜହନ୍ ୧୮:୧୩-
 ୧୪, ୧୯-୨୪)

୫୩ ଆତେନ୍ ରେମୁଆଁଇଂ ଜିସୁକେ ମ୍ଲ ପୁଜାରିନେ ଡାଗ୍ରା
 ତୁଂଝେଆରକେ । ସାପାରେ ମ୍ଲଃ ପୁଜାରି ଦର୍ମ ନେତାଇଂ ଦର୍ମସାସ୍ତିଇଂ
 ସାପାରେ ପାଙ୍ଗ୍ରେ ମୁଇଂନ୍ନିଆ ରିସିଙ୍ଗ୍ ଆରକେ ।

୫୪ ପିତର୍ ଜିସୁନେ ବାନ୍ ସ୍ଲ ଲେଃଚେ ମେଁନେ ପ୍ଲା ପାଙ୍ଗ୍ରେ ମ୍ଲ
 ପୁଜାରିନେ ତୁଆନେ ବାଜାର୍ ଅରିଆ ପିଙ୍ଗ୍ଚାକେ । ମେଁ ଆଡ୍ ଅରିଆ
 ଉର୍ଝେଏତେ କ ଲେଃଚେ ସୁଆନ୍ନିଆ ନିଂଃ ଡିଙ୍ଗ୍ରେ ।

୫୫ ମ୍ଲ ପୁଜାରି ଆରି ଜିଉଦିଇଂ ସାପାରେ ମ୍ଲ କୁକପାର୍ ନିଆ ଜିସୁକେ
 ଗୁଏନେଦଣ୍ଡ୍ ବିଃନ୍ସା ମେଇଂନେ ବିରଦ୍ରେ ମେଃଡିଗ୍ ବୁଲ୍ ପରମାନ୍
 ବାନ୍ସା ଚେସ୍ଚା ଡିଂଆରକେ ତେଲା ମେଇଙ୍ଗ୍ ଗୁଏନେ ଡଣ୍ଡ୍ ବିନ୍ସା
 ମେଃଡିଗ୍ ସାକି ଆବା ଆରକେ ଶ୍ଟୁ ।

୫୬ ଜାବର୍ ରେମୁଆଁ ପାଙ୍ଗ୍ରେ ଜିସୁନେ ବିରଦ୍ରେ ମିର୍ ସାକି
 ବିଃଆରକେ । ମାତର୍ ମେଙ୍ଗ୍ ସାପାରେ ବାନ୍ ସାକି ଆମିଲେକେ ଶ୍ଟୁ ।

୫୭ ଇଡିଙ୍ଗ୍ ଉଡିରୁଆ ରେମୁଆଁ ତୁଆଁ ଆରକେ ଆରି ଜିସୁନେ
 ବିରଦ୍ରେ ଆକେନ୍ ମିର୍ ସାକି ବିଚେ ବାସଙ୍ଗ୍ଆରକେ,

୫୮ ☆“ନେ ଜିସୁକେ ଆକେନ୍ ସାମୁଆଁ ବାସଙ୍ଗ୍ଡିଂକ୍ଲେ ନେଅଁକେ
 ରେମୁଆଁ ଆଃରେବକ୍ଲେ ଆକେନ୍ ମନ୍ଦିର୍କେ ନେଙ୍ଗ୍ ପାକ୍ତି ମିଏ ଆରି
 ଜିସି ବିତ୍ରେ ଆରି ମୁଇଙ୍ଗ୍ ମନ୍ଦିର୍ ଆରେ ମିଏ ଆଣ୍ଡିନେ କି ରେମୁଆଁ
 ତ୍ରିରେ ଆରେ ଆବଆର୍ ଶ୍ଟୁ ।”

୫୯ ଡିଲାଡିଗ୍ ଆକେନ୍ ରେମୁଆଁଇଙ୍ଗ୍ ମେଃ ସାପା ବାସଙ୍ଗ୍ଡିଂକେ,
 ଆତେନ୍ ସାମୁଆଁ ଜା ଏତେ ଡିଗ୍ କୁଡେ ଆଡିଙ୍ଗ୍କେ ଶ୍ଟୁ ।

୬୦ ଇଡିଙ୍ଗ୍ ସାପାରେନେ ବାନ୍ ସେନୁଗ୍ ମ୍ଲ ପୁଜାରି ତୁଆଁକେ ।
 ମେଁ ଜିସୁକେ ବାସଙ୍ଗ୍କେ, “ଆକେନ୍ ରେମୁଆଁଇଂ ନାନେ ବିରଦ୍ରେ
 ଆକ୍ମେଇଂ ଗୁଲେ ସାମୁଆଁ ବାସଙ୍ଗ୍କେ । ନାନେ ବିରଦ୍ରେ ଉଡିଙ୍ଗ୍
 ଦସ୍ ତୁଂପାଙ୍ଗ୍କେ ଆତେନ୍ ବିସୟ୍ରେ ନାନେ ମେଁ ଡିଗ୍ ବାସଙ୍ଗ୍ନେ
 ଲେକ୍ଲେ ?”

୭୧ ମାତର ଜିସୁ ବୁଝି ଲେଖିଲେ । ମୋଁ ମୋଠିର ଉତର ଆବିକେ ଶୁଣୁ । ମା ପୁଜାରି ଜିସୁକେ ଆରି ମୁଇଙ୍ଗ ପ୍ରସନ୍ ସାଲିଆକୁକେ, “ନା ମୋଠେ ପ୍ରସଂସା ବାଡ଼ିଂକ୍ଲେ ପରମୋସରନେ ଉଇଁଡେ କିସ୍ତ ?”

୭୨ ଜିସୁ ଉତର ବିକେ, “ଅଃଅଁ ନେଙ୍ଗ ପରମୋସରନେ ଉଇଁଡେ ଆରି ଯେ ନେଙ୍ଗ ଜେ’ ରେମୁଆଁ ଉଇଁଡେକେ ଆତେନ୍ ଜବର୍ ବପୁ ଆଡ଼ିଙ୍ଗରେ ଖୁଞ୍ଚି ପାକା କଲେଃକ୍ଲେ ଯେକେଏ ଆରି କିତଙ୍ଗ ଇନିନେ ତ୍ରିଗତ୍ୟା ଅରିଆ ପାଙ୍ଗଡ଼ିଂକ୍ଲେ ଯେକେଏ ।”

୭୩ ମ୍ଲ୍ୟାଜକ ଆକେନ୍ ସାମୁଆଁ ଅଁତେ ଜାବର୍ ରିସାଡ଼ିଙ୍ଗେ । ମୋଁ ରିସାରେ ନିଜେନେ ସକା ସ୍ୟା ବିରେ ସାପାରେକେ ବାସଙ୍ଗକେ, “ନେଁନେ ସାକି ଆରି ମୋଁ ଦରକାର ?

୭୪ ମୋଁ ଇସପରକେ ନିୟା ଆଡ଼ିଂଡିକେ ଯେଇଁ ଅଁପେଲେକେ । ଯେଇଁନେ ଇକରା ମୋଁନେ ?” ମୋଇଁ ମୋଁନେ ବିରଦ୍ରେ ଇକରା ଡ଼ିଙ୍ଗରେ ବାସଙ୍ଗଆରକେ ଜେ’ ମୋଁ ଦସି ଆରି ଗୁଏନେ ଡ଼ିଶ୍ ବିନେ ଦରକାର ।

୭୫ ଆଡ଼ ଅରିଆ ଲେଃକ୍ଲେ ଉଡ଼ି ରେମୁଆଁ ପାଙ୍ଗରେ ଜିସୁନେ ଆଡ଼ାତ୍ରା ବିଃଡୁର ବିକେ । ଉଡ଼ିରୁଆ ଜିସୁକେ ସାରମୁଆଁ ଡାତେ ବଗଆରକେ ଆରି ଉଡ଼ିରୁଆ ଇଙ୍ଗରେ ବାସଙ୍ଗଆରକେ, “ଏକ୍ଲେ ନା ଆନେକେ ଆଃସୁଏବି ନାବଗେ ନା ମୁଇଙ୍ଗ ବାବବାଦି ରେମୁଆଁ ।” ଇଡ଼ିଙ୍ଗ ଉରଣ୍ଡେ ଆମେକେ ତୁଂଝେତେ ବଗଆକେ ।

ପିତର ଜିସୁକେ ମ୍ୟାଲେକ୍ଲେ ସାମୁଆଁ ଆମ୍ୟାକେ ।

(ମାଡ଼ିଉ ୨୭:୨୯-୩୫; ଲୁକ୍ ୨୨:୫୭-୬୨; ଜହନ୍ ୧୮:୧୫-୧୮, ୨୫-୨୭)

୭୬ ଆତେନ୍ ବେଲା ପିତର ବାଜାର ଲେଃକ୍ଲେ । ପିତର ତାଗ୍ରା ମ୍ଲ୍ୟା ପୁଜାରିଇଁନେ ମୁଇଙ୍ଗ ଚାକରବଏଃ ପାଙ୍ଗକେ ।

୭୭ ମୋଁ ପିତରକେ ସୁଆଡାଗ୍ରା ନିଂଃ ଡ଼ିଙ୍ଗକ୍ଲେ କେକେ । ମୋଁ ପିତରକେ ନିମାଣ୍ଡା କେକେ ଇଡ଼ିଙ୍ଗ ଆମେକେ ସାମୁଆଁତେ ବାସଙ୍ଗକେ, “ନାଁ ତିଗ୍ ନାଜରିତାୟ ଜିସୁ ଏତେ ନାଲେଗେ ।”

୭୮ ପିତର ମାତର ବାଃଲିରକେ, ଜେ ନେଙ୍ଗ ଅଃନାଡ଼ିଗ୍ ଜିସୁ ଏତେ ନାଲେଗେ ଶୁଣୁ । ମୋଁ ବାସଙ୍ଗକେ, ଜେ’ “ଯେ ଜାନେ ସାମୁଆଁ

ବାସଙ୍ଗପେଡ଼ିଂକେ ଆତେନ୍ ନା ମ୍ୟାକେ ଶ୍ରୁ ଚୁଲଃ ବୁଜେ ନାୟାକେ ।”
ଇଡ଼ିଙ୍ଗ ପିତର ଆତେନ୍ ଜାଗା ଆନ୍ତାରତେ ବାଜାର ବାଏରେ ପାକା
ତାରଝେଗେ ।

୭୯ ଚାକରବଏଃ ମୁଇଙ୍ଗ ଆରି ପିତରକେ କେଚେ ଆଡ଼ତାଗ୍ରା
ତୁଆଁଲେଃକେ ରେମୁଆଁକେ ବାସଙ୍ଗନେ ଲାଗେକେ ଜେ “ଆକେନ୍
ରେମୁଆଁ ମୁଇଙ୍ଗ ମେଇଂନେ ବିତ୍ରେବାନ୍ ମୁଇଂଜା ।”

୮୦ ଆରି ମୁଇଙ୍ଗ ତର ପିତର ବାଲିରକେ ଜେ “ଆକେନ୍ ସାମୁଆଁ
ସଡ଼ ଶ୍ରୁ । ଉଡ଼ିବେଲା ଆଡ଼ତାଗ୍ରା ତୁଆଁଲେଃକେ ରେମୁଆଁକେ
ପିତରକେ ସାଲିଆକୁ ଆରକେ ଡିଲାଡିଗ୍ ନା ମେଇଙ୍ଗ ବାନ୍ ମୁଇଂଜା
। ମାତର ନା ଡିଗ୍ ଗାଲିଲାବାନ୍ ପାଙ୍ଗନାଲେକେ ।”

୮୧ ଇଡ଼ିଙ୍ଗ ପିତର ଅବିସାପ୍ ବିନେ ଲାଗେକେ । ମେଁ ବୁଟଚେ
ବାଲିରକେ, “ନେଙ୍ଗ ପରମେସରନେ ମ୍ନିରେ ପାରମାନ୍ ଡିଙ୍ଗଚେ
ବାସଙ୍ଗଡ଼ିଙ୍ଗକେ ଜେ” ପେ ସାପାରେ ମୁଡ଼ି ରେମୁଆଁ ବିସୟରେ
ବାସଙ୍ଗପେଡ଼ିଂକେ, ନେଙ୍ଗ ଆମେକେ ବିଲ୍‌କୁଲ୍ ନ୍ନାମ୍ୟାକେ ଶ୍ରୁ ।”

୮୨ ଆତେନ୍ ଦାପ୍ରେ ମ୍ନାରତର ଗିସେଙ୍ଗ ସକେ ବାରି ପିତରକେ
ମନେ ପଡ଼େକେ; ଜିସୁ ବାସଙ୍ଗବଗେ, “ଗିସେଙ୍ଗ ମ୍ନାରତର ସକେ
ଇଡ଼ିଙ୍ଗ ନାଁ ଆନେଙ୍ଗ ଝିତର ନାମ୍ୟାକେ ତାଗ୍‌ଚେ ନାବାସଙ୍ଗଏ ।” ବାରି
ମେଁ ଦୁକ୍ତିଂଚେ ଗିଆସଚେ ଅଃକେ ।

୧୫

ସାସନ୍ ଡିଙ୍ଗ୍‌ଶ୍ରେ ଇଃସାଙ୍ଗ ପୀଲାତ ଜିସୁକେ ପ୍ରସନ୍ ସାଲିଆକୁକେ
(ମାଡ଼ିଉ ୨୭:୧-୨; ୧୧:୧୪; ଲୁକ୍ ୨୩:୧-୫; ଜହନ୍ ୧୮:୨୮-୩୮)

୧ ତାରାଃକେ ଦାପ୍‌ଡେ ମ୍ନା ପୁଜାରି ଦର୍ମ ନେତାଇଂ ଜିଉଦି
ନେତାଇଙ୍ଗ ଆରି ଦରମ୍‌ଶ୍ରେ ସାପାରେ ଜିଉଦି ମ୍ନା କୁକପାରନ୍ନିଆ
ଜିସୁନେ ଆଡ଼ାତ୍ରା ମେଁ ବିଚାର ଡିଙ୍ଗ୍‌ଆରକେ ଆତେନ୍ ଏତେକେ ।
ମେଇଙ୍ଗ ଜିସୁକେ ଗାଗ୍‌ଚେ ସାସନ୍ ଡିଂଶ୍ରେ ପିଲାତ ତାଗ୍ରା ତୁଂଝେଗେ
ଆରି ମେଁନେ ଡିନ୍ନିଆ ଆସା ବିଃଆରକେ ।

୨ ପିଲାତ ଜିସୁକେ ସାଲିଆକୁକେ, “ନା ମେଁନେ ଯାହୁଦୀଇଂନେ
ଇଃସାଙ୍ଗ ?” ଜିସୁ ଉତର ବିକେ, “ନା ମେଁ ନାବାସଙ୍ଗକେ ଆତେନ୍
ସଡ଼ ।”

୩ ମ୍ମା ପୁଜାରିଇଂ ଗୁଲୁଏ ସାମୁଆଁନିଆ ଜିସୁକେ ଦସ୍ ସାଡ଼ିଙ୍ଗ୍ ଆକେ ।
 ୪ ପିଲାତ ଆରି ମୁଇଙ୍ଗ୍ ତର ଜିସୁକେ ସାଲ୍ୟାଃକୁକେ, “ନାଁନେ ମେଁ
 ତିଗ୍ ଦସ୍ ଶୁ? କେଲା ମେଇଙ୍ଗ୍ ଆଁନାକେ ଗୁଲେ ସାମୁଆଁନିଆ
 ଦସିଆଡ଼ିଙ୍ଗ୍ ଆରଡ଼ିଂକେ ।”

* ତେଲାଡ଼ିଗ୍ ଜିସୁ ମେଃଡ଼ିଗ୍ ଉତର ଆବିକେ ଶୁ । ତେଲା ପିଲାତ
 ଜବର ଇରିଆଃଡ଼ୁଗ୍ ତିଙ୍ଗ୍ ଖେଗେ ।

ପିଲାତ ଜିସୁକେ ବାଗୁଏଃ ନସା ବିକେ

(ମାଡ଼ିଡ଼ ୨୭:୧୫-୨୬; ଲୁକ୍ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୬ ସାପା ମୁଆଁ ନିସ୍ତାର ପାଣ୍ଡୁସୁ ବେଲା ସାସନ୍ ତିଂଶ୍ଟେ ମୁଇଂଜା
 ବନ୍ଦିକେ ବନ୍ଦି ତୁଆବାନ୍ ଆନ୍ତାର ମ୍ୟାଆରକେ ଆଣ୍ଡିନେ ବନ୍ଦିକେ
 ଆନ୍ତାରନେସା ରେମୁଆଁଇଂ ଇକ୍ତା ତିଙ୍ଗ୍ଏ ତେଲା ଆତେନ୍
 ବନ୍ଦିରେକେ ସାସନ୍ ତିଙ୍ଗ୍ଶ୍ଟେ ଆନ୍ତାରବିଏ ।

୭ ଆତେନ୍ ବେଲା ବନ୍ଦି ତୁଆବାନ୍ ବାରବ୍ବା ମିକ୍ସେ ମୁଇଂ ରେମୁଆଁ
 ବିରଦିଇଂଏତେ ବନ୍ଦି ତିଂଲାଏଗେ । ଆକେନ୍ ବିରଦିଇଂ ମୁଇଙ୍ଗ୍
 ସରକାରନେ ବିରଦରେ ମୁଇଙ୍ଗ୍ ଦସ୍ଡ଼ିଂତେ ବନ୍ଦି ତିଙ୍ଗ୍ଲେଃଆରଗେ
 ।

୮ ରେମୁଆଁଇଂ ପିଲାତ ତାଗ୍ରା ପାଙ୍ଗ୍ ଆରକେ ଆରି ଆମେକେ
 ବାସଙ୍ଗ୍ ଆରକେ ଜେ କାଲାଆଃ ସାପା ବରସ୍ ରକମ୍ ଏନ୍ ପାରେ ତିଗ୍
 ମେଇଂନସା ମୁଇଂ ବନ୍ଦିକେ ଆତାରବିଡ଼ିଂଗେ ।

୯ ପିଲାତ ରେମୁଆଁଇଂକେ ସାଲିଆକୁକେ, “ପେ ସାପାରେ ମେଁ କେ
 ପେଡ଼ିଂକେ ଜେ ନେଙ୍ଗ୍ ପେ ସାପାରେନସା ଜିଉଦିଇଂନେ ଇଃସାଙ୍ଗ୍ କେ
 ଆନ୍ତାରମିଏ ?”

୧୦ ପିଲାତ ଆକେନ୍ ସାମୁଆଁ ବାସଙ୍ଗ୍ ନେ ମେଃନସା ତାଗ୍ଲା ମେଁ
 ମ୍ୟାଲେକେ ଜେ ମ୍ମାନେ ପୁଜାରିଇଂ ଆଂକାର ତିଙ୍ଗ୍ତେ ଜିସୁକେ ମେଁନେ
 ତ୍ରି ନିଆ ସର୍ପେବିଃ ଆରକେ ।

୧୧ ମାତର ମ୍ମା ପୁଜାରିଇଂ ରେମୁଆଁଇଂକେ ବାସଙ୍ଗ୍ ଜେ ମେଇଙ୍ଗ୍
 ପିଲାତକେ ବାସଙ୍ଗ୍ଲେ ବାରବ୍ବାକେ ଆନ୍ତାରବିଲେ ମାତର
 ଜିସୁକେ ଶୁ ।

୧୨ ପିଲାତ ରେମୁଆଁଙ୍କେ ଆରି ମୁଇଂତର୍ ସାଲ୍ୟାଃକୁକେ, “ପେ ଆଜାକେ ଜିଉଦିଇଂନେ ଇଃସାଙ୍ଗ୍ ଡାଗ୍ରେ ବାସଙ୍ଗ୍ପେଡିଂ ନେଙ୍ଗ୍ ମେଁ ଆଡାଡ୍ରା ମେଁ ଡିଙ୍ଗ୍ନସା ପେ ଚାଏଁପେଡିଂକେ ?”

୧୩ ରେମୁଆଁଙ୍କ କିରତେ ବାସଙ୍ଗ୍ଆରକେ, “ଜିସୁକେ କୁରୁସ୍ନିଆ ଆଡେତେ ବାଗୁଏପା ।”

୧୪ ପିଲାତ ସାଲ୍ୟାଃକୁକେ ମେଃନସା ? ମେଁ ଦେକ୍‌ରକମ୍ ମେଁନେ ଦସ୍ ତିଂବକେ ? ମାତର୍ ରେମୁଆଁଙ୍କ ମାଲେ କିରତେ ବାସଙ୍ଗ୍ଆରକେ, “ଆମେକେ କୁରୁସ୍ନିଆ ଆଡେପା ।”

୧୫ ପିଲାତ ରେମୁଆଁଙ୍କେ ସାର୍ଦା ଆଡିଙ୍ଗ୍ନସା ଇକ୍‌ଟା ଡିଙ୍ଗ୍‌କେ ତେଲା ମେଁ ମେଇଂନସା ବାରବ୍‌ବାକେ ଆଡ୍ରାବିକେ ଆରି ଜିସୁକେ କରଡା ଏତେ ବଗ୍‌ନସା ସନ୍ୟଇଙ୍ଗ୍‌କେ ବାସଙ୍ଗ୍‌ବିକେ । ଇଡିଙ୍ଗ୍ ମେଁ ଜିସୁକେ କୁରୁସ୍ନିଆ ଆଡେତେ ବାଗୁଏଃ ବିଃନସା ଆମେକେ ସନ୍ୟଇଙ୍ଗ୍ ଡିନିଆ ବିଃ ଜଗ୍‌ଲ୍ଲାଗ୍‌କେ ।

ସନ୍ୟଇଙ୍ଗ୍ ଜିସୁକେ ଆଗ୍ୟାସ ବିଆରକେ (ମାଡିଉ ୨୭:୨୭-୩୧; ଜହନ୍ ୧୯:୨-୩)

୧୬ ସନ୍ୟଇଙ୍ଗ୍ ଜିସୁକେ ପିଲାତନେ ତୁଆ ବିଡ୍ରେ ତୁଂଖେଗେ । ମେଇଙ୍ଗ୍ ବିନ୍ ସନ୍ୟଇଂକେ ମୁଇଂନିଆ ଝାଆରକେ ।

୧୭ ସନ୍ୟଇଙ୍ଗ୍ ଜିସୁକେ କଡେଆଁ ରକମ୍ ନାକ୍ସେ ପାଟାଇ ଆସାଃଆରକେ ଆରକେ । ମେଇଙ୍ଗ୍ ମୁଇଂ ଗ୍ରେଃନେ ସାଜ ଆଃରେତେ ମେଁନେ ବାଆଃନିଆ ଆସଃବି ଆରକେ ।

୧୮ ଏ ଯିହୁଦିଇଂନେ ଇସାଙ୍ଗ୍ ଆନାକେ “ନମସ୍‌ବାର୍, ତେକ୍ ରକମ୍ ବାସଙ୍ଗ୍‌ରେ ମେଇଙ୍ଗ୍ ଲୁଆ ଆରକେ ।

୧୯ ସନ୍ୟଇଙ୍ଗ୍ ଜିସୁନେ ବାଆଃନିଆ ତୁଡୁ ଏତେ ବଗ୍‌ଆର୍କେ । ମେଁ ଆଡାଡ୍ରା ବିଃଡୁର୍ ବିଆରକେ । ଏଃଲ୍ୟାତେ ଆରି ତେଙ୍ଗ୍‌ରେ ଆମେକେ ସାର୍ଲ ଆରକେ ।

୨୦ ଇଙ୍ଗ୍‌ରେ ଆଃଡାତେ ମେଇଙ୍ଗ୍ ଜିସୁନେ ଗାଗ୍‌ଡେବାନ୍ କଃଡେଆଁ ରକମ୍ ପାଟାଇ ତବିତେ ଆରି ଆମେକେ ମେଁନେ ନିଜର୍ ସକା ଆସାଃଆରକେ । ଇଡିଙ୍ଗ୍ ମେଇଙ୍ଗ୍ ଜିସୁକେ କୁରୁସ୍ନିଆ ଆଡେତେ ବାଗୁଏଃ ନସା ତୁଆ ବାଏରେ ତୁଂଖେଏ ଆରକେ ।

କୁରୁସ୍ ଆଡ଼ାଡ଼ା ଜିସୁକେ ବାଗୁଏଃଆରକେ

(ମାତିଉ ୨୭:୩୨-୪୪; ଲୁକ୍ ୨୩:୨୭-୪୩; ଜହନ୍ ୧୯:୧୭-୨୭)

୨୧ ଆତେନ୍ ବେଲା ମୁଇଂଜା କୁରୁଣୀ ରେମୁଆଁ ଶିମୋନ୍ ତାଆଁ
ଇନିବାନ୍ ପାଙ୍କାଟେ ଆନ୍ତପାକା ଝେଡ଼ିଙ୍ଗେ । ମେଁ ଆଲେକ୍‌ଜାଣ୍ଡାର୍
ନେ ଆରି ରୁଫସ୍‌ନେ ଆବାଡ଼େ ଲେଃଗେ । ସନ୍‌ୟଇଙ୍ଗ୍ ଜିସୁନ୍‌ସା
କୁରୁସ୍ ତୁଙ୍ଗ୍‌ଝେନ୍‌ସା ଆମେକେ ଜବରଜସ୍ତି ତିଙ୍ଗ୍‌ଆକେ ।

୨୨ ଇଡ଼ିଙ୍ଗ୍ ଜିସୁକେ ଗଲ୍‌ଗଥା ମୁକ୍ତେ ଚାନ୍‌ଅରିଆ ତୁଂଝେଆରକେ ।
ଗଲ୍‌ଗଥା ଅରତ ତିଙ୍ଗ୍‌ତିଙ୍ଗେ କାପାଲ୍ ଜାଗା

୨୩ ଆଡ଼ଅରିଆ ମେଇଂ ଜିସୁକେ ବାସ୍ମାରସ୍ ମିସେକ୍‌ ଅଙ୍ଗୁର ରସ୍
ଉଗ୍‌ନେସା ବିଆରକେ । ମାତର ଜିସୁ ଆତେନ୍ ଆଉଗ୍‌କେ ଶୁ ।

୨୪ ଏନ୍ ଇଡ଼ିଙ୍ଗ୍ ମେଇଂ ଜିସୁକେ କୁରୁସ୍ ଅରିଆ କୁଟି ତାଟେ
ଆଃଗୁଏଃଆରକେ ବାରି ଲେଟ୍‌ରିକ୍ ପ୍ଲାଗ୍‌ଟେ ମେଁନେ ପାଟାଲ୍ ସାପା
ନିଜର୍ ନିଜର୍ ବିତ୍ତେ ବାଟା ଆରକେ ।

୨୫ ଜିସୁକେ କୁରୁସ୍‌ନିଆ କୁଟି ତାଃନେ ବେଲା ଝିର୍ ନ'ଟା
ତିଙ୍ଗ୍‌ଲେଗେ ।

୨୬ ଜିସୁକେ ଆଂକାର୍‌ତିଂଶ୍ଟେରେ ମୁଇଙ୍ଗ୍ ଦାବି ଉଲିଆଃ ଆଡ଼ାଡ଼ା
ଗୁଆର୍ ବଆରକେ, “ଏ ଜିଉଦିଂନେ ଇଃସାଙ୍ଗ୍ ଜିସୁ ।”

୨୭ ଜିସୁ ଏତେ ଆରି ମ୍ବାୟା ତଙ୍ଗାରେକେ ତିଗ୍ ମେଇଙ୍ଗ୍ କୁରୁସ୍
ଆଡ଼ାଡ଼ା ଆଡ଼େଆରକେ । ମୁଇଙ୍ଗ୍‌ଜାକେ ମେଁଇଙ୍ଗ୍‌ନେ ବେସାଃ ପାକା
ଆରି ମୁଇଙ୍ଗ୍‌ଜାକେ ଞଙ୍ଗ୍‌ତି ପାକା କୁରୁସ୍ ଅରିଆ ଆଗୁଏଆରକେ ।

୨୮ ଆଡ଼ଅରିଆ ଦରମ୍ ସାସ୍ତୁରନେ ଆକେନ୍ ସାମୁଆଁ ସମାନ୍
ତିଙ୍ଗ୍‌କେ * ମେଁ ଅଧର୍‌ଇଂନେଏତେ ଇସାବ୍ ତିଙ୍ଗ୍‌କେ ।

୨୯ ଆନ୍ତ୍ ପାକା ଝେଡ଼ିଙ୍ଗ୍‌କ୍ରେ ରେମୁଆଁଇଂ ବାଆଃ ଆଝେଟେ
ଅପ୍‌ମାନ୍ ବିଟେ ବାସଙ୍ଗ୍‌ଆରକେ, “ଆଁ, ମାନ୍‌ିରକେ ପାକ୍‌ତିଟେ ଜିରିସି
ଦିନା ବିତ୍ତେ ବାରି ଆରେଶ୍ଟ୍ ।

୩୦ ଏବେ କୁରୁସ୍‌ବାନ୍ ଜାର୍‌ଟେ ନିଜେକେ ରକ୍ୟା ତିଙ୍ଗ୍ ।”

୩୧ ମ୍ବା ପୁଜାରି ଆରି ଦରମ୍‌ଶ୍ଟେଇଂ ତିଗ୍ ଆଡ଼ଅରିଆ ରିସିଙ୍ଗ୍
ଲେଃଆରକେ । ବିନ୍ ରେମୁଆଁଇଂ ଜିସୁକେ ତିରକମ୍ ଇଙ୍ଗ୍‌ଟେ

* ୧୫:୨୮ ଉଡ଼ି ବାଝିରକ୍ରେ ଗୁଆର୍‌ବକ୍ରେ ଆକେନ୍ ସାମୁଆଁ ଗୁଆର୍ ବକେ ଶୁ ।

ଡିଙ୍ଗିଆରଗେ ମେଇଙ୍ଗ ଡିଗ୍ ଦେଡ଼ରକମ୍ ଜିସୁକେ ଇଙ୍ଗିରେ ଡିଙ୍ଗିଆରଗେ । ମେଇଙ୍ଗ ବାଲିରବାତା ଡିଙ୍ଗି ଆରଗେ, “ମେଁ ବିନ୍‌ରେକେ ରକ୍ୟା ଡିଙ୍ଗିଡିଙ୍ଗିଗେ ମାତର୍ ଏବେ ମେଁ ନିଜକେ ରକ୍ୟା ଡିଙ୍ଗି ଆୟାକେ ଶୁ ।

୩୨ ତାଗ୍ଲା ସତେଆ ମେଁ କିସିଟ ଇଶ୍ଟାୟେଲନେ ଇଃସାଙ୍ଗ୍ ତେଲା ଜିଆ ଆତେନ୍ କୁରୁସ୍ ଆଡ଼ାତ୍ରା ବାନ୍ ବୁନ୍ଦେ ଜାର ପାଙ୍ଗଲେଃ । ନିଜେକେ ରକ୍ୟା ଡିଙ୍ଗି ଲେଃ । ତେଲା ନେ ସାପାରେ ଆତେନ୍ ନେକେଏ ଆରି ଆମେକେ ସଡ଼ ନେମାନେଃଏ । ମୁଃଡ଼ି ରେମୁଆଁକେ ଜିସୁଏତେ କୁରୁସ୍ ଅରିଆ ବାଗୁଏଃ ଆରକେ ମେଇଙ୍ଗ ଡିଙ୍ଗି ଜିସୁକେ ଇଙ୍ଗିରେ ଆରିକେ ।”

ଜିସୁ ଗୁଏଗେ ।

(ମାତିଡ ୨୭:୪୫-୫୬; ଲୁକ୍ ୨୩:୪୪-୪୯; ଜହନ୍ ୧୯:୨୮-୩୦)

୩୩ ସ୍ଥି ମୁଣ୍ଡେବେଲା ସାପା ଇନି ଆଡ଼ାତ୍ରା ତାକିଗ୍ ତୁଂପାଙ୍ଗକେ । ଆକେନ୍ ତାକିଗ୍ ଞ୍ଜି ଗଣ୍ଟା ଜାକ ଲେଃଗେ ।

୩୪ ଆତେନ୍ ବେଲା ଜିସୁ ଜବର୍ କିରତେ ବାସଙ୍ଗକେ, “ଏଲୋହୀ, ଏଲୋହୀ, ଲାମା ଶବକ୍‌ଥାନୀ ।” ଏଲେଡିଗ୍ “ଏ ନେଙ୍ଗ୍‌ନେ ଇସ୍‌ପର୍ ଏ ନେଙ୍ଗ୍‌ନେ ଇସ୍‌ପର୍ ପେ ଆନେଙ୍ଗକେ ମେଁନ୍‌ସା ଆଡ଼ାର ପେବିକେ ?”

୩୫ ଆଡ଼ଅରିଆ ତୁଆଁଲେଃକେ ଉଡ଼ିରୁଆ ଆକେନ୍ ସାମୁଆଁ ଅଁକେ । ମେଇଙ୍ଗ ବାସଙ୍ଗକେ “ଅଁପା ମେଁ ଏଲୀୟକେ ଝାଡ଼ିକେ ।”

୩୬ ଆଡ଼ଅରିଆ ମୁଇଙ୍ଗ୍ ରେମୁଆଁ ଝିର୍ ତୁଂଖେରେ ବିସେକ୍ରେ ରସ୍ ଲାଃବଙ୍ଗକେ ମୁଇଙ୍ଗ୍ ପସକା ତୁଙ୍ଗ୍‌ପାଙ୍ଗକେ । ପସକାକେ ମୁଇଙ୍ଗ୍ ତୁଡୁନିଆ ଗାଗକେ । ଜିସୁ ପସକାବାନ୍ ବିସେଃକେ ରସ୍ ଉଗ୍ ତାଗ୍‌ରେ ଆତେନ୍ ତୁଡୁନିଆ ପସକା ଗାଗକେ ତୁଡୁକେ ମେଁନ୍‌ସା ଆଲେ ବିକେ । ରେମୁଆଁ ବାସଙ୍ଗକେ, “ଲାଃଲା ନେକେପା ଏଲୀୟ ଆକ୍‌ମେକେ କୁରୁସ୍ ଆଡ଼ାତ୍ରା ବାନ୍ ବୁନ୍ଦେ ଆଃଜାରନ୍‌ସା ପାଙ୍ଗଡିଙ୍ଗିକେ ଶୁ ନେକେପା ।”

୩୭ ଇଡ଼ିଙ୍ଗି ଜିସୁ ଜବର୍ ସାରତେ ଗୁଏଖେଗେ ।

୩୮ ଜିସୁ ଉଡ଼ିବେଲା ଗୁଏଖେଗେ ଆତେନ୍ ବେଲା ମନ୍ଦିରନେ ପବିତ୍ର ଗାନ୍‌ନିଆ ଲେଃକେ ପାଗାଇ ଆଡ଼ାତ୍ରାବାନ୍ ବୁନ୍ଦେଜାକ ବାର୍‌ବାଗ୍ ଡିଙ୍ଗିରେ ସ୍ୟାଃ ଖେଗେ ।

୩୯ କୁରୁସ୍ ସେନୁଗ୍ ତୁଆଁ ଲେଃକ୍ଲେ ମାଲ୍‌କୁଡ଼ି ସେନାପତିନେ ଆଡ଼ାତ୍ରାଲେକ୍ଲେ ସେନାପତି ଜିସୁ ତିରକମ୍ ଗୁଏକେ ଆତେନ୍ କେକେ । ମେଁ ବାଲିରକେ, “ସତେଆ ଆକେନ୍ ରେମୁଆଁ ଇସ୍‌ପରନେ ଉଙ୍ଗଡେ ।”

୪୦ ଉଡ଼ି ସେଲାମ୍‌ସୁଇଂ କୁରୁସ୍‌ବାନ୍ ଉଡ଼ି ସ୍ତୁ ତୁଆଁରେ କିକେଡ଼ିକେ । ମେଇଙ୍ଗ୍ ବିତ୍ରେ ମଗ୍‌ଦଲାନି ଇନିବାନ୍ ପାଙ୍ଗ୍‌ଲେକ୍ଲେ ମରିୟମ୍ ଗଲୋମୀ ଜାକୁବ୍ ଆରି ଯୋସିନେ ଇୟାଙ୍ଗ୍‌ଡେ ମରିୟମ୍ ଲେଃଗେ । ଜାକୁବ୍ ମରିୟମ୍‌ନେ ତାଆଁ ଗଡେଅ ଲେଃଗେ ।

୪୧ ଆକେନ୍ ସେଲାମ୍‌ସୁଇଙ୍ଗ୍ ଜିସୁ ଗାଲିଲୀନ୍ନିଆ ଲେଃକ୍ଲେବେଲା ମେଁଏଡେ ଲେଃଠଆରଗେ । ମେଇଙ୍ଗ୍ ମେଁନେ ସେବା ତିଙ୍ଗ୍‌ଆରକେ । ବିନ୍‌ନେ ଉଡ଼ି ସେଲାମ୍‌ସୁ ତିଗ୍ ଆଡ଼ଅରିଆ ଲେଃଠଆରଗେ । ମେଇଙ୍ଗ୍ ଜିସୁଏଡେ ଯିରୁଶାଲାମ୍ ପାଙ୍ଗ୍‌ଲେଃଠଆରଗେ ।

ଜିସୁକେ ଆତି ବିଆରଗେ /
(ମାତିଉ ୨୭:୫୭-୬୧; ଲୁକ୍ ୨୩:୫୦-୫୬; ଜହନ୍ ୧୯:୩୮-୪୨)

୪୨ ଲମ୍‌ଡିଗ୍ ତିଙ୍ଗ୍‌ଝେଲେଃଗେ । ଆକେନ୍ ଞ୍ଜି ଦିନାନେ ଆମେଁ ଦିନ୍ ଆରି ପୁଣ୍ଡେନେ ଦିନାନେ ସେନୁଗ୍ ଦିନ୍ ଲେଃଗେ ।

୪୩ ଆରମାଅଆନେ ଜିଉଦି ଯୋସେଫ୍ ମ୍ବା ସବାନେ ମୁଇଂ ସନ୍‌ମାନ୍ ବିଣ୍ଡେ ଲେଃଗେ । ଆରି ମେଁ ପରମେସରନେ ରାଜି ପାଙ୍ଗ୍‌ଲେ ତାଗ୍‌ଡେ ଚାଏଁ ତିଙ୍ଗେ । ମେଁ ସାହାସ୍ ସାଚେ ପିଲାତ ତାଗ୍ରା ଝେଚେ ଜିସୁନେ ମଡ଼ା ସାଲିଆକେ ।

୪୪ ଜିସୁ ଆତେନ୍ ଦାପ୍ରେ ଗୁଏଝେଗେ ତାଗ୍‌ଡେ ଅଁଚେ ପୀଲାତ କାବା ତିଙ୍ଗ୍‌ଝେଗେ । ମେଁ ଜିସୁକେ ଉର୍‌ଲେଃକ୍ଲେ ସଡ଼ ସେନାପତିକେ ଝାକେ । ପିଲାତ ଆମେକେ ଜିସୁ ଗୁଏଗେ ଲେଃ କ୍ଷୀରେ ତାଗ୍‌ଡେ ସାଲିଆକୁକେ ।

୪୫ ସେନାପତି ମୁଇଂଜା ଜିସୁ ଗୁଏଗେ ତାଗ୍‌ଡେ ବାସଙ୍ଗ୍‌କେ । ଇଡ଼ିଙ୍ଗ୍ ପୀଲାତ ଯୋସେଫ୍‌କେ ବାସଙ୍ଗ୍‌କେ, ଜେ ମେଁ ଜିସୁନେ ମଡ଼ା ତୁଙ୍ଗ୍ ଝେୟାଏ ।

୪୬ ଯୋସେଫ୍ ଇକୁଡ଼ା ପାଗାଇ ବିଆରକେ । ଆତେନ୍ ମଡ଼ାକେ କୁରୁସ୍ ଆଡ଼ାତ୍ରାବାନ୍ ବୁନ୍ଦେ ଆଜାରକେ । ଆତେନ୍ ମଡ଼ାକେ ପାଗାଇ ଏଡେ ନିମାଣ୍ଡା ଆକୁଇ ବିଃକେ ଆରି କଣ୍ଡାନେ କୁରୁ ଗଃବକ୍ଲେ

ମୁଇଙ୍କ କୁରୁନ୍ନିଆ ଆମେକେ ବଆରକେ । ମୁଇଙ୍କ ମ୍ମା ବ୍ରି ଆଗୁଣ୍ଡଲେ
ତୁଂପାଙ୍କତେ କୁରୁନେ ସାମ୍ମୁଆଁ ଡାବିଃଗେ ।

୪୭ ମଗଦଲୀନି ମରିୟମ୍ ଆରି ଯୋସିନେ ଇୟାଙ୍କତେ ଜିସୁକେ
ଆଣ୍ଡି ଅରିଆ ବଆରକେ ଆତେନ୍ ଜାଗା କେଆରକେ ।

୧୭

ଜିସୁ ଗୁଏତେ ଆରି ମୁଇଙ୍କ ତର୍ ଜିବନ୍ ପାଙ୍କକେ ।
(ମାତିଉ ୨୮:୧-୮; ଲୁକ୍ ୨୪:୧-୧୨; ଜହନ୍ ୨୦:୧-୧୦)

୧ ପୁଣ୍ଡେନେ ଆରି ମୁଇଙ୍କ ଦିନା ମଗଦଲୀନି ମରିୟମ୍ ଜାକୁବ୍
ଇୟାଙ୍କତେ ମରିୟମ୍ ଆରି ଶଲୋମି ଜିସୁନେ ଗାଗଡ଼େ ତୁରୁନ୍ସା ଉଡ଼ି
ବାସ୍ନାତୁ ତୁଂପାଙ୍କକେ ।

୨ ମୁଇଂ ସାନ୍ତାନେ ପର୍ତୁମ୍ ଦିନା ସ୍ତ୍ରୀ ତେତାରକ୍ଲେ ଇଡ଼ିଙ୍କ୍ ମେଇଙ୍କ୍
ଆତି ବକ୍ଲେ ଅରିଆ ଝେଆରକେ ।

୩ ମେଇଙ୍କ୍ ନିଜର୍ ନିଜର୍ ବିତ୍ରେ ବାଲିର୍ବାତା ଆରକେ, “ଆତି
ବକ୍ଲେ ସାମ୍ମୁଆଁ ନ୍ନିଆ ମୁଇଙ୍କ୍ ମୁନା ବ୍ରି ଏତେ ଡାବିଃବଆରକେ । ବ୍ରିକେ
ନେନ୍ସା ଜା ଆଡ଼ବାନ୍ ଗୁଚେବିଏ ?”

୪ ଇଡ଼ିଙ୍କ୍ ମେଇଙ୍କ୍ ଆନ୍ତ୍ ପାକା କେଆରକେ । ମେଇଙ୍କ୍ କେ
ଆରକେ ଜେ ଆତେନ୍ ମ୍ମାବ୍ରିକେ ଆଡ଼ ବାନ୍ ଗୁଚେ ବକେ ।

୫ ମେଇଙ୍କ୍ ଆତି ବକ୍ଲେ ବିତ୍ରେ ଗାଆରକେ । ଆଡ଼ ଅରିଆ ମେଇଙ୍କ୍
ତୁଲୁଏକ୍ଲେ ପାଟାଲ ସଃଲେକ୍ଲେ ମୁଇଂ ଜିରେକେ କେଆରକେ । ମେଂ
ଆତି ବକ୍ଲେ ବେସ୍ୟା ପାକା କ ଲେଃଗେ । ମେଇଙ୍କ୍ ବୁଟ ଝେଆରଗେ
।

୬ ମାତର୍ ଜିର୍ବଏ ବାସଙ୍କକେ, “ଆର୍ଟଗେପା । ପେ ସାପାରେ
କୁରୁସ୍ ଅରିଆ ଗୁଏକ୍ଲେ ନାଜରିତାୟ ଜିସୁକେ ତୁର୍ପେଡ଼ିଙ୍କକେ । ମେଂ
ଗୁଏତେ ଆରି ମୁଇଙ୍କ୍ ତର୍ ମ୍ମ_ଲେଃକେ । ମେଂ ଆକ୍ଅରିଆ ଶୁ ।
କେଲାପା ମେଇଙ୍କ୍ ଆମେକେ ଆକେନ୍ ଜାଗାନ୍ନିଆ ବଆରଗେ ।

୭ ✨ପ୍ରେଗ୍ ଝେଚେ ମେଂନେ ସିସ୍ଲଂକେ ଆରି ପିତର୍କେ ବାସଙ୍କପା
ଜେ ପେ ସାପାରେନେ ସେନ୍ତୁର୍ ଜିସୁ ଗାଲିଲୀପାକା ଝେ ଡିଂକେ । ମେଂ

☆ ୧୭:୭ ମାତିଉ ୨୭:୩୨; ମାର୍ଚ୍ଚ ୧୪:୨୮.

ଆପେକେ ସେନୁଗ୍ ଡିରକମ୍ ବାସଙ୍ଗବଗେ ପେ ସାପାରେ ଆମେକେ ଦେକ୍‌ରକମ୍ ଆଡ଼ଅରିଆ ପେକେଏ ।”

୮ ଆଡେନ୍ ସେଲମ୍‌ସୁଇଂ ବୁଟ୍ ଖେଆରୁଗେ ଆରି ଇରିଆଡୁଗ୍‌ରେ କାବା ଡିଙ୍ଗ୍ ଖେଆରୁକେ । ମେଇଙ୍ଗ୍ ଜିସୁକେ ଆତିବକ୍ଲେ ବାନ୍ ତାରରେ ଖିର୍ ଲାଗଡ଼ଆରୁକେ, ମାତର୍ ବୁଟ୍ ଇରିଆଃ ଖେ ଲେଃଲମା, ଆକେନ୍ ସାପା ଗଚେକ୍ଲେ ସଡ଼ ସାମୁଆଁ ଆଜାକେ ଡିଗ୍ ଆବାସଙ୍ଗକେ ଶୁ ।

ଜିସୁ ଉଡ଼ିକ୍ଲିଗ୍ ସିସଇଙ୍ଗ୍ କିକେ ଦର୍ସନ୍ ବିକେ
(ମାଡିଡ ୨୮:୯-୧୦; ଜହନ୍ ୨୦:୧୧-୧୮)

୯ ମୁଇଙ୍ଗ୍ ସାନ୍ତାନେ ସାନ୍ତା କେଲମା ଞିର୍ ଜିସୁ ଗୁଏକ୍ଲେ ବାନ୍ ବାରମୁଇଂତର୍ ଜିବନ୍ ତିଂକେ । ସେନୁଗ୍ ମେଁ ମଗ୍‌ଦଲାନି ମରିୟମ୍‌ନେ ଡାଗ୍ରା ନିଜେନେ ସାମୁଆଁ ଆକେକେ । ମୁଇଙ୍ଗ୍ ତର୍ ଜିସୁ ଆକେନ୍ ମରିୟମ୍‌ବାନ୍ ଗୁକ୍ଲିଗ୍ ଗଲିଆକେ ନୁଆଁବଗେ ।

୧୦ ମରିୟମ୍ ଜିସୁକେ କେକ୍ଲେ ଇଡ଼ିଙ୍ଗ୍ ମେଇଙ୍ଗ୍‌ନେ ସିସଇଙ୍ଗ୍ ଡାଗ୍ରା ଖେରେ ଆକେନ୍ ସାମୁଆଁ ବାସଙ୍ଗକେ । ଆଡେନ୍ ବେଲମା ସିସଇଙ୍ଗ୍ ଦୁକ୍ ଚିନ୍ତା ତିଂରେ ଅଁ ଡିଙ୍ଗ୍ ଆରୁକେ ।

୧୧ ମରିୟମ୍ ଆମେଇଂକେ ବାସଙ୍ଗକେ, ଜେ ଜିସୁ ମ୍‌ଲେଃକେ ଆରି ମେଁ ନିଜେ ଜିସୁକେ କେଲେଃକେ । ମାତର୍ ସିସଇଙ୍ଗ୍ ମେଇଙ୍ଗ୍‌ନେ ସାମୁଆଁ ଅବିସ୍‌ବାସ୍ ତିଂଆରୁକେ ।

୧୨ ଆକେନ୍ ଇଡ଼ିଙ୍ଗ୍ ମ୍‌ୟା ସିସଇଙ୍ଗ୍ ଯିରୁଗାଲମ ଖେନେ ବେଲମା ଜିସୁ ମେଙ୍ଗ୍ ଡାଗ୍ରା ବିନ୍‌ନେ ସାମୁଆଁ ଆସୁଏକେ ।

୧୩ ଆକେନ୍ ସିସ୍ ମ୍‌ୟା ଆଣ୍ଡେରେ ଆରି ବିନ୍ ସିସଇଙ୍ଗ୍‌କେ ଆକେନ୍ ସାମୁଆଁ ବାଲିରୁକେ । ତେଲମା ଡିଗ୍ ସିସଇଙ୍ଗ୍ ମେଙ୍ଗ୍ ସାମୁଆଁକେ ସଡ଼ ଆମାନେ ଆରୁକେ ଶୁ ।

ପ୍ରେରିଡ଼ିଂ ଏଡେ ଜିସୁନେ ବାଲିରୁବାଡା
(ମାଡିଡ ୨୮:୧୭-୨୦; ଲୁକ୍ ୨୪:୩୭-୪୯; ଜହନ୍ ୨୦:୧୯-୨୩; ପ୍ରେରିଡ଼ ୧:୬-୮)

୧୪ ଇଡ଼ିଙ୍ଗ୍ ଉଡ଼ିବେଲମା ଗମୁଇଂ ପ୍ରେରିଡ଼ ଉଗ୍‌ଚଙ୍ଗ୍ ଆରୁଡିଂକେ, ଅଃଡେନ୍ ବେଲମା ଜିସୁ ଆମେଇଂକେ ଦର୍ସନ୍ ବିଃକେ । ମେଁ

ଆମେଇଂକେ ମେଇଂନେ ସତ୍ ଆମାନେଃକ୍ଲେ ଆରି ମନ୍ନିଆ ବୁଟ ନସା ବିସୟରେ ବାଲିରବାତା ଡିଙ୍ଗିଆରୁଡ଼ିଂଗେ । ତାଗ୍ଲା ଜାଣ୍ଡେଇଂ ଜିସୁକେ ଗୁଏଚେ ଆରମ୍ଭଇଂଡର୍ ମ୍ଲୁ ଲେଃକେ ତାଗ୍ଚେ କେଲେଃଆରଗେ, ଆମେଇଂକେ ଆକେନ୍ ସିସ୍‌ଇଙ୍ଗ୍ ବିସ୍‌ବାସ୍ ଡିଙ୍ଗି ଆଲେଃ ଆରଗେ ଶୁ ।

୧୫ ☆ବାରି ଜିସୁ ବାସଙ୍ଗକେ, “ସାପା ମଞ୍ଚୁପୁରନ୍ନିଆ ଖେଚେ ନେଙ୍ଗନେ ଏନ୍ ନିମାଣ୍ଡାସାମୁଆଁ ସାପାରେନେ ତାଗ୍ଲା ବାସଙ୍ଗପା ।

୧୬ ମୁଡ଼ି ରେମୁଆଁଇଙ୍ଗ୍ ବିସ୍‌ବାସ୍ ଡିଙ୍ଗିଚେ ଦିକ୍ୟା ରାଙ୍ଗତଆରଏ, ମେଁଇଂ ରକ୍ୟା ବାଆରଏ । ମାତର୍ ମୁଡ଼ି ରେମୁଆଁ ଅବିସ୍‌ବାସ୍ ଡିଙ୍ଗିଏ, ଆମେକେ ଇସ୍‌ପର୍ ମାଲେ କସ୍‌ଟ ବିଏ ।

୧୭ ଆରି ବିସ୍‌ବାସିଇଙ୍ଗକେ ଆକେନ୍ ସାପା ଚିନା ନାଏ ମେଇଙ୍ଗ୍ ନେଙ୍ଗ ମ୍ଲିରେ ଗଲିଆ ଆଡ୍ରା ବିଆରଏ ମ୍ଲି ମ୍ଲିନେ ବାସାରେ ବାଲିର ଆରଏ ।

୧୮ ମେଇଙ୍ଗ୍ ନିଜେନେ ଛି ଅରିଆ ବୁବଃ ସାଃଆରଏ ମାତର୍ ଆମେଇଂକେ ମେଃଡିଗ୍ ଆଡିଙ୍ଗ୍ ଶୁ । ମେଇଙ୍ଗ୍ ବିସ୍ ଡିଗ୍ ଉଗଆରଏ ମାତର୍ ଆମେଇଂକେ ମେଃଡିଗ୍ ଆଡିଙ୍ଗ୍ ଶୁ । ଆକେନ୍ ରେମୁଆଁଇଂ ରଗ୍ ଆଡାତ୍ରା ଛି ବଆରଏ ଆରି ରଗ୍ ସାଃଲେଃକ୍ଲେ ରେମୁଆଁଇଂ ନିମାଣ୍ଡା ଡିଙ୍ଗିଆରଏ ।”

ଜିସୁ ଆଡାତ୍ରା ଖେଚେ /

(ଲୁକ୍ ୨୪:୫୦-୫୩; ପ୍ରେରିଡ୍ ୧:୯-୧୧)

୧୯ ମାପୁରୁ ଜିସୁ ଆକେନ୍ ସାପା ସାମୁଆଁ ପ୍ରେରିଡ଼ଇଂକେ ବାସଙ୍ଗ ଆଃଡାକ୍ଲେ ଇଡିଙ୍ଗ୍ ଆମେକେ କିତଙ୍ଗ୍ ଇନି ତୁଂଖେଆରକେ ଆରି ପର୍‌ମେସର୍‌ନେ ଖଙ୍ଗି ପାକା କଏ ।

୨୦ ଏନ୍ ଇଡିଙ୍ଗ୍ ପ୍ରେରିଡ଼ଇଂ ମଞ୍ଚୁପୁରନେ ସାପାଜାଗାନ୍ନିଆ ଖେଚେ ରେମୁଆଁଇଂକେ ନିମାଣ୍ଡା ସାମୁଆଁ ବାସଙ୍ଗ ବିଆରକେ ଆରି ମାପୁ ଆମେଇଂକେ ସାଇଜ ଡିଂକେ । ମାପୁ ପାର୍‌ମାନ୍ ଡିଙ୍ଗିଚେ ବାସଙ୍ଗକେ ଜେ ପ୍ରେରିଡ଼ଇଂ ଆଣ୍ଡିନେ ନିମାଣ୍ଡା ସାମୁଆଁ ବାସଙ୍ଗବକେ ଆଡେନ୍ ସତ୍

☆ ୧୭:୧୫ ପ୍ରେରିଡ୍ ୧:୮.

। ମାପୁ ଆମେଇଂକେ ଇରିଆଡୁଗ୍ କାମ୍ ଡିଜ୍‌ନ୍‌ସା ବପୁ ବିଚେ ଆକେନ୍
ପାର୍‌ମାନ୍ ଡିଜ୍ ବିକେ । *

* **୧୭:୨୦** ଉଡ଼ିକ୍ଲିଗ୍ ବାଞ୍ଜିର ଗୁଆର ବକ୍ତେ ମାର୍କ ୧୭ ଅବ୍ୟାୟ୍ ୯ ବାନ୍ ୨୦ ଜାକ ଗୁଆର
ଆବକେ ଶୁ ।

lxxxix

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c